








Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5244/A










Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5244/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5244/A






Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5244/A




5244/A

F x K  
16











# D. IASO. NIS PRATENSIS

ZYRICEI MEDICI CLA-  
rissimi de Cerebri morbis: hoc est, omnibus  
fermè (quoniam à cerebro male affecto om-  
nes ferè qui corpus humanum infestant,  
morbi oriuntur) curandis Liber, non tam  
Medicis quàm Studiosis omnibus (quibus  
magna in primis cerebri habenda ratio est)  
apprimè utilis: secundùm ueterum Græco-  
rum, Latinorum, & Arabum, necnon recen-  
tium præcepta, magno iudicio & arte con-  
scriptus, & nunc primùm in lucem ædi-  
tus. Cuius capita post præ-  
liminarem Episto-  
lam recen-  
sentur.

*Cui adiectus quoq; est rerum atq;  
sententiarum Elenchus  
satis copiosus.*

BASILEÆ, PER  
HENRICHVM PETRI.



Μάρκος ὁ ὀππρεθ, εἰνρίχου θε  
ρίχινέρω θε ἀγαπῶθε  
εὐ θοραπύειν.

Δέχο, θε εἰνρίχε ἐμῷ φίλτατε θυμῷ  
ἀγλαὰ δῶρα, ἀ πέμπω θοραπύτικὰ σοί.  
πρατῶς μεγάλη σωδὴ τὰ ἐδωκεν ἱσσωρ,  
ἄξιθ ἡδε μέγας κὴ πολύνλειθ αὐτῷ.  
ὅς πάνυ δίαρ ἀπόλωνος ἱ εἰδώς μάλα τεχνῶ  
εὐκλὺ μὲν κινεῖ κὴ θοραπύει νόσους.  
ἄρδιδὸς φίλῳ ὑγίειαν εἰσὶ βροτοῖσι,  
λυγρὸν ὀλεθρον ἀναιρῶν, κακὸν ἡδὲ ἄμαρ.  
ἔτθ ἄρ' ἐκ πολλῶν ἄλλων ὅσα λέξατ' ἱσῶν,  
παντοδραπῶν τε φαινῶντ' ἐνὶ βραχίονι  
συγγραψας τὰ γε τῆς κεφαλῆς νόσων πόδε  
αἰτίαν ἡδ' εἶδεν θοραπέειν ἔθῃ. (πάντων,  
τῷ δ' ἄρα χρυσάμυνος (τῷ δ' ἄρ' πολυωφελὲς εἶν)  
ἔτε ἔαρθ χαλεπαίνει βιβλίον γε σοί,  
ἀλλὰ μὲν ἄλλοισιν ἅμα συμβολοῖται πολλοῖς  
ῥημαῖοις τε καὶ ἔλλησι καὶ ἀράβισι.



ILLVSTRISSIMO

ET GENEROSISSIMO. D. D.

Ioanni, Marchioni Bergensi, & Do-  
mino de walhain, Iason Pra-  
tensis Medicus,

S. P. D.



A V D temerè mi-  
hi facere uidentur  
ij, Generosissime  
princeps, neq; in-  
epto sanè consilio  
niti, qui clarū ali-  
quem, atq; illustrem, & inter morta-  
les immortalis nominis uirum dis-  
cernunt: cui (ipsi quum sint obscuri  
minusq; cognobiles) suas lucubra-  
tiones religiose cōsecrant: & quod  
longis multisq; laboribus assecuti  
tandem peperere, apud eum ingen-  
ti fiducia sequuti deponunt: qui id  
sua uirtute & autoritate à nequissi-  
mis calumniantiū sannis inconcus-  
sum tueri queat: utq; is in omne  
æuum perenni gloria uicturus est,

† 3



# EPISTOLA

sic secum quoq; trahat, fortiterq;  
 uendicet à tristi obliterationis iniu-  
 ria, quæ sunt ipsius integritati in tu-  
 telam, ac protectionem concredi-  
 ta. Quinetiam nuncupantes ñ, ra-  
 ram ac singularem animi propen-  
 sionem erga eum palàm liquidoq;  
 declarant, quem ceu propitium nu-  
 men hoc ambitus cultusq; genere  
 celebrant. Propositum hoc quum  
 uehementer probarem, & imitatio-  
 ne dignum censerem, mox oculos  
 meos circumqua; obuertere sedu-  
 lus occœpi, & perquàm diligenti  
 speculatione arbitrari, cuiam po-  
 tißimùm hoc meum Opus (non  
 paucis profectò uigilijs exatlatum)  
 dedicarem: in cuiusnam sinum, &  
 exporrectas ulnas curiosus depromerẽ,  
 nimirũ formidolosus metue-  
 bam (heu quia nam tanti cinxerũt,  
 æthera nimbi: quaq; patet cœlum,  
 turbinis horror habet) ne si in lu-  
 cem manusq; hominum sine pa-  
 trono



# DEDICATORIA

trono, sine defensore, sine antistite incogitater prodiret, statim ab insolentibus sicarijs à primo cōspectu interciperetur, qui adactis inclementer cultris uiolēti iugulū peterēt, & ad fœdā internecionē cæderēt. Percussus itaq; nec iniusta conturbatione cōfusus, aspectabilem te præ alijs unū, clarissime Princeps, propter illustrē nataliū splendorē, propter eximiā fortunarū amplitudinē, propter incredibilē morum elegantia, propter mirā literaturæ politioris cupiditatem suspexi, protinusq; delegi, ad cuius aras supplex confugerē, atq; precarer: qui inclytū tuū nomen nostris, non dicā nugis (etenim pluris mihi constant) sed laboribus serijs præscribi patiaris: quo ab eorum flagellatione absterreantur ij, qui eruditis omnibus (ad calūnias & uexationes magis, quàm ad imitationē instructi) petulanter oblatrāt: & ego hos cynicos rictus,



# EPISTOLA

spumantiaq; ora tanti faciam, quanti  
 Gorgoneos uultus sub Palladis ægi  
 de tectus, Doctorum quidem uiro  
 rum censuras, atq; ipsam artem sanè  
 colentium iudicia nequaquā refu-  
 gio: sed iactuosas istas, & amarulen-  
 tas de exculsis compertisq; rebus  
 contentiones abominor, cane pe-  
 ius & angue: quæ ut nullum pror-  
 sus fructum gignunt, sic commoda  
 alioqui ingenia ab utilioribus exco-  
 gitandis nequiter auertunt. Plato,  
 cui quid addam uenerationis gra-  
 tia, non uenit in mentem: dicam ta-  
 men, quando eminentius nihil di-  
 ci potest, diuinus Plato in suis legi-  
 bus cauit, ne cui nouum in populo  
 carmen ædere liceret, quod non à  
 sapientioribus in ciuitate antea pro-  
 batum fuisset. Lycurgus quoq; exi-  
 stimatissimus Tesmotheta, non an-  
 te multitudini suas leges exhibuit,  
 quàm cum præstantissimis uiris del-  
 phos adijisset, ac deum rogasset: an  
 futu



# DEDICATORIA.

futurum esset conducibilius, ac melius Spartæ, ubi legibus, quas ipse condidisset, obtemperaret. Quum autem respondisset Deus, id prorsus salutaris ac commodius fore, tum demum leges suas exhibuit. Itaque, hos nostros labores non statim à scriptoria pluma adhuc mactantes, & interspersis lituris maculosos in publicum proturbo: sed semel, atque iterum purius descriptos, ac temporis spacio confirmatos, extra nidulum (ne parenti credulo imponeret fauor, qui suas etiam Simiolas, quamuis deformes, adamare cogit Simias) extrusi, & sum passus menses plusculos nedum dieculas aliquot peregre uagari, & apud ignotos rigidosq; Aristarchos hospitari, multis precibus ambiens uti male cohærentia, atq; contorta expūgere dignarētur, putidosq; lapsus obeliscis ferire. Cæteros taceo. Vidit eos, ac legit: le-



# EPISTOLA

ctosq; commendatione dignos Lo-  
uanium censuit, non minus qui-  
dem celebre, quàm est ullum in or-  
be gymnasium, uiros habet in quo-  
uis disciplinarum genere præstan-  
tissimos. Hic, ingenuè dicam, quan-  
do pulcherrimum est Athletam pla-  
cere Herculi, & Mimum Roscio,  
non nihil animum dulcis gloriola  
pupugit: nullus erat metus in ijs,  
cornicum oculos ne configerem;  
ne cōtra ueteres receptasq; Catho-  
licæ Ecclesiæ constitutiones quic-  
quā impudentior eblaterassem. Sed  
fieri potuit, qui dum morbis mede-  
ri studeo, alijsq; laboro opportuna  
præsidia præscribere, quibus aduer-  
sus ferocientium morborum æstus,  
tutò certa q; fiducia depugnent, af-  
secutus non fuerim, quod tantope-  
re uenabar: & procul à scopo uel ob  
ignorantiam & ingenij tenuitatem,  
uel ob oscitantiam supinamq; ex-  
pensionem aberrauerim: qui error  
alios



# DEDICATORIA

alios quoque cæcutientes, minusq̃  
 perspicaces, aliqua specie fallere po-  
 tuisset, quum ea in operis exerci-  
 tium missitantes turpiter frustraren-  
 tur: & qui à morbo decumbentem  
 asserere debebant, pro expectata sa-  
 lute funestam mortem adueherent.  
 Profectò ut hæc medicinæ pars, quæ  
 dextrum medicamentorum usum  
 docet, & amœnissima est & utilissi-  
 ma, ita nec ingenti difficultate, nec  
 magno periculo caret: quocirca  
 eam religiose & sancte tractare de-  
 cet, atq̃ omnem mouere lapidem,  
 nullisq̃ uel Aristophanis, uel Cleā-  
 tis, Demosthenis uel lucernulis par-  
 cere, ne quod peccatum incidat:  
 quando tam exiguum esse non que-  
 at, quin in multorum perniciem ces-  
 surum sit. Vt grauius est puniendus  
 & immaniori cruciandus supplicio,  
 qui letiferum uenenū, nō in unum  
 poculum, sed in ipsum fontem con-  
 ſicit, & alueum inquinat, ad quem

† s



# EPISTOLA

omnes bibituri confluunt: sic maxime peccant, quoniam innumeris exitio sunt, qui perperā curationis praecepta tradunt. In nauigationibus, si de uia recta imprudens classis praefectus proram in scopulos obuertat, & e puppi per noctem sublime lumen ostendat, quod cæteri sequantur, se non solum marinis fluctibus absorbendum propinat: sed (ô funestum, ac lachrymabile fatum) omnem reliquam subeuntium cateruam in praesens uitæ discrimen pertrahit. Id cunctis perspectius patuit, quàm quisquam tergiversari audeat, in morbo illo, quem Britannicum, & sudorificum dixerunt, quantam quæso stragem ex unica infelice chartula, quam nescio quis auibus nimium inauspica-  
tis inuulgauerat, perpessi sumus: Galeno quoque non aliud magis in Methodicos & Empiricos bilem commouit & exasperauit, quàm  
quod



## DEDICATORIA

quòd unam omnium hominum curationem esse existimarent. Quum non homo communis, & generalis curetur, sed nostrum quisq; alius uidelicet aliud temperamentum naturamq; obtinens. Artem porro ipsam nemo penitus pernoui: nec Æsculapius, qui in multis recantauit, nec grandæuus Hippocrates ad summum ipsius culmen conscendit. Mortales enim nos multa latēt ac prætereunt: quare eos haud imprudenter facere constat, qui sua elucubrata atq; inuenta eruditioribus obtrudunt, & ante prælum excutienda subiiciunt. Popularis est parcœmia, Plus cernunt oculi, quàm oculus. Hoc consilio & impudentis arrogantiæ notam effugiunt, & si quid postea minus emunctum deprehenditur, huic candidus inuestigator ignoscit, & paratam sanè ueniam meretur. Nunc princeps generosissime, luculentius nostræ erga



EPISTOLA.


ga tuam celsitudinem obseruantiae  
symbolum dare non potui, nec san-  
ctiore munere tuum numen uene-  
rari. Thure quidem litat, ac mola sal-  
sa supplicat, & caua manu porrigit  
aquam, qui non habet aurum. Hoc  
igitur Iasonis tui studium (quod ue-  
hementer exoptamus) qui tanto a-  
nimo in rem literariam flagras, &  
miro fauore in disciplinas, omnesq;  
studiosos afficeris, gratum & acce-  
ptum amplexari digneris, idq; abun-  
de magnum exantlati laboris hosti-  
mentum duxero. Christus Deus  
Optimus, Maximus, dignitatem  
tuam quam diutissime incolumem  
ac florentem seruet. Ex Zyricea  
nonis August. anno qua-  
dragesimoquinto su-  
pra sesquimille-  
simum.




CAPITA LIBRI  
SVNT HÆC

De dolore capitis ex calida intēperie 1	De catalepsi 15
De dolore capitis ex frigida intēperie 2	De uigilijs 16
De dolore capitis ex sicca intemperie 3	De mania 17
De dolore capitis ex humida intēperie 4	De melancholia 18
De dolore capitis ex copia sanguinis 5	De amantibus 19
De capitis dolore ex succo bilioso 6	De ebrietate 20
De capitis dolore ex phlegmatis abun- dantia 7	De uertigine 21
De capitis dolore ex atra bile 8	De notitia comitia- lis 22
De hemicrania 9	De retegētibz epi- lepsiā 23
De phrenitide 10	De morbo infātili 24
De paraphrenitide 11	De curandis epilepti- cis 25
De lethargo 12	De ephialte 26
De uigili comate 13	De apoplexia 27
De caro 14	De memoriæ detrimen- to 28
	De tremoribus 29
	De resolutione 30
	De conuulsione 31
	De retractione oris 32
	De sternutatione 33
















R E R V M  
AC VERBORVM  
INDEX.

CANDIDO ET AMICO LE-  
CTORI SALVTEM.



N tibi candide et amice lector, In  
dicem damus sanè breuem pro co-  
pia rerum ac sententiarum, quas  
hic liber mirè frugiferas habet.  
Ipsum tu accuratè si euolueris, non pauciores  
his obseruatione dignissimas comperies.  
Vale, & nostris stu-  
dijs faue.

\*



# INDEX



Bsynthiũ	agarici probitas	162
ponti-	aiax maniacus	229
cũ 92	Alexander uiso Mene-	
Achilles	lao intremuit	467
Agamēnonē obiur-	algifica cerebro inimi-	
gabat canem	ca	67
217	alteratio quibus debe-	
acrium quibus noxius	tur	3
usus	48	
actus memoratiuus qua	aluus largius ducenda	
parte cerebri fiat	quum uenæ sectio	
pag.	negatur	90
448	amoris rudimenta	295
admirata fixius hærent	amor inter damones	
pag.	pag.	299
459	amoris natales	289
Adrianus imperator	amoris cōditiones	299
pag.	amor geminus	301
442	amoris stipendia	303
Ægyptiorũ olim mos	amor in plures distri-	
pag.	buendus	310
429	amantium morbi solu-	
æer frigidus quomodo	tio	313
utilis	amygdalatũ quo pacto	
132	fiat	4
affectus melancholici	amygdala amara ebrie-	
tres sunt species	tatem arcent	326
268	Anchises amore captus	
affectus animi sequũtur		
corporis temperatu-		
ram		
215		
affinitas est humano spi-		
ritui cum sympho-		
nia		
199		



# INDEX

pag.	295	antisthenis responsum	
anhelitus qualis apople-		pa.	358
cticis	422	apium an comitalē ex-	
animantia ad uomitum		citet	358
propensiora	171	apoplexia fortis non cu-	
animati suum cuiq; est		ratur	426
temperamentū	215	apoplexiæ senes sunt	
animus quomodo spiri-		obnoxij	427
tu utatur	259	apoplectici quare ster-	
anima per spiritū copu-		tant	425
latur corpori	449	apoplectici spumant	
aniles nugæ cōfutat au-		pag.	425
tor	361	apoplexia rectam cu-	
annustrigesimus est gra-		randi uiam inuertit	
dus in habitum frigi-		pag.	428
diozem	375	apophlegmatismi quan-	
anno primo iuuenes fi-		do noxij	82
unt doctores, et ter-		apollinis conuiuiū	317
tio baccalaurei		aquula Saladini somni-	
pag.	448	fera	212
anna bergensis conuul-		aqua pluuiæ in Maio	
sa obiit	514	collecta	234
anthos latius patet quā		aqua cerasorum	364
pro flore rorisma-		arabes reiiciendi non	
rini	187	sunt	12
antigoni festiua filij in-		arcades musica mores	
crepatio	306	cōponebant	235



# INDEX

<b>Aristotelis Problema</b>		<b>auxilia sunt mutanda</b>	
pag.	539	pag.	85
<b>aromata ex cineribus</b>		<b>B</b> <b>Arbaros excusat</b>	
acrius olent	25	pag.	96
<b>artifex uicinas partes</b>		<b>beneficia in senes &amp;</b>	
ne læserit	205	pueros collata pere-	
<b>Assyriorum regis inuē-</b>		unt	447
tum	325	<b>bellerophon melancho-</b>	
<b>astra inclinant animos</b>		licus	269
pag.	219 (445)	<b>bilis facile uacuatur</b>	62
<b>Atheniensium pestis</b>		<b>bilis suo æstu animam</b>	
<b>atlanti somnia non ui-</b>		conturbat	245
dent	420	<b>bocchoris iudiciū</b>	313
<b>authoris excusatio</b>	63	<b>brassica aduersus ebrie-</b>	
<b>authoris industria in cō-</b>		tatem	324
ciliando somno	210	<b>C</b> <b>Acodæmones uolu-</b>	
<b>Auerrhous Galenum</b>		ptarijs sese per-	
irridet	266	lubentes insinuant	
<b>Augusti consuetudo</b>		pag.	318
pag.	495	<b>cæsar epilepticus</b>	381
<b>Auicenna non aspernā-</b>		<b>cæsar multæ memoriæ</b>	
dus	285	pag.	528 (366)
<b>Auicenna de uiribus</b>		<b>ca' igula epilepticus</b>	
cordis eleganter scri-		calumniæ deprecatio	
psit	290	pag.	96
<b>auxilia sunt continuan-</b>		<b>Cambysis regis ebrij fa-</b>	
da	25	cinus	321
		<b>cara-</b>	



# INDEX

<b>Caracallus</b> uetuit anne-		<b>cerebrū bipartitū</b>	100
xa remedia gestari		<b>cerebrum in cellulas di-</b>	
pag.	263	uisum	121
<b>capitis</b> futuræ ad quid		<b>cerebrū geminis mem-</b>	
utiles	29	branis tegitur	119
<b>caput phlegmatis</b> sedes		<b>cerebri præcellentia</b>	
pag.	71	pag.	327
<b>capiti</b> conferētia quan-		<b>cerebrū ne sentiat</b>	352
do danda	93	<b>ceruisia medicata</b>	22
<b>caput</b> quibus non est in		<b>cibus</b> quis humectat	28
frigidandum	115	<b>cibi</b> calorem immodera-	
<b>caprina</b> pellis comitia-		tum placant.	133
lem detegit	357	<b>ciborum</b> quantitas of-	
<b>carus</b> ab attonito dif-		fendit	72
fert	182	<b>Cicero</b> non fuit melan-	
<b>carus</b> differt à uulue		cholicus	258
strangulatu	182	<b>cynicus</b> spasmus	528
<b>cassandra</b> uaticinatio		<b>cyneas</b> memoriosus	
pag.	380	pag.	442
<b>causa</b> turgidi motus	52	<b>Cyrus</b> rex	442
<b>causæ</b> concurrentes ma-		<b>cleomenes</b> amens	229
lum aggrauāt	179	<b>cleomenes</b> ægrotans se	
<b>ceparum</b> copiosus usus		dedit expiatoribus	
lethargum facit	153	pag.	362
<b>cephalus</b> ex prærupto		<b>calor</b> febrilis conco-	
saxo se dedit	317	quit	513
<b>ceratum</b> Galeni	8	<b>columbæ</b> an caput le-	

\* 3



# INDEX.

dant	73	dantia humorū	37
comitialis multinomi-		cor cerebro cōmunicat	
nis	346	pag.	285
comitalem non gignit		corporis uastitas copiā	
cholera	351	sanguinis non signi-	
comitialis differt ab at-		ficat	42
tonito	352	coriandrum dementat	
comitialis cum ætate sa-		pag.	232
natur	374	crates Thebanus, quæ	
comitialis apprehen-		remedia amantibus	
sio non usq; formi-		præscripserit	317
dabilis	379	curatio Grammatici e-	
concoctio medica	53	pileptici	404
concurfus humorū quo		David Saulem cythara	
pacto impediatur		alleuiabat	236
pag.	140	dæmones hominibus se	
concitationes febrium		se aliquando immit-	
somnū pariunt	181	tunt	224
concinntas sonorū ani-		Democritus insanire	
mum reficit	235	existimatus	225
constitutio sicca cura-		Demetrii filium seruat.	
tu difficilis	519	Erasistratus	308
consuetudo in naturam		dextrum & sinistrum	
uertitur	87	in cerebro	473
contraria pro mali mo-		differentia ueræ & no-	
do deligenda sunt	3	thæ phrenitidis	
copia sanguinis est abū		pag.	147



# INDEX.

Diogenis facetum te-		eros neminem auersa-	
sponsum	159	tur	302
diacnicon	80	euacuatio quibus debe-	
diuretica choleram pel-		tur	3
lunt	65	exacte phlebotomatis	
diuino furore perciti		confert somnus	107
pag.	262	ex eisdem sumus, ex	
dermitiones portento-		quibus nutrimur	69
se	175	<b>F</b> acilius arescimus,	
<b>E</b> brietas non ex æquo		quàm humecta-	
omnes corripit	319	mur	32
ebrietatis symptomata		flores insolatum tole-	
pag.	320	rantes	141
educatio mores format		flosculis arefactis lan-	
pag.	221	guida uis	113
empedocles in Ætnam		florum insipientium de-	
insiliit	215	clinat autor	159
empedocles cantu furi-		frigidus humor an tur-	
bundū coercuit	235	geat	58
emplastra refrigerantia		frigidus humor quo pa-	
sæpius mutanda		cto turgeat	59
pag.	206 & 9	furor seipsum nonnun-	
ephiates quibus acci-		quam finit	246
dat	409	<b>G</b> alenus semel dicta	
epicureus porcus	39	sæpius repetit	
epithema capitale mu-		pag.	15
lieris	111	galeni colici doloris cu-	



# INDEX.

ra	55	<b>H</b> Abitus corporis	
galeni factum præce-		transmutabilis	87
ptum est	106	Hamech rex apoplesti-	
galeni unguentum ex		cus	433
Euphorbio	111	hæmorrhoides utiles	
galenus omne tulit pun-		melancholiæ	285
ctum	171	Heliogabali cibus ad-	
galeni candor	285	uersus Herculeum	
galenus quomodo in o-		morbum	382
dium iræ peruenit		herculeus morbus	348
pag.	323	heraclitus melanchdi-	
generosi acriori sunt in		cus	269
genio	70	hippomachi facetiære-	
glandes non faciunt pa-		sponsum	11
ria cum clysteribus		Hippocrati in omni-	
pag.	172	bus nõ successit	140
grammaticus epilepti-		hippocratis sententia	
cus	355	pro Dei uoce babē-	
grammaticus ex ueteri		da	420
uino factus insom-		hippocrates & Gale-	
nis	210	nus antesignani	430
guaiaci decoctum	493	historiarum noticia cō-	
&	109	ducibilis	123
guaiaci probitas	494	historia de prætore apo-	
guaiacum paralyticis		plectico	438
efficax	493	homo plus quàm anima	
		lia cætera sternuit	



# INDEX.

pag.	536	di filius epilepsia in
hominis degeneratio		terijt
pag.	217	Iphis puer præ amore
humores quando tur-		se suspendit laqueo
gent	51	pag.
humores qui crudi	52	317
humores crudi & fixi		insanientes febri carent
non sunt comouen-		pag.
di	53	223
humores tenues cogen-		Iulius itineris securita-
di sunt	54	tem carmine inuoca-
humorum proportio-		bat
nes	100	362
humores frigidi flatu-		iuuenes tyrones in arte
lenti	336	sunt audaces & im-
humida intemperies fa-		pudentes
cile curatur	184	433
humiditas somni causa		L Actuca somnifera
pag.	178	pag.
humani capilli lethar-		200
go antipharma cum		lactis boni notitia
pag.	161	369
I Ndistinctio confusio		Lacedæmoniorum ri-
nem parit	2	tus
ignem gladio ne fodias		322
pag.	62	leduntur sæpius cathar-
Ioannis Matthei à Gra		ticis utētes
		64
		lamia Demetrii scortū
		pag.
		113
		lanifici filius projicitur
		pag.
		124
		lapis lazuli uenenosus
		pag.
		98
		licinij Cicinnæ pater

\* 5



# INDEX.

opio interemptus		materia tenuis facilius	
pag.	209	alteratur	91
liuius drusus elleboro		materia appensa cor-	
sanatus	389	pus alterat	363
lotium tenue candidatis		medicus nō curat de ni-	
signum	56	tore sermonis	11
loca refrigerata auda-		medicus quis felix	22
ces gignunt	220	medicus tres linguas	
lucretius seipsum con-		calleat	12
fecit	307	medicus naturæ adiu-	
lunaticus morbus	348	tor	107
<b>M</b> ania dicitur à lar		medicus non sponte oc-	
uarū matre	213	cidens mundus est	
mania dementat	23	pag.	438
maniae stupenda facino-		medicorum dysphemia	
ra	214	pag.	495
maniaci seipsos confi-		medicus futura nō sem-	
ciunt	215	per præuidet	497
maniaci medico exerci-		medicorum sententiæ mi-	
tato egent	230	nus metuendæ quàm	
maniae obnoxij	228	senatorum	521
maniacis non conferūt		melancholia duplex	259
aquæ sponte nascent-		melancholiæ comoditas	
es	154	melancholicus	(259
maniacis non est teme-		sanguis rutilat	260
rè asidendum	256	melancholicus sanguis	
manduci effigies	323	ethereus est	261
		melan-	



# INDEX.

melancholicis demones	pag.	534
sefe insinuant 262	morbis saepe spontane	
melancholia an ex opa	us, nunquam recrea	
cis uaporibus oria-	tio	170
tur 264	mortalia signa non sem	
melancholicorum phā-	per mors sequitur	
tasmata 270	pag.	521
melancholici Venerem	muliebrem fluxum con	
appetunt 275	citantia	385
melancholiae difficilis	munus imaginatiuæ	
curatio 276	pag.	297
melancholici ingeniosi	munus cogitatiuæ	297
pag.	munus memoratiuæ	
258	munus probi	(298
memoriae præcōia 441	medici	231
memoriae sedes postre-	N Arium utilitas	531
rum cerebriū 444	natura sapiēter nu	
memoria nonnullis per	trit	173
partes perit 445	natura post coctionem	
Mesue non pessimus au	cum morbo decer-	
tor 97	nit	56
milites gelicidio concre	neruis aliquando motu	
ti 191	seruato perit sensus	
myrobalani arefacti in	pag.	470
utiles 281	noctuae oua uini odium	
molliens aluum in prin	gignunt	324
cipio nō offendit 51	noxiam deprecatur	
moriuri non sternutāt		



# INDEX.

autor	11	li	475
nubes uarias imagines		paralysis lente curan-	
reddunt	408	da	483
nulla intemperies sola		pausanias Syrus	470
diu durat	2	pecudū pulmones qua-	
nulla doctrina perfecta		tenus iuuant	144
pag.	287	pedicus morbus	348
numerus omnium bono-		pegani facultas	360
rum causa	223	penelopes uaticinium	
<b>O</b> cciput non fert re-		pag.	538
frigerantia	15	pericles incantationi-	
odoramenta cerebrum		bus auscultauit	362
mirifice iuuant	26	peſsimus hominis ſta-	
odor ſuauiſ animam re-		tus	79
ficat	253	phantasia	438
oleum ebrietatem coer-		pharmacum Galeni ex	
cet	326	ſcilla	377
olla putrida	169	phlebotomiā recusan-	
opij probitas	208	tibus alius ſoluen-	
oreſtes furioſus	329	da	414
os & lingua non certo		phlebotomatus non ſta-	
ſignificant capitis		tim dormiat	103
affectum	69	phlegma nō gignit ma-	
<b>P</b> andius mente alie-		niam	226
natus	257	Philippus à Chamera-	
paralysis nonnunquam		ge curatus	144
ſequitur dolorem co-		philōis medicamē	210
		phy-	



# INDEX.

<b>phydias</b> Minervæ scul		<b>sanavit</b>	248
ptor	526	<b>primus morbus</b>	359
<b>phydiæ artificium</b>	70	<b>prunæ ferro non com-</b>	
<b>phrenitidis generatio</b>		mouendæ	136
pag.	120	<b>pueri procliues ad con-</b>	
<b>phrenitidis species</b>	121	uulsionem	514
<b>phrenitidis nōnunquā</b>		<b>pueros somnolentos fa-</b>	
subito irrūpit	127	cit plenior suctio	
<b>picturæ animales spiri-</b>		pag.	370
tus fatigant	132	<b>pueri exterrendi non</b>	
<b>pilulæ capiti magis cō-</b>		sunt	373
ducunt	63	<b>purgatio iusta</b>	90
<b>pilulæ quo numero ex-</b>		<b>Pythagoras sinapim</b>	
hibendæ	64	laudavit	75
<b>pituitæ tres sunt spe-</b>		<b>pythagorici somnū can-</b>	
cies	180	tu alliciebāt	199
<b>plenitudo</b>	38	<b>pythagoras discipulis</b>	
<b>plethora</b>	38	suis quinquenne silē	
<b>potuum confusio noxia</b>		tiū imperabat	448
pag.	170	<b>Valis Tiresias, ta-</b>	
<b>populus clysmata hor-</b>		lis Hippocrates	
ret	476	pag.	112
<b>præcordiorum tensio</b>		<b>quæ concoquant</b>	53
quid significet	139	<b>quæ uetent, aut iubeant</b>	
<b>præcox ingeniorum ge-</b>		phlebotomiam	50
nus	447	<b>R</b> Emissum & inten-	
<b>præti filias Melampus</b>		sum non mutant	
		speciem	



# INDEX.

speciem	212	socratis cōsuetudo	189
res est dilucide explicā		socrates bibax	319
da	14	somnum interpellantia	
rhabarbarū coctū	97	pag.	159
S Anitas per alimenta		somnus quoties modum	
si fieri queat, est re		excedat	195
uocanda	19	somnū allicit suavis mo	
sacrificus incubone ue-		dulatio	373
xatus	407	soporis terminum sani	
sardonicus risus	504	tas excipit	188
sensus communis cen-		spartiatarum mos	372
tro circuli respon-		species sub finem coctus	
det	296	ræ injiciuntur	21
Seneca memoriosus		spiritus erumpentes ex	
pag.	442	materia densa sunt	
sicca intēperatura pesti		tenuiores	260
ma	103	spiritus quid	296
siccitas aduersa est cre-		sternutationis modus	
mento	304	sternutationis	(531
signa melācholicorum		utilitas	533
ex generatione	86	sternutatio non semper	
simonides Melicus me-		utilis	534
moratiuæ artis inuē		sternutamentū subitum	
tor	442	pro numine habe-	
sine commodo uictu ni-		tur	538
hil præstant commo		sternutatio uiri agrotā	
da remedia	27	tis quid significet	
		pag.	



# INDEX.

pag.	539	temnendus	516
sternutatio egrotantis		uarix excisa C. Mario	
foeminae quid signifi		uentri mouendo (284	
cet	539	Iberica pruna da-	
stultorum infinitus est		mascenis aptio	6
numerus	227	uena frōtis incisa phre	
superfluitates in partē		nesim tollit	138
prius calefactam de		uenerē soporati nōnun	
cumbunt	83	quā somniāt	312
styrax somnos turbulē-		uesticariae admiranda	
tos facit	233	potestas	297
<b>T</b> Empestatē sibi omi		ueterum uestigia sequē-	
natur autor	9	da	429
tempus clysteribus op-		uigilans dormiente cali	
portunū	31	dior	105
terebinthina uentrem		uinum album non cale-	
mollit	489	facit	49
Theophilus phreneti-		uinculū phlebotomato	
cus	122 (313	ne incuria soluatur	
Theognidis historia		pag.	135
timothei Atheniensis		uinum quos facile supe	
uersutia	538	ret	320
tres deae amoris inuictae		uini odiū gignētia	324
pag.	314	uinum defecatū citius	
troianus porcus	169	inebriat	328
<b>V</b> Aleschus à Tharan		unguenta in duplici ua	
ta in arte nō con		se calefacienda	109
		ungen	



# INDEX.

unguentum felinū	492	mabanur	221
unus est morbus, qui fit		usus narcoticorū	114
et qui est factus	128	uuæ recentiores lethar	
uocabulorum studium		gum faciunt	153
infrugiferum	10	uulpes uiua fomētis in	
uocabulis consuetis uti		mittenda	495
tur autor	10	<b>Z</b> elandorū mos	74
urina febrientiū aquo-		zeno in conuiuijs	
sa, pessima	131	hilarescebat	234
uiriles testes non usque		zenonis factum & re-	
infrigidandi	255	sponsum	314
uiribus cuiusq; suus est		zyriceorum industria	
modus	464	in colligenda aqua	
ursorū capita olim cre-		pag.	233

## AD LECTOREM.

Non aliud nostræ præcium spectamus opellæ  
 Quàm quòd candidulas experiatur aues.  
 Tristia non patiar nigricantis uerbera rostri  
 Dilaceranda feræ, nec dabo terga cani.  
 Sunt ungues quibus illatam uim, more leonum,  
 Frustrabor, plagas incutiamq; graues.  
 Nec commentatus castisq; probisq; uiris sum,  
 Quorum iudicijs cuncta subesse uolo.



**D. Iasonis Pra-**  
tensis Zyricei, de Affecti-  
bus cerebri, liber.

Caput primum  
DE DOLORE CAPITIS EX IN-  
temperatura calida.



*Residia doloris capitis ci-  
tra distinctionē literis mā-  
dare, plus noxæ (Galenus  
ait) quā commodi, ijs ad-  
fert, qui in eum modū do-  
centibus fidem adhibent.*

*Non enim omnes ob unan-  
corporis dispositionem, capitis cruciatu infestan-  
tur: uerum uti plures sunt hæ dispositiones, ita  
propria quoq; singularum curatio existit: Nec  
in hac sola, sed re quauis indistinctio cōfusionem  
parit. Nos igitur à dolore, quem calida intempe-  
ratura, absq; ulla humoralis exundantiæ partici-  
patione excitat, sermonem ordiemur. Cuius mani-  
festa, & perspicua indicia sunt: Ardor frontis.  
quem in explorationem manus iniecta præsen-  
tem comperit: caput ipsum ueluti inane apparet,  
nec ullo pondere premitur. Oculi lucem refugi-  
unt, scintillant, faciliq; motu cientur: lingua aspe-*

*Indistin-  
ctio confu-  
sionem pa-  
rit.*

*Signa intē-  
peraturæ  
calidæ*



## 2 DE DOLORE CAPITIS

*ra* est et fauces aridæ, nec Solis, nec ignis uicini-  
 tatē ferunt: ab omnibus quæ uel actu, uel potesta-  
 te calefactāt, prōptissime læduntur: immodicis ui-  
 gilijs fatigantur, et qui somnus obreptat, impla-  
 cidus est et insuauis, nō quietē, sed laborē afferēs  
 fulminū imaginibus, & flāmarū & incendiorū  
 grauis: celeriter quoq; expergiscūtur: in irā pro-  
 cipites ruūt. Galenus existimat fieri nō posse, ut  
 interperies quælibet sola diu duret, quoniā ipsa si  
 bi alterā de necessitate asciscit. Inde factum est ut  
 pleriq; medicorū quatuor tantum esse intempera-  
 turas putarint, easq; cōpositas, simplices ne esse  
 quidē: nēpe calidā, dum humiditates semper absu-  
 mit, parere siccitatem: & frigidam dum nihil im-  
 minuit, incremento humoris quodā modo fauere:  
 quod liquido ex præfatis signis deprehendere li-  
 cet. Quapropter statim, & ab initio diligēter ob-  
 sistendum, ue uitium porrigatur, ac uetustescat,  
 aut in coniurationem secum trahat comitem, eō-  
 que nomine difficilior nobis negotium exhibeat.  
 Originem porrò ducit ex inclementia æstuosi  
 ætheris, aut ex iniuria grauis & indefessi laboris  
 ex assiduo ignis uicinio, ex thermis, ex calorifi-  
 cis edulijs, ex feruidis medicamentis, ex odoribus  
 aromaticis, ambra, moscho, melanthio, ex inedia  
 ex insomnijs, ex ærūosis cogitationibus, & insi-  
 gni mentis perturbatione, alijsq; huius generis.  
 Sed

Nulla intē-  
 peries sim-  
 plex diu du-  
 rat sola.

Causæ intē-  
 peraturæ  
 calidæ.



## EX INTEMP. CALIDA

Sed quauis è causa oriatur (neq; id magni refert, ab ipso enim affectu curatiõis indicatio sumatur) sola indigemus alteratione: euacuatio succorũ abundantiæ debetur: nimirũ inutiles, quũ superfluũt excretionẽ postulāt. Alteratio ob solam iniquæ qualitatis intetionẽ necessaria usurpatur, ut ea per cõtrariæ qualitatis excessum moderetur, id Auicenna sen quarta primi dicebat: Si mala in tẽperatura sine materia fuerit, tũc ipsum temperamẽtũ permutare tantũ debemus: sed si cũ materia fuerit, euacuabimus quidem. Itaq; frigorifica deligemus, quia calidæ dispositioni aduersa, neq; statim quælibet: nõ enim satis est, calido affectui admouisse frigida, sed oportet ut iuxta mali modũ cõtrarietate polleāt. Si quis decẽ numeris recessit ab habitu naturali in dispositionẽ calidiorẽ, causa sanās talẽ dispositionẽ decẽ numeris recedat in habitũ frigidiorẽ: æstuosus imprimis æer euitetur, siue is anniuersarius ex cœlestiũ syderũ incubitu immineat, siue afflatu aliquo ignei uaporis aduehatur, nihil refert, undecũq; aspi- ret, noxius est, quicunq; calefactat. Quod si regio, aut præsens cœli status cõmodũ negat, arte nostra, atq; industria talẽ parabimus, fuscis humi flosculis, rosa, uiola, nymphaea. Quin si patitur morbus, pedẽ copiã licebit efferre, nõnunq; cõsidendum erit, auræ captandæ gratia, irriguis in

Euacuatio  
quibus de-  
betur, ex  
quibus alte-  
ratio.

Contraria  
pro mali  
modo sunt  
deligenda.

Dieta.



#### 4 DE DOLORE CAPITIS

bortulis in uirentibus pratis, in fluminum ripis, salices, iuncos, rubos, cannasq; ferentibus. Sed cauendum sedulo, ne phœbeis iaculis seipsum temere aperiatur, cubiculum gelida irroretur, parietes madidis ex aqua linteis uestiatur, calathi, arātijs, citrijs, cydonijs & huiusmodi fragrantiae pomulis extructi, pensiles disponantur, pro modo semper atq; exuperantia noxæ: cibos auersentur multum calidumq; sanguinem gignentes, quales sunt animalium boni succi, & in ætate media consistentium, præsertim campestrium & ferarum, quum aromaticis speciebus saturantur: præstat quidem elixare carnes adiectis herbulis facultate refrigerandi præditis, lactucis, intybo, portulaca, oxylapatho, atriplice, spinachio, uuis acerbis, omphacio, prunis damascenis, arātijs, citrijs, citrangulis. Quæcunq; assantur, non nihil igneæ qualitatis ab ipso igne sortiuntur. Salubres sunt ex hordeo pulticulæ, ex auena, ex alica & amygdalis decorticatis. Sed illud obseruabile non licet tacitum præterire, uti amygdala priusquam in mortario tundantur, horulas aliquot in aqua pluuiamacerentur. Sunt enim quæ apud nos in pharmacopolijs ueneunt semper antiquæ, rancidæ, oleosæ: qua de causa sanguinem promptissime uitiāt, uentriculum euertunt, febres accendunt, & capiti insigniter officiunt: maceratæ uero ueluti re-  
pubescunt

Amygdala  
tum quo pa-  
cto fiat.



pubescunt, & uires suas postliminio recipiunt, omniaq; uetustatis fastidia expuunt. Quibus non nulli frigida semina (quæ medicis maiora dicuntur) cucumeris, melonum, cucurbitæ & citrulorum compinsunt. Pisces conferunt petrosi, & oua sorbilia. Ex fructibus, cerasa, fraga, mora, persica, pruna, modo citra saturitatem fiat mandendi finis: ceruissiam bibant tenuem, aut album, & dilutum uinum: exercitio nullo fatigantur, nec fricationib. nec balneis, nec sudationibus uexentur: somnus sit prolixus, animi commotiones uehementer offendunt, simul et clamor, uociferatio, tumultus.

Doloris curatio & si non exigat (ut dictum est) plenitudinis detractio, quoniam illum nulla plenitudo efficit, nihil tamē obfuerit, inō & cum ratione (nisi quis proteruiat) cōiunctum uidetur si leuiculum aliquod decoctum, quod soluendo sit, propinamus aut clysterem uentris onera prolificentem (præsertim natura morante) submittimus. Auicenna inquit: quandoq; etiam in ea, in qua uapores non eleuantur, neq; humores mouentur, est necessitas euacuationis, quum timetur in ipsa materie attractio ad locum dolorosum, clyster, potissimum reliqui corporis constitutio quum à capitis crasi minime uariat ualde idoneus. R. hordei. M. i. maluæ, althææ, uiolarie, lactuæ. añ. m. f. seminis maluæ, anethi, foeniculi.



## 6 DE DOLORE CAPITIS

Ventri mo-  
uendo Ibe-  
rica pruna  
magis con-  
ueniunt.

añ. p. j. passularum mundatarum ℥. j. pruno-  
rum Damascenorum numero x. (Galenus libro se-  
cundo de alimentorum facultatibus, Prunis, ait,  
Damascenis à Damasco Syriæ monte, in quo na-  
scuntur, appellatis, prima laus bonitatis magna  
hominum opinione defertur, proxima ijs, quæ  
in Iberia & Hispania proueniunt. Verum hæc  
nullam adstringendi uim representant, Dama-  
scena uerò quædam sanè quàm præclaram. Qua-  
re uentri mouendo Iberica maxime conueniunt)  
coquantur in aqua, & decoctum excoletur ad  
℔. j. & colaturæ addantur olei uiolacei ℥. iij.  
cassie recens extractæ ℥. j. salis. ℥. j. Aut in hunc  
modum: & decocti gallinacei, aut agninæ, seu ui-  
tulinae carnis cum maluis, spinachijs, lactucis, cu-  
curbita ℔. j. sacchari rubri ℥. ij. olei anethi,  
nymphææ, butyri recentis añ. ℥. j. salis pauxillu-  
lum, submitatur. Quod si clysterem horreat æ-  
grotus (id nobis quotidie usuuenit) pro hac for-  
mula lenitium potitet, & hordei, m. j. endiuie,  
cichoreæ, farfaræ añ. m. f. florum boraginis, bu-  
glossi, uiolarum añ. p. ij. seminis maluæ, melonũ,  
anisi, foeniculi añ. p. j. passularum purgatarum,  
tamar Indorum añ. ℥. j. prunorum numero ix. co-  
quantur in aqua, excoletur ad ℔. j. & adde cola-  
turæ succi rosarum rubearum ℥. iij. syrupi uiola-  
rum ℥. ij. bibat quotidie ieiunus uncias quatuor

aut



aut quinque. Assumat interdum fumiterræ deco-  
ctum ex sero bubulo: aut cassiæ fistularis unci-  
am ex aqua farfaræ. Post hæc, aut si nec hisce o-  
pus erit, ad topica confugiendum, & in primis  
oleum roseum capiti infundemus, quod præ alijs  
(autore Galeno) commodissimum præstat, si ex  
crudo oleo, & ex rosis tantum, ac sine frondi-  
bus confectum fuerit: longè etiam melius, si salis  
omnino sit expers. Præter hoc & oleum uiola-  
ceum, & nymphææ, & melinum, & salignum,  
& unguentum populeum haud dubiam opem  
promittunt. Embrochæ uerò salutare adhiben-  
tur ex decocto maluæ, uiolariæ, pampinorum,  
nenupharis, salicis, chamæmeli, meliloti. Quib.  
uerò feruentius, atq; æstuantius caput erit (est e-  
nim, inquit Galenus, lib. tertio de temperamen-  
tis, aliquando summi caloris affectus, quem me-  
diocriter frigidum medicamen adeò non alterat,  
ut refrigerando, densandoq; summum extrinse-  
cus corpus, calorem intrò concludat, ac diffuari  
uetet, indeq; affectum magis accendat) ipsis oleis  
succos refrigerantium herbarum immiscere o-  
portet, portulacæ sedi, solani, cucurbitæ, & acri-  
oris aceti particulam in hunc modum: R. olei ro-  
sati ℥. ij. succi uirgæ pastoris ℥. iij. aceti ℥. f. huic  
stupa intingatur, & districta fronti applicetur,  
ceu splenium utraq; tempora per suturam coro-



## 8 DE DOLORE CAPITIS

nalem complectens. Galenus lib. secundo de compositione pharmacorum secundum locos affectos, refrigerare docet, quaecumq; adhibere uoles, in aqua uehementer frigida collocata, quæ si non adsit, niuem uasculo circumpones. Hoc auxilium, siue humorum, siue uaporum multitudo impetum in caput faciat, præclare auxiliatur: repellit enim eos, infraq; in corpus detrudit. Quod si fontium & niuis penuria sit, necessarium est refrigerare rosaceum per expositionem sub dium per integram noctem, & per obuersionem ad auræ alicuius afflatum, ita demum addere ei semperuiui succum, aut portulacæ, aut lactucæ, aut psyllij, aut polygonij, quin & solani aliquando paululum, & pampinorum uitis, & uuarum immaturarum. Vitanda quæ cum refrigeratione manifestè astringunt: propterea sanè et solani succum, aut nunquam penitus, aut omnino modicè admiscemus. Huiusmodi cataplasma conficiatur: & succi capreolorum uitium ℥. ij. unguenti populei, sandalini añ. ℥. j. farine hordei quantum pro crassamento satis sit, Corymbi quoq; ederæ elixi, et rosaceo contriti: cæratū ex decimo de curandis morbis, magnificè iuuat: cæra eliquata, bis, terue in aqua mundissima perluitur, elotæ effundatur oleum roseum, sensim inspergendo aceti momentum. Sintq; ipsius olei partes

Cæratum  
Galenii.



partes tres, cære ablutæ pars una. Id linteolo in ductum capiti applicetur, sed sepicule renoue- **Emplastrum**  
 tur. Nam ubi applicatum diutius inhæserit, igne refrigeran-  
 is uaporibus saturatur. Quocirca etsi refrige- **refrigeran-**  
 randi facultate præditum sit, ex hoc incōmodo **tia sæpius**  
 affatim calefacit, & sui mora plus nocumenti,  
 quàm adminiculi adfert. Quare detrahatur tem-  
 pestiue, ac demutetur. Quod in omnibus ijs sem-  
 per, & ubiq; obseruandum moneo, quæ tollendo  
 feruori adhibentur, præsertim quum ex eorum  
 longo incubitu corporis pori obstruuntur. Theo-  
 phrastus inquit libro quinto de causis plantarū:  
 quædā aut ex eorū numero quæ cōueniunt, iuua  
 req; possūt, exitio aliquādo sunt, si immodica, aut  
 uehemētiora, aut intēpestiua inducantur. Aliud  
 nec aspernabile: & mucilaginis, seminis psyllij et  
 cotoneorū ex aqua lactucæ añ. 3. iij. in frigidatis  
 Galeni 3. j. unguēti populei 3. f. rosarū rubea-  
 rū, florū nenupharis añ. 3. ij. terræ sigillatæ 3. f.  
 omniū sandalorum añ. 3. j. croci grana vj. cam-  
 phoræ grana iij. aceti modicū. Hic atrā mihi tē **Tempesta-**  
 pestatē, haud uana fortassis formidine, ominor, **tem sibi o-**  
 Heu quam tanti cinxerunt æthera nymbi. **minatur au-**  
 Sunt quidem multorum, qui nunc medicinam fa- **tor.**  
 ciūt, tam teneræ ac delicatæ aures, ut nullū pror-  
 sus sermonem præter illas Atticæ, aut Romanæ  
 linguae lautitias ferant: quibus mea quum oratio



10 DE DOLORE CAPITIS

Vocabulis  
consuetis  
utitur au-  
tor.

Vocabulo-  
rum studiū  
plus mole-  
stie, quam  
utilitatis  
adsert.

facere non potest satis, metus est, ne iniquior ali-  
quis obstrepitet, ac dicam mihi scribat: qui cam-  
phoræ, & non caphuræ dixerim. Equidem le-  
ctor (ne sis nescius) tædium hoc deuorare uolui,  
ut præteritis uocabulis, quæ seplasiarijs recepta  
sunt, & quorum in omnem terram exiuit sonus,  
noua ac recentiora usurpem. Mane quæso, nec  
frontem capera, neu torto ringere naso: uetera  
esse & probatiora non ignoro, sed quibus cum  
nulla mihi nec familiaritas, nec necessitudo, pro-  
pter seculi infelicitatem, quo docilis erat ætas.  
Quæ re excutiendi erant ij, qui Augiæ stabulum  
expurgantes, generose conantur in hac parte tur-  
piter collapsam medicinam restituere. Neq; se-  
mel ij, sed iterum atq; iterum euoluendi erant, &  
quoties nominandum occurreret aut simplex,  
aut compositum medicamentum. Quin studium  
hoc, quia molestiæ multum, & utilitatis parum  
uidebam allaturum, huic perquam libenter me  
subtraxi, est enim artis utilitas, auxilia, quibus  
æger sanetur, inuenire. Inde adeo uetus cantio di-  
manauit: nullus hominum quamuis concinna uer-  
borum nuncupatione seruatus est unquam. Non  
est in eo medicus, qui calamistratam, & specio-  
sam orationem sequatur, sed ut tuto, ac celeriter  
sanet. Non de uoculis aptè coniugandis, nec de  
inculpatis appellationibus laborat. Eo sanè no-  
mine



mine diuinum ingenium nec gloriam, nec amicorum copiam sibi parat, sed tum per amabilis suspi-  
 citur, tum celebris multum per ora hominum  
 uolitat, quum plurimos sua industria seruat. Hip-  
 pomachus Aliptes quibusdam laude efferentibus  
 praelongum quempiam, ac praelongis manibus  
 hominem tanquam ad pugilum certamen idone-  
 um, Sanè, inquit, si suspensa in alto corona esset  
 detrahenda. Sic hi quoq; palmam omnem stadio-  
 dromis præriperent, si in castigata oratione fun-  
 ctio medici consisteret. Quantum porrò flagiti-  
 um æstimabunt critici, & quàm sæuis licentio-  
 ris linguæ uerberibus expiandum uociferabun-  
 tur, si sic dicam: Aqua Cuscutæ obstructionibus  
 iocinoris medetur: & non, Liquor stillaticius  
 Cassuthæ. Nullus equidem sum, totusq; perij,  
 & de laqueo cogitandum erit, quo me pensi-  
 lem faciam, ista si exiguntur. Profectò ridicu-  
 lum mihi habetur, & omnino indignum uiro  
 docto, pariter ac Christiano quenquam hoc  
 nomine incescere, aut sese uenditare. Sed bau-  
 bantes audio:

Hippoma-  
 chi facetū  
 responsum.

Depreca-  
 tur noxam  
 autor.

Ludere qui nescit, cāpestribus abstinet armis.  
 Non ludus hic, in quo uersamur (quod dictū iam  
 est) de nitore, & mundicie sermonis initur, sed  
 de re multis numeris præstantiore: nec quàm ue-  
 nuste, & concinnè quis dicat, sed quàm aptè, &  
 scienter

Medicus nō  
 agit de nito  
 re sermonis



Arabes reij  
ciendi non  
sunt.

Medicus  
quis felix.

Scienter impleat artem, tyrunculos perpendere oportet. Imò si me audiant senem, et iam rude donandum iuuenes Apollinei (loquar ingenue, nec quicquam moror nasutulos istos logiatros) minime auersabuntur Arabes, horumue consecraneos, Sauonorolas, Valeschos, Bartholomeos, nec huius farinae ceteros. In furnaria domo Heraclitus aliquando assidens foculo, prættereuntes clara uoce inuitabat: Introite, clamitans, nam & hic dii sunt. Seplasiarij non rite magis, rectiusue suas illas compositiones (receptas uocant) ex libris holoserico tectis conficiunt, quàm ex puluere & situ, aut diutino detrimento squalidis. Felicem certè prædico, & plurima laude celebrandum, cui magna beneuolentis Dei benignitate, utrunq; contigit, & prospere medicari, & sermonis elegantia præminere, modo eum patienter ferat, nec contumelia insectetur, quæ sine dictionis cultu in artis opere, & quotidianis exercitamentis plurimum præstat. Quædam tamen inter scribendum officinis minus usitata fortassis nobis excidēt. Et si Deus optimus, maximus uitam prorogauerit, de cæteris quoq; hominis partibus scribere constitui: in quo opere, quod nunc incuria pecco, diligentia pensare licebit. Profecto quisquis hoc seculo bonus fieri medicus contendit, tres linguas probè calleat, oportet, Græcam,



cam, Latinam, & Barbaram. Græcos omnis eru-  
 ditionis fontes esse, uno ore uniuersus literatio-  
 rum chorus concinit. Id etiam nos si demus, nihil  
 uetat splendidam quoq; rerum cognitionem bar-  
 baros possidere. Nolo in causa tam uincibili di-  
 sertior uideri. Vnum hoc edicere palam haud me  
 pudet, apud hos efficacissima remedia inueniri,  
 (expertus loquor) quæ nusquam alibi conscripta  
 comperies. Beatus Hieronymus ad Paulinū ait:  
 Apollonius siue ille magus, ut uulgus loquitur, si  
 ue philosophus, ut Pythagorici tradunt, intrauit  
 Persas, pertransiuit Caucasum, Albanos, Scy-  
 thas, Massagetas, opulentissima Indiæ regna pe-  
 netrauit, & ad extremum latissimo Phison amne  
 transmissio peruenit ad Brachmanas, ut Hiarchā  
 in throno sedentem aureo, & de Tantalī fonte  
 potantem, inter paucos discipulos de natura, de  
 motibus syderum, ac cursu dierum audiret docen-  
 tem. Inde per Elamitas, Babylonios, Chaldæos,  
 Medos, Assyrios, Parthos, Syros, Phœnices, A-  
 rabes, Palæstinos reuersus Alexandriam, perre-  
 xit Aethiopiam, ut Gymnosophistas, & famo-  
 sissimam solis mensam uideret in sabulo. Inuenit  
 ille uir ubiq; quod disceret. Iam in patrocinium  
 si ea laudauero, quæ Galenus habet secundo de fa-  
 cultatibus ediliū, in gratiā fortassis autoris tan-  
 ti aliquis erit ueniæ locus. Non, inquit, hæc Atti-  
 ci

Medicus  
 quas lin-  
 guas calleat



Res diluci-  
de explicā  
da.

ci sermonis affectatoribus scribimus: fortassis enim nec lectione quidem dignabitur ipsorum quispian: uerum medicis de artificio non admodum sollicitis. Hi enim (probe scio) Atticam linguam nihilo pluris, quam aliorum hominum aestimant. Quum igitur planissimum, maximeque perspicuum sermonem ijs ex usu magis esse cognoscam, familiaria, usitataque ipsis nomina sum propositurus, quamuis priscis illis Graecorum minimè in usu fuisse arguantur. Et eodem libro capite de peponibus: medici quidam non simpliciter peponè fructum hunc, de quo nunc agimus, sed sicyopeponem uocandum censuerunt. Nos uerò super eiusmodi nihil uolumus esse solliciti, ut quæ ad medicinam nihil conducant: siquidem longè præstat dilucidè explicare res, quam huiusmodi anxia disquisitione doctrinæ perspicuitati tenebras offundere. Tum porrò dicas perspicuè, quum uocabulis maxime uulgo usitatis, seruata illorum significatione uteris. Et in capite de persicis: siue mala persica fructum hunc, siue persica simpliciter, uti nunc Græci, siue alio quouis antiquo nomine uocare uelis, per me licebit, magno quidem ocio id facias. Iam uerò, quod uocabulorum disquisitione utilius est, accipio. Et in capite de punicis. Hos igitur cum suis nominum speculationibus, ac contentionibus missos facientes, fructus



Etus facultatem narrabimus. Eadem diligenter inculcat capite de sorbis, & capite de palmae fructu, de amygdalis & locis alijs sexcentis, ut libro secundo, tertio & decimoquarto de medendi methodo, atq; iterum de differentijs symptomatum, & de causis, & libro secundo de differentijs pulsum, adeoq; multis commentarijs (tam est eorum, quæ iam semel narrauit, frequens recitator) ut planè stultum, ac ridiculum fuerit, ea omnia persequi uelle. Post hæc meminisse oportet, ne algifica, quæ forinsecus inducuntur, in occiput cadant. Siquidem hæc capitis regio maximè oportuna est iniuriæ, quam medicamenta huius generis temere illata conciliare queunt. Refrigeratio sanè per efficacissimam qualitatem inducitur: quare & parui temporis opus, & periculo coniunctum existit. Quum res igitur huiusmodi præsidia poscet, eritq; necessum frigidioribus uti, ea commiscebimus, quæ moderato calore subueniant, & excessum conuenienter suffringant, flores chamæmeli, meliloti, semē anethi, marathri, pulegium, mentam, bethonicam. Dormituri, & à somno mane consurgentes sumant Conseruam rosarū, uiolearum, nenupharis, florum cichoreæ, boraginis, buglossi, diarhodum, diatragacanthū, triasandalum, aut saccharum rosatum. Eclegma conficiatur pro hac forma: & conseruæ rosarum

Galenus semel dicta, sæpius repetit.

Occiput non fert refrigerantia



16 DE DOLORE CAPITIS

℥. j. conseruæ uiolarum, nymphae añ. ℥. f. corti-  
cis citrei conditæ ℥. vj. seminum frigidorum ma-  
iorum mundatorum añ. ℥. j. seminis papaueris  
albi ℥. ij. seminis maluæ, cotoneorum, psyllij añ  
℥. f. camphoræ grana iij. cum syrupo granatorū  
misce. Aliud ℞ conseruæ florum, cichoreæ ℥. ij.  
triasandali ℥. j. rob è ribes ℥. f. concorporetur.  
In hunc usum confert decoctum hordei, & endi-  
uiæ, farfaræ, maluæ, aut cōcinetur potiōes (quas  
iuleb uocamus) ex aquis uiolarum, nenupharis,  
& aliarum refrigerantium herbarum, cum sac-  
charo rosato, uiolato, aut syrupo acetoso: & sub  
inde bibant oxycratum, aquam cū aceto, aut sim-  
plicem. Iuleb. ℞ aquæ lactucæ, cucurbitæ añ. lb.  
f. sacchari rosati ℥. j. syrupi acetosi ℥. ij. Odo-  
ramenta quoq; mirifice conducunt ex rosis, uiolis,  
nymphae, myrto, santalis, caphura, aut spongia  
imbuatur rosacea & naribus ad olfactandum cre-  
bro admoueatur. Aut pomulum (qui nostræ fami-  
liæ uerbis dicam) in hunc modum apparetur. ℞  
rosarum rubearum ℥. ij. florum uiolarum, nenu-  
pharis, myrti añ. ℥. j. boli Armeniæ, omnium san-  
talorum añ. ℥. ij. seminis papaueris albi, seminis  
lactucæ añ. ℥. j. seminis citrei, maioranæ añ. ℥.  
f. camphoræ grana iij. puluerescant, & cū muco  
re tragacanthæ ex aqua rosacea aggregentur in  
formam pomi. Narium pinne intrinsecus linian-  
tur



tur oleo uiolaceo, saligno, papaueris, nenupharis, populeo. Succum præterea trahant lactucæ, scariolæ, maluæ, aut ptisanæ cremorem. Vel conficiatur talis mistura: & olei papaueris, rosati añ. ʒ. j. aquæ uiolearum, nymphææ seu fœminei lactis ʒ. iij. Os & fauces gelida sæpe colluant, ac gargarissent. Solanum, sedum, oxylapathum, lactucæ thyrsum, aut frustulum uinosioris pomi, seu cucumeris, melonisue in ore frequenter uersent, mandantq;.

CAPVT SECVNDVM DE DO-  
lore capitis ex intemperatura frigida.

**F**rigidam intemperaturam capiti negotium facefcere, & doloris nudam esse causam, his ferme indicijs colligitur. Nullo quidem inutilis saburræ pondere premitur, in suarum tamen facultatum functionibus iners, pigrumq; deprehenditur, uti in eo minus uigeant externi sensus, neq; admodum strenuos, alacresq; habeat eos, qui interni uocantur. Frons ad iniectæ manus explorationem planè friget, facies albet, oculi languent, uenæ suffugiunt, exiles arteriarū percussus, algidus ex naribus spiritus, aures exangues, labra decolora, torpidum sermonis plectrum, tardus, rarusq; pulmonum flatus, dormiendi multa

Signa frigide  
intemperaturæ.



cupiditas, & ab ijs promptissime offenduntur, quæ potestatem obtinent frigefaciendi.

*Causæ.* Causa mali multiplex est, aliquibus obuenit ex ambientis aeris infesto rigore: alijs ex crebris natationib. in gelidis aquis. Sūt quos inuadat ex longis desidijs: multos corripit ex diutino usu ciborum perfrigerantium: non paucis hanc iniuriam intulere medicamenta. In noxijs quoq; censetur larga sanguinis effusio, aut calidorum succorum immoderata uacuatio. Nonnunquam uentriculus, hepar, lien uitiū id per consensum affluit.

Vndecunq; accedat curationis ratio admodū simplex est, una uidelicet, calefacere quod præter naturalem habitum refrixit, & in pristinum statum reuocare, quod perperam excidit. Galenus ait primo de Locis affectis: si id ipsum, quod molestat, nihil aliud fuerit, quàm intemperatura, calidam refrigerando, & frigidam calefaciēdo, ilico iuueris hominem. In aere uersentur calido, & lucido: loca fugiant subterranea, uliginosa, horrida, neq; ament fluuiorum, aut inertiu aquarum uiciniam: non ualles opacas, non uiridaria, salices, populos, rubos, herbasq; refrigerantes gignentia. Si morbus ferat, & iuuat auram captare in apricis, animumq; oblectare in ambulatione, in hortulos descendant, amaracum, thymum, pulegium, cunilam, libanotidem, saluiam, lauandulam

*Dieta.*



EX INTEMP. FRIGIDA 19

lam, laurum, huiusq; fragrantiae coronamenta fe-  
rentes. Meminerint manus, pedesq; semper ca-  
lentes habere: nempe in consortium promptissi-  
me cerebrū pertrahunt: ignis in cubiculo, si acer-  
bitas temporis exigit, & potissimum sub diei,  
noctisq; crepuscula, ex lignis siccis, acapnijsq;  
accendatur. In quem usum uitanda sunt humida,  
palustria, uiridia, platanus, salix, populus. Iuuat  
etiam suffitus materiae bene olentis, qualis est sty-  
racis, ladani, caryophyllorum, cinnamomi, mace-  
ris, aliorum quoq; aromatum. Aut pro hoc mo-  
do conficiatur pulvis: & ladani 3. iij. styracis, ben-  
zoi añ. 3. ij. caryophyllorum, iridis, maceris, cin-  
namomi añ. 3. j. sampsuci, thymi, lauandulae, ni-  
gellae añ. 3. j. galliae moschatae 3. ij. cōterantur,  
cuius particula prunis iniiciatur. Cibis utantur  
calorificis, & copiosum sanguinem gignentibus.  
Quin haec sola commodi uictus obseruatio mul-  
tis salutem attulit. Non omnis (inquit Auicenna,  
quarta primi) repletio, neq; omnis malitia com-  
plexionis suo curatur contrario, ex euacuatione,  
& oppositione, imò multoties sufficit multa re-  
giminis bonitas. Quibus ergo per alimenta po-  
test restitui sanitas, frustra, aut dolo malo, nec si-  
ne magna naturae iniuria ex officinis medicamē-  
ta petuntur: siquidem ferè omnia uētriculum lae-  
dunt, prauiq; succi sunt. Quamobrem clarus

Sanitas, si  
fieri queat  
per alimen-  
ta reuocetur.



Asclepiades damnato eorum usu, & posthabita pharmaceutica ad dieticam potius omnem suam curam transferebat: nimirum quæ alunt, et qualitate prædita sunt morbo contraria, fiunt bona pars eius quod morbidum est, & temeratum de-  
 poscit opem: quo subsidio excogitari non potest salubrius ullum. Medicamenta quidem (quum non efficiunt) opportunis suarum qualitatum uiribus adiuuare queunt, sed nunquam se penitus insinuunt, nec agglutinantur in substantiam offensi corporis. Galenus inquit libro octauo de medicamentorum compositione secundum locos, dicimus alimenta cum his, quæ nutriuntur, proprietatem quandam secundum totam ipsorum substantiam obtinere. Quod sanè maximum est in huiusmodi affectibus curandis, qui ex intemperie obueniunt: efficacissima enim in ipsis sunt, ut quæ, præter quod intemperiei medentur, etiã nutrire queant. Vnde & uinũ accommodatissimum est ijs, qui absq; inflammatione, aut erysipilate, aut abscessu, aut calida intemperie laborant: alit enim, & coquit, roborat, putredinibusq; obstitit, & si qua sit intemperies ex humiditate, & frigiditytute tuto et absq; molestia illam persanat: carnes conducunt ueruecina, uitulina, hædina, iunicum, præsertim si speciebus condiantur, cinnamomo, pipere, zingibere, macere, galanga, nu-



*ce myristica, caryophyllis, croco.* Et in hūc usum  
 cibalis puluis pro hac formula cōficiatur: *R. cin-*  
*namomi ʒ. j. zingiberis ʒ. ij. caryophyllorum,*  
*maceris, nucis moschatæ, cubebarum, galangæ,*  
*macropiperis añ. ʒ. ʒ. mentæ siccæ, saluæ, thy-*  
*mi, saturegiæ, maioranæ añ. ʒ. j. cardamomi, cro-*  
*ci añ. ʒ. ʒ. ʒ.* contundantur in puluerem, qui pro  
 gustu satis, aululæ inijciatur, idq; sub finem co-  
 cturæ, ne æstu nimio, ac feruore ipsius aromatica  
 uis exoluatur. Et hac de causa seplasiarij, quum Species sub  
 uocata electuaria fundant, tandem saccharo de- finem co-  
 feruescente, & iam, prope ut cogatur, ac dense- cturæ eijci  
 scat, frigescente, species immittunt. Gallinacei untur.  
 præterea, & perdiculi, phasiani, passeruli, tur-  
 di, merulæ, gallinagines, galeritæ, & cæpestres  
 aliæ, montanæq; uolucres salubribus annume-  
 rantur. Rasis quarto Separatorum sermonum di-  
 xit, pipiones ex proprietate chronicum capitis  
 dolorem gignere, atq; inde fortassis inoluit, ut eo-  
 rum capita tanquam nocentissima pars, in oc-  
 cisione tollantur. Pisces omnino auersentur, san-  
 guinem enim frigidum, ac dilutum gignunt, ca-  
 put offendunt, præsertim grandes, præpingues,  
 glutinosi, & ex inertibus aquis extracti. Quod  
 si uestendi cupiditatem accendat cōsuetudo, aut  
 aliorum esculentorum penuria urgeat, parcè gu-  
 stentur, quo cupiditati fiat satis, aut necessitati



Succurratur: quoq; minus officiant in craticulis  
 assentur substratis roris marini, sampsuchi, thymi,  
 aut ramulis id genus alicuius herbae. Innocentiores  
 sunt ex alto pelago ducti, & saxatiles,  
 & de fluuiis sumpti, in quibus herbarum & ra-  
 dicum copia ad alituram suppetit. Aristoteles li-  
 torales pelagicis praeferre propterea putauit,  
 quia meliore cibo, ac copiosiore potiuntur: passe-  
 res, solea, boca, menulae, molitor, capo, trachina,  
 gobio, lucius, strumulus, barbus. Ex fructibus no-  
 xij sunt, quos horarios, fugacesq; uocamus. Ex  
 oleribus inutilis est lactuca, portulaca, malua, far-  
 fara, scariola, acetosa, spinachium, atriplex. Iu-  
 uant hyssopus, saturegia, eruca, tarcum, pyre-  
 thrum, sinapi. Incommodant lac, caseus, acetum,  
 omphacium, arantiae, limones, citraguli, acidaq;  
 omnia. Vinum confert meracum, rubrum, aut sub  
 rubrum: ceruisiam bibant propè percoctam, nec  
 illam praeueniem & imbecillam, sed polypyram  
 & ex incorrupta fruge concinnatam. Plurimi  
 gaudēt medicato uino (Hippocraticum dicunt)  
 ego ceruisiam medicari soleo puluere, qui & sa-  
 poris gratiam conciliat, simulq; ad bonam corpo-  
 ris ualitudinem facit, pro hoc modo: ℞ zingibe-  
 ris, cinnamomi añ. ʒ. j. radice iridis, baccarum  
 lauri añ. ʒ. iij. maceris, caryophyllorum, nucis  
 myristicae añ. ʒ. ij. piperis longi, cardamomi añ.

5. j.

Ceruisia  
 medicata.



3. j. puluerisentur, et puluis in raro linteolo colli-  
gatus in uas cōijciatur. Exercitia moderata se-  
quantur. Venter quotidie excremēta reddat. So-  
mnus sit mediocris. Affectiones animi, gaudium,  
letitia, securitas, & nōnulla subinde breuioris  
iræ cōcitatiuncula. Curatio, quæ medicamentis Curatio.  
perficitur, solā noxiæ qualitatis alterationē exi-  
git. Auicenna inquit quarta phen primi, dirigīt  
nos ad qualitātē simpliciter eligendā cognitio ge-  
neris morbi: quoniā cognita ægritudinis qualita-  
te, eligendū est medicamentū illi sua qualitate cō-  
trariū, cum morbus suo curetur cōtrario, sanitas  
uero suo simili seruetur. Aluus proluatur enema-  
te pituitosas, frigidasq; sordes detrahente, in hūc  
modū: ℞. hyssopi, satureiæ, pulegij, betoniæ añ.  
m. j. florum chamæmeli, meliloti. añ. m. f. seminis  
anethi, anisi, fœniculi, pæoniæ añ. p. j. polypo-  
dij quercini 3. j. seminis carthami 3. f. coquātur  
in aqua, & excolato addātur olei chamæmelini.  
anethini añ. 3. j. f. diaphœnici 3. vj. salis 3. iiij.  
submitatur uētriculo uacuo. Vsurpēt frequēter  
conseruā anthos (ea est ē floribus rorismarini)  
stichadis, saluiæ, mētæ, diamoschū, diambra, aro-  
maticū rosatū, caryophyllatū, diatriū piperum,  
diacalamynthā, theriacā, mithridatū, zingiber  
conditū, nucē myristicā, inulam, calamū aroma-  
ticū. Aut fiat electuariū p hac forma: ℞ cōseruæ



## 24 DE DOLORE CAPITIS

anthos ℥.ij. conseruæ stichadis ℥.j. zingiberis  
 uiridis, inulæ conditæ añ. ℥.℥. diacinnamomi,  
 diamoschi añ. ℥.iiij misceantur: in ore uersent,  
 dentibusq; molant, ac inde glutiant cinnamo-  
 mum, macer, caryophyllos, carpesium, zedoa-  
 riam: gargarissent decoctum saliuæ, rutæ, pega-  
 ni, sampsuchi, satiregiæ, libanotidis. Auribus in-  
 datur oleum nigellæ, castorei, lauandulæ. Sincipi-  
 ti infundatur oleum laurinum, irinum, costinum.  
 Quod si efficaciore præsidio indiges, eoq; quod  
 magis calefactat, oleis ipsis admisceatur piper  
 euphorbium, sinapi, eruca, pyrethrum, strusbi-  
 um, aut huiusmodi unguentum conficiatur: & un-  
 guenti marciaton ℥.j. olei rutæ, laurini añ. ℥.℥.  
 pulueris caryophyllorum ℥.℥. xiloaloes ℥.ij. mo-  
 schi grana iiij. Aut cæratum pro hac forma: & la-  
 dani ℥.iiij. styracis calamitæ ℥.ij. radicis iridis ℥.  
 j. florum anthos, stichadis añ. ℥.℥. seminis nigel-  
 læ ℥.j. olei mentæ ℥.j. olei nardini, laurini añ. ℥.  
 ℥. terebinthinæ & cære quantum satis sit, sinci-  
 piti applicetur. Quinetiam utiliter adhibetur  
 spōgia ex aqua uitæ madida. Mane experrectus,  
 & a somno consurgens comam horsum, uorsum  
 ac in omnem partem pectine sæpius reducto sar-  
 riat. Calefacta quoq; lintea capiti innixis mani-  
 bus apprimantur, quo beneficus calor interior  
 perueniat. Et magnificè iuuerit, si hæc persumen-  
 tur



tur uaporibus iuniperi, lauri, roris marini, maioranæ, lauandulæ. Quod si impendia non recusatur: & ladani ℥. j. xiloaloes crudi ℥. f. styracis benzoi, mastiches, thuris añ. 3. ij. caryophyllorum, cinnamomi, maceris añ. 3. j. seminis nigellæ, cardamomi añ. 3. f. mentæ, rutæ, thymi, lauandulæ añ. 3. j. galliæ moschatæ 3. iiij. cum mucilagine tragacanthæ ex uino aromatico conficiantur pastilli prunis iniiciendi. Sed ne sis nescius, aromata ex cineribus suffita acrius, diutiusq; olēt, quàm ex igne, ignis eorum uires celerrimè dissipat, & absomit. Nec huiusmodi studium statim intermitendum, assiduitate enim quamuis contumax malum superatur. Vt omnia secundum rationem facilius non licet ad aliud transire (& si non succedat secundum rationem) stante eo, quod à principio uisum est: ita nec prudentis fuerit artificis protinus animum despondere, si non ad prima classica profugiat hostis. Iterum atq; iterum confligendum, donec tua sit Lauinia coniunx. Embrochis præterea locus nequaquam postremus debetur, nonnulla tamen in crebritate noxa timeatur. Impasto caput lauatur decocto saluiæ, rutæ, pegani, lauri, roris marini, & probe exterso sacculus inducatur pro hoc modo. & florum chamæmeli, meliloti, anthos, stichadis añ. p. j. serpilli,

Suffitus.

Aromata  
ex cineribus  
acrius  
olent.Auxilia sūt  
continuāda



## 26 DE DOLORE CAPITIS

pulegij, calamynthæ, sampsuchi añ. p. ʒ. mace-  
ris, caryophyllorū, cubebarū, ligni aloes añ. ʒ. ʒ.  
corticis citrei sicca ʒ. ij. nigellæ ʒ. j. contundan-  
tur, & consuatur sacculus filo reticulatim inter-  
iecto. Pedum plantæ (cuius ego periculum feci)  
inungantur oleo costino, nardino, irino. Naribus  
ad olfaciendum ex calidis odoribus pomulum se-  
picule obtrudatur, dicibile non est, quantum &  
ta mirificè quàm præsens præsidium capiti id adferat. Eorū  
cerebrū iu- enim defluvia, & tenues exuuiæ omnem cauita-  
uant, tem peruadunt, in omnes lacinias persidunt, cere-  
bro quoq; ipsiusq; spiritibus pressius illabuntur,  
pro hac forma: ʒ. origani, pulegij, thymi, rutæ  
añ. p. ʒ. radice iridis ʒ. ij. caryophyllorum ʒ. j. se-  
minis augellæ, maioranæ añ. ʒ. j. galliæ mosca-  
tæ ʒ. ij. puluerisentur, & puluis in serico rubro  
ligetur. Ex consensu si feruet intemperatura, mem-  
brum ægrum primitus restituatur, deinde ad ca-  
pitis uiolatam constitutionem pro modo explica-  
to properandum erit.

## CAPVT TERTIVM DE DOLO- re capitis ex intemperatura sicca.

**S**iccitas quum offendit, plerunq; sceleris atq;  
iniuriæ comitem secum trahit supra natu-  
ræ modum, aut calorem, aut frigiditatem. Perma-  
nere



nere (inquit Galenus) siccitas per se, nequaquam mutata oppositione, quæ ex calido & frigido consistit, nō potest. Quapropter enixiorem operam adhibere cōuenit, priusquam altius figatur. Hæc porro indicant dolor perferibilis, nasus compressus, & nulla ipsius pituita, oculi caui, duri, et aridi, tempora astricta, frons intenta, faciei squalor, paucitas saliuæ, in uigilias præoptitudo, acres animi affectiones.

Signa.

Accidit huiusmodi intemperies, aut ex immodico sanguinis effluuio, aut ex immoderata alui deiectione, aut ex sudoris exuperantia, ex tæbe, ex Venerei congressus crebritate, ex inedia, ex diuturno labore, ex febre, ex solis æstu, ex thermis, ex uersandi consuetudine circa ignem, ex feruidis, & ærumnosi animi perturbationibus, ex his omnibus, quæ arefaciunt, assiccant, torrent, & naturæ humidum depopulantur.

Cause.

Curatio unum habet modum, oppositam uidelicet qualitatem inducere. Sed commodus uictus imprimis præstituatur: nullum enim est tam potens & efficax morborum remedium, quod uires suas explicare potest in salutem, quam pollicetur, si ratione uictus aut non adiuuetur, aut conturbetur. Quare huius rei in sanandis morbis diligens cura habeatur. In aere uersentur humido, & loca fugiant excelsa, radijsq; solis exposita, montes

Sine comodo uictus remedia nihil possunt.



Cibus hu-  
meclans.

montes, montium iuga, littoraq; arenosa. In ual-  
libus, specubus, hypogeis aestuantiore cœlo sese  
abduant. In irriguis hortulis, et circa riuulos, fon-  
ticulos, & dulcium aquarum decursus, si mor-  
bus patitur, animi causa frequentes sessitent.  
His flatus aquilonius est aduersus, & propitius  
auster. Cibus confert succulentus, & multum ali-  
bilis: inedia fugiant, neq; cum fame luctentur. Ple-  
niorē epulationē esse conducit: cibus tamen non  
simpliciter plenior, aptus est humectare, sed qui-  
cunq; nullam habet sortem qualitatem, hoc est,  
neq; acerbam, neq; acrem, neq; salsam, neq; ama-  
ram: caro uitulina, hœdina, ueruecina, pulli gal-  
linacei, perdiculi, phasiani, anserculi. Mala est  
omnis uetus caro, macra, & infumata. Etiā assa-  
fricta uē minus iuuant elixis, quippe quæ assan-  
tur, ac in sartagine friguntur (autore Galeno ter-  
tio de alimentorum facultatibus) sicciora sunt, in  
aqua dulci elixa humidius corpori nutrimentum  
præbent. Pisces sunt innocentes. Nec officiunt  
fugaces fructus, cerasa, mora, persica, modo ni-  
mia ingluuies non pariat noxam. Salubres sunt  
ex oriza pulticula, ex alica, ex hordeo, ex amyg-  
dalis, ex iusculis elixarum carniū, ex deciduis  
& eliquatis guttulis assantis carnis, ex confusis  
pulpis caponis, aut gallinacei pulli. Quinetiam  
recentia oua utiliter adhibentur, sorbilia, mollia,  
caseus



caseus nuperus, butyrum, saccharum. Offendunt  
 secundarius panis, & bis coctus, oua frixa, anti-  
 quus caseus, quicquid aridum, & exuccum est.  
 Vinum bibant tenue, aqueum, aut aquatum, cum  
 siti nequaquam belligerent, sed mediocri uino ma-  
 deat cibus. Prolixiore somno utantur: Veneremur  
 auersentur: exercitia laboriosa uitent. A thermis  
 & sudationibus temperent: natationes in egeli-  
 da, dulciq; aqua conducunt. Animo sint bene af-  
 fecto, gaudeant, & latentur, Spiritus tristis exic-  
 cat ossa.

Medicamentis non admodum uarijs indige-  
 mus: sincipiti infundatur oleum amygdalinum,  
 uiolarum, sesaminum, nenupharis, lini, pingue  
 uitulinum, anserinum, gallinaceum, butyrum in-  
 fulsum, œsypum. Natura solers, & suorum ope-  
 rum sapientissima, in hoc futuras capiti molita ui-  
 detur (uisum tamen uiri caput sine ulla sutura  
 Aristoteles testatur libro primo de natura ani-  
 malium) ut quod medendo cerebro inducitur,  
 promptius penetret, ac in ipsum potentius per-  
 uadat. Profecto nihil æstimandum aliter effice-  
 ret pharmacum, quod extrinsecus adhibetur, nec  
 ullam opem ferret uisceri tam duro operimen-  
 to circumuallato. Proinde sincipitis suturæ (co-  
 ronariam uocant) diligenter infricanda sunt, ex  
 quibus adminiculum expectamus: quippe hæc re-  
 gio

Curatio.

Capitis su-  
 turæ ad  
 quid utiles.



## 30 DE DOLORE CAPITIS

gio non solum qualitates intro transmittit, sed substantiam quoq; medicamenti, ea modo tenuis sit, nec crassior nec glutinosior. Rarissimum hoc in loco cranium esse constat, & cerebri subest plurimum. Auicenna inquit sen prima tertij, tractatu secundo, capite decimo: Quñ uis supra caput ponere aliquid, cuius uirtus penetret ad interiora capitis, non est tibi necessarium nisi anterius cerebrum, sicut sciisti, & ubi est commissura coronalis, & apud sinciput. Apud utramq; enim confidis de penetratione huius, quod penetrat. In posteriore uerò cerebro, quoniam os, quod ipsum continet, est durius illo, nō penetrat illud, quod penetrare ad cerebrum necesse est: sis autē contentus parte anteriori, & tonsione sincipitis. Embrochæ adhibeantur ex lacte recens multo, aut ex decocto hordei, seminis lini, fœnigræci, maluæ, cotoneorum, capitis & pedum uitulorum, agnorum, hædorum. Aut tale concinnetur fomentum: & florum uiolarum m. j. florum chamæmeli, melitoti añ. m. & radices althææ ꝑ. ij. radices liliorum alborum, radices buglosi añ. ꝑ. j. seminis lini, maluæ, fœnigræci añ. ꝑ. coquantur in iure carnis uitulinæ: & iteretur hæc affusio ter, quater quoq; die, manu ab alto instar irruentis imbris, eam infundente. Qualitas hæc difficulter cedit, ac superatur. Minori sanè negotio  
quid



quid arefit, quàm humectetur intrinsecus, statim Facilius q̄d  
 ab irrigatione caput perungatur butyro recenti, arefcit, q̄  
 & circumueletur lana succida, & illota. Aut cæ humectatur  
 ratum conficiatur pro hac forma: & unguenti di  
 altheæ, olei lini añ. ʒ. j. butyri recentis sine sale,  
 medullæ crurum uituli, añ. ʒ. vj. pinguedinis an-  
 seris, gallinæ œsypi añ. ʒ. ʒ. cææ quantum satis  
 sit, naribus tepidū oleū indatur, lini, sesamini aut  
 amygdalinum, per eas quoq; trahant fœmineum  
 lac, aut cremorem ptisanæ, aut aquam sacchara-  
 tam, aut hydromel, gargarissent decoctum hor-  
 dei, glycyrrhizæ, lactucæ, maluæ, passularum, ca-  
 ricarū, iuiuben (zizipha uocant) sebesten (mixa  
 dicūt) mellis uiolati. Ab epulatiōe atq; etiam im-  
 pasti assumant frustulum conseruæ boraginis bu-  
 glosi, uiolarum, nymphææ, aut diatragacanthi,  
 diapenidij sine speciebus, electuarij resumptini.  
 Aut tale eclegma præparetur: & amygdalarum  
 dulcium decorticarum numero xv. pinearum re-  
 centium numero xx. seminum frigidorum mun-  
 datorum añ. ʒ. ij. seminis papaueris albi ʒ. iij. ma-  
 cerentur hæc horulas aliquot in hydromele, po-  
 stea in mortario marmoreo tundantur, & adde  
 passularum mundatarum ʒ. ij. corticis citrei con-  
 ditæ, carniū dactylorum añ. ʒ. j. butyri recen-  
 tis sine sale, mellis uiolati añ. ʒ. ʒ. uitellum recen-  
 tis oui unū, succi glycyrrhizæ ʒ. ij. sacchari can-  
 didi



82 DE DOLORE CAPITIS

didit quantum satis sit, cum pauxillo aquæ rosatæ secundum artem fiat mistura. Aliud & conseruæ florum boraginis, buglosi añ. ʒ. j. conseruæ uio-  
larum, looch ē papauere añ. ʒ. f. diatragacanthi  
frigidi, diapenidij sine speciebus añ. ʒ. vj. saccha-  
ri rosati ʒ. f. specierum electuarij resumptiui ʒ.  
j. concorporentur cum melle uiolato. In hunc  
usum mirifice ualent potiunculæ (quas iuleb uo-  
camus) ex aquis nenupharis, boraginis, buglosi,  
rorissolis, maluæ, lactuæ, caprifolij, cum saccha-  
ro, & luteo recentis oui, aut decoctū hordei cū  
passulis, & glycyrrhiza. Aut districtum ex con-  
tulis seminibus cucumeris, cucurbitæ, melonum  
& citrulorum, aut aqua saccharata, aut hydro-  
mel, & dilucius oxycratum. Pipulas bechicas  
assidue mandant ac glutiant.

CAPVT QVARTVM DE DO-  
lore capitis ex intemperatura humida.

**C**apitis noxa ex humiditate conciliata nō  
apte ex dolore conijcitur, quem hæc qua-  
litas nullum efficit, aut tā exiguum, ut citra gra-  
uius incommodum facile feratur. Quin à medi-  
co, quia magnopere non offendit, nisi tristioris ui-  
tij formido urgeat, contemptibilis posthabetur.  
Paulus inquit, uehementissimi capitis dolores ex  
factiuis



factiuis qualitatibus nascuntur, & potissimum caliditate. Humida qualitas suiipsius respectu, nullum planè dolorem ingerit, nisi caliditati aut frigori, aut humorum copiae adiuncta sit. Huius Signa. tamen nequaquam obscura extant indicia: Principio enim neruorum humectato necessum est uoluntarios motus debilitari, & ueluti in seipso dissolutum hominem uideri. Visus quoq; & auditus non quiescunt, modoq; hoc, modoq; illud sibi uidere, & audire existimant. Nares laeues existunt, frons mollis, palatum uuidum, labia demissa, in soporem procliuitas, memoria fluxa, animus solutus.

Contrahitur hoc uitium ex consuetudine uer Cause. sandi circa flumina, lacus, uliginosa & humentia loca, ex pluuioso cœlo, ex multa niue, ex flatibus Austrinis, ex corporis immotione, ex umbratili uita, ex inerti somno, ex crebris natationibus, ex humidiorē uictu.

Curandi ratio simplex est, neq; alijs præsidijs egemus, quàm contraria qualitate præditis. Humiditatis excessus opposita siccitate sanatur: quapropter humilia & subterranea loca fugiāt, in excelsis & perflatis habitent: aer lucidus & se Dieta. renus his conducit, noxius est uaporibus, & halitibus amnium, fluuiorum, fontium madescens. Victus confert tenuis (famem inquit Hippocra-



# 34 DE DOLORE CAPITIS

tes, humidæ carnes habentibus adhibere conuenit, ingluuiem igitur substringant citra saturitatem. Carnes assæ præstant elixis, ueruecina, bubula, ceruina, cuniculina, leporina, uolucrina, et animantiū iugi labore escam quæritatium. Aues cohortes, et in breuioribus septis saginatæ, quia humidius nutrimentum præbent, insalubres sunt. Auer sentur agninam, uitulinam, & eam, quæ est lactentium porculorum, adeoq; omnium à partura madentium, nec iustam incrementi magnitudinem adhuc implentium. Quod si ueruecinam, bubulamue dieculas aliquot modico sale consperseris, facto parata est uenia: præter enim saporis gratiam, tollendo uitio commodiores erunt. Salis natura & ignea est, & astringens, et egregiè assiccant. Puluis condiendis cibis pro hac formula concinnetur: R. salis candidi ℥. iij. cinnamomi ℥. j. gingeris ℥. ij. coriandri præparati ℥. j. galangæ, cubebarū, maceris, nucis moschatæ, macropiperis, caryophyllorum añ. ʒ. j. cardamomi croci añ, ʒ. f. Pisces præsertim recentes summo opere officere nemo nescit. Quippe qui carnē habent aquosam, sanguinem generant præhumidū. Quum in usum trahuntur, in craticulis torreantur subiectis roris marini, aut sampsychi ramusculis. Salsamenta minus offendunt. Ex olusculis iuuant maiorana, thymus, serpillum, salina, saturgia



# EX SANGVINIS COPIA 41

petroselinum (apium dicunt) lapathum, blitum.  
 Ex fruticum turionibus, rubi, uitis, sentis caninae, asparagi. Ex fructibus arantias, limones, citrangulos, mala punica, citrea, pruna, oleas, capparim. Ex liquoribus acetum, & omphacium.  
 Pane uescantur secundo, & bis cocto, ptisanam bibant, aut tenuem ceruisiam, aut aquatius uinum. Hippocrates libro tertio de Ratione uictus in morbis acutis: ubi timueris ne uel caput uehementer grauetur, uel mens tenetur, tū uel aquam uel aquosum uinum, & album, & haudquaquā odorum exhibere oportet, deinde paulum aquae superbibere: sic enim uini potentia non tam facile caput, & mentem attinget. Galenus Aphorismorum secundo, commento undecimo, Aquosa, inquit (sic autem nominant alba, & tenuia) sicuti aquae similem formam habent, ita etiam uim, quare urinam cient, & minimē nutriunt. Crassa & colore rubea plus alimenti habent. Inest autē eis citissimē corpora implere. In aere uersentur lucido, sereno, in frigidum ac siccum uergente. Ex flatibus inimicus est auster. Vitent utriusque sideris radios. Exercitia auersentur, nisi corpus inedia, & congrua uacuatione inanitū fuerit, tum & balneis, & frictionibus, & ijs, quaecunq; exhalationem conciliant, locus erit. Venter quotidie onera reddat, assuefacientibus nobis ea cele-



42 DE DOLORE CAPITIS

Curatio.

Corporis  
uastitas nō  
significat  
sanguinis  
copiam.

riter pessum impellere, quæ assumpsit, priusquā  
in uenas digerantur. Parcè dormiant, duriter cu-  
bent. Animum nonnihil exasperet suspensio, am-  
biguitas, & in rerum cursu nonnulla offensio.  
Curandi ratio uenæ sectionem postulat, hæc (au-  
tore Auicenna) uniuersalis est euacuatio, ac ple-  
nitudinē tollit. Quapropter si hoc malum foemi-  
nam corripit, cui menstrua profluuias non pro-  
bè excernitur, & conspirabiles loci offensam ex-  
asperant: aut si uirum inuadat, cui præter consue-  
tudinem hæmorrhoides supprimuntur, statim et  
ab initio iuxta malleolum uena fodiatur, qua par-  
te plurimus dolor infestat. Sanguinem detrahit  
pro exundantiæ, & roboris modo. Intētio quan-  
titatis euacuationis non solum humorem respicit  
superabundantem, sed & uires hominis, qui de-  
bet euacuari: deinde cruribus palustres testudi-  
nes, aut cucurbitulas affigito. Quod si hac neces-  
sitate non urgemur, & turgeant uniuersi corpo-  
ris uasa (non ex uastitate, & pinguitudine cor-  
poris, sed ex tensione & amplitudine uenarum  
plenitudo metitur) quæ est in flexura dextri bra-  
chij media uulneretur: mox ab hac humeralis.  
Hæc recta & è regione procedens certam, &  
præsentem opem pollicetur. Tum scapulis alti-  
us scarificatis cucurbitulæ iniiciantur. Quod si  
immota persistit affectio, neque hisce detractio-  
nibus



regia, ruta, tarcum. Vitent lactucam, portulacā,  
 blitum, spinachium, atriplicem, intybum, pulti-  
 culas quoq; & sorbitiones, & iuscula, & offu-  
 las liquidiores. Ex fructibus utantur oleis ē mu-  
 ria, & cappari ex oxymelite. Siti nequaquam le-  
 nocinentur, nec omnem statim bibentes expleāt.  
 Vinū candidum, aut subrubrum, uermiculumue,  
 mediocriter acerbum potent. Impastis exercitia  
 auxiliantur. Vigiliæ somnum excedant, neq; sa-  
 turi protinus ad culcitram deproperent. Animi  
 affectiones adacuant. Ab epulatione, quo cibus  
 in imum ventris cogatur, medicamentum assu-  
 mant, quod ex succo malorum cotoneorum, aut  
 ipsis malis elixis, & per cribrum districtis confe-  
 citur (diacydoniten uocant) quin hoc remedio  
 cauetur, ne uapores sursum, contracto stomacho,  
 in caput ferantur. Tragema in hunc usum, & pa-  
 nis bis cocti ℥.ij. diarhodi abbatis, aromatici ro-  
 sati añ. ℥.j. diatriū piperei ℥.℥. coriandri prepa-  
 rati ℥.ij. commisceantur, cuius cochlearium à pa-  
 stu capiat. Mane experrecti, & à somno consur-  
 gentes manus lauent decocto frondium lauri, iu-  
 niperi, rorismarini. Ipsum caput ebeneo pectine  
 seu guaiacino multum diuq; pectant, & calefa-  
 ctis linteis in ruborem usq; defricēt, uti calor in  
 eo excitetur, qui paulatim in auctus assiccare que-  
 at. Postea irinum oleum, aut costinum aut lauri-



36 DE DOLORE CAPITIS

num infundatur. Vnguentum pro hac forma ido-  
neum. & unguenti marciati ℥. j. olei irini, nardi-  
ni, lauandulæ añ. ℥. f. xilaloës ℥. ij. caryophyl-  
lorum, maceris cubearum añ. ℥. j. cææ quan-  
tum satis sit. Quod si displicet unguentum, neq;  
libet caput oleo imbuere, sacculus apparetur ex  
pulegio, calamyntha, betonica, saluia, origano,  
ruta, thymo, serpillio, sisymbrio, floribus anthos,  
stichadis, ex milio torrefacto, ex sale tosto, ex  
macro fursure, ex cinere cauliū brassicæ, aut sar-  
mentorū uitis, ex guaiaco in scobem lima, ser-  
ræue comminuto, in hunc modum: & foliorum  
betonicæ, lauri, saluiæ, maioranæ añ p. j. cinna-  
momi ℥. f. nucis myristicæ, cubearum, lignia-  
loës, caryophyllorum añ. ℥. j. styracis, ladani, ben-  
zoi, sandaracæ añ. ℥. f. seminis sinapi, erucæ, car-  
damomi añ. ℥. j. in serico rubro fiat sacculus. Nec  
in balneis, nec in embrochis ulla est utilitas, nisi  
salis aut nitri uires referant. Gargarissent deco-  
ctum rutæ, cunilæ, nucis moschatæ, pæoniæ, ca-  
lami odorati, agallochi, inulæ, iridis. Sumant cō-  
seruam anthos, stichadis, mentæ, melissophylli,  
zngiber cōditum, diambram, diamoschum, dia-  
carpesium, diatriumpiperum, theriacam, mithri-  
datum. In ore crebro uersent ac mandant cube-  
bas, caryophyllos, macer, cinnamomum, zedoa-  
riam. Odorent nigellam aut ex aceto sandaracā,  
aut



aut galliam moscatam. Suffimenta ex secundo ca-  
pite petantur.

CAPVT QVINTVM DE DO-  
lore capitis ex sanguinis copia.

**Q**Vum sanguinis copiam capiti dolorē con-  
ciliare dicimus, non aliud innuere uolu-  
mus, quā ad auctam plenitudinē aut excrescen-  
tes humores ipsius doloris esse causam. Hanc lo-  
quutionem ex commentario Galeni de plenitudi-  
ne mutuauimus, in quo sic habet: Non potest fie-  
ri, tam exactē sanguinem in uenis interim con-  
tineri, ut nihil bilis, uel pituitæ, uel serosæ saniei  
inferatur. Vnde nos in superioribus idem acci-  
pi uoluimus, siue humores, siue sanguinem abun-  
dare diceremus: quippe immixtus, & ab alijs hu-  
moribus syncerus sanguis nunquam in uenis cō-  
prehenditur. Demonstratum est alibi de mixto  
nihil referre, humores an sanguinem appelles,  
non tamen qualibet, sed mediocri quadam men-  
sura alijs ei admistis, idq; in animalibus naturali  
habitu præditis. Vniuersis enim in symmetria  
adauctis cum sanguine, quem excellentiæ uoca-  
bulo notamus, idem significat humorum nomen,  
nullumq; discrimen est, humores auctos, uel san-  
guinem dicere: quum oratio innuat humores, id-  
ipsum omnino sibi uelle quod est, pro ueteri por-  
tione abundare.

Copia san-  
guinis ex  
humorum  
abundantia



**Signa.** Quibus ergo dolor ex affluentia sanguinis, seu humorum inaueta multitudine oritur, his prima ipsius capitis regio, sinciputue supra reliquas partes acrius flagellatur, facies tumidula sufflatur, & rubore florulento perfunditur: auditus hebescit: oculorum quamuis minutæ uenulæ in conspectum prominent: temporū uasa grandes pulsus ædunt: frontem leuis, suauisq; prurigo clementer morsicat: oris saliuæ dulcescit: ad corporis commotiones pigri desident: in sopores prompti: diutius uigilare nequeunt: somnia uident amœna & oblectantia, nisi admodum magna incumbat oppressio, & in qualitate uitium ebulliat: quod tam immoderatum, atq; ingens feruere posset, ut non plenitudinis uocabulo, sed cacochymia ipsa exundantia censeretur. Quemadmodum in hac succorum confusione, quum sanguis supra suam proportionem, & quam seruare debet iustitiæ, non ponderis, æqualitatem, abundat plethora dicitur, quam in hoc quoq; capite cōprehensam uolumus.

Plenitudo  
cacochy-  
mia pletho-  
ra.

Cæterum exundantiæ, ac plenitudinis causæ multiplices sunt: quas inter primaria laudatur, ipsius corporis interna constitutio: nempe si uacat, cœtum mortalium ob oculos ponere, plurimos sic affectos ex primigenia temperatura comperies, ut ex quouis esculento, & quamuis negligentiore



# EX SANGVINIS COPIA 43

nibus minuitur, ē proximo deriuandus est sanguis, & in angulis narium uenæ concidantur, aut etiam ea quæ in media fronte tenditur. Hæc à reuulsione tempestiua nunquam me sefellit. Galenus ait, quando calidus sanguis, ac uaporum plenus ad caput descendit, huic uitio saluberrimum excogitatum est medicis remedium, ut ipsa percutiatur arteria. Oportet autem derafo capite curiose tangantur, tum quæ retro, tum quæ secundum utranque aurem sunt arteriæ. Præterea quæ in fronte, & quæ in temporibus sunt. Quarum quæ calidiores apparebunt, ac maiorem quàm aliæ exhibentes pulsum, hæ sunt incidendæ. Post hæc curanda est aluus, ut cita sit, & epulationi quotidianæ respondeat. Quod si astrictior fuerit, neque excrementa sponte reddiderit, statim submisso balano irritetur, aut enemia infundatur, pro hac forma: ℞ mercurialis, betæ, maluæ, althææ añ. m. j. seminis maluæ, lini añ. p. j. prunorum numero x. passularum mundatarũ ʒ. ij. seminis anisi, foeniculis añ. p. f. folliculorum sene ʒ. j. coquantur in aqua, et excolato addantur olei uiolarum, anethi añ. ʒ. j. f. cassiæ recens extractæ ʒ. j. salis ʒ. iij. Aliud: ℞ fumiterræ m. j. boraginis, buglossi, lapathi añ. m. f. florum chamæmeli, meliloti, seminis, anethi añ. p. j. passularum mundatarum, m. j.



#### 44 DE DOLORE CAPITIS

m. j. caricarum numero vj. polypodij quercini  
 3. j. seminis carthami 3. iij. furfuris m. j. coquan-  
 tur in iure carniū, & colaturæ immiscean-  
 tur olei, butyri recentis, mellis despumati añ. 3.  
 j. salis 3. ij. subiiciatur stomacho uacuo. Syrupos  
 capiant assiccantes, & refrigerantes, quales con-  
 ficiuntur e succo malorum granatorum, aran-  
 tiarum, limonum, citrei, acetosus simplex, oxy-  
 saccharum. Quinetiam hos distillatis aquis com-  
 miscere licebit, et iuleb uocatas potiones parare.  
 In hunc usum utiles sunt endiuia, scariola, aceto-  
 sa, scabiosa, fumaria, lupulorū, cuscute, cicho-  
 rea, malua, boraginis, buglosi, absinthij, farfarae  
 foeniculi, pro hoc modo: & aquae fumiterrae foeni-  
 culi añ. ℥. j. syrupi, capillorum Veneris, oxysac-  
 chari cōpositi añ. 3. ij. Aut aposema cōcinnetur  
 huiusmodi: & florum boraginis, buglosi, uiola-  
 rum añ. m. j. florum cichoreae m. 4. rosarum ru-  
 bearum p. j. seminis melonum 3. ij. seminis endi-  
 niae, scariolae, acetosae añ. 3. j. absinthij Romani,  
 centauri stichadis añ. p. j. coquantur & colatu-  
 ræ ad ℥. ij. adde syrupi (serapij dicunt) acetosi  
 simplicis 3. iij. e Bizanzijs. 3. ij. post hæc propi-  
 netur purgatiuum: cassia si stularis, manna, ta-  
 mar Indorum, myrobalani, diaphoenicum, dia-  
 prunum, diacatholicum, electuarium lenitiuum.  
 Aut dilutum pro hoc modo: & rhabarbari 3. iij.  
 agarici



## EX SANGVINIS COPIA 45

agarici ʒ. ʒ. epithymi ʒ. j. maceris, spicæ añ. gra-  
 na vj. macerentur in uncijs tribus aquæ absin-  
 thij, & duabus succi fumiterræ, expresso adde  
 cassiæ recēs extractæ ʒ. ʒ. diagridij grana ij. Aut  
 ʒ. summitatis lupulorum m. j. capnij m. ʒ. absin-  
 thij Romani p. j. prunorum numero ix. passula-  
 rum purgatarum ʒ. j. seminis anisi, marathri, añ.  
 ʒ. ʒ. coquantur, sub finem cocturæ adijce follicu-  
 lorum senæ ʒ. ʒ. huius excolati ʒ. iiij. immisce  
 diaphœnici ʒ. ʒ. salis gemmæ grana ij. Aut pilu-  
 læ exhibeantur e hiera, assayeret, aureæ. Deinde  
 offerantur conserua rosarum, nenupharis, flo-  
 rum cichoreæ, cortex citrei, arantiarum, myro-  
 balani conditæ, diarhodum, diamargaritum frigi-  
 dum. Aut huiusmodi eclegma: ʒ. conseruæ rosa-  
 rum ʒ. ij. conseruæ capillorum Veneris ʒ. j. ra-  
 dicis inulæ conditæ, corticis citrei conditæ añ.  
 ʒ. ʒ. specierum diarhodi abbatis ʒ. j. concorpo-  
 rentur. Capiti inducatur oxyrhodinum, aut me-  
 tinum oleum nec sine aceto. Quod si æstuantius  
 fuerit cum succo cedere, uirgæ pastoris, planta-  
 ginis, mucilagine psyllij, & cinere cornu cerui.  
 Sed hæc post uenæ sectionem, aut spontaneā san-  
 guinis uacuationem, quæ persepe optatam salu-  
 tem attulit. Galenus inquit commento tertio in li-  
 brum de morbis uulgaribus tertium: ne fouere  
 quidem, & lenire ante corporis uacuationem  
 partes



## 46 DE DOLORE CAPITIS

partes dolentes licet: nam sæpe pars affecta omnino ob ea remedia allicit humorum affluentiam. Inde conferunt oleum anethinum, chamæmelinum, susinum, & ea quæ discutiunt. Sacculus appareatur ex floribus chamæmeli, meliloti, stichadis, maiorana, anetho, betonica, milio, fursure, sale, cinere, caulium brassicæ. Aut & florum camomillæ, meliloti, rosarum rubearum añ. p. j. milij, salis torrefactorum añ. m. f. cineris sarmentorum uitiū p. ij. corticis citrei siccæ, agallochi añ. 3. j. fursuris macri. p. j. fiat sacculus cancellati interfusus, irrigationibus caput perfundere haud admodum tutum fuerit.

## CAPVT SEXTVM DE DOLORE capitis ex succo bilioso.

Signa.

**Q**Uum capitis dolorem bilis ingenerat, is dolor acrius sensum lancinat, & altero quoque die (qui est huic humori ad agitationem magis proprius) acerbior incrudescit. Vogens est ætas, facies flauet, oculi pallent, lucem refugiunt, eorumque radices, ac interiores tuniculæ tristius affliguntur, potissimum affectus si insideat membranulis cerebrum contegentibus, si uero in pellicula, seu carne cranium extrinsecus complectente hæreat, secus habet, nares stringuntur, & feruidum



# EX SANGVINIS COPIA 39

gentiore uictu belle proficiant, paruo in discrimi-  
ne habētes, atró ne an cādidó pane uescantur, nō  
carne magis q̄ pisce, nec olere minus quā lacte  
pinguescunt: quicquid obieceris, promptissime  
in alituram transmittunt, obesi, pandi, uentricosi  
prouerbio negant locum: in omni copia inesse in-  
opiam: contrā uidere est alios tam iniqua crasi  
et uitiosa habitudine præditos, quos etsi magno  
studio, et exquisitissimis epulis quotidie exple-  
ueris, nihil tamen effatu dignum præter operæ  
et impensæ iacturam, lucrifeceris. Semper exan-  
gues, tenues, squalētes emacrantur: nec ijs (quod  
est in parœmijs) oculus regis pascit equū. Facit  
autem, ne pascatur, constitutionis malignitas. Il-  
lis porrò si pro genio dulciter uiuere permitti-  
tur, et edulij huberes succos gignentibus affluen-  
ter frui, quis dubitabit de aggestæ plenitudinis  
æstu? His si accedat solitæ exercitationis inter-  
missio, et sedentaria, umbratilisq; uita, consue-  
tarum uacuationum suppressio, animi profunda  
securitas, eximium uidebis Epicuri de grege por-  
cum. Contingit autem hanc humorum turbam  
in regione capitis ebullire: quoties ipsum caput  
aut ex aliqua mentis agitatione nimium incaluit,  
aut ex uicinia ignis, soli sue ardore iniuriam acce-  
pit, aut ex ualida commotione quassatum est, aut  
ex acribus calidorum odoramentorum fumulis

Primigenia  
temperatu-  
ra habitus  
torporis est  
causa.

Epicureus  
porcus.



#### 40 DE DOLORE CAPITIS

inferbuit, aut ex multis meracioris uini, uaporibus incanduit, aut quum ex huius generis quopiam conturbatur.

Dieta.

Ratio uictus in frugalitate & temperantia consistit, ut quos nimia saturitas offendit, tempestiva inedia sanet. Magna in eo est semper, nec officium id ignaua suspendit, quin pro ingestorum modo quantum ualet, coctionem, distributionem, sanguinis generationem operetur. Subtrahendum ergo huic benignae curatrici, in quo tam pulchre luxuriatur, & nobis sedulitate peccat, detrudere quidem oportet de nutrimenti, uel quantitate, uel qualitate, uel de utraq;. Qui celeriter grandem abundantiam coaceruant, his de utraque demptum esse conducat: qui tardius, ijs alteram castigasse sat erit. Quo nam modo in quantitate id fiat, neminem latet, de qualitate minuitur, quum exigui nutrimenti cibus apponitur. Plenior igitur epulationem fugiant, neque in multam noctem pergracentur, geniumque curent. Carnes nequaquam attingant uitulinas, boedinas, ueruecinas, gallinaceos pullos, capos, phasianos, & generis huius succulentiores, quae corpori multum adiiciunt. Auiculas edant campestres, et montanas, quae iugi labore escam quaeritant: assis utantur, magisque frictis, tostisque: pisciculos commesse licet, & ex olusculis, maluam, spinachium, petroselinum



uidum spiritum proflant, excrementis uacant, ob  
 amarescit, lingua sublutea squalet, fauces inare-  
 scunt, corpus tenue est, ac macilentum, uita soli-  
 cita, animus præceps, ferox, temerarius, uigilijs  
 multis distinentur, & si quando dormiunt, occa-  
 sione facili expergiscuntur. Galenus ait, calidi  
 succi & mordaces, uigilias inducunt, etsi quis so-  
 mnus obrepit, is uarijs imaginibus turbatur, sic  
 ut statim interpelletur. Iam hanc syndromen, &  
 signorum congeriem haud est necessum semper,  
 & ubiq; in omni dolore, quem bilis capiti conci-  
 liat, concurrere, sed ex his multa, aut primaria  
 si coeant, sat erit.

Malum ipsum concitat, aut præseruida tem-  
 poris constitutio, aut immoderatus labor, aut *Cause,*  
 thermarum frequentior usus, aut longa, & quo-  
 tidiana uicinitas ignis, aut uictus calidior, & al-  
 liorum, ceparum, sinapis, erucæ, aliorūq; aduren-  
 tium crebrior esus: cordis quoq; aut hepatis infä-  
 mis intemperatura, aut acris fames, aut peruigi-  
 lium, aut uehemens ac diutina mentis intentio,  
 aut aliud quicquam incendere natum.

His frigidus & humidus aer salubris est. Sen-  
 per enim sectanda est in qualitatibus contrarie- *Dieta,*  
 tas. Galenus ait libro tertio de Curandis mor-  
 bis: inspicere etiam conueniet circundantis nos  
 aeris temperiem. Nam ueluti medicamentum  
 quoddam



48 DE DOLORE CAPITIS

quoddam is quoq; corporibus nostris incidens, ubi immodicus calore aut frigore est, sanationem moratur. Quocirca si ob æstuarii temporis, seu regionis inclementiam uoto minus respondeat, omni industria, ac cura eum committigabimus, spargentes per cubiculum salices, iuncos, rosas, uiolas, nymphaeam, pampinos, aliq; germina, quæ humectent, & frigesfaciant: elixis potius, quàm assis utantur, nec quicquam aromatum illi cio commendatum attingant. Sed cibos suos condiant lactucis, spinachijs, oxalide, portulaca, malua, boragine, buglosso, uuis acerbis, omphacio, aceto, arantijs, citrangulis, prunis. Galenus ait libro secundo de Alimentorum facultatibus, capite ultimo: Acrium omnium assiduus usus est euitandus, præsertim ei, qui naturæ est plus æquo bilio sæ. Quoniam quidem solis pituitosum humorẽ, aut crudum, & crassum, & glutinosum colligentibus huiusmodi edulia sunt accommodata. Ex piscibus fugiant magnos, præpingues, & ex inertibus aquis pro tractos. Præstant saxatiles, qui candida, & friabili carne sunt. Ex pulticulis commodissimus est ptisanæ cremor, qui refrigerare, ac humectare, & sine siti seruare hominem potest. Proxima est ex alica, cui paululum aceti iniectum sit, & inspersa aliquot puniceorum granula. Aut aquæ à multa ebullitione sufferuidæ luteum recentis

Acrium usus quibus noxijs.



centis oui incutiatur, infriato pane & addito  
 saccharo, & saporis gratia omphacio concilia-  
 ta sorbeatur. Auersentur lac, lactaria, bellaria,  
 & quaecunq; melle uitiantur. Inedia ijs aduersis-  
 sima est, nec cum siti decernant. Ceruisiam bibāt  
 tenuem, aut ptisanam, aut aquam modicè saccha-  
 ratam, uinumue candidum, inodorum, dilutum.  
 Galenus inquit duodecimo de Medendi metho-  
 do: neq; inuenies ex alborum uinorum genere ca-  
 lidum ullum. Id ad omnia utilius est, quàm aqua,  
 utpote quod & concoctionem iuuet, & urinas,  
 et sudores prouocet. Exercitia uitent, ac balnea,  
 & quasuis immoderatas commotiones. Attamen  
 curandum est omni ingenio, ut fluxile & undiq;  
 transpirabile corpus reddatur. Ita illud quoque  
 præcipiendum, ut tum uigilias, tum iram, tum tri-  
 stitiam, tum curam, tum uisionem, tum frigus,  
 tum lassitudinem diligenter fugiant.

Vinum al-  
 bum non ca-  
 lefacit.

Curatio auspicianda est à uenæ sectione, po-  
 tissimum si multa bilis sanguini infusa sit. Neq;  
 quicquam iuuerit refrigerationem medicamen-  
 tis tentasse, nisi uacuatio prægressa fuerit. Festina-  
 re (inquit Galenus libro nono de Medendi metho-  
 do) ad sanguinem detrahendū oportet. Vbi nan-  
 que emitti abundantia postulat, calor autem re-  
 frigerari, pugna, discordiaq; oritur inter ipsa sa-  
 nandi remedia, scilicet ijs, quæ refrigerant: quam  
 d

Curatio.



uis temperiem naturæ concilient, saltem abundantiam intra corpus continentibus. Secetur autem externa in brachij flexura, aut in pollice manus, si non in pedem quid aliud concisionem uocet, ueluti hæmorrhoides, quum supprimuntur, aut muliebris proluuius quum restitat.

*Quæ uetët,  
aut iubeant  
phlebotomi  
am.*

Quod si feruens admodum hepatis constitutio plurimam choleram gignat, in eo euentu interna primitus fodiatur. Extrahendus est sanguis pro copia redundantie, pro uirtutis uigore, & affectionis magnitudine. Hæc tria præcipua sunt, quæ aut iubent, aut uetant phlebotomiam: postea cruribus affigantur cucurbitulæ, atque etiam scapulis, præsertim quando noxius succus caluæ futuris proximus insidet, aut in carne, seu membranula caluam uestiente obhæret: deinde si aluius benigna non sit, nec sponte excrementa reddat, clyisma infundatur pro hac forma: & herbarum malassantium añ. m. j. fursuris p. ij, coquantur, & excolato adde olei uiolarum ℥. iij. cassiæ fistularis ℥. j. salis ℥. j. Aliud: & maluæ, uiolarie, mercurialis añ. m. j. florum nenupharis, uiolarum añ. m. f. seminum frigidorum añ. p. j. florum camomillæ, meliloti, absinthij pontici añ. p. f. passularum mundatarum ℥. ij. coquantur, & adde colaturæ olei rosarum, salicis añ. ℥. j. butyri recentis, sacchari rubri añ. ℥. j. salis modicum.

**Aut**



Aut & hordei m. j. lactucæ, spinachij, atriplicis  
 añ. m. f. seminis maluæ 3. ij. iuyeben, sebesten añ.  
 numero x. prunorum paria vj. coquantur in iu-  
 sculo recentis carnis, & excolato adde electuarij  
 lenitiui 3. vj. olei cucurbitæ, uiolarum añ. 3. j. f.  
 salis. 3. ij. Nec latum unguem quis ab artis nor-  
 mula deflexerit, si leniculū pharmacum, ac mol-  
 liter aluum eluens statim & à principio propi-  
 nauerit. Quale est diaprunum simplex, diacatho-  
 licum, manna, cassia, succus sumiterræ, rosarum,  
 decoctum mercurialis, serum caprinum, asininū,  
 bubulum. Sed ualido medicamento ante humo-  
 ris cōcoctionem uacuare minimè licet, nisi is tur-  
 geat: hoc ex præceptis magni Hippocratis est,  
 qui in Aphorismis iussit concocta medicari, at-  
 que mouere non cruda, modo non turgeant. Hu-  
 mores quidem tum turgent, quum uehementiore  
 motu fugaces, & instabiles de parte in partem  
 transcursant. Quo modo turgidum dolorem in  
 patientibus locis Galenus dixit, qui à parte pri-  
 mitus affecta, ueluti à radice incipiens, celeriter  
 in partes adiacentes transfertur. Qua inquietu-  
 dine, & agitatione hominem angunt, urunt, per-  
 cellunt, ut non paruus immineat metus, ne corpo-  
 ris robur colliquescat, ne febris concitetur, aut si  
 qua iam concitata sit, acrior inualescat, etiam ne  
 in membrum aliquod principale decūbant, quū

Molliens al-  
 uum in prin-  
 cipio nō of-  
 fendit.

Humores  
 quando tur-  
 gent.



Humores  
qui crudi.

Causa tur-  
gidi motus.

per corpus effrenes uagantur. Quapropter & alio loco idem præceptor ait: Medicari in ualde acutis, si materia turget, eadem die tardare enim in talibus malum est. Humores ergo crudos, hoc est (uti ego crudum intelligo) non concoctos, non naturæ citra tumultum moderabiles, & ad excretionem imparatos: quemadmodum libro secundo de Ratione uictus in morbis acutis, crudā bilem quibusdam ex capite, & pectore attrahi dixit. Nec nos morborum principia, quamuis ij ex ardentissima cholera oriantur, scruda dicere, & immatura ueremur, statim & ab initio non procrastinantes grauioris mali formidine exturbamus. Accidit autem hic transcursus uel ob ingentem copiam, uel ob insignem prauitatem tenuis, calentisq; materiæ, quam natura ueluti œstro maligno percita propellere satagit, & uiam pandere fugæ, si qua parte potentior queat. Galenus libro secundo, capite undecimo de Differentijs febrium, Facultas ait, excretiora tunc primum ad actionem suam excitatur, quando aut superuacaneorū multitudine aggrauatur, aut qualitate molestat. Sed quoniam indefinitus & uagus est humor, non obsequitur intempestiuo pulsui, nec per conuenientem regionem foras protrudi potest. Quare medico eget adminiculante, & salutarem manū porrigente, qui præsentem uinum adferat



adferat, & horsum uorsum temere fluctuantem extrahat. Illos uerò qui sunt in aliqua corporis parte firmati, etsi sint tenues, atq; calentes, quia tamen non turgent, hoc est, non commouentur, non transcursant, non rabiunt, nec tristius incommo- dum minantur, nullo cathartico laceffere expedit: nimirum quia crudi, immaturi, intempesti- ui, eos ante coctionem medicari non oportet. Et hic iterum occurrit sapientis senis consilium: In acutis passionibus raro, & in principijs medici- nis purgantibus uti, & hoc cū præmeditatione fa- ciendum. Porro medica concoctio, de qua medi- ci in suis psalterijs pertractāt, alterationibus per- ficitur tum in substantia, tum in qualitatibus pec- cantis materiæ: idq; opera facultatis uiam tuen- tis, & nonnunquam prudentis artificis ope. Ga- lenus inquit capite undecimo lib. tertij Artis par- uæ: Vitiosi humores, ubi aucti fuerint, generant morbos: intentio uerò sanationis horum, duplex existit, alteratio, & euacuatio: alterantur igitur aut ab ipso corpore concocti, aut à quibusdā me- dicamentis. Hoc tam est clarum, & maiorum do- cumentis consentaneum, ut prolixiore illustra- tione non indigeat. Quapropter geminum natu- ræ calorem corroborantia offerimus, quæq; pe- regrinum illum & externum celeriter compri- mant, quæ petulantem tenuitatem fortiter cohi-

Humores  
crudi & fi-  
xi, nō sunt  
mouendi.

Concoctio  
medica.

Quæ con-  
coquant.



54 DE DOLORE CAPITIS

beant, quæ putredinē ipsam, si qua gliscit, potenter extinguat, quæ uias quoq; laxas, et permeabiles efficiat. Humores profecto q̄ maximē fieri potest, oportet esse fluxui paratos, hoc est, tenues, ut nullū lentorē participant, et aperta esse foramina, p̄ quæ purgatio fieri debet, et nullā habere obstructionē: cuius pro mea existimatione hæc est sentētia: Curandū est, ut humores tā sint tenues et nullius lētoris participes, ut pharmacis purgātibus aptē trahi queant, et naturæ opera cōmodē pelli. Sed si tā sunt tenues, atq; subtiles, ut aut penitissimis adytis, aut succis alijs interfusi, attractionē, simul et pulsionē frustrari queant, cogendi sunt & moderandi: aliquousq; eos crassescere oportet, ut ex latebris eruantur, & ab innoxia societate segregentur. Non enim biliosum sanguinem trahit rhabarbarum, sed bilem nūc mansuefactam, nunc segregatam, & ab illa tenuitate depulsam, qua cæteris succis confusa, & immixta unum corpus uidebatur, ut facile sine tumultu, nulloq; negotio sola sequatur, his retētis, qui ad nutriendum habiles sunt. Neq; hoc quidē lentescere est, & humorem lentoris participem fieri. Sic in morbo laterali expuitiones quæcunque subflauæ, subpallidæ, & spumosæ, & tenues existunt, euidentem cruditatē significant. Sicuti spiritum perfectæ coctionis signū est, quādo albū fuerit.

Tenues humores cogendi sunt.

Signa cruditatis in morbo laterali.



rit, & leue, et æquale consistentia, neque nimis humidum, neq; nimis crassum. Hoc inquit Galenus, in omnib. inflātionibus cōtingit, quæ nō teguntur operculo densiore, uti in ijs, quæ exteriorē occupant cutē, quandā saniem resudare, ab initio tenuē, postea uerō si coctionem accipiant, & ad melius proficiāt, crassiorē. Et libro 12. de Medendi methodo: Colicos dolores ex infusione acris, rodentisq; humoris nō alia ratione curauit: quippe ait, tenuis cōsistentiæ, & calidarū uirium pleriq; taliū humorum sunt: ē diuerso quæ ex papaueribus succo, & altero, & eo modo frigidis cōposita medicamenta sunt, simul omnino & refrigerant, & siccant. Quamobrem non solum ut sensui torporē inducentia, salutaria sunt, sed etiā ut humorū tenuitatē cogētia, atq; crassantia simul et uehementē calorē refrigerantia. En tibi lector, Galenus palām, sine inuolucro pronunciat salutaria esse medicamēta ex alterco, & papaueris succo, & eo modo frigidis cōposita, ut humorū, qui penitus influxerunt, tenuitatē cogentia, atq; crassantia: quo nimirū nomine expultrici potentiæ magis obediunt. Iam quemadmodum solers, et suorū operū prudentissīma natura (cuius est & sanitatem tueri, & collapsam celeriter reparare) nunquam resides, quiescentes, & impactos humores, ante coctionem discernit:

Galenī colici doloris cura.

Natura post coctionē cū morbo decernit



Lotium te-  
nue crudi-  
tatis signū.

sed statim ab ipsa coctione (nisi aliqua, quod usu uenit, in concoctis utilitas appareat) eos discutit, dispellit, proturbat: tenues autem, modo quiescant, patienter fert, nec usquā agit: eorum nempe coctionem expectat, ut citra grauius incōmodum sine tumultu, sine corporis offensione pessum mittat. Atq; id est, quod parœmia suggerit, festina lente. Porro concoctio in ipsa est mediocris substantiæ consistentia: post hanc opportunas, prosperasq; conflictationes adit, quas nec obscuris indicatijs lotium ipsum prænunciat, quum tenuitatem relinquens crassescit, ac conspicuam hypostasim, uisileq; sublimamentum contuenti obijcit. Profecto dum urina tenuis est, ac ruffa, crudam esse significat ægrotationem: & oportet morbo eunte in iudicationem, si aquosa, ac tenuis fuerit deiectio, ut corpulenta reddatur. Et hæc Auicenna dicebat phen quarta primi capite tertio: In acutis morbis, & præsertim quietis, consentaneum est coctionem expectare. Sed si mobiles fuerint, tunc conuenientius est, euacuationem materiæ accelerare: quoniam læsio, quæ ab eius motu prouenit, longè maior est, quàm quæ ab euacuatione ante coctionem, præcipue ubi humores erunt tenues, & maximè si in capacitibus uenarum fuerint, & non ingrediatur membra. At si in aliqua particula fuerit detentus, haudquaquā



haudquaquam moueatur, donec concoctus fuerit, & mediocrem substantiam adeptus. Et phen prima primi sic habet: Concoctrix est illa, quæ quod attraxit facultas attractiua, & retentrix retinuit, in essentiam aptam operationi uirtutū in eo permutationem facientium conuertit, & in complexionem, quæ conuersioni nutrientis in effectu est accommodata. Et hæc est eius operatio in iuuatiuo, quæ uocatur coctio. Eius uero operatio in superfluitatibus est, ut si possibile fuerit, eas in hanc quoque mutet dispositionem, aut ut earum egressionem à membro, in quo sunt retentæ, facilem efficiat cum expulsionem, earum attenuando essentiam, si quod prohibet, fuerit grossities: aut incidendo, si quod uetat, fuerit uiscositas: aut ingrossando, si quod obstat, fuerit tenuitas. Et hæc operatio uocatur maturatio. Iterū cap. 7. phen primæ quarti, tractatus secundi: Et tu non auscultes uiro, qui existimauit, quod intentio in digerendo est subtiliare, & humor calidus est subtilis, quare non est necesse ut subtilietur: res non est, sicut dixit. Imò intentio in digerendo est, æquare substantiam materiei, ita ut sit præparata ad expulsionem facilem: & subtile imbibitum, et grossum fixum, & uiscosum adhærens, totum illud est non præparatum ad expulsionem facilem. Imò est necessarium, ut inspissetur subtile, & sub



tilietur spissum, & incidatur uiscosum. Huic sententiae magnus quoque Auerrhous in suis collectaneis omnino accedit. Actuarius etiam libro primo de causis urinarum, cap. 19. sic habet: Caloris ipsius in humoribus proprium est, tenues & ueluti indefinitos humores cogere, & definitos reddere concoctione, crudos uero & crassos attenuare, et conficere: quandoquidem quae exacte esse concocta appareret, ea mediocriter secundum genus substantiae capiunt, quae uero aberrauerint ab exacta concoctione, illa demonstrantur aut tenuiora aut crassiora, et correspondet cotidianus medicinam factitium usus. Sed fusius hac de re, quam hic locus exigebat propterea differui, quod uideam nonnullos haud poenitendi nominis uiros in contraria esse haeresi, Aui cenam turpiter hallucinatum clamitantes. Plura tamen iam dictis consentanea ascribere potuissim, sed ipsa res efficacius testimonium non desiderat. Heus commodum in mentem incidit, & orationis series poscere uidetur, qui id quoque, uel pauculis attingam: an sola calens feruensque materia, non etiam frigida suo quodam modo turgere queat. In confesso est, nec quisquam inficiatur, calidam causam motum excitare, nec eam facile intra septa cohibitam teneri posse. Quod ex animalibus promptum est conijcere, quae per hyemem in cauernis, ac specubus remotioribus latitare solent, haud secus sine sensu, sine ullius uitae indicio, quam si ex ani-

Frigidus humor an turgereat.



ma, mortuaq; essent. Quin tum sub id tempus uenatas uiperas conspiciari licet, tanto torpore segnes, ut nequaquam mordere tentent, etiā si in sinu foueas, manibusq; cōtrectes. Per æstatem uerò, & inualescēte calore, tū hoc animal, tum serpentes reliqui ueluti reuiuiscūt, et maximē incūbente canicula exagitātur, æstuāt, rabiunt, adeo ut ne exiguo quidē momēto interquiescere possint. Et hic est turgidus calētis materiæ motus. Frigida profecto huiusmodi cōcitamentū nō habet, uti celeriter transfluat de parte in partē, nisi fortassis flatuosi spiritus remigio, aut aliqua materiæ calētis participatiōe faciliē trāsferibilis efficiatur: uel nimia multitudine prælicenter obturbet, quā natura uehemētiore impulsu persequatur. Neq; neceſsū est (autore Gal. lib. 4. Aphor. cōmento 10.) ut hic naturæ impetus (qualē Hippo. p. turgere cōsueuit significare) in uniuerso corpore efferueat: sat est, si in principalioribus partibus ebulliat. Quē certe notis aliquot, malisq; sensu, præcurrētibus nōnunquā liquidō deprehendimus: et tū ad euacuationes (alcinoi lunā non expectāes) properamus. Hoc modo licebit in acutis morbis, quos frigidus humor excitat, quales sunt colicus dolor, apoplexis, tetanus, opisthotonus, emprosthotonus, cū fiūt, eū turgētē dicere: q̄ppe q̄ getē nō habet, necdū fixus in una parte cōsistit

Frigida materia quo pacto turgēat.



sed temere transmouetur, & in alias regiones (quod minime oportuit) undatim excurrit, quem admodum amnes ac fluuios turgere dicimus, quū extra suos alueos, suasq; fossas tumefacti, & aestuosi feruntur, uti Nilus in Aegypto. In hac sententia (nisi fallor) Galenus deprehenditur: is ait libro primo Aphorismorum, commento uigesimo quarto: Quicumq; multa cruditate laborant, uel qui tenaces, ac crasses cibos assumpserunt, quibus item ilia extenta atq; inflata sunt, aut supra modum calida, atq; ignea existunt, omnes ij haudquaquam sunt apti ad purgationes. Hæc itaque abesse oportet, humores autem quā maxime fieri potest, esse fluxui paratos, hoc est, tenues. Verum in acutis morbis, circa principia statim, circa primum uidelicet diem, uel non ultra secundum, si sumus usuri purgantibus medicamentis, quando turgent, non datur facultas ista præparandi, nisi quis forte arripiat occasionem propinandi melicratum, in quo decoctum sit aliquid hyssopi, uel origani, uel tragorigani, uel thymi, uel pulegij, siue quid huiusmodi uim habens humores extenuandi. Non me fugit, hæc aliorum à nonnullis trahi, sed uerbulum non addidero, satis superq; satis datum parergis. Itaq; in hunc usum syrnpos, & alia etiam medicamenta pro modo biliosæ materiæ offeremus, scientes (at testante



testante Galeno de Febrium differentijs libro pri-  
 mo, capite secundo) quòd tenuis facilius altera-  
 tur, quàm crassa: conducunt syrupus uiolaceus,  
 rosaceus, è bizanzijs, endiuiæ, cichoreæ, nym-  
 pheæ, fumiterræ, acetosus simplex, oxymel per  
 se, & simpliciter, aut mixtim, & cum aquis fœ-  
 niculi, petroselini, absinthij, boraginis, buglosi,  
 lupulorum, oxalidis, farfaræ, maluæ, graminis,  
 pro hac formula: & aquæ scabiosæ, cuscute añ.  
 ℥. ʒ. ʒ. syrupi endiuiæ, acetosi simplicis añ. ʒ. ʒ.  
 Aut sumant syrupum acetosum cum aqua plu-  
 uia. Aut tale decoctum paretur: & ordeï m. ʒ. sca-  
 biosæ, fumariæ, intybi añ. m. ʒ. seminum frigido-  
 rum añ. ʒ. ʒ. radice asparagi, fœniculi, graminis  
 añ. ʒ. ʒ. passularum mundatarum ʒ. ʒ. coquan-  
 tur, & excolato adde oxysacchari ʒ. ʒ. ʒ. sumant  
 bis quoq; die mane, & sub uesteram. Aliud: &  
 florum boraginis, buglosi, uiolarũ añ. m. ʒ. semi-  
 nis endiuiæ, scariolæ, lactucæ, & acetosæ añ. ʒ.  
 ʒ. radice dentis leonis, graminis, petroselini añ.  
 ʒ. ʒ. prunorum numero ix. seminis anisi, & fœni-  
 culi añ. p. ʒ. tamarindorũ ʒ. ʒ. glycyrrhizæ ʒ. ʒ. ʒ.  
 coquantur, & quum ab igne tollitur, excolato  
 adhuc suffruido adde conseruæ florum cicho-  
 reæ, conseruæ rosarum añ. ʒ. ʒ. ʒ. Iam ab his iu-  
 stam purgationem offeremus pro magnitudine  
 mali, pro ratione uirium, pro copia materiæ, &  
 pro



**Bilis facile  
uacuatur.**

pro temporis constitutione, scientes, quod facilis est flauæ bilis uacuatio, pituitæ uerò, ac potissimū eius, quæ crassior, glutinosiorq; est, itēq; nigrae bilis difficilior. Et fortassis ipsa natura post coctionem superfluitates sponte expellet, si uerò mediocrius, atq; imbecillius (inquit Galenus libro primo Aphorismorum commento uigesimosecūdo) agat, id quod deficit, oportet supplere, ut ex utroq; noxij humoris fiat euacuatio, natura quidem expellente, medicamento uerò attrahente. Sed diligenti studio præcauendum, ne catharticum ex eorum genere sit, quæ uehementius calefactant: tale statim & tumultum in corpore, & graues agitationes commouebit, Quocirca si quam habebit supra modum caliditatem, non sine freno, & moderante copula propinetur. Pythagoras dicebat: Ignem gladio ne fodias.

**Ignem gladio  
ne fodias.**

Decoctum commodum, & sumiterra m. j. maluæ spinachij añ. m. & florum boraginis, buglossi uio-  
larum añ. p. j. seminis anesi, sceniculi añ. 3. & prunorum numero ix. passularum mundatarum 3. j. coquantur, & uncijs quatuor excolati adde electuarij è succo rosarum 3. iij. Aut in hunc modum: & decocti hordei 3. iij. electuarij è psyllio. 3. iij. scammoniae grana ij. Aut dilutum paretur pro hoc modo: & rhabarbari electi 3. ij. spica grana ix. macerescāt per noctē in uncijs quatuor aquæ



aquæ endiuivæ, et duabus vini albi, postea distrin-  
gatur per linteum et appone syrupi uiolarū ℥. j.  
Aut: ℞ cassiæ recēs euulsæ ℥. j. pulueris rhabar-  
bari ℥. j. aut ℥. f. cū sero bubulo bibatur. aut ℞ cō-  
seruæ uiolarū ℥. f. specierū electuarij ē succo ro-  
sarū ℥. f. diagridij grana ij. Aut: ℞ tamar Indorū  
℥. j. cōseruæ florū cichoreæ, nenupharis añ. ℥. f.  
fiat modica ebullitio in aqua farfaræ, et adde ex-  
presso diapruni solutiui ℥. vj. Aut: ℞ succi rosa-  
rum recentium ℥. j. mannae ℥. f. aquæ fumiterræ  
℥. iij. Quod in hisce cōpositionibus multus sum,

Autor se  
excusat q̄  
multus sit  
in composi-  
tionibus.

nequaquam fieri putes, quòd hoc nomine glorio-  
lam aucuper: sed qui in hoc sum totus, ut per ex-  
empla tyrones erudiam. Iam ut suum cuiq; pala-  
tum est, ac discrepans ab alio uentriculi gustus,  
quod eleganter Horatius cecinit:

Tres mihi conuiuæ propè dissentire uidentur,  
Poscentes uario multum diuersa palato.  
Ita fortassis nōnullos offendes, qui has potiōes  
abhorrebūt, et catapotia glutire malint, quibus  
mos quoq; gerēdus est, ac promptē succurrendū.  
Quinimo quū ex regione capitis in aluum detra-  
henda materia est, tum genus hoc præsidiij præua-  
lere propterea existimamus, quod in stomacho  
diutius demorātur, nec tā properē subterfugiāt.  
Etenim hac mora, & cunctatione pulchrius (ut  
dicam nostræ familiæ uerbis) actuantur, &  
qui in ipsis est uigor, felicius à natura eruitur,



# 64 DE DOLORE CAPITIS

Pilulæ quo  
numero p-  
pinandæ.

Læduntur  
cathartica  
sepius su-  
mentes.

quo facultates suas, quasi nexu resoluto, liberius  
explicare, ac diffundere queant, & in uenas ap-  
tius subire, per quas noxiussuccus & pelli, &  
trahi debet. Rasis inquit sexto Aphorismorum,  
quum à capite, & cerebro purgare uolueris, pi-  
lulas dabis in quantitate magnas, & à cœna an-  
te somnum. Tales ergo formentur: & pilularum  
aurearum ℞. iij. diagridij grana iij. fiant pilulæ  
quinq;. Aut: & pilularum e hiera ℞. iij. diagri-  
dij grana ij. fiant septem, aut: & pilularum com-  
munium ℞. ij. rhabarbari ℞. j. diagridij grana  
iij. & ab his sorbeat unciam unam syrupi uiola-  
cei. An in pari, aut impari numero sumantur,  
susq; deq; habeo: consuetudo obtinuit, ut impar  
sit numerus. Et qui contra consuetudinem pec-  
cat: siquidem ridiculum se, & maleuolentis po-  
puli calumnijs incessendum propinat, Numero  
Deus impare gaudet. Postquam satis, & pro ex-  
undantiæ modo bilis deiecta erit, moderata exer-  
citia, & fricationes, & balneas sequantur: qui-  
bus si quid impurgatum derelictum fuerit, pul-  
chre discutietur: nec eorum aliquod, quæ dicta  
sunt medicamentorum, exhiberi admodum co-  
piose debet. Id fieri sine graui naturæ iniuria mi-  
nimè posset. Sunt quidem, qui in præsens sedulo  
triumphant, si copiosius defecerint, sed quan-  
tam fecerint uirium iacturam, nō multo post pla-  
nè intel-



nè intelligunt: & quanto magis sunt uacuati,  
 tanto his uenter sequentibus diebus magis astringitur. Quibus succurrere conuenit, aluumq; ducere, non acribus per sedem infusis, sed tantum oleo aut iusculo pingui. Collectas (ait Galenus libro tertio Aphorismorum, commento decimoquinto) singulis diebus superfluitates exercitijs expurgare licet, neq; exigunt hæ purgantis phar maci operationem. Si uero quispiam uoluerit bis mense, aut semel saltem ea uti, ueritus ne superfluitatum multitudo aggregetur, præter id, quod nocebit, in malam trahet consuetudinem. Nunc quoq; pertinet diureticis mouisse lotium: Siquidem ea magnam uim cholerae per urinas semitas in uesicam pellunt, hæc foras exturbat: & sunt cassutha, lupulus, sparagus, gramen, petroselinum, alkekengi species solani. Pro hoc modo fiat compositio: & cicerum rubeorum. m. j. capillorum ueneris, cuscute, lupulorum añ. m. f. radices graminis, dentis leonis, añ. ʒ. j. corticis radices fœniculi, petroselini, rusci, sparagi. añ. ʒ. f. seminum frigidorum maiorum añ. ʒ. ij. seminis anisi, fœniculi, apij. añ. ʒ. f. granorum alkekengi numero. ix. glycyrrhizæ. ʒ. iij. coquantur in aqua pluuiæ recenti, cuius sub crepusculum mane inani stomacho uncias quinque aut sex bibant: subinde etiam assumant con-

Diuretica  
 cholerae  
 expellunt.



seruam rosarum, uiolearum, nenupharis, florum  
 cichoreæ, fumiterræ, boraginis, buglossi, aut  
 particulam mali punici, aut arantiæ, citranguli  
 ue, & ieiuni sæpe myrobalanum citrinam con-  
 ditam. Aut eclegma concinnetur pro hac forma:  
 R̄ conseruæ uiolearum, nymphææ añ. ʒ. j. dia-  
 rhodi abbatis, sacchari rosati in tabulis. añ. ʒ. ʒ. f.  
 rob. è ribes. ʒ. ij. misceantur. Aut: R̄ myroba-  
 lanorum citrinarum conditarum. ʒ. ij. corticis ci-  
 trei conditæ. ʒ. j. conseruæ fumarie, diapruni  
 simplicis. añ. ʒ. ʒ. f. aggregentur. Os frequenter  
 colluant decocto hordei, maluæ, lactucæ, uiola-  
 riæ adiecto omphacij pauxillulo: deinde ad to-  
 pica confugientes in caput dabimus, & præci-  
 puè in ipsius anteriorem regionem epithema,  
 quod refrigeret, ac retundat petulantis succi ar-  
 dorem: quale est oxyrhodinum aut oleum sa-  
 lignum, aut melinum, aut cœnanthinum cum ace-  
 to, & plantaginis succo, seu ederæ, seu uirgæ pa-  
 storis: aut mucilaginem psyllij, & seminis mal-  
 uæ ex aqua farsaræ commiscebimus populeo:  
 aut papauerum capita discoquantur in aqua,  
 & discocta cum oleo roseo, & hordeacea fari-  
 na in mortario tundantur, & supra linteam in-  
 formam splenij explicetur, tempora ac frontem  
 appositum complectatur. Aut: R̄ olei rosarum  
 ʒ. j. olei nenupharis, anethi. añ. ʒ. ʒ. f. farine hor-  
 dei

Topica.



dei, p. j. seminis papaueris albi. 3. ij. seminis lactuce. 3. j. croci. 3. f. camphoræ grana. iij. aceti modicū. Quinetiā utiliter adhibetur irrigatio, ab alto, torrentis instar, fundente manu decoctum salicis, pampinorum, lactuce, nympheæ, solani, rosarum, uiolarum. Sed quum morbi uis, omnisq; labor circa principem animæ sedem consistat, non paruus incumbit metus, ne sola algifica uehementius offendant: etenim ea (attestante Hippocrate) neruis, ossibus, cerebro, spinali medullæ infesta sunt, quare adijciemus huius qualitatis excessum moderantia, flores chamæmeli, meliloti, semen anethi, fœniculi, folliculos senæ, puleium, amaracum: quæ non solum superfluam qualitatem repriment, sed dolorem ipsum opportuna etiam discussione alleuabunt. Aut sacculus adaptetur pro hac forma: R. florum nympheæ. m. j. florum uiolarum, rosarū rubearum añ. m. f. seminis papaueris albi, lactuce, corticis citrei sicce. añ. 3. j. omnium santalorum, coriandri præparati. añ. 3. j. florum chamæmeli, meliloti, anthos, stichadis. añ. p. f. puluerentur, & fiat sacculus reticulatim intersutus. Spongiam aqua rosacea imbutam sæpe olfaciant, aut madidetur in aqua lactuce, & succo malorum granatorum, adiecto camphore momento. Aut

Algifica cerebro inimi  
ca.



68 DE DOLORE CAPITIS

māna gestent arantiam, limonem, citrangulum,  
aut huius generis odoriferum pomum aceto cam-  
phorato irrigatum. Aut ex rosis, uiolis, nenu-  
phare, santalis puluerem conficiant, quem in lin-  
teolo colligatum naribus crebro obtrudant. Aut  
pro hoc modo: & florū nenupharis, rōsarum uio-  
larum. añ. p. j. capitem papaueris albi. 3. ij. corti-  
cum arantiarum, citrei añ. 3. j. omnium sandalo-  
rum. añ. 3. f. coriandri preparati. 3. j. xiloaloes,  
E. ij. camphoræ grana. iij. conterantur, & con-  
trita ligentur in serico rubro, & subinde con-  
spargatur aqua rosacea, & odorentur. Per na-  
res trahant succum lactuæ, solani, plantaginis,  
maluæ, cremorem ptisanæ, decoctum hordei, &  
pinne liniantur internæ oleo uiolaceo, saligno,  
ranino, nymphææ, psyllio.

CAPVT SEPTIMVM DE DO-  
lore capitis ex abundantia phlegmatis.

**Q**Vum ex abundantia phlegmatis caput  
dolet, hisce ferme coniecturis innotescit:  
Signa ipsum quidem ponderosum est, & grauitatis  
iniuria premitur, facies albet, frons læuis est, &  
madore quodā uuida genæ tument, oculi fluunt,  
& promptissime lachrymantur, aures flaccidæ,  
nares pituitosæ, os humidum, & multa copia  
salinæ



saluæ refertum, lingua cædicat, nulla sitis. Sed ob  
 seruasse oportet, ne oris quidem, aut linguæ si-  
 gnificationes eæq; efficaces cum ijs, quæ ex ocu- **Os & lin-**  
 lis & naribus desumuntur: his namq; arctior **gua nō cer-**  
 est cum ipso cerebro copulatio, & proxime assi **signifi-**  
 dent, ut omnino par sit causa uicinæ, certius in **cant capi-**  
 dicare: illis sæpius ex uentriculo male affecto de- **tis affectū.**  
 trimentum accidit. Catharris præterea, tussi, &  
 distillationibus uehementer obnoxij sunt, uti ex  
 leui quamlibet occasione in has dispositiones de-  
 ueniant, uitam agunt desidem, nec corpus motu,  
 aut labore uentilant, circa amnes, lacus, ac flum-  
 na frequenter uersantur, esculentis frigidis &  
 humidis uictitant, graui sono tentantur, facileq;  
 obdormiscunt, imbres, niues, & flatuosas tem-  
 pestates somniant. Tempus quoq; hybernum est,  
 ingenio sunt leni, placido & instar mortui ma-  
 ris tranquillo. Humorem hunc in corpore gi- **Cause.**  
 gni plurifariam accidit: primum quipem, ac præ-  
 cipue ex ipsius ratione uictus. Constat enim, &  
 maiorum documentis consonū est, nihil æque cer-  
 to humoris genere corpus implere, ac quotidiana-  
 num ipsum uiuendi ritum. Profecto quale id est  
 quod epulamur, et in stomachum damus, talis est **Ex eisdem**  
 succus, & qui ex ipso defluit chymus, talis quo- **sumus ex**  
 que spiritus, & anima etiam talis. Protritum il- **quibus nu-**  
 lud neminem fugit: ex ijsdem sumus, ex quibus **trimur.**



70 DE DOLORE CAPITIS

nutrimur. Inde quisquis optimis, & exquisitissi-  
mis cibis uestitur, quiq; leuiter nullo negotio  
conficiuntur, ij calidum, sincerum, & defœca-  
tum sanguinem habent, ex quo calidus, syncerus  
& defœcatus spiritus halat ex hoc elegantes,  
lepidæ & amabiles animæ operationes scatent.  
Quisquis uero nec laudatis satis, minusq; pro-  
bis utitur, atq; etiam ijs, qui difficulter, nec sine  
magna molestia præ substantiæ crassitudine con-  
coqui queunt, ij frigidum, impurum, ac turbidum  
sanguinem aceruant, ex quo spiritus manat fri-  
gidus, impurus, ac turbidus, ex hoc quoq; rudes,  
impolitæ, & aspernabiles animæ functiones

Generosi  
ac nobiles  
acri sunt in  
genio.

eueniunt. Iam in obscuro non est, & palam in-  
clarescit, ob quam rem uiri nobiles & generosi  
alacritate, comitate, prudentia antecellant: capis  
nimirum, & pullastris, cuniculis lepusculis, per  
dicibus, phasianis, & generis huius animalculis  
nutricantur. Qui uero suina, bubula, ouilla, &  
inertibus id genus animantibus aluntur, ingenio  
sunt agresti, aspero, & improvido. Esse potest,  
ipsumq; usuuenit, quod tam robusta, ac ualida  
uentriculi constitutio polleat, ut esculenta non  
multum idonea, in non pessimum tamen succum  
eliquet, & qualem ex eo commodissimum trahi

Phydæ ar-  
tificium.

possibile est, extringat. Phydias nō ex ebore tan-  
tum sciebat simulachra facere, faciebat enim &

ex ære



ex are, si marmor illi deesset. Si uiliorem adhuc materiam obtulisses, ex ea concinnasset, quale nobilissimum fieri potuisset. Sed omnino stultum ac temerarium fuerit in salubrium copia, illaudatis uti. Omnibus (inquit Galenus libro secundo de facultatibus alimentorum) prauis succi edulijs, quantumuis probe à nonnullis conficiantur, abstinere in totum consuluerim: clam enim sensimq; longa dierum serie prauus in uenis succus ex ipsis suggeritur, & accumulatur, qui uel leuicula putredinis arrepta occasione febres sæuissimas, ac mire contumaces excitabit. Proinde si in hunc modum, & sic se res habet, consentaneum est, qui nullum in cibatione delectum usurpant, & quibuslibet sine ullo discrimine sese expleant, ut ij uarios ac multi formes in uasis humores colligant: quiq; refrigerantibus & humectantibus assuefacti delectantur, phlegmatis abundantiam coaceruant. Quod statim natura sapiens, ne tumultum in corpore concitet, in capitis cauitatem detrudit, unde per palati foramen in os dimanet, atq; expuatur, aut in nares incidat, atq; extillet. Id nisi succedat, restitans capiti dolorem conciliat. Hippocrates ait libro quarto de morbis: quum quis caseum, quid ue pituitosum, uel acre comedit, bibit ue, statim hoc in os, naresq; decurrit. Dico autem cibarium,

Caput  
phlegmatis  
sedes.



Ciborum  
quātitas cō  
coctionem  
offendit.

potumq; pituitosum in uentriculum demissum,  
partim corpori, partim capiti dedere: quod ca-  
uum quum sit, & tanquam cucurbitula superia-  
ceat, pituitam utpote glutinosam haurit: quod si  
statim per os, narēs ue non exeat, caput pluri-  
mum afficit. Et paulo post: caput autem, cor, lien  
que humorum omnium participes sunt, nisi mor-  
bo aliquo laborēt, præcipueq; naturalem suum  
iam dictum quisq; capit: caput pituitam, cor san-  
guinem, lien aquam. Iam non sola esculentorum  
qualitas in hanc nassam mortales impellit, sed ni-  
mia quoq; quantitas, sub qua uis ac potestas con-  
fectricis facultatis ægre succumbit, suffocato,  
& extincto calore, qui coctionem promouet.  
Haud secus quàm lucidus ignis sub iniquo uiri-  
dium lignorum cumulo oppressus expirat. Se-  
gnis præterea, & ociosa uita, conuersatio in lo-  
cis subterraneis & uliginosis, torporantium me-  
dicamentorum usus, aura fontium, fluuiorum,  
lacuum, longa per imbres ac niues peregrinatio,  
austrini flatus, hyberna temporis constitutio cru-  
dos & incoctos chymos pariunt. Sic est in libro  
de natura hominis: quod autem hyems corpus pi-  
tuita impleat, tibi patebit, cum ex sputo, ac muc-  
co, & pituita nasci, quæ hyeme supra modum  
fluentia emunguntur: tum uero ex cæteris mor-  
bis pituitosis, præsertimq; tumoribus, qui præ-  
cipue



cipue eo tempore maxime albent. Vere autem pituita in corpore ualentissima inest, sed sanguis crescit, suscipitq; indies maius incrementum.

Dieta his præstituatur tenuis seu frugalis, Dieta. habita ratione consuetudinis, ætatis, roboris, & cœli. Humidas carnes habentibus famem adhibere conducit: in prandio liberalius epulentur, in cœna parcius, à mensa reliquijs desiderij adhuc in anima prurientibus à mensa consurgant. Conferunt cibi calidum sanguinem gignentes, & assem magis, quàm elixi: ueruecina, capo, perdix, phasianus, columbæ. Has tamen proprietate quadam capiti dolorem adferre Rasis existimauit: Columbæ  
an caput  
lædant. sed unde, aut è quo periculo hanc opinionem conceperit, nullus satis intelligere queo: siquidem his quotidie sine aliqua noxa mortales passim uestuntur. Neq; unquam (annum nunc agens nonum supra quinquagesimum, & in medicina nequaquam oscitanter uersatus) ex harum esu quenquam de capitis uitio questum audiui. Constat quidem eas uere salubriores, quam autumnino, & omnino calidiore tempore deterrimas: neq; commendabiles sunt, quæ in domibus, aut breuioribus septis aluntur, excrementiciam enim carnem habent. Aues præterea minutæ conducunt, turdi, merule, gallinagines, passeruli, galeritæ, ficedule, & siluestres magis quàm alti



## 74 DE DOLORE CAPITIS

les. Incommodant quæcunq; in aquis degunt,  
 & præ corporis mole magis ambulant, quàm  
 uolant: cuniculos comesse licet, & lepus-  
 culos: auersentur recens ædita, & adhuc ab  
 exclusione madentia, horum omnium uiscidæ  
 ac mucosæ carnes existunt: si quis elixis magis  
 gaudet, quàm assis, tostis ue, species adiungat,  
 zingiber, cinnamomum, caryophyllos, nucem  
 myristicam: aut in hunc usum pro hac forma  
 conficiatur puluis: ℞ cinnamomi. ʒ. j. zingibe-  
 ris. ʒ. ij. caryophyllorum, maceris, nucis moscha-  
 tæ, galangæ añ. ʒ. j. piperis, cardamomi, grano-  
 rum paradisi. añ. ʒ. j. croci. ʒ. f. pisces fugiant,  
 siue ex pelago, siue ex fluuio ducantur, innocen-  
 tiores sunt, qui in craticulis assantur substratis  
 sampsoci, roris marini, thymi, pulegij ramulis, et  
 præscripto puluere conditi. Salsamenta non so-  
 lum non officiunt, sed mirifice iuuant: et uti hæc  
 cholera fomentum præbent, ita pituitam siccan-  
 do, detrahendoq; consumunt. Eia ergo luculen-  
 ter patet, haud inepte nostros Zeelandos facti-  
 tare, quum salitam aleculam, atq; etiam ex sua  
 muria stillantem in epulationis principio, detra-  
 eta pellicula mandunt: etenim ijs lenti plerunq;  
 frigidi, ac tenaces succi in uentriculo aggregan-  
 tur: quos hoc ueluti antipharmaco, ne quod gra-  
 uius malum concitët, sapienter deponunt, quo si  
 mul

Mos Zee-  
 landorum  
 laudatur.



mul & deiectum ciborum gustum alleuant, & siti, uinisq; mirè lenocinantur. Ex olusculis conferunt hyssopus, satureia, thymus, salvia, betonica, rosmarinus, sampsuchus, menta, pulegium. Sinapim in maximo hortensium omnium honore Pythagoras propterea habebat, quod præter uires in sanitate ac ualetudine præcipuas, in altum quoq; ac sublime feratur, & in arcem illam diuinæ rationis, ac mentis stationē potenter conscendat, calefaciens, purgans, discutiens, omniaque illic reddens illustriora. Allium, cepa, nasturcium, raphanus, eruca, tarcum, pyrethrum, & quæcunq; insignem habent acrimoniam ab uniuersi corporis, capitisq; purgatione, magnopere conducunt. Fructus nequaquam attingant, crudum & aqueum succum gignentes: cappare ante alias dapes citra noxā uti possunt ex oxeleo, aut oxymelite. Galenus ait libro secundo de alimentis: Ablutus capparum, & demaceratus, donec omnem salem exuat, ut minimi sane alimenti cibus est, ita opsonium, & medicamentum, cum ad excitandum prostratum appetitum, tum ad deraendam, deijciendamq; pituitam uentri adhærescentem accommodatum erit, ac deniq; ad lienis, iecorisq; amoliendas obstructions. Vinum bibant candidum, aut subrubrum, & meracum, ceruisiam

Pythagoras  
sinapim  
laudauit



## 76 DE DOLORE CAPITIS

ceruissiam uitent tenuem. Exercitia non subeant ante corporis purgationem. Vigiliæ somnum excedant, animo sint bene affecto, gaudeant, lætentur, exultent. Subinde tamen non nullus sanguinis feruor, & splendida bilis concitatio iuuerit.

## Curatio.

Curandi ratio in primis ab alui solutione sumatur. Huius enim saburra, nisi tempestiue projiciatur, caput mirifice aggrauat. Quapropter indito balano admoueatur officij, ex melle cocto & sale: mel coquitur dum lentescat, et uiscidum digitis adhæreat. Aut ℞ mellis. ℥. ij. succi betæ. ℥. j. coquantur, & adde specierū hieræ picræ. ℥. j. trochiscorū alādal ℥. f. salis gēmae. ℥. f. formantur glādes (suppositoria dicimus) Si clysteres nō horret, ℞ betonicæ, pulegij añ m. j. florū anthos, stichadis, añ m. f. seminis anethi, carthami. añ p. j. polypodij quercini. ℥. j. fursuris macri. m. j. coquantur in aqua, & colaturæ adde olei rutæ, liliorum añ. ℥. j. f. mellis rosati. ℥. j. diaphœnici ℥. vj. satis. ℥. ij. infundatur. Alius, ℞ hyssopi, saturegiæ, saluiæ añ m. j. florum chamemeli, meliloti. añ m. f. seminis anisi, fœniculi, carei. añ p. j. pulpæ colocynthidos in linteolo uinctæ. ℥. iiij. filiculæ. ℥. vj. radicis acori, inulæ añ. ℥. iiij. coquantur, & excolato adde olei anethi, chamemeli. añ. ℥. j. f. mellis anthosati, succi betæ añ. ℥. j. deinde potio exhibeatur, non quæ noxium succum



cum lacescat, sed molliendo, ac lubricando fluctuantes stomachi sordes eluat. Si Galeno credimus libro decimotertio de curandis morbis, quæ per clysterem infusa sunt, ea omnino ad ieiunum usque ascendere non possunt: imò si admodum, inquit, miraris, fortasse tenue tantum intestinum contingunt. Potio pro hoc modo conficiatur: R. mercurialis. m. j. absinthij romani, centaurij. añ. m. f. seminis carthami. 3. f. passularum mundatarum. 3. ij. caricarum bene pinguium, dactylorum à pelliculis purgatorum añ numero. vj. seminis anisi, marathri, urticæ. añ. 3. f. coquantur in iusculo galli, & huius colaturæ ter aut quater ieiunus bibat uncias quinq;. Post hæc omne studium conuertatur ad extenuationem, & incisionem pituitoso succi, cū syrupo calaminthæ, hyssopi, stichadis, marrubij, melle rosato, anthosato, oxymelle simplici, diuretico, scyllitico. Aut apparetur iuleb, & aquæ hyssopi, marrubij añ. lb. f. mellis rosati. 3. ij. syrupi è radicibus, oxymellis simplicis. añ. 3. j. Aliud: & aquæ betonice, rutæ. añ. lb. f. mellis anthosati. 3. j. syrupi calaminthæ, hyssopi. añ. 3. j. f. Quod si decoctum potius delectat, et credas futurum efficacius, & hyssopi, cunilæ bubulæ, thymi. añ. p. j. origani, betonice, polij. añ. p. f. seminis anisi, marathri, seseli. añ. 3. j. radicis inulæ, aconiti, peonie, añ. 3. ij. gly-

Clyster tenue tantum intestinum contingit.



## 78 DE DOLORE CAPITIS

cyrrhizæ. 3. iij. passularum mundatarum. 3. j. coquantur, & sub finem cocturæ adijce pauculum aceti, colaturam bibant bis quoque die. Ab his purgatiuum pharmacum propinetur, quale est diacartamum, diaturbis, hiera picra, hieralogodium, hiera Ruffi, Archigenis, oxymel Iuliani, diaphœnicum electuarium, Indum, benedicta laxatiua: ex pilulis coccia, assayeret, elephangina, aggregatiua, agarici, sarcocolæ, sagapeni. Pro hoc modo: & electuarij indi. 3. iij. agarici recens trochiscati. 3. f. salis gemmæ grana. iij. mellis rosati. 3. f. aquæ betonica. 3. iij. fiat haustus. Aut & diaphœnici, diacartami. añ. 3. iij. elaterij granum unū. Quod si dilutum placet & agarici recens trochiscati. 3. iij. rhabarbari. 3. ij. ellebori, grana. iij. macerentur in hydromelle, & expresso adde mellis rosati. 3. j. decoctum sic apparetur: & hyssopi, thymi, satureiæ. añ. p. j. polypodij quercini. 3. vj. seminis carthami. 3. iij. seminis anisi, foeniculi, seseli. añ. 3. j. radicis pæoniæ. 3. ij. caricarum bene pinguium numero. vj. passularum emundatarum. 3. j. coquantur, & uncijs quatuor colaturæ adijce unciam semis hieræ picræ, salis indi grana. iij. Si potionem horreat, & catapotia malit, neq; hic claudicat ars, aut quenquā necessario beneficio destituit, habet enim in promptu, quibus præclare succurrat, in hūc modum



dum: & pilularum ē hiera. ℥. ij. agarici trochis-  
 cati. ℥. j. salis gemmæ grana. iij. Aut & pilula-  
 rum aggregatiuarum. ℥. ij. ē hiera. ℥. j. elaterij  
 granum unum. Aut & elephanginarum. ℥. iij.  
 cocciarum. ℥. j. trochiscorum alandal grana. iij.  
 formentur septem, quas uoret dormiturus: aut &  
 agarici trochiscati. ℥. ij. aloes lotæ cum succo  
 sampsychi. ℥. j. mastices, zingiberis ana grana  
 vj fiant pilulæ septem. Aut offeratur hic pul-  
 uisculus: & turbit albi, & gummosi. ℥. iij. cinna-  
 momi. ℥. j. zingiberis, seminis anisi, urticæ ana  
 gr. vj. sacchari. 3. ij. Aut bolus & zingiberis ui-  
 ridis. 3. ij. turbit electi. 3. j. capiat. Quod si ad uo-  
 mendum procliuius erit, cogendus est, ut uomat.  
 Pessimus is status est, quum homo ea compositio-  
 ne, naturaq; est, ut nec uentrem facile solubilem  
 habeat, nec uomere ex facili possit: necessum est  
 enim pituitosos humores, si diu in uentre moran-  
 tur, corrumpi, adeo ut ipsum grauius afficiant,  
 & simul uitiosos interim halitus in caput sum-  
 mittant. Iam si uberius ac copiosior existat ma-  
 teria aut alterius modi, & distantior, quàm ut se-  
 mel omnis intra pares dieculas concoquatur,  
 eiusq; aliquota pars contumacius hæreat, quàm  
 quæ obsequibilis commode trahi queat: iterum  
 ad ea recurrendum erit, quibus potestatem esse  
 diximus extenuandi, & incidendi. Nam et ipsas

Pessimus  
 hominis sta-  
 tus.



resides reliquias sic maturare, atq; adaptare oportet, ut ad alterius cathartici exhibitionem, haud difficulter prodeant. Eius meminisse conducit, quod sapienter Galenus (ut omnia) inculcat: Si quis extenuet, atq; incidat crassos ac tenaces humores, qui in corpore sunt, & meatus aperiat per quos isti transmittuntur, atq; trahuntur à medicamentis, quæ uim purgatoriam habent, tunc purgatio in omnibus recte procedit: qui uero istud neglexerint, & uomitus atq; subductiones procurauerint, ijs difficiles ueniunt purgationes, non sine torminibus, & quadam uertigine, fastidioq; multo, & malo pulsu, ac dissolutione, & difficultate. Caterum ab hac iusta uacuatione (uoco autem iustam, quæ congruenter facta est, pro exundantiæ modo, uirium robore, morbi magnitudine, & cœli qualitate) uti poterit ex interuallo leuicula aliqua uentris solutione & absterfione sordium ex quotidiana epulatione collectarum. Id pulchre præstabunt pilulæ elephanginæ, aut Russi (quas communes uocant, & pestilenciales) aut ex ter & quater elota aloë in succo brassicæ. Quinetiam utiliter sumitur terebinthina nucis ponticæ magnitudine, aut medicamentum quod ex caricis & cartamo conficitur, (diacnicon uocant) caricæ pingues sunt, ipsisq; auferatur ea, quæ foris circuit pel-

lis, pa-

Purgatio  
iusta.

Diacnicon



lis, pari modo & cartamo, mox ambo simul pari pondere tundantur: sumere uero licebit duarum, trium ue caricarum magnitudinis modum, prout se ad sumentis naturam habebit. His uarie uti expediet, neq; uno tantum delecto, id perpetuo exhibere: cui namq; (Galenus ait quinto de tuenda sanitate) assuefacta temporis spacio natura sumentis erit, eius uim contemnet. Aut huiusmodi pilulæ parentur: & aloës elotæ ex succo brassicæ. ʒ. j. agarici. ʒ. iij. mastiches, cubearum, zingiberis, cardamomi ana ʒ. j. salis indi. ʒ. ʒ. Præstaret tamen exercitijs, aut fricationibus, aut inædia hasce quotidianas superfluitates discutere, ne quis in malam consuetudinem deueniat. Post hæc ad ea remedia concedamus, quibus peculiariter ipsum caput purgatur: & sunt in primis ex hoc genere gargarismi, ex sinapi, eruca, tarco, pyrethro, staphisagri, atq; alijs insignem acrimoniam habentibus, pro hoc modo: & oxymellis scyllitici. ʒ. ij. decocti iridis. ʒ. vj. Aut & hyssopi, rutæ, pulegij ana p. j. radicis inulæ, capparum, pæoniæ ana. ʒ. ij. piperis, zingiberis, staphisagriæ añ. ʒ. j. coquantur in aqua, & excolato adde mellis anthosati. ʒ. ij. gargarissent impasti. Præcipuus quoq; apophlegmatismis (masticatoria dicimus) hic est locus: commansi enim saliuam egregie mouent, & matismi

f



Apophleg-  
matismi  
quando no-  
xij.

liquefactam ex cerebro pituitam in os detrahunt. Pro hac forma & mastiches, piperis, sinapi ana. ℥. ij. staphisagriae, pyrethri, struthij ana. ℥. j. agarici. ℥. iij. salis ammoniaci. ℥. f. puluerentur, & cum passulis enucleatis contundantur, & formentur pastilli in formam lupinorum. Sed cauendum ne nimia sedulitate, & importuno studio grauitur peccemus: siquidem ut salubris est, & à sapientis naturæ consilio profecta, cerebri ac totius capitis per palatum exoneratio, quam, quum res poscit, medicus quoque adiminator naturæ moliri debet: tamen si frequens fiat, & assidua, præsertim quæ acutis, feruidisq; medicamentis irritatur, non rarenter subiectas partes offendit, & exulcerat fauces, guttur, asperam arteriam, pulmones, uentriculum, atq; interanea. Vnde & tusses oriuntur, & difficiles anhelitus, & tabes, & anginæ, & cruditates, & uentris profluvia, & intestinorum difficultates, potissimum si quod distillat, falsum quodammodo fuerit. Iam prætermittenda non sunt, quæ naribus attrahuntur, errhina, succus betæ, ederae, maioranae, chelidoni minoris, anagallidis, elaterium in hunc modum: & succi radices betæ. ℥. iij. pulueris maceris. ℥. j. iridis. ℥. f. ellobori grana. iij. elaterij granum. j. hydromellis. ℥. iij. tepidum naribus sorbilletur. Nunc quod omnino



nino per aluum, aut per nasi fistulas, aut palati foramentum, deducibile non est, & tam exiguum, ut hanc curam non requirat, fricationibus discutiendum erit, & patefactis corporis spiramentis foras proliciendum: atq; ea membra prius aggrediemur, quæ ceruici subiecta sunt, usq; in crura descendentes, tum demum ad caput ueniendum. Istud namq; (attestante Galeno) primum adoriri haud satis tutum est, quoniam superfluitates in eam partem continuo procumbunt, quæ calefacta & commota fuerit prior. Quapropter præstiterit caput reliquisse partium postremum. Exercitationes præterea, & inambulationes, & thermæ, et pedum, tibiæ, & que lationes (hæc si fieri queant) uota plurimum prosperabunt. Pedes lauentur decocto saluæ, origani, mentæ, chamæmeli, meliloti, foliorum lauri. Caput persundatur, ac perluatur lixiuia ex crematis fabarum culmis, aut uitium sarmenis, aut decocto melissæ, betonicæ, rorismarini, rutæ, pulegij, sampsuchi, & sacculus inducatur pro hac forma: ℞ salis arefacti. m. j. milij tosti, cineris caulium brassicæ ana. m. f. fimi columbini p. j. florum chamæmeli, meliloti, anthos, stichadis ana. p. f. mastiches, uernicis, nucis moschatæ, benzoi, xilaloës ana. 3. j. puluerisentur, et formetur sacculus. Aut ceratum applicetur in

Superfluitates in partem prius calefactam decumbunt.



84 DE DOLORE CAPITIS

hunc modum: ℞ ladani. 3. iij. styracis. 3. ij. caryo-  
 phyllorum. 3. j. cubeborum, seminis maioranæ,  
 nigellæ ana. 3. j. galliæ moschatae. 3. ij. olei lau-  
 rini, & caræ quantum satis sit, nigella in aceto  
 acri macerata, hanc si crebro odorentur, dolo-  
 lorem discutiet. Similiter & ruta, & peganum,  
 & calamynthe, & pæonia. Aut pomum concin-  
 netur pro hac formula: ℞ ladani. 3. iij. benzoi, sty-  
 racis, olibani añ. 3. j. iridis, caryophyllorum, ma-  
 ceris, nucis myristicæ ana. 3. ij. cardamomi, semi-  
 nis maioranæ, nigellæ ana. 3. j. moschi grana  
 iij. cum tragacantha in aqua lauandulæ macera-  
 ta conficiatur pomum, quod crebro olfaciāt. In  
 aures detur oleum castoreū, nardinum, irinum.  
 Vrina, lotium ue citetur aqua raphani, genistæ,  
 petroselini, ligustici, rubæ tinctorum, indito  
 oxymelle uel diuretico, uel scyllitico. Aut appa-  
 retur tale aposema: ℞ pulegij, thymi, hyssopi  
 ana. p. j. radice rubæ tinctorum, asari, radice  
 apij ana. 3. iij. seminis dauci, sesonis, ammeos.  
 ana. 3. j. mellis 3. ij. coquantur. Sumant subinde  
 conseruam anthos, stichadis, maioranæ, mentæ,  
 calamum cōfectum, inulam, nucem myristicam,  
 zingiber uiride, pyrethrum conditum, diam-  
 bram, diamoschum, aromaticum rosatum, diaca-  
 lamynthen, diagalangam, diatriumpipereum,  
 diospoliticum, mithridatum, theriacam. Aut in  
 hunc



hunc modum: & conseruæ anthos. ʒ. ij. chebulorum conditarum, corticis citrei conditæ ana. ʒ. j. Aut & conseruæ mentæ. ʒ. j. conseruæ acori. ʒ. f. cinnamomi. ʒ. j. maceris, cubebarum, seminis pæoniæ, caryophyllorum ana. ʒ. j. cardamomi. ʒ. f. cum syrupo è stichade incorporentur. Electuarium in tabulis: & cinnamomi. ʒ. ij. ligni aloes, zedoariæ, nucis myristicæ ana. ʒ. j. maioranæ, mētæ, pulegij, thimi añ. ʒ. f. galliæ moschatæ. ʒ. j. sacchari infusi in aqua saluiæ, aut in decocto roris marini. His uarie, nunc uno atq; iterum altero, facta permutatione uti conueniet. Auerrhois inquit capite secundo tomi tertij Col

Auxilia  
mutanda.

CAPVT OCTAVVM DE DO-  
lore capitis, ex atra bile.

**A** Tram bilem capiti dolorem conciliare Signa. non obscuris notis colligimus: quandoquidem dolor hic nec uehemens est, nec admodum percellens. In læuam partem magis uergit, frons riget, cui manū in explorationem si iniece



ris, exiguum inesse calorem comperies, aures frigent, nares excrementis uacant, oculos rauos, aut furuos habent, & ij continuo nictant, facies squalet, labia turgent, multa est, & acris saliuā oris, à potu abstinent, at omnes cibum non refugunt, sed quidam ex ipsis liberaliter satis edunt: habitus corporis inamabilis, multum uigilant, tristia, & inamœna somnia somniant, submissi animo, & morosi, & consternabiles. Iam si malum sub autumnum incidat, eo magis tempore humor hic abundat. Ex causis copiam atræ

*Causæ.*

bilis gignentibus præcipua est primigenia corporis constitutio. Perspicuum est, nec ulla quamuis tenui nubecula obumbratur. Quin ex nostræ coagulationis rudimentis, uitæ sortem accipimus, ut alij sanguinei, alij phlegmatici, alij à bile flaua biliosi, atq; alij ab atra bile melancholici sint. Quippe quum sic accidit, ut calida, et humida temperatura euadat, ij multo sanguine abundant: si uero frigida & humida, phlegmatis affluentiam colligunt: si caliditati accedat siccitas, cholera multiplicatur: si siccitati frigiditas copuletur, iam furua bilis insurgit, non enim in

*Signa ex* commodiorem succum quicquid offertur, trans-  
*genitura* mutare queunt. Hi depiles sunt, graciles & maci  
*melancho-* lenti, membrorum compagines laxas habēt, arti-  
*licorum.* culos parum expressos, uenas angustas, arterias  
 præduras



præduras, pulsus paruos, raros & tardos, taciti  
 & meticulosi. Præterea usuuenit, ut habitus cor- **Corporis**  
 poris transmutetur, neq; enim perpetuo teno- **habitu strâs**  
 rem asseruet, quem ex genitalibus principijs sor- **mutabilis.**  
 titus est. Nempe qui calido sanguine abundan-  
 tes sunt, & ab amaræ bilis exuperantia picro-  
 choli nuncupantur, facile oborto in uniuersis  
 uasis incendio in hanc dispositionem ad assatis  
 succis transmigrant. Incendium porrò conci-  
 tant ætatis robur, continentes labores, longæ ine-  
 diæ, calidorum ciborum usus, assidua uicinitas  
 ignis, æstates feruidæ, ardentes febres, immodicæ  
 uigiliæ, graues curarum æstus. Hi & macilenti  
 sunt, & nigri, & hirsuti, & latis conspicuisq;  
 uenis. Nunc alia quoq; transgressio in hoc tem-  
 peramentum ex uitioso nutrifu accidit, & ex  
 consuetudine uestendi ea, quæ melancholicum  
 succum gignunt. Aptissime quidem ueteres di-  
 xerunt longam consuetudinem in naturam uer-  
 ti. Constat enim alimentum tacito gradu, ac sen- **Consuetu-**  
 sim in se alitum pertrahere, & cuiusmodi quali- **do in natu-**  
 tates ipsum habet, tales tandem corpori conci- **ram uerti-**  
 liare. Qui negant (inquit Galenus libro de Cau- **tur.**  
 sis symptomatum) alitum ab alimento mutari  
 posse, quod uicti, & non uincens alimentum  
 nomen sit, ij neq; de animantium, neq; planta-  
 rum transformatione quicquam sanum dicere



**Dieta.** possunt. Dieta his præscribatur mediocris, epulæ lentur citra saturitatem, nec cum fame bellum gerant. Aduersissima est ipsis inædia, liberalius edunt, quibus atra bilis acri qualitate exuperat. Cibi sint euchyimi, bene alibiles, qui sanguinem clarum ac lucidum præbeant, & qui facile à stomacho superantur, non uehementer calorigifici, nec insigniter refrigerantes. Hic illud Galeni non excurtio tertio de Temperamentis: Percocta ac mutata & in sanguinem bonum uersa, naturalis in animali caloris substantiam augebunt, non qualitatem intendent. In totum enim siue frigidus, siue calidus potestate cibus sit, cibus posteaquàm in sanguinem conuersus est, naturalem calorem similiter augebit. Quod autem ad sanguinis formam tendit, necdum plane sanguis est redditus, refrigerat, excalefacit ue animal medicamenti ritu. Conferunt ueruecina, uitulina, hædina: ex auib. phasianus, perdix, pullastri, capi, gallinæ: pisces saxatiles, squammosi, friabiles: oua recentia, mollia, sorbilia: pluticulæ iuscula, offulæ. Offendunt bubula, caprina, ceruina, leporina, salsa, infumata, exucca, uetusta: & ex auib. grandes, quæ magis sidunt, quàm uolant, & in aquis escam quæritantes. Ex partibus animalium, cor, lien, hepar, renes. Præterea antiquus caseus, oua frixa, legumina, brassica, omphacium



omphacium, acetum, acidaq; omnia, & acrida,  
 & acerba: lac quoq; dare caput dolentibus ma-  
 lum est, uinum bibant candidū, aut uermiculum,  
 seu subrubrum, plane defœcatum, non crassum,  
 nec nigrum, nec resinatum. In aere uersentur me-  
 diocriter calente, lucido ac sereno: frigidus, ne-  
 bulosus ac densus plurimum officit. Exercitatio-  
 nes finiant citra fatigationem & sudorem, uolu-  
 ptatem quoq; afferant, & mentem reddant ala-  
 criorem: balnea dulcis, & tepentis aquæ non in  
 postremis iuuant: immodicas uigilias uitent,  
 somnus prolixior conducit: animo sint bene  
 affecto, gaudeant, ac meliora sperent.

Curatio. Curationis ratio, si uniuerſi corporis uasa me-  
 lancholico succo referta sunt, auspicanda est à  
 uenæ sectione. Auicenna inquit, phen prima ter-  
 tij: Cum materiam euacuare uolumus, contem-  
 plemur, si significatio ostendit, sanguinem cum  
 ipsa abundantem, nec in sanguine est diminutio,  
 quæcunq; sit materia, à phlebothomia incipie-  
 mus. Ea ergo fodiatur, quæ in dextro cubito me-  
 dia tēditur, nisi externa plenior apparet. Si mor-  
 bus sub autumnum incidit, & dolor quadante-  
 nus in læuā partem inclinat, sinistri brachij me-  
 dia, aut humeralis uulneratur. Sanguis pro æta-  
 tis, uirtutisq; robore, pro tēporis, cœliq; consti-  
 tutione, pro exundantiæ, uitijq; modo extraha-



Aluus lar-  
gius ducēda  
si phlebo-  
tomia nega-  
tur.

tur. Quod si medico propter timiditatem, aut aliud quispiam se permittere non uolet, aluus largius ducenda erit: hæmorrhoides si suppressæ nihil reddunt, idq; præter consuetudinem, talaris scindatur, aut palustres testudines, hirudines ue circa sedem admoueantur, & ab his iterum geminæ secundum aures: mensibus quoque restrictis eadem hæc, iuxta malleolum aut in pollices pedis pertundatur. Galenus ait. xj. de Facultatibus simplicium medicamentorum: Mensibus retentis, ubi per uenam, quæ in talo est modice euacuassent, oblato castoreo, unâ cum pullegio, aut calamyntha, semper medicamentum hoc expertus sum purgationem ciere, absq; lesione, locosq; morantes eiicit, & hec omnia ex melicrato. Iam aluus si induruit neq; retrimēta tem

Clyster. pestiue reddit, clyster infundatur pro hoc modo: ℞ boraginis, buglosi, fumiterræ, brancæ ursinæ añ m. j. betæ altheæ, añ. m. f. florum chamæmeli, meliloti anthos, stichadis ana. p. j. folliculorum senæ. ℥. j. polypodij quercini. 3. vj. radicis pæoniæ 3. iij. seminis anethi. 3. ij. passularum mundatarum. ℥. ij. coquantur, & excolato adde olei liliorum. ℥. ij. mellis rosati, butyri recentis ana. ℥. j. diacatholici. 3. vj. salis modicum, subiiciatur, & subinde iteretur. Alius: ℞ scabiosæ, cuscutæ, lupulorum ana. m. j. came dreos, camepi-  
theos



theos uolubilis, foliorum ellebori nigri añ m. f. se-  
 minis anisi, fœniculi, lini añ. p. j. radicis altheæ,  
 & buglossæ añ. 3. j. passularum paruarum 3. ij.  
 folliculorum senæ. 3. vj. seminis cartami. 3. f. co-  
 quantur, & adde colaturæ olei anethi, camomil-  
 læ añ. 3. j. f. confectionis hamech. 3. iij. Aut sub-  
 iiciatur decoctum galli ueteris cum sena, polypo-  
 dio, cnico, centaurio, hyssopo, scolopendrio epi-  
 thymo, saccharo rubro, sale, & oleo. Tempus  
 istorum est ante cibum, inani uentriculo, &  
 dum acceßiones remittuntur: in morbis conti-  
 nuis diluculum. Deinde ad concoctionem acce-  
 lerandum est, & meminisse oportet, quod quæ  
 tenuium partium materia est, facile alteratur, ac  
 leui momento ex quouis in eam agente castiga-  
 tur. Cōtrā, cui crassæ, ac densæ partes existunt,  
 ea non sine negotio subigitur, & à qualitate sua  
 praua difficulter recedit. Inde est, quod minori  
 opera, celeriusq; flauam bilem concoquimus,  
 quàm atram: quod cum ita sit, & extra omnem  
 controuersiam positum, diligenter annitendum  
 erit, & præsijs iterum, atq; iterum repetitis  
 incumbendum, donec superiores uincamus. Co-  
 ctionis autem spes in natura potissimum sita est,  
 & in facultate corpus tuente: deinde in studio  
 ac industria periti artificis, qui & commodo ui-  
 ctu, & idoneis medicamentis naturam adiuuat.

Tempus op-  
 portunum  
 clysteribus

Materia te-  
 nuis faci-  
 lius altera-  
 tur quàm  
 crassa.



Exhibeantur ergo in hunc usum syrupi, potiones (quas iuleb uocamus) & decocta, pro hoc modo: & syrupi fumiterræ, epithymi ana. ℥. ij. capiant bis quoque die cochlearia duo. Aut & syrupi è cichorea cum rhabarbaro. ℥. ij. syrupi absinthij. ℥. ij. condiantur puluisculo caryophyllorum. Aut paretur iuleb: & aquæ melissæ, betonicæ ana. ℔. f. syrupi è circio (buglossam dicunt) è bizanzijs ana. ℥. ij. Aposema in hanc formam: & absinthij. p. ij. camedros, camepitheos, thymi ana. p. j. seminis anisi, marathri, agni casti ana. p. f. corticis tamaricis, radicis capparis, pæoniæ ana. ℥. ij. glycyrrhizæ. ℥. ij. passularum purgatarum. ℥. j. coquantur in aqua cassuthæ, & uino albo, & excolato ad ℔. unam adde melis rosati. ℥. ij. Neminem fugiat, absinthij plures quum sint species, non aliud intelligimus, quàm ponticum. quod Romanum plerisque dicitur, id Galenus (nisi fallor) ponticum appellat, & post Dioscoridem, libro undecimo de medendi methodo, singulari eulogio dignatur: Absinthium, inquit, ponticum, tum folio, tum flore est, quàm cætera absinthia, minore: odor quoque huic non modo non insuavis, uerum etiam quid aromaticum præferēs, reliquis quidem omnibus plane fœdus: hæc fugere conueniet, uti autem semper pontico. Aliud & succi fumarie, buglossi ana. ℔. f. uini Renensis. ℔.



sis. ℞. j. absinthij, centaurij, stichadis ana. p. j. amygdalarum amararum numero vj. seminis melonum. ℥. f. sacchari. ℥. iiij. fiat decoctio & decoctum per fiscum supra puluerem cinnamomi percoletur, & sumant quotidie bis, mane, & uesperis uncias quatuor, aut quinq;. Non sum in ea cum multis sententia, qui existimem, quæcunque offeruntur committigando capitis dolori, siue is ex nuda intemperatura, siue ex humoribus noxijs prodeat, à coena exhibenda: quasi tum uiciniora sint affectæ sedi, eoq; magis ad suas uires explicandas efficacia: ob iter uidelicet, quod laxum sternitur (gulam dicimus, seu œsophagū) ab ore ad uentriculum. Profecto absurdum non est, quo breuius interuallum agentem à passo dispescit, tanto celerius et exactius optatum finem assequitur. Sed quisquis, quem modo tramitem diximus, arbitratur idoneum, & constratum ad ipsas medicamentorum facultates recta in caput perferendas is uehemēter hallucinatur: quippe hanc uiam architectrix natura alendo corpori destinauit. Cibum enim & potum in uentriculum concoctionis locum transmittit, nec est aliud diuerticulum per quod pateat illapsus. Nūc fieri quidem potest: nec omnino aliter accedit: quum ea ingerimus, quorum substantia est halitua, & spiritu plena, uti hac statim suas quali

Capiti con  
ferentia a-  
na coena sit  
danda.



## 94 DE DOLORE CAPITIS

tates sursum expirent, aut acres fumos, ipsius substantiæ tenuissimas exuuias in caput reuoluant. Qualia experimur allia, cepas, erucam, raphanum, sinapim, uinum, & aromata ferme omnia: quæ si à cœna postulante casu assumuntur, medicamenta opportune sumpta uideri debent. Sed quorum substantia & habitudo lubrica est, mollis, fluxibilis, neq; satis potens suum uigorem in sublime (languescentibus scilicet uaporibus) eiaculari. Hæc profecto præstiterit ante cœnam, et inani stomacho sumpsisse, quo indelibata meatus hepatis, necdum epulis obstructos commodius subeant: indeq; liberius peruadant in uenulas eorum delatrices, quibus ad aliturâ caput indiget, illicq; operentur pro suarum facultatum energia. Catapotia cum utrisq; quodammodo ambigere uidentur. Quapropter capite male affecto, mox à cœna, quæ prolixa non fuit, apte exhibentur, aut à primo somno, si quis liberalius cœnauit, dum aliquousq; cibus conficitur, & prope est, ut digeratur. Quum actuosus naturæ calor ea mollire, macerare, atq; subigere aggreditur, protinus obscœnos uapores sursum uersus, & in capitis regionem summittunt, qui continuo humoribus sese familiares insinuant, quos ibi proprios, ac ueluti cœlesti afflatu notos, agnitosq; offendunt: & eos statim separare, commo-  
here

Pilularum  
operatio  
qualis.



uere, trahere pro suis uiriculis tentant. Sed quoniam imbecilliores sunt, nihil effatu dignum efficere queunt, donec fugientibus ex uentriculo in hepar concoctis, simul irrumpat catapotia iam propter exactam moram egregie malassata: & tum in eas potissimum uenas (quasi accepto mandato) sese effundunt, quæ in caput usque pertendunt: & per has ipsas, non per cibarium tramitem, in aluum deducunt succos ab ipsis uaporibus antè uexatos, & si quos alios uacuandos comperiunt. Auicenna inquit sen quarta primi capite quarto: scire adhuc debes, quod maior attractio humorum, quæ fit per medicamentorum solutiuiorum tractum, est in uenis, nisi ualde uicinum fuerit: tunc enim ex eo & in uenas, & non uenas humor trahitur, ut in humoribus, qui in pulmone sunt, fieri solet: hi enim per uiciniorē uiam trahuntur ad uentriculum & intestina, quamuis nō perueniant ad uenas. Ad pensum recurro. Post syrupos & decocta, hoc est, ab ipsa concoctione propinetur catharticum in hunc modum: & electuarij lenitiui. ℞. confectiois hamech. 3. iij. epithymi 3. j. cum aqua buglossæ fiat haustus. Nemo mihi in fraudem uortat, quod cum aqua buglossæ, & non buglossi dixerim. Semel hanc calumniam deprecatus sum, cuius nec amplius uerbum meminero, utrūq; tamen apud

Calumniā  
deprecatur



Barbaros  
excusat.

idoneos auctores dictum comperio, ut nō magni referat, quo genere ponam. Superuacuum hanc curam damnaſſe uidetur Galenus libro ſecundo de Facultatibus alimentorum, capite de amygdalis: Eſt porro, inquit, inutile quoddam genus hominum, tota uita uerborū aucupio, uec ulli præterea arti, quæ humanæ uitæ ex uſu ſit, deditū, qui ſe Atticorum ſectatores iactitant: ex his alij fructum hunc amygdalas genere fœminino appellandas cenſent: alij neutro generi amygdala, idipſum, cuius tantopere ſtudioſi ſunt, nondum ſcientes, nempe utroq; modo apud Atticos hæc nomina ſcripta inueniri. Profecto ut plurima laude celebrentur, dignum, ac iuſtum eſt, qui caſto ac puro medicinam docent: ita ignoſcendum illis exiſtimo, nec amarulenta inſectatione flagellandas puto, qui uulgaribus, receptisq; hodie uocabulis utuntur, modo diuerſa nuncupatio nullum errorem pariat. Hoc ſæculum non ad literas ſolum perdiſcendas, ſed ad quaslibet diſciplinas iam prioribus aliquot, omnino felicius apparet. Quare aſpernandi non ſunt, nec contumelijs traducendi, qui quantum pro ſuorum temporum ratione licuit, ſtudio, ac diligentia conſequuti ſunt. Aliud ſolutiuum: ℞ diacatholici. ʒ. vj. diſenæ. ʒ. iij. Aut concinnetur tale decoctum: ℞ ſumiterræ. m. j. capillorum ueneris. m. ʒ. florum boraginis



boraginis, circij, uiolarum ana. p. j. pulegij, ab-  
 sinthij, thymi ana. p. f. folliculorum senæ. 3. vj.  
 polypodij quercini. 3. iiij. glycyrrhizæ. 3. ij. pas-  
 sularum mundatarum. 3. j. coquantur in aqua  
 scabiosæ, colaturæ per noctem infundantur cor-  
 ticum myrobalanorum flauorum & indorum,  
 añ. 3. ij. epithymi 3. ij. expresso adde cassiæ re-  
 cens euulsæ. 3. j. Mesue non pessimus auctor, nec  
 in medicina uersantibus omnino contemnendus: Mesue non  
 Hamech, inquit, filij Zezar modus infusionis pessimus au-  
 conferens sodæ, cuius materia est humor adu-  
 ctus, aut melancholia, & est sublime ad illud, &  
 ad maniam, & melancholiam, & epilepsiam, &  
 uertiginē, & lepram, & cancrum, & scabiem,  
 & impetiginem, cuius hæc est permixtio: & my-  
 robalanorum chebulorum, & nigrorum ana. 3.  
 viij. epithymi, rhabarbari ana 3. j. radicis bu-  
 glossæ domesticæ, & syluestris, earumq; florum  
 ana 3. iiij. absinthij 3. iiij. fumiterræ 3. v. polypo-  
 dij, agarici, slichadis, came dreos, came pitheos,  
 ana 3. iiij. liquericæ rasæ 3. v. senæ 3. vij. passu-  
 larum enucleatarum 3. j. bulliant omnia præter  
 epithymum in quinq; libris aquæ, usq; ad libram  
 unam, ultimo uero ponatur epithymum, deinde  
 coletur, & ponatur in sole in uase uitreo diebus  
 sex, proyiciendo in eam confectionis hamech 3.  
 ij. & da ab uncia una, ad unciam unam & me-



**Rhabarbarum coctū.** diam, & est mirabile. Hic obseruatione non indignum arbitror, quod in hoc tam celebri, & tam claris præconijs ornato medicamento, cum cæteris rhabarbarum coquatur, idq; in quinq; libris aquæ usq; ad libram unam, quum tamen in suo de simplicibus Mesue decoctionem aperte dicat, uirtutem ipsius rhabarbari qualemcunq; resolueret. Ex pilulis pollicetur opem, atq; præstant, è lapide armeno, epithymo, capnio, aggregatiuæ, indæ. Quæ è cyaneo lapide conficiuntur, a **Lapis lazuli uenenosus.** pud plerosq; male audiunt, & atro carbone notantur. Hunc lapidem nō minus uenenosum Leoniceus censuit, quàm minium. Equidem in ea sententia sui semper, & hæere constitui, nusquam experiri infamia, quum meliorum copia suppetat. Quandoquidem temerarium est, & in **Argumentum stulticie infamia experi- ri.** signis stulticie argumentum, in ancipiti medicamine periculum facere, quum id nulla cogat necessitas. Pilulæ formentur pro hoc modo: & aggregatiuarum, è sumo terræ añ 3. ij. fiant septem. Aut & pilularum è lapide armeno 3. ij. indarum 3. j. ellebori grana. iij. fiant quinq;. Aut apparetur hic puluis: & senæ 3. ij. polypodij, cartami ana 3. j. thymi, epithymi ana 3. f. tartari 3. j. diagridij 3. f. seminis anisi, marathri, dauci, spicæ, caryophyllorum, maceris ana grana. vj. sacchari ad pondus omnium detur 3. j. plus, minus, pro ratione



ratione sumentis. Post hæc exercitationis adeāt,  
corpus clementer commouendo, & oblectatio-  
nes modis omnibus quærant. Nunc gestationi-  
bus, nunc fricationibus, nunc natationibus in so-  
lijs aquæ tepentis humores molliant, ac perspi-  
rationem procurent. Capiti infundatur deco-  
ctum florum chamæmeli, meliloti, uiolarum,  
nymphæ, seminis lini, anethi, maluæ, radicis al-  
theæ, buglossæ, & foliorum senæ. Vngatur bu-  
tyro sine sale, æsypo, axungia uituli, anseris,  
oleo uiolaceo, anethino, susino, unguento resum-  
ptiuo, dialthea. Sumant sepicule conseruam bo-  
raginis, buglossi, uiolarum, nenupharis, rosa-  
rum, melissæ, anthos, stichadis, corticem citrei  
conditam: aut frustulum diambæ, diamoschi,  
diamargariti, electuarij e gemmis, lætitie Gale-  
ni, aut exhilarantis Rasis, aut Auicennæ ex li-  
bro de Viribus cordis.

## CAPVT NONVM DE

curanda Hemicrania.

**A**ccidit sæpenumero, ut altera tantum  
pars capitis dolore afficiatur, & altera Signa.  
incolumis nihil detrimenti sentiat, aut tam exi-  
guum, ut uehementior offuscet alterum, hemi-  
craniam dicimus, quæ plerunq; per circuitum



Cerebrū bi  
partitum.

Causæ.

recrudescit. Et ipsorum quidam circa tempo-  
rum musculos acrius dolitant: quidam uero do-  
lorem longè ulterius progredientem habēt: non  
nulli ob doloris acerbitatem manuum conta-  
ctum ægerrime ferunt. In quibus palam est, pelli-  
culam caluam ambientem esse affectam. Cere-  
brum homini bipartitum, quemadmodum cate-  
ris animalibus nemo nescit. Id enim membrana  
quædam tenuis per medium distenta diuidit.  
Quo fit, ne semper utraq; infestetur, sed inter-  
dum dextera, interdum læua, prout materia no-  
cens sese insinuauerit. Causæ huius affectus  
aliæ non sunt, quàm quas uniuerso capiti tor-  
menta conciliare diximus. Et sunt nude, simpli-  
cesq; intemperaturæ, hoc est, meræ qualitates,  
materia non peccante, calida, frigida, humida,  
& sicca. Aut si in maleficium coëant, quod fieri  
quidem potest, ut caliditas siccitati, & frigidi-  
tas humiditati copuletur. Quod si cum exupe-  
ranti materia iungantur, non sunt quidem tam  
simplices, ac nude, quin subiectam habeant ma-  
teriam: nempe qualitates absq; materia non con-  
sistunt, sed humores non nunquam exundant,  
aut æquali & multitudine peccant, tum & inauicta quanti-  
ter aut inætas doloris est causa, quos statim uel putredo  
qualiter a- propter obstructions, aut uitii aliud quia non  
bundant. digeruntur, corripit. Humores hi sunt: sanguis,  
phlegma



phlegma, & utraq; bilis, flaua uidelicet et atra. Qui quum æqualiter abundant, & suas inter se proportionales conseruantes pariter exuberant. Huiusmodi dispositio dicitur plenitudo. Alia quidem ab ea, quæ ad uires refertur. Quod si sanguis solus superfluat, & reliqui sese intra iustum societatis modum contineant, plethora nuncupatur. Quod si humoribus his æqualiter exundantibus uitiosa quoq; qualitas accedat, caco-chymia appellatur. Hemicraniam præterea gignunt, halitus, uapores, flatulenti spiritus, siue hi in affecta sede pullulascant, siue aliunde & ex consensu inserantur, modo alteram duntaxat regionem obsideant. Calidi quoq; odores, ut styracis, croci, moschi, atq; omnia ferme odorata capitis dolorem pariunt. Hippocrates inquit: Suffitus aromatum muliebria ducit, sæpius uero & ad alia uilis esset, nisi capitis faceret grauitatem. Iam & ob sensus exuperantiam quosdam dolor arripit. Sunt enim non nulli in quibus cerebrum tam exacte sentit, ut neq; acre acetum, neque sinapi, neq; aliud huiusmodi citra offensionem ferat. Signa unamquamq; causam iudicantia, & quid qualiter officiat, demonstrantia, in prægressis luculenter patefecimus. Quocirca operæ precium facturus non sum, si hic rursus, quæ sunt exposita, loquacius denarrem: omnia

Signa causarum.



## Curatio.

in locis omnibus dicere, nugacitatis potius, quā doctrinæ propriū est. Paulus Ægineta ex libro primo Artis curatiuæ ad Glauconē, quæ sequuntur, mutuauit: Dolores cū grauitate molesti, plenitudinem testantur, cum erosione infestantes, uel humorum, uel uaporum acrimoniam: qui cum pulsibus obueniunt, inflammationem: qui cum tensione, siquidem grauitas, & pulsus non adsit, spiritus tenuis, & flatulenti redundantiam innuit: si cum pulsu, membranosa partis inflammationem: cum grauitate, humorum copiam, qui intra membranas se receperunt. Curationis ratio, uaria profecto est, ac multiplex. Sed si in memoriam reuocemus, quæ in superioribus enarrata sunt, clepsydrias non adeo multas opus fuerit huic rei dedisse. Quod si nuda intemperies noxam gignit, hanc Galenus septimo de Curandis morbis, in hunc modum sanare docet: Calida intemperies refrigeranda est, frigida uero calefacienda: similiter humida, siccanda, & sicca humectanda. Quod si per copulationem aliquam duarum qualitatū intemperies consistat, miscenda amborum consilia sunt, ac quæ humida calidāq; est, siccanda & refrigeranda, quæ uero humida, & frigida, siccanda ac calefacienda. Ad eundem modum sicca & frigida humectanda, ac calefacienda. Sicca uero & calida, hu-

mectanda



melanda, & refrigeranda. Scire uero licet, om-  
 nium harum pessimam esse inter simplices, sic- Sicca intē-  
 cam: in compositis, siccam & frigidam. Medica peratura  
 menta quibus hæc doctrina compleatur, ex qua pessima,  
 tuor primis capitulis petenda sunt. Cæterum si  
 ex sanguinis copia seu plethora malum ipsum  
 sobolescat, quum morbus omnis suo contrario  
 curetur, plane constat in sanguinis detractio-  
 nem sanationis collocatam. Neq; remedium hoc  
 in hunc, aut alterū diē differri debet, sed statim  
 et à principio, (huiusmodi enim dispositio nullā  
 coctionem flagitat) uena uulneretur, & tantum  
 sanguinis educatur, quantum poscit exuperan-  
 tia, & uires ægri ferunt. Si dextera capitis regio  
 afficitur, externa dextræ cubiti secanda erit: si læ-  
 ua, quæ in sinistro cubito externa est. Nec pro-  
 nus à minutione somno se componat, sed ali-  
 quantisper in unam, atq; alteram horam, imò  
 & in plusculas (si patitur animus) uigilet: non  
 solum hanc uigiliam (si quid recte iudico) medi-  
 ci præcipiunt, ut diligentem habeant deligatio-  
 nis curam, et ne soporatis uincula diffibulentur:  
 qua incuria resectum uulnuscule, & adhuc à  
 recenti sectione hians inscienti supra modum  
 sanguinis uimi effundat: quod quàm sit uitæ dis-  
 crimini coniunctum, neminem latet: immodica  
 euacuatio non minus immoderata repletionem pe-

Phleboto-  
 matus non  
 statim dor-  
 miat.



riculosa est. Sed alia ratio huic facto subesse uidetur, nempe pertusa uena (hoc sensui manifestum est) statim qui in ipsa uulnuscule proximus est sanguis, effluit, mox per cōtinationem alius, non per electionem naturæ (quod in decretorio cæstu contingit) hic effluxus fit, ut qui sectioni proximus est, intra corpus retrahatur, & qui inflammationem committit, aut obsidet doloris regionem protrudatur, & omnino primus excurrat, quemadmodum in parentis paritura luctabantur Esau, & Iacob: sed tandem attractus per inanitionem, & indigentiam noxius, simulque pulsus per excretoriam dolentis partis, prodit: nec omnis quidem sed qui uicinior est & fluxui maxime paratus, quum iam satis pro uirium facultate uacuatum erit, clauso foramine natura sui semper satagens (patente loco, qui non solum transmissum recipere queat, sed & sugente quo impleatur) residues succos in uenæ capacitatem depromit, eoq; modo patientes particulas, quantum ualet, infesta saburra liberat. Quā ob rem Galenus quarto de Tuenda sanitate, missionem sanguinis iterari iussit, qui sic habet. Quam autem ob rem in his qui hoc premuntur, iterari sanguinis detractionē iubeam, nec hos multum, ac simul reficere, satis profecto fuerit uel empiricorum causam reddere: nempe quod & magis  
iuuantur



iuuantur, quibus sic est emissus, & bona uale-  
tudine diutius fruuntur, qui sicut comprehensum  
est, sunt tractati: cæterum & quæ ex natura rei  
ratio dicitur, apposuisse non sit alienum. Quo-  
niam igitur in hac, quæ ueluti phlegmone fati-  
gat lassitudine, uis calidi sanguinis congesta in  
corporis mole est. Venæ autem sectio succos &  
uasus emittit, utile est post priorem detractio-  
nem, tantisper intermittere, dum aliquid eorum,  
qui in corpore sunt humores, remigret ad ue-  
nas: quod tamen, quoniam cōmittendum nō est,  
ut in ijs maneat, utpote ex dimidio corruptum,  
sed potius plurimum eius expellatur: idcirco de-  
tractionem sanguinis etiam secundo die itera-  
mus. Itaq; quia res se sic habet, si confestim à  
phlebotomia hominem obdormiscere sinimus,  
cōsentaneum est, naturæ opus interturbari: nem-  
pe sollicita, est, & iam accincta ad causam mor-  
bi ex internis sedibus in externas, & longin-  
quas profligandam: sed in dormitante contra-  
rius motus obuenit, siquidem intro recurrit, &  
in interna secedit cum omni sanguine naturalis  
calor. Quapropter Hippocrates uigilantem ho-  
minem extrinsecus uult calidiorem esse, dor-  
mientem uerò opposito modo se habere. Hi por-  
ro per cōtrarios terminos motus contrarij simul  
consistere nequeunt, quare si somnus uincat, &

Vigilans  
homo dor-  
miente cali-  
dior.



huius occasione cum succis naturæ calor intro-  
fugit, par est, & omnino consequens ut alter mo-  
tus obtorpeat, neq. ex affecta sede vitiosus san-  
guis depellatur. Ergo luce clarius patescit quate-  
nus ad profundum, & viscera is fluxus decum-  
bit, semper ij somni nocent, & salutem turpiter  
impediunt, quæ ex uigilijs imminabat, distribu-  
tionem uidelicet noxij sanguinis in partes exter-  
nas. Hoc Auicenna dicebat phen quarta primi:  
Inter uenæ apertionem, & iterationem dormi-  
re, excrementa cum sanguine expelli prohibet,  
quum humores per somnum ad imam corporis  
partem retrahantur. Imò si qua inflammatio cir-  
ca viscera ferueat, nec abundantia sufficienter  
per uenæ sectionem imminuta fuerit, rationabi-  
le est, ob factam etiam turbationem, quæ finem  
nō attigit, si subitus somnus superueniat, inflam-  
mationem adaugeri, & febres, si quæ sunt, inten-  
di. Sic sæpenumero in exitialibus morbis ex hu-  
iusmodi somnis fieri uidemus, pauores, timores,  
labores, conuulsiones, & delyria. Quamobrem  
experientissimus Galenus nono de Medendi me-  
thodo in curando adulescente, qui continenti ci-  
tra putredinem febris laborabat, de industria san-  
guinē, quoad animo liqueretur, abstulit. Nec sta-  
tim ab hac magna uacuatione hominem dormi-  
re iussit, sed somnum distulit in duas ab ipsa mis-  
sione

Galenī fa-  
ctū, est præ-  
septum.



sione horas, & tum paulo nutrimenti dato quiescere præceperit. Profecto congruit, nec licet inficiari, quin in exacte uacuatis ab aliquantula mora plus utilitatis, ratione coctionis ex somno expectatur, quàm sit damnum, quod ex motu ad interiora consequitur. Ad institutum recurre: non nunquam natura nobis hanc operam intercipit, & ipsa suarum functionum prudentissima, aut per nares, aut hæmorrhoides, aut muliebres locos tantum sanguinis effundit, quantum tollendi morbi modus exigit. Et quum perfectè ipsa commouet, adminiculante medico non indiget. Quod si imbecillior præsidium hoc non tentauerit, aut in conatu succubuerit, artificis fuerit ex re ægrotantis id ipsum irritare, aut in iustam excretionem, quod inchoatum est, perdere. Galenus ait: si tempore mittendi sanguinis menses moueri contigerit, siue etiam ora uenarum sanguinem fundere solita, sint reclusa. si inspecto fluentis impetu, ipse satis forte uidebitur, qui solus, quod requiris, uacuet, naturæ rem omnem permittes. Sin minus tantum ipse detrahas, quo ex coniunctis ambobus perficiatur, quod postulas. Quod si frigidus humor uitium gignat, prima in concoctione spes est, & in detractione reliqua. Coquunt autem oxymel simplex, diureticum, scyllinum, syrupus è marrubio, cala-

Exacte  
phleboto-  
matis plus  
cōfert som-  
nus.

Medicus na-  
turæ adiu-  
tor.



myntha, hyssopo, acoro, stichade. Aut: & hyssopi. m. j. satureiæ, thymi ana. m. f. passularū mundatarum z. j. seminis anisi, foeniculi ana. p. j. seminis urticæ, pæoniæ ana. p. f. corticis radices foeniculi, petroselini, sparagi añ z. f. coquantur in aqua pluuiæ, huius decocti uncias tres cum uncia una oxymellis bibat octo, aut nouē dies, bis quoq; die, postea catharticum sumat, quale est diaphœnicum, electuariū indum, hiera Archigenis, Ruffi: aut pilulas coccias uoret, aggregatiuas, agarici: aut huiusmodi compositio concinetur: & aloës lotæ in succo brassicæ z. ij. bdellij z. iij. colcynthidis z. ij. sagapeni, opoponacis ana z. j. maceris, cubebæ, cinnamomi, xilaloës, radices inulæ, iridis pæoniæ ana z. f. salis indi z. j. elaterij grana. vj. mastiches z. f. cum rhodomele aggregentur, & dentur scrupula duo, aut tria pro ratione sumentis. Tenaces, uiscidos, crassosq; succos egregie uacuant, corpore probe inanito pro morbi uirtutisq; modo, quod unico plerunq; pharmaco fieri nequit, sed repetitis iterum, atq; iterum & concoquentibus, & purgantibus medicamentis, tum ad topica confugiemus: & ab initio dum crura, & partes ceruici subiectas perfricamus, dum musculorum capita funiculis constringimus, dum scapulis & infernis particulis cucurbitulas affigimus, ijs utemur,

Topica.



mur, quæ repellendi uim habent, ac post discutientibus & corroborantibus. Repellit autem oleum, quod immaturum nominatur, & item oxyrhodinū, aut quod in duplici uase conficitur ex teneris oliuæ, rubi uel germinibus, et ederæ corymbis, mentaq; uiridi, & sisymbrio. Euacuat uero atq; dissoluit oleum calidum, magisq; si antiquum fuerit, uel sicyonium, aut anethinum. Humores si non admodum sunt crassi, atq; tenaces, sufficienter per huiusmodi euacuantur. Quod si etiam serpillum intus decoxeris, aut pulgij comam, uel calamēti, uel sampsychi, uel nepitæ, uel rutæ: ita etiam quod crassius refederit, euacuabis, & uirium aliquid cerebro adieceris.

Nec te fugiat Galenum solere unguenta calefacere in duplici uase, utiq; coniecta prius in uas in duplici maius aqua feruente: quando, inquit, aliter caleuase calefactis uitiatur eorum facultas. Irrigationes præcienda.

terea conducunt ex decocto maioranæ, lauri, betonicæ, lauandulæ, chamæmeli, meliloti, roris marini, saluæ, stichadis. Aut cum lixiuia ex quernis cineribus, aut caulium brassicæ, aut samentaceis, aut eius lotio, qui brassicam comedit.

Nec in postremis collocandum puto, si guaiaci ramenta (nō pauci ebum arbitrantur) noctem & diem in aqua pluuiā macerentur, deinde lento igne, & sine flamma percoquantur, quumq;

Vnguenta

in duplici

uase calefa

cienda.

Guaiaci de  
coctum.



ad dimidiam ferme partem coctura peruenierit, surculi aliquot libanotidis, & origani in eam conijciantur, & mox ab aliquantula ebullitione aula ab igne tollatur, eoq; sufferuido, & in tempore uergente caput lauatur, et lauatum calente linteo diligenter resiccetur. Possum equidem neq; mendax, neq; uanum testimonium præbere, nimirum expertus, & de periculo sciēs, quod hoc ipsum decoctum diuturnos capitis dolores (qui gallico morbo affectus eueniunt) quum bibitur, pulchre persanat. Quinimo non semel eo usus sum, post multa sine fructu tentata, ac prosperissime successit. His propinari consueui, qui morbum fateri nollent, quos tamen suspicio, & clancularius rumor debilitarent. Alexander nobilissimum prædicat unguentum, quod constat ex euphorbij uncia semis, atramenti scriptorij denarijs quatuor, myrrhæ trogloditicæ denarijs tribus, aceti quantum opus est, emolliantur hæc omnia probe, donec mellis induant spissitudinem: deinde, ait, laborantis caput à medio supercilio auspicans ad ipsa usq; tempora illinito, præcipue, ubi locus uacat capillis, uel ijs ipsis etiam inibi derasis, atq; dum quieuerit eundem locum iterum, atq; iterum perungito. Sed summo opere cauendum, ne quicquam unguenti profluat in oculum. Galenus sic habet libro secundo de compo-

Alexandri  
unguentum

Vnguentū  
Galenī ex  
euphorbio.



de Compositione pharmacorum secundum locos: Sape extempore ac improviso pharmaca præparare coactus, simpliciter euphorbij illitione usus sum, modica cæra compagis acquirenda gratia adiecta. Sufficit autem in libram olei, siue sabini, siue alterius ei propinqui cære quadrantem immittere, & euphorbij unciam unam, atq; ex hoc dimidiam frontis partem illinere, unā cum temporis uidelicet musculo. Et est ijs, qui ob frigidas causas infestantur, commodissimum, ut saepe, semel ante balneum illitum, quā citissime affectionem persanet. Iuuat etiam hos, si oleum tepidum in aurem instilletur, modico euphorbio ad oleum iniecto: nimirum ad librā olei unam, euphorbij uncia dimidia, si ualidum euphorbium existat. Verum in corporibus molli, ac tenero sensa præditis, etiam si minus quā dimidiam unciam inieceris, melius res procedet. Paulus inquit: Mulier quædam in hemicranicis hoc quod sequitur, epithemate usa mirum in modum inclaruit: Radicem cucumis syluestris uiridem minutim concisam, absinthiumq; hydrelæo incoquebat, dum intabesceret, ac hydrelæo mediocriter calente partem affectam irrorabat, radicem uero & absinthium in puluerem contrita oblinebat, atq; hoc solo medicamine hemicranicos, & cum febre, & sine ipsa curauit. Aliud

Epithema  
cuiusdam  
mulieris.



nec contemnendum, & piperis nigri, castorei, euphorbij singulorum denarium, hæc oleo interas, & duas, tres uel guttulas in aurem affectæ partis instilles. Nec desunt, qui in ancipiti, periculosoq; cruciatu magna cum fiducia transcurrant ad ea, quæ carnem perurunt Hippocratis se-

Tiresias  
qualis talis  
Hippocra-  
tis.

Phœnig-  
mon

quuti cōsiliū (qui talis inter medicos celebratur, qualis inter mortuos Tiresias, hic enim apud inferos solus sapit, cæteræ uero umbræ uolitant) ad summos, ait, morbos summa remedia adhibeantur. Nos quidem (dei munere) in eam inopiam nunquam incidimus, uti hisce tormentis opus haberemus: si tamen ea necessitas obuenerit, candente ferro iuxta caluæ suturam, ne quid tamen huius uioletur, caro uisuletur. Aut quum uulneris altitudinem res non poscit, cuti detur. sis pilis medicamentum applicetur, quod uesiculas, papulasq; excitet (quale phœnigmon græci uocant) uel per tapsiam, uel per sinapim. His in extima potenter extrahuntur, quæ intus infecta cubant. Aut in hunc usum talis fiat compositio: & fermenti acris ℥. f. caricarum numero. iij. medullæ panis crudi ℥. j. seminis sinapi 3. ij. cantharidum 3. iiij. aceti scyllitici cochlearia. ij. pin sentur in mortario, cuius aliquanta pars applicetur loco dolenti horulas decem, aut duodecim: post has amoueatur, & acuto forficulo turgentibus bullu-



tes bullulae excindantur, & folio nigrae brassicae butyro prius illitae contegantur.

Quod si bilis damnum dedisse deprehenditur, id facile innotescit: etenim ij strepitu magis, ac clamoribus, lucisq; splendore, & uini potu, calidisq; uaporibus offenduntur, quibus phleboto- mia magnifice conducit, & ea cephalicae ex ob- lesa parte procedentis: etiam sanguis si non plu- rimus exuberat, modo totus ferueat, nec omnino corpus exuccum sit, deinde glandibus turbetur aluus, aut infusionibus, si astrictior siccescit. Hu- mor ipse subigatur syrupo uiolaceo, rosaceo, nymphaeae, endiuiae, cichoreae, fumariae, papaue- ris, acetoso simplici. Aut & florum uiolarum, boraginis, buglosi ana. m. j. macerentur in deco- cto hordei, & excolato adde oxyssacchari ℥. iiij. In penuria recentium florum, hoc est, quum per- temporis constitutionem non habentur, eos sac- charo conseruatos usurpo: arefactis nulla mihi, aut praelanguida uis inesse uidetur. Pro hoc mo- do & conseruae uiolarum, nenupharis ana ℥. j. & succi malorum granatorum ℥. iiij. aquae cicho- reae ℔. j. fiat leuis ebullitio, & postquam defer- buerit, traiciatur per fiscum supra species dia- rhodi abbatis. Post haec pharmacum excreto- rium dabimus, non quod multa agitatione calo- rem, atq; tumultum concitet, sed seruata utilita

Curatio ex  
bili.

Flosculis  
arefactis  
praelangui-  
da uis inest.

b



te (quoad fieri queat) quietum, placidum, et amicum: quale est cassia, māna, diaprunum simplex et solutivum, diacatholicum, electuarius lenitivum, pro hac forma: et electuarij ē psyllio ℥. ʒ. ē succo rosarum ℥. ij. capiat cum aqua lactis. Aut et cassia recens extracta cum aqua farfaræ ℥. j. specierum electuarij ē succo rosarum ℥. j. diagridij grana. iij. Aut dilutum sic paretur: et rhabbarbari ℥. iij. corticis myrobalanorum citrinarum ℥. iij. spicæ grana. ix. macerentur per noctem in aqua sumariæ, et adde colaturæ diacatholici ℥. vj. Decoctum in hunc modum: et capnij m. j. boraginis, circij ana. m. ʒ. prunorum numero. ix. passularum purgatarum, tamarindorum ana ℥. j. seminis maluæ ℥. j. seminis anisi, feniculi ana. ℥. ʒ. folliculorum senæ ℥. iij. coquantur, et adde colaturæ cassiæ recens extractæ ℥. ʒ. pulveris rhabbarbari ℥. j. diagridij grana. iij. Si catapotijs magis afficitur, sumunt quæ sunt et rhabbarbaro, capnio, aut ex aureis tria scrypula.

**Topica.** Corpore probe in anito reliquum erit ea aggredi, quæ capiti adhibita succurrere queant: adhibenda potissimum qua parte maxime dolet. Sacculus in primis conficiatur ex uiolis, rosis, nymphaea, santalis, myrto, coriandro, semine lactucæ,

**Vsus narcoticorum.** scariolæ. Quod si immodicæ uigiliæ malum reddant infestius, narcoticis, sensumque hebetantibus

opus



opus erit. Sed ad hæc nō temere properandum: meminisse oportet popularis uerbi, festina lēte: licebit autem, quum grauioris incommodi formidine urgemur, cunctanter eis, modiceq; uti. Quamobrē deraſo ſyncipiti infundemus oleum mandragoræ, alterci, papaueris, non abſq; anethino. Aut tale unguentum apparetur: & olei roſarum ℥. j. olei alterci, anethi ana ℥. ſ. omnium ſantalorum ana ℥. j. corticis radicis mandragoræ ℥. j. croci. opij ana grana. vj. ſucci lactucæ, ℥. ij. aceti modicum, fiat unguentum ſecundum artem, quo tempora & frons liniantur. Aut pro hac forma: & aquæ roſarum, nenupharis añ ℥. iij. olei anethi ℥. j. aceti, ſucci halicacabi (alkekengi dicunt) ana ℥. ſ. camphoræ grana. vj. croci grana. v. opij grana. iij. caleſcat, & ſtupa intincta applicetur parti dolenti. Salutare quoq; comperi irrigationem ex decocto foliorum ſalicis, maluæ, althææ, cucurbitæ, lactucæ, ederæ, pampinorum, roſarum, uiolarum, nenupharis, chamæmeli, meliloti, anethi, pulegij. Nimirum patefactis porulis uapores noxios foras prolicit, humoris intus cubantis acrimoniam retundit, & ſomnum naturalium facultatum nutritium, egregie conciliat. Sed ne te fugiat, (quo Caput quā niam periculo coniunctum eſt) neq; humectando non fridum, neq; inſrigidandum caput, ſi rheumatismo gidandum.



obnoxium sit: aut ob plenitudinem metus imminet, ne ob madesactionem eo corripiatur. Profecto id non prospectum subitam præfocacionem natum est ciere: nempe cholera, seu ipsius uaporoſa pars ex admotis frigorificis facile cogitur, atq; densatur in aquam, quæ protinus opinione celerius ruina quadam in fauces, pulmonesq; decumbit, & uitæ tramites obſtruit.

Curatio ex  
atra bile.

Si atra bilis offeſſam gignit, nequaquam inutilis erit modici ſanguinis miſſio, ut hac commotiuncula ſanguis uentiletur, craſſi ſpiritus attenuentur, eorumq; aliquota pars patefacto itinere foras erumpat. deinde bilis ipſa concoquatur ſyrupo è ſumoterræ, epithymo, aſpleno, bugloſſo, calamyntha, melle anthoſate. Aut & ſucci boraginis, bugloſſi, lupi, capnij ana. ℥. ſ. aquæ meliſſæ. ℥. j. florum boraginis, circij, uiolarum añ m. j. florum anthos, ſtichadis ana. m. ſ. poſt aliquantam florum macerationem fiat leuis coctio, & excolatum adiecto ſaccharo ſyrupifetur. Catharticum accipiat confectionem hamech diſſenam, pilulas è lapide armeno, ſumaria, elleboro. Poſtea caput clementer fricetur, peſtatur, commodisq; decoctis irrigetur, & cæratum pro hac forma inducatur: & olei uiolarum, lini ana ℥. j. axungie, uituli medullæ, crurum cerui ana ℥. ſ. pulueris agallochi ℥. iij. maioranæ, thymi, anthos ane



plasmatis, infusionibus percuretur: si ex sola, ac nuda intemperatura, hæc per contrariam qualitatem optime tollitur. Si membrum aliquod afflat uitium, nulla profecto in corpore particula est, nec breuissimus ipse pedis digitus, quin cerebro per consensum incommodare queat. Prudentis erit artificis primariam ægritudinem iugulare, & tum facile exolefcet, quicquid hanc instar umbræ, comitatur.

### CAPVT DECIMVM de phrenitide.

**P**hrenitis est cerebri, aut membranarum ipsum complectentium inflammatio, cum acuta febris, & mentis diminutione. Membranas autem constat esse geminas, Galenus ait octauo de Vsu partium corporis humani: quemadmodum Plato inter terram & ignem, quoniam longe à seinuicem absunt natura, aquam & aerem deum posuisse ait. ita & ego utiq; dicam, in medio cerebri & cranei, quia substantijs longe distant, posuisse naturam uerasq; meningis non contentam uno amicitie uinculo illa obligasse. Hæ quia custodes ac protectricule cerebrum diligenter circumcingunt, matres ab ipsis medicis appellantur. Altera qui-

Cerebrum  
geminis mē  
branis tegi  
tur.



Phreniti-  
dis genera-  
tio.

dem dura, atq; altera pia: non profecto, quod il-  
la nouercans officium recuset, & hæc præstan-  
di muneris sedulitate matrescens se perdat: sed  
quoniam quæ superna est, & craneo attigua sub  
ducitur, ex arterijs, uenis, neruis, omnibusq; pau-  
lo crassioribus fabricatur, quàm ea quæ inferna  
& cerebro propior incumbit. Tali artificio sa-  
gax natura magnæ utilitatis ergò, has cõtexit:  
nimirũ superna, si tenuis æquè ac delicata exti-  
tisset, facile poterat ab incumbente offse noxam  
contrahere: iam ipsa quoq; ob hanc causam, du-  
riuscula cerebri teneritudinem, si sola fuisset in-  
teriecta, suo contactu temeraret: quare alia sub-  
sternitur tam solida, quæ durioris incubitum ci-  
tra iacturam excipiat, iterumq; tam leuis &  
æquabilis, ut molliori sine ullius offensæ metu,  
ac tutò iungatur. In has igitur quum uel feruidi  
sanguinis, uel flauæ aut perustæ bilis confluxus  
irrupit, primum arteriæ, quæ sunt maiusculæ,  
atq; item uenæ, quæ sunt capaciùsculæ, ipso gur-  
gite opplentur, & distenduntur: confestim ab ijs  
minores ac deinde minusculæ, & res ita succe-  
dit, donec ad minimas peruentum sit, adeoq; ni-  
hil infarctum relinquitur, quod alicuius suscepti-  
le sit. Arteriæ uero propterea primitus, ac maxi-  
me inturgescunt, quoniam in ijs & natura cali-  
dior est sanguis, & magis etiam spirituosus, post  
hunc



thos ana ʒ. j. gallie moschata ʒ. j. ʒ. cum cera  
 agglutinentur. Conferunt præterea diarhodum  
 abbatis, diamoschum, diambra, diamargaritum,  
 electuarium e gemmis, conserua boraginis, bu-  
 glosi, anthos, stichadis, mentæ, myrobalani ni-  
 græ, cortex citrei condita, nux myristica, et con-  
 cinnetur huiusmodi tragema: & exhilarantis Ra-  
 sis ʒ. j. diarhodi abbatis, aromatici caryophyl-  
 lati ana ʒ. ʒ. seminis anisi & fœniculi confecto-  
 rum ana ʒ. ij. coriandri præparati ʒ. j. foliorũ ro-  
 sarum saccharo opertorum. p. j. mentæ, sampsy-  
 chi, thymi, ana ʒ. j. fiat tragema, cuius a pastu  
 semper capiat cochlearium unum. Si libet, in for-  
 ma conseruæ, seu opiatæ, fiat compositio pro  
 hoc modo: & myrobalanorum, & nigrarum añ  
 ʒ. j. conseruæ anthos, stichadis ana ʒ. ʒ. corticis  
 citrei conditæ ʒ. vj. specierum diamoschi dulcis,  
 diambre ana ʒ. j. foliorum auri, seu bracteola-  
 rum numero. xv. cum modico uini aromatici  
 concorporentur. Si cum tensione dolor existat, Curatio ex  
 celeriterq; demutetur, nec ullus grauitatis sensus flatulento  
 premat, quem humoris exundantiam significat spiritu.  
 re diximus, neq; acris pulsus conuerberet, quem  
 inflammationem portendere constat, tum flatu-  
 lenti spiritus membranulas implent: quos saccu-  
 li ex milio, sale, anetho, camomilla, meliloto, pu-  
 legio, nepita, pulchre discutiunt, & radix peo-



niæ recens eruta quâ à collo suspenditur. Aut in hunc modum: & florum chamæmeli, meliloti, anthos, stichadis ana. p. j. milij torrefacti. m. j. seminis anethi, seseli, cumini ana 3. j. pulegij, nepitæ ana. m. f. fiat sacculus. Si mordax est, ac erodens infestatio, hanc biliosi uapores efficiunt. Auxiliabitur flaua myrobalanus, & syrupus granatorum, arantiarum, limonum, & caput oxyrhodino perfundatur. Iam non pauci ob meracioris uini potationem, (caput habentes aptissimum ut impleatur) cōfestim cephalalgia, aut hemicrania capiuntur, ij dilutius bibant, & ab expleta siti coriandrum in aceto maceratum manducent, aut diacotoneum, & brassica ex aceto madida caput circumdetur. Alij ex calidis odoribus euestigio tentantur, quibus algifici halitus materiæ leniter olentis succurrunt. Alios ob sensus acuitatem celerrimè dolor corripit, præcipuum his remedium, ualentiore qualitate prædita fugere. Quòd si in pericranio morbus loris pericranij. niduletur, fieri non potest quin copulationis lege, quæ intra caluam consistunt, etiam dolitent. Sed dolor is ad oculorum usq; fundamenta non pertingit. Qui si ex sanguine prodit, humeralis uena fodiatur: sin ex alio succo, post commodam coctionem is cathartico extrahatur, & mox affecta sedes unguentis, emplastris, cæratibus, cataplasmatibus



cernere se putabat: atq; ita noctu, & interdiu,  
 sine ulla intermissione cōtinenter canentes, quos  
 clamitans, assidue à cubiculo expelli iussit. Et is  
 ubi conualuisset, omnia acta, & quicquid præsentes  
 aut dixissent, aut egissent, probe narrabat.  
 Subijciam & tertium ex libro secundo de Motu  
 musculorum. Confert enim magnopere ad inter-  
 noscendas differentiis, huiusmodi historiarum  
 notitia: Noui inquit, quendam per tredecim dies  
 delirasse, hoc pacto: putabat se Athenis, non Ro-  
 mæ iacere, crebro autem familiarem puerum re-  
 uocans, iubebat sibi, quæ ad gymnasium pertine-  
 bant, afferri: & pauca intermissione facta, Heus  
 inquit, Ptolomeum dico, decreui in gymnasio  
 diu lauari: ac non nunquam exiliebat interea, at-  
 que indutus ibat rectà ad ostium aulæ. Ac quum  
 retinerent eum, qui intus erant, & exire prohi-  
 bebant, Cur prohiberetur ab eis, percunctaba-  
 tur, Hi uero (nihil enim licebat aliud dicere, quàm  
 ea, quæ erant uera) febricitasse eum dicebant, &  
 adhuc febricitare, ipse autem ad hec ualde mode-  
 ste respondebat, Scire enim ipse dicebat, quod ad  
 huc reliquæ febris sibi restabant, sed eas esse pe-  
 nitus exiguas, nec metuendum ne à balneo læde-  
 retur, ortam enim sibi totam præsentem febrem  
 ex itinere. An non recordaris, conuersus ad pue-  
 rum dicebat, quod laboriosè heri iter fecimus à

Historiarum  
 notitia con-  
 ducibilis.



Phreniti-  
dis secunda  
species.

Lanifici fi-  
lius projici-  
tur.

Megaritis Athenas talia quum diceret, ac faceret, fluxu sanguinis per nares copioso sibi facto, & post ipsum sudore, statim quidem conualuit. Iam quum media dumtaxat pars peruritur (in hac cogitatio, & ratiocinandi uis consistit) tum nullus quantum ad sensitiuam notitiam error interuenit, sed communis sensus suo munere probe fungitur, ne uisum iudicat, quod nusquam oculus conspicit: neq; exauditum, quod auribus non insonat, uerū rationis discursus uacillat. cuius obscuræ flammarū fuligines amabile lumē obtenebrant. Hi æquum, & bonū constituūt, quod nefarium est, atq; immane: quare obscenē uociferantur, uiolenter insiliunt, & abominanda facinorosa patrant: & hæc est phrenitidis altera species. Cuius lésionis modū Galenus sic explicat: quum Romæ quidam domi cum lanifici puero contineretur, surgens à cubili uenit ad fenestram, per quam & ipse uideri, & prætereūtes uidere potuit. Itaq; ex uitreis uasis singula ostendens interrogauit, imperarent ne ut ea projiceret. Illi uero ridentes, plaudentesq; ut ea projiceret, rogabant: tum ipse deinceps omnia arripiens proiecit. At illi magnis acclamationibus riserunt. Postea iuberent, ne puerum quoq; eijci, quum eos interrogasset, atque id illi iussissent, ilico ipsum deiecit: quem ab alto cadentem uidentes suppresso



hunc, qui in uenis: quin mox omnia, quæ cum ijs circumposita cubant, indomitis flammis corripiuntur, & hæc est phrenitidis generatio.

Cuius quum plures sint species, duas tantum præcipuas Galenus libro quarto de Affectis locis, enumerat, ex quibus tertia non nunquam micat. Has ex perturbatis animi functionibus distinguit: constat enim cerebrum huius esse domicilium, quod quum belle habet, & recte constitutum ualet, mirum est, quam in eo uigeat, ac triumphet pandocheus, agatque omnia supra querimoniam. Et quoniam ipsius non una est, nec simplex agendi facultas, Architectus ipsum quoque habitaculum in cellulas, ueluti officinas, in quibus singulas operetur, incredibili artificio discreuit. Inde est, nisi totum, & ex qualibet sui parte innocuum extiterit, animus continuo delirat, & pro qua parte imbecillitatem patitur, ea statim facultas aberrat, cuius temerata pars sedes existit: quocirca sinciput, anterior uel cerebri regio, quum labefactatur, tum communis sensus, & imaginatrix, quia in hac stabulatur, difformiter mouentur, ac corrupte iudicant: cogitatione quidem nequaquam falluntur, nec male coherentia loquuntur, nec enorme quicquam designant, sed arbitrantur se coram, & claris oculis cernere, quod nusquam uident, neque etiam ut uideant,

Phrenitidis species sunt tres.

Cerebrum quare in cellulas diuisum.

h s



Prima species.

à quoquam obijcitur. Auribus quoq; se exaudire contendunt, quod minime sonat, neq; ut sonet à quoquā agitur. Et hæc est prima phrenitidis species, quā se perpeſsum Galenus quarto de Affectis locis, in hunc modum scripsit: quum per æstatem ardenti febre laborarem, & festucas atro colore ex cubili eminere, & floccos similiter in uestibus eſſe putabam, quod auferre tentans, nihilq; sub digitis eductum inueniens, accuratius, uehementiusq; id efficere conatus sum. Audiens itaq; duos ex amicis, qui tū aderant, dicentes: Vidēs ne hunc iam & floccos euellere, et festucas colligere: statim intellexi idipsum, quod dicebant, me feciſſe. Quum uero sic animo constarem, ut rationalis in me facultas non uacillaret, Recte, inquā, dicitis, proinde ne phrenitis me arripiat, auxilio estote. Illi autem, quum idoneis rigationibus caput fouerent, tota die, ſequentiq; nocte, grauibus inſomnijs turbatus sum, ut interrim & clamare, & exilire uiderer. Verum poſtero die mitigata ſunt omnia. De Theophilo autem medico in libro de Symptomatum differentijs ſic meminit: Theophilus quū alioqui ſapienter ſe haberet, neq; temere quicquam ageret, omnesq; præſentes pulchrè noſceret, tibicines quoſdam in angulo cubiculi ſui eſſe arbitrabatur: alios quidem conſiſtentes, alios uero conſidentes cernere

Theophili phrenitis.



suppresso statim risu accurrerunt, & afflictum  
 iam puerum sustulerunt. Quibus porro utraq; Phreniti-  
 regio temeratur, hi & sensus, & cogitationis ui-  
 dis tertia  
 tio corripuntur. Galenus ait tertio de Sympto-  
 species.  
 matum differentiis: in cogitandi functione amen-  
 tia, quasi resolutio quædam est. Stultitia, siue fa-  
 tuitas ueluti imperfectus ac deficiens motus est:  
 delirium uero uocatur motus aberrans, ac uelu-  
 ti deprauatus. Accidit quoq; plerunq; ut ambas  
 actiones obturbet delirium, ut neq; bene proce-  
 dat imaginatio, neq; fiat ratiocinatio.

Hanc tempestatem imminere quædā signa cui Signa præ-  
 denter præmonstrant. Quum quis immodicis ui-  
 sagientia.  
 gilijs præter consuetudinem infestatur, & sopor  
 post longam expectationem adueniens non quie-  
 tem, sed laborem adferat, uarijs imaginibus terre-  
 faciens, ut nunc effrenis clमित, pugnet, æstu-  
 et, nunc affectu contrario meticulosus horreat,  
 eiulet, lachrymetur, ut plurifariam nec uno mo-  
 do in tam inæquabili, ac procellosa succorum  
 agitatione defatigetur. Mox qui sese sublimes  
 surrigunt, & turba mirantur in omni, opes, cen-  
 susq; iactitant, ac maiorum stemmata crepant:  
 non solum stultitiæ argumentum est hæc uento-  
 sa prædicatio, sed insaniam apertè prænunciant.  
 Tristitia quoq; in ijs, qui alacres esse solent: &  
 ita præceps in mansuetis, & in ijs, qui leui ani-



mo graues etiam iniurias pertulerūt. Insuper obliuiscencia, quā antea dictorum, ac factorū pulchrē memores ex re cuncta cōponerēt: quibus si accedat ceruicis ab occipitio, & secundum summas uertebras dolor, haud leuiter coniecturam roborabit: siquidem in ea regione grandes arteriae, & amplae uenae sternuntur, quae sunt humorum uiae in caput confluentium, ita in his prima seditionis conspiratio feruet. Nunc si tempora saliant, & frons intendatur, hypochondria pulsant, oculi nictent, fientis morbi ueridicas notas collige. Sed Galenum praestat laudare, qui libro quinto de Patiētibus particulis, capite tertio sic habet: Antequam inualescat, praecedunt ipsum accidentia non pauca, eaq; omnia phrenetica indicia uocantur, quae ab his quoq; qui me praecesserunt, conscripta sunt: nam interdum uigiliis praecedere, siue etiam somnum manifestis imaginibus turbatum, ita ut clament non nulli, & exiliant, uidere est. Interdum uero adeo agrestis accedit obliuio, ut laborantes aliqui, quum matellam petiuiissent, meiere tamen neglexerunt: Aut quum lotium emisissent, matellam ipsam prode re haudquaquam meminerint: interdum maioricum tumultu, aut temeritate respondent, praesertim ubi aliquis antea fuerit mansuetus. Atq; ij omnes exiguu utuntur potu: spiratio ipsis rara est, &



est, & magna: nonnunquam occipit dolor infestatur. Auicenna phen prima tertij, Præcedunt, inquit: karabitum obliuio rei propinquæ, & tristitia sine causa, & somnia mala, & sorda multa, & grauitas, & repletio: & antecedunt ipsam secundum plurimum citrinitas faciei, & uigilia prolixa, & somnus inquietus. Et accidentia hæc fiunt fortiora, dum materiæ perseuerant in itinere perueniendi ad caput, & reuoluuntur in uenis suis, & subtiliantur. Et quum appropinquant ei, & bibit cerebrum materiam, inueniunt principium doloris ex posteriore parte capitis, apud locum, in quo est coniunctio colli, & capitis. Est præterea quum in commodè ualentes præter ulla præludia, & sine aliqua præsentatione, subito irruat. Nequaquam tamen efficientis causæ tam est subita, ac repentina generatio, quam est ipsius affectus inopinata & inprospecta irruptio. Pedetentim enim, atq; silenter, in corpore non nunquam causæ, duæ excitandis huiusmodi malis sunt aptæ, succrescunt. Quod & à rabidis canibus morsus usuuenit. Nam (auctore Galeno) consentaneum est non ociari, nec infusum conuiescere canis uenenum, licet multis interim proximis mensibus se non prodat, nec uim suam explicet: uerum illos, quum post multum interuallum aquam fortassis uiderint, formido ta-

Phrenitis  
subito non  
nunquā ir-  
rumpit.



Vnus est  
morbus si-  
ue fiat fa-  
ctus sit.

le nihil metuentes corripit, & postea breui moriuntur. Longo siquidem tempore, ac paulatim causa rabiem efficiens fortescit: & ubi tandem eò peruenerit, celerem & improuisam mortem adfert. Haud aliter uitiosus aliquando in corpore succus coaceruatur, qui à letalis ueneni natura non admodum distat. Hic in uicinis humoribus aliquid perpetim agens, eò tandem euadit, nullam ante sui significationem faciens, ut statim febrem accendat, & improuisam phrenesim pariat. Neq; alius est morbus, qui fit, & iam factus est: clementum enim speciem minime uariat. Quod eleganter libro primo de Affectis locis, Galenus differit, cuius equidem uerba, & sententias, quia me plurimum afficiunt, nec quenquam aliter affectum credam, hisce commentarijs cupienter infarcio. Hic inquit: an uero de quolibet morbo dum fit, sed nondū factus est, eodē modo dicēdū sit, haud ab re quæritur: neq; enim omnium quæ fiunt, eadem ratio est: quippe res similes nullā naturalē figurā requirentes, protinus ab initio eadē cōstāt essentia: dissimilares uero, & quibus uaria est forma, essentiam generatione posteriorem habent. Neq; enim quum domus construitur, simul fiunt fundamenta, parietes, fastigium, tegulæ, ianuæ, fenestræ, ex quibus omnibus quodam modo cōpositis, atq; in unam formant



formam reductis, domus ipsius essentia composita est. Morbus uero & calidus & frigidus, & humidus, & siccus, protinus ab initio, quum primum corpus temperaturæ, quæ bonæ ualitudini debetur, limites excesserit, eandem sibi ipsi naturam habet. Quamuis enim interdum adeo sit exiguus, ut neq; à nobis cognosci, neq; laborantium sensu percipi possit: nihilominus tamen propriam habere speciem censetur. Nec aliter quidem inflammatio, quæ in animalis parte constiterit, siue maxima, siue minima fuerit, unus atq; idem erit affectus, non specie, sed magnitudine uarius. Post fientis indicia, iam & factæ & efferuescentis com-  
monstremus. Iis statim ardentissima febris inest, quæ suo æstu externas partes, adeoq; uniuersum corpus prælicenter adurit, & quandoq; in altum se condit, & circa uiscera non minus conficiens debacchatur. Oculos habent cruentos, turgentibus simul, & rubentibus uenis, in quibus tremulæ quædam ueluti promicatis ignis scintillulæ splendent, quos & sæpe perfricant interim aridos, interim lachrimantes. Toruo quoque ac truci obtutu respectant, lingua torrida, salebrosa, & nigra est: membra propter mouentis potentiæ imbecillitatem intremiscunt: Quos Hippocrates libro de Prædictionibus, morituros iudicauit: Insensiles præterea efficiuntur, ob uiolentum incendiū

Phrenitidis iam factæ signa.



afflicto cerebro, & nervis ab ipso propagatis:  
cibum omnem auersantur: uirulenta uomunt:  
multum uigilant, & qui obreptat somnus, omni  
no implacidus est, ac perturbatus: nec habitum  
probe cubantis seruant, supini retractis cruri-  
bus in spinam iacent: experrecti palpebras diffi-  
culter attollunt, ægerrime appellati respondent,  
eaq; aliena, & male coherentia: modo rident, ui-  
cissim plorant: quum matulam, scaphium ue sub-  
ijci postulant, priusquam subijciatur, dicto ci-  
tius non meminere. Galenus de Difficultate spi-  
randi: Qui, inquit, insaniunt, mentem quidem, ut  
arbitror, in imaginibus ipsis, ueluti studiis qui-  
busdam, & contemplationibus defigentes, fun-  
ctiones arbitrarias spernunt, neq; urinam ex-  
cernūt, nisi quis admonuerit, neq; egerunt, neq;  
cibum, neq; potum, neq; quippiam aliud simile  
expostulant: quod si forte fortuna aliquando pe-  
tierint, rursumq; monitore egent. Multos pro-  
cul dubio nouimus, qui ubi matellam petiissent,  
ea data neq; minxerunt, sed in manibus ipsam te-  
nuerunt: alij surrexerunt quidem, ut uentrem ex-  
purgarent, at ubi defecerunt, omnino rei agen-  
dæ sunt obliti, nec quippiam operati sunt, donec  
qui adessent, in memoriam reducerent. Ut au-  
tem hi omnes longa temporis interpositione suas  
obeunt functiones, sic & ipsas amplitudine com-  
pensant



pensant : affatim igitur plurimum excernunt,  
 unoq; potu, plus quam moderatio exposulat,  
 ingerunt, atq; singula alia modo efficiunt simili.  
 Ex stragulis floccos euellunt, ex pariete stipu-  
 las carpunt, festucas legunt, pusillas bestiolas ue-  
 nantur, & temeraria manuum gesticulatione  
 ea persequuntur, quæ nusquam sunt: spiritus per  
 interualla magnos trahunt, & ex imò pectore  
 grauius suspirant: offensa enim mens suas actio-  
 nes neq; cohibere, neq; auspicari satis apte ua-  
 let: pulsus languidos edunt, & exiguos, & qua-  
 dam tenus duos: lotium tenue, quod si aquæ  
 quoq; speciem refert, interitum denunciat, quem  
 admodum & alui candicans deiectio. Nimirum  
 ipsa febris, indicium facit multitudinis uitiosi  
 succi: urina uero quum nō tingitur, perspicuum  
 est hunc in uasis non contineri, sed leuitate sua  
 in capitis regionem ferri. Itaq; quod egeritur,  
 aut uestica reddit, si albet, mortem portendit: ne-  
 que enim poterit uirtus cerebri seruari, quum  
 tantus ingruit acutæ, mordacisq; materiæ afflu-  
 xus. Si quis etiam dentibus strideat, non consue-  
 tus à pueritia ita efficere, exitiosum est. Cæte-  
 rum quibus feruidus sanguis hanc calamitatem  
 gignit, ij cum risu desipiunt, & in minori uer-  
 santur periculo. Quibus splendida bilis mor-  
 bum facit, ij nequiter ferociunt, & grauiori dis-

Urina a-  
 quosa in fe-  
 bri pessima



crimini subiacent. Quibus uero nigra ac perusta bilis negotium facefcit, horum rabies uinculis eget: præcipites sunt, atq; immanes, & in Libitinæ rationem concedunt.

**Dieta.**

*frigidus aer  
in inflam-  
mationibus  
utilis.*

*Picturæ a-  
nimales spi-  
ritus fati-  
gant.*

Dieta ijs præscribatur, uti in aere cubent sublustri, nec obscuro penitus, nec etiam perlucido: qui pro temporis constitutione, & æstu febris refrigeretur. Auerrhous inquit capite secundo, sectionis tertiæ Collectaneorū: ubi aer ægritudini repugnat, eximiam utilitatem ægotanti, ac summam uoluptatem medicanti adfert. Frigidus aer saluberrimus est ad deflammationem uiscerum, quatenus respiratione attrahitur: attenu utilis esse non potest, quatenus ægrum extrinsecus ambit, quoniam densat, cogitq; cutem, ac delationem uaporum prohibet. Sed ex inspiratione frigidi, clarius emolumentum aduenit, quàm ex astricta cute nocumentum. Hominum turba neutiquam cubiculū ingredi permittatur, nempe ex multorum simul congregantium flatu aer crassescit, ac turbido calore inficitur. Amiculi interdum admittendi, qui ægotum solentur, & si quid mentis inesse conspiciant, paucis, blādisq; cōpellent. Aut si magis ex re, et commo-  
dius uidebitur, auctoritate, probris, minis reuocet, castiget, terrefaciāt. Nullæ adsint picturæ, nec aulea, nec quicquā uario colore distinctum,  
hæc



hæc sensitiuos spiritus fatigant, & animalem facultatem perturbant. Optimus ijs cibus est ptisanæ cremor ad unguem coctus, utpote qui frige facit, & humectat, & sine siti hominem seruat. Aut panis calida elotus: aut elixi gallinacei iusculum adiectis boragine, buglosso, lactuca, spinachio, malua, acetosa, (oxalidem dicunt) uuis acerbis, omphacio. Algifica quoq; semina, cucumeris, melonum, citrulorum, cucurbitæ, decortentur, & in mortario contusa per cribrum distringantur cum decocto fursuris triticei, & saccharo pro gustu dulcoretur. Aut hordeum discoquatur, & cum purgatis aliquot amygdalis contusum per setaceum cogatur. Olusculis etiam uesci potest, & in uehementi ardore incoctis, lactucis, spinachijs, intybis. Commendantur punica mala, citrea, limones, arantiæ, cerasæ, pruna, acidaq; omnia. Semper aliquid offerendum, nec ulla dandi occasio est prætermittenda: cibi enim mitiorem, minusq; mordacem, si squalens, Cibi caloremq; est, calorem reddunt. Potus exhibeatur uerem mitinum, quod Græci olygophoron dicunt, quasi ganti. aquam non ferens: aut ceruisia tenuis, aut dilutum hydromel, aut hydrorosatū, aut decoctum tamarindorum. Frigidam nequaquam bibant, præsertim si transuersum septum consortij legedamnum dedisse deprehendimus, nisi ualida fue-



rit uirtus, & febris ardentissima, & lotium co-  
ctiōem significet. Quibuscunq; inquit Gale-  
nus, in principe particula tumor aliquis ē phleg-  
monis, œdematos aut scirri genere consistit, ijs  
frigidam offerre non oportet: non nulli etenim  
intempestiua, immodicaq; eius potatione, nec  
multo interposito tempore, nec postmodum, sed  
ilico difficultate spirandi, & conuulsione, &  
tremore corripuntur, & toto, ut semel dicam,  
neruoso genere læduntur. Pedes ac tibiæ abluan-  
tur decocto salicis, uitis, maluæ, nenupharis. Ad  
saturitatem dormiant, noxiæ sunt insomniæ. At  
tamen sicut à cibo ad somnum conuersi implent  
caput, sic in plethoricis dispositionibus somni  
ipsum replentes aggrauant cerebrum: sed spes  
est in ijs ab ipsa sanguinis missione celeris coctio-  
nis. Animum, si quid eius retinent, minime des-  
pondeant, neq; si fieri queat, usquam exasperen-  
tur. Quasuis enim offensiones grauissime ferūt.

**Curatio.**

Curationis ratio à uenæ sectione auspicietur,  
sine qua inanis fuerit omnis labor, sterilisq; co-  
natus, siue iam morbus fiat, siue iam factus sit.  
Auicenna inquit, phen prima tertij: si san-  
guis quidem in toto habetur corpore, & in  
capite materia exuberans continetur, phle-  
botometur cephalica: sed si nondum con-  
tinetur, sed est in hoc, ut contineatur, mi-  
nuatur



nuatur nigra: & si timeatur comprehensio, antequam incipiat peruenire ad hoc, ut contineatur, sicut si contingat propter causam attrahentem humorem in circuitu capitis ex caliditate extrinseca, aut percussione, aut reliquis, phlebotometur basilica. Et si uis, ut extrahas plus illo, phlebotoma saphenam. Sanguis pro exundantiæ modo, pro uirtutis robore, pro ægritudinis magnitudine uacuetur. Hac opera tollitur infesta plenitudo, et impetus uaporū sursum contendentium reuellitur, & succorum lasciuentium æstus cohibetur. Sed diligenter prospiciendum, ne uinculum, quo ad sanguinis restrictionem uulnuscum obligatur, æger temere diffibulet: siquidem hæc incuria periculum minatur, fortassis adhuc hians plagula in nimium fluxum solueretur: deinde leui chysmate aluus proluatur ex hydrelæo, seu rosaceo, cum ptisanæ cremore, aut pro hac formula: ℞ lactucæ, scariolæ, maluæ, uiolarie ana. m. j. florum nymphæ, cichoreæ ana. m. ℥. seminis psyllij, maluæ, cucumeris ana. p. j. seminis anisi, foeniculi, ana. p. ℥. furfuris. p. ij. coquantur in aqua, & adde excolato olei uiolacei ℥. iij. cassiæ recens extractæ ℥. j. salis modicum. Aliud: ℞ ordei. m. j. foliorum salicis, cucurbite, branae ursinæ, altheæ ana. m. ℥. passularum mun-

Vinculum  
ne phlebo-  
tomato te-  
mere solua-  
tur.



datarum ℥. j. folliculorum senæ ℥. vj. coquantur in aqua lactis, & colaturæ addantur olei nenupharis ℥. iij. diacatholici ℥. j. salis pauculum.

Quum metuiamus intestinorum debilitatem (cuius semper meminisse decet) adijcimus aliquid mentæ, aut sisymbrij. Iam si morbus non nullas inducias pollicetur, nec properiter in uigorem contendit, ex arte fuerit, simul & ex re male habentis haud protinus ad cathartica confugere.

Quin pro data morula occasionem arripientes uitiosum humorem concoquamus. Id est experientissimi Hippocratis consilium: in acutis passionibus raro, & in principiis medicinis purgantibus uti, & hoc cum præmeditatione faciendum. Nec expedit quidem, neq; tutum est,

Prunæ ferro  
non commoveantur

ardentes prunas ferro commouere, ne sparsis scintillis incendium latius uagetur. Itaq; huiusmodi aposema paretur: R. endiuia, cichorea, lactuca ana. m. j. radicis plantaginis, rostri porcini, graminis ana ℥. f. tamar indorum ℥. j. seminis maluae. p. j. coquantur in aqua, & colaturæ addantur syrupi uiolacei ℥. iij. acetosi simplicis ℥. j. Aliud: R. ordei. m. j. fumiterræ, lupulorum, boraginis, buglosi ana. m. f. florum uiolarum, nenupharis, cichorea ana. p. j. quatuor seminum frigidorum ana ℥. ij. prunorum numero. xv. coquantur, decoctum coletur ad lb. j. cui adde syrupi



rupi cichoreæ ꝑ. iij. granatorum ꝑ. ij. accipiat  
bis quoq; die uncias quatuor. Materia quadam-  
tenus concocta ( siquidem in ijs procrastinatio  
mala est, & quæuis opportunitas, ne qua præ-  
ceps elabatur, corripienda) purgationum phar-  
macum exhibeatur, ex eorum genere, quæ minus  
calefactant. Quale est, quod habet florum bora-  
ginis, circij uiolarum, nymphæ ana. ꝑ. j. tamar-  
indorum ꝑ. f. prunorum paria. vj. passularum  
enucleatarum ꝑ. j. seminis endiuie, scariolæ, la-  
ctuce ana ꝑ. j. senæ ꝑ. iij. coquantur in sero bubu-  
lo, colaturæ adde cassiæ recens euulsæ ꝑ. j. Aut  
huius decocti ꝑ. iij. in ijs macerentur rhabarba-  
ri ꝑ. ij. expresso adde syrupi uiolarum ꝑ. j. Aliud  
ubi perusta fuerit bilis, & sumariæ, lupulorum,  
ana. m. j. scabiosæ, buglossi, sparagi ana. m. f. se-  
minis maluæ. ꝑ. j. seminis psyllij. ꝑ. f. epithymi  
ꝑ. ij. corticis myrobalanorum citrinorum, & ni-  
grorum ana ꝑ. iij. coquantur secundum artem in  
aquis alkekengi (halicacabū appellant) & sarfa-  
ræ, excolato adde diacatholici: & diasenæ ana  
ꝑ. iij. sumat sub auroram tepidum. Ab hac inani-  
tione confestim nos accingemus ad remanētium  
succorum alterationem, pro ipsius inflammatio-  
nis acerbitate, & ad cerebri, cordisq; corrobo-  
rationem, pro facultatum imbecillitate. In hanc  
operam magna cum fiducia usurpabimus conser-



Vena fron-  
tis phrene-  
sim tollit.

uam rosarum, uiolarum, boraginis, buglosi, flo-  
rum intybi, nenupharis, capnij, triasandalum,  
diamargaritum. Aut concinnetur tale eclegma:  
℞ conseruæ uiolarum ℥. ij. conseruæ rosarum,  
corticis citrei conditæ ana ℥. j. diarhodi abba-  
tis, manus christi cum margaritis ana ℥. vj. rob  
è ribes ℥. f. trochiscorum caphuræ ℥. f. cum sy-  
rupo è limonibus, seu granatis concorporentur,  
et ueletur auro, aut immisce aliquot auri bra-  
cteolas. Aquas bibant endiuia, cichoreæ, farsa-  
ræ, solani, halicacabi, lactucæ, portulacæ, plan-  
taginis, aut decoctum ordeï cum saccharo rosa-  
to, aut uiolato, aut eo, quod manum christi di-  
cunt. Iuleb paretur in hunc modum: ℞ aquæ por-  
tulacæ, buglosi ana. ℔. j. succi ex acidis grana-  
tis. ℔. f. sacchari rosati quantum satis est ad gu-  
stum. Quod si morbus in rabiem exæstuet, et in  
principem partem plena phrenitis debacchetur,  
non aliud remedium salubrius, uel ex Epidauro  
accersitus Æsculapius attulerit, quàm ut euesti-  
gio frontis uena incidatur, si modo tam ualens  
uirtus sit, quæ sine noxa missionem toleret: tan-  
tumq; sanguinis semel ducatur, quantum ratio  
permittit eorum, quæ assensum in hanc rem præ-  
bere debent: nec utilis solū in summo uigore hæc  
phlebotomia comperitur, sed ab initio quoq;  
et mox gliscente uitio, post commodam reuul-  
sionem



sionem magnificè opitulatur: eaq; aptissime perficietur, si collum tantisper iniecta fasciola astringatur, donec torosior uena emineat. Æger aut amicorum commonitionibus, aut manibus ministrorum coërcitus, sic confideat, ut idonei uuln-  
ris fiat inflictio. Namq; hoc (expertus loquor) præ alijs multis adminiculum est longe potentis-  
simum. Quare sedulo & diligenter instandum, modisq; omnibus adnitendum, ut ocysime adhi-  
beatur, priusquam uires concidant: quas omni-  
no consentaneum est, non posse diutius in tanto  
conflictu saluas consistere. Quod si quid aduer-  
sum obstabit, aut impedimento erit, quominus  
peragatur, narium epistomia refringantur. Ga-  
lenus inquit tertio de crisis, finit & phreniti-  
dem sudor multus, & præcipue si ex capite mul-  
tus & calidus profluxerit, sudante simul reliquo  
corpore. Contingit autem & aliquando, quod  
per sanguinem e naribus fluentem phrenitis fi-  
niatur. Quare si natura hanc uacuationem non  
tentauerit (proprium quidem signum sanguinis  
ex naribus profluxuri, est præcordiorum ten-  
sio) Medicus suo fungens officio naturæ succur-  
rat. Hæmorrhoides quoq; si suppressæ tument, ex naribus  
acuto scalpello fodiantur, aut admotis hirudini-  
bus sanguis extrahatur. Si menstrua proluuies  
mulieri non redditur, opportunis medicamentis  
Præcordio  
rum tensio  
sanguinem  
profluxu-  
rum signifi-  
ficat.



**Hippocra-  
ti non suc-  
cessit men-  
struorū pro-  
uocatio.**

**Concursus  
humorum  
quo pacto  
impediatur**

**Topica.**

citetur. Sed quia hæc non nunquam artificem frustrantur, id enim Hippocrati accidit, in Phæthusæ Pythæi coniuge, & Namysia Coripsi uxore, sic is habet sexto Epidemiarum, Medicis quidem omnibus, inter quos et ego casu fueram, spes unica uidebatur, si muliebria naturaliter descenderent, quæ quum multa fecissemus, non uenerunt, in hoc ergo euentu, uel potius posthabitis ijs, quæ hunc fluorem concitant, quum multa caliditate prædita sint, nec dilationem morbus præbeat, uena iuxta malleolum decurrens protinus percutiatur: postea coxendices, & ipsa crura in summos usque pedum digitos perfricentur, musculorum capita strictioribus institis deligentur, et cucurbitulæ desigantur. Etenim quum est in domitus et uiolentus humorum in affectam sedem concursus, alienum non fuerit contraniti, & fricationibus, & ligaturis, & cucurbitulis, & modo quouis obluctari, ne quò tendunt, aliquando peruadant. Sed illud interim Auicennæ in mentem ueniat: quum ad locum remotum materiam reuellere intendis, mitiga prius dolorem loci affecti: sic enim minor fiet tractionis uiolentia, quum dolor ipse trahat. Quod si importunè trahere festines, fortassis huiusmodi urgens infestatio materiam mouebit, eamque attenuabit, & non trahetur, imò ad affectum locum facilius reuocabitur. Quapropter



propter statim & in principio ab ipsa minutio-  
ne derafo capiti oxyrhodinum liberaliter est ad-  
mouendum, ut sint olei partes quatuor, aceti  
pars una. Duo pitacia, inquit Celsus, habeantur,  
quæ latitudinem frontis, lōgitudinemq; æquēt,  
ex his inuicem alterum in rosa & aceto ha-  
bere, & alterum in fronte, aut intinctam eisdem  
lanam oportet. Quo sane remedio nullum præ-  
sentiū excogitaueris: nempe affluentes humo-  
res strenue repellit, afflictæ sedi mirificum ro-  
bur addit, calorem potenter reprimat, & dolo-  
rem pulchrè lenit. Porro rosaceū myrtino præ-  
stat, quia partium est magis tenuium, altiusq; de-  
scendit, præsertim si insolatum sit. Flores enim  
si ualidam odoris gratiam repræsentant, & plu-  
ribus diebus constantē ex insolatu tenuius ipso-  
rum oleum, magisq; utile redditur. Qui inuali-  
diores sunt, faciliusq; diffilari possunt, minus in-  
solatum tolerant, uti quorum uirtus promptè  
exolescat, utpote lilium & uiola. Quare & pri-  
mis exemptis, prorectisq;, alij debent immitti.  
Quod si exæstuantius erit caput, & maiorem  
refrigerationem postulabit, oxyrhodino adde-  
mus succum plantaginis, aut acetosæ, uirgæ pa-  
storis, ederæ, maluæ, uiolaris, lactucæ, aut muc-  
laginem psyllij, & aceti plusculū. Aut & aquæ

Flores inso-  
latum tole-  
rantes.



solatri, rosarum ana ℥.ij. olei rosarum, nenupha-  
 ris ana ℥.j. f. aceti uini ℥.j. croci ℥.j. camphoræ  
 grana. vj. Neminem (uel me tacente) latet ubi  
 sanguis noxam gignit, frigescentibus opus es-  
 se, et moderate assiccantibus: ubi ex flaua bile ui-  
 tium erit, humectantibus. Quæ quum peruritur  
 humidiora poscit, atq; frigidiora. Cataplasma  
 in hunc, aut consimilem modum conficiatur: ℞  
 foliorum rubi, salicis, ederæ, lentiginis aquæ añ  
 m. j. coquantur in aqua, qua post cocturam desic-  
 ca, herbæ in mortario tundantur, addendo olei  
 rosarum ℥.ij. olei melini ℥.j. mucilaginis psyl-  
 lij ex aqua solatri ℥.f. aceti ℥.j. terræ sigillatæ  
 ℥.ij. farinæ ordei. p. ij. croci ℥.j. redigantur in  
 formam pulticulæ. Auerrhous ait capite tertio  
 sectionis tertiæ Collectaneorum: Cerebrum tuto  
 calefacere potes, refrigerare non citra pericu-  
 lum. Præter hæc egregie insaniam cohibet, cere-  
 briq; intemperaturam corrigit, si uiriles globuli  
 madefacto linteo in aqua, succo uel alkekengi,  
 aut sedi, aut portulacæ admisto aceto inuoluan-  
 tur. Vbera quoq; foeminarum consimili epithe-  
 mate madidentur. Odoramenta ex rosis, uiolis,  
 nenuphare, papauere, santalis, camphora pul-  
 chre conducunt: renes ungantur oleo papaueris,  
 nymphæ, ranarum, salicis, cucurbitæ. Cordis  
 regio hac infusione irrigetur: ℞ aquæ farfaræ  
 rosarum

Viriles glo-  
 buli frigi-  
 da fouendi.



rosarum ana. lb. ℥. succi granatorum acidorum  
℥. iij. omnium sandalorum ana 3. ℥. specierum  
diamargariti frigidi 3. j. trochiscorum caphu-  
re 3. j. spicæ, croci ana grana. v. Postea applice-  
tur huiusmodi sacculus: & rosarum rubearum,  
florum uiolarum, boraginis, buglossi, nenupha-  
ris ana. p. j. seminis endiuie, scariolæ, lactucæ  
añ. p. ℥. omnium sandalorum ana 3. ℥. terræ sigil-  
latæ 3. ij. camphoræ croci ana grana. vj. fiat sac-  
culus ex aceto madidus applicetur cordi. Ecleg-  
ma, cuius partem sæpenumero assumant: & con-  
seruæ florum cichorij 3. ij. conseruæ nymphææ,  
uiolarum ana 3. j. conseruæ rosarum, corticis ci-  
trei conditæ añ 3. ℥. mucilaginis psyllij ex aqua  
buglossi 3. ij. seminum frigidorum mundatorum  
añ 3. ℥. spodij seminis acetosæ, citrei, tragacathæ  
ana 3. j. specierum diamargariti 3. iij. croci gra-  
na. ix. trochiscorum camphoræ 3. ℥. bracteolas  
auri puri puti & obryzi. xv. concorporentur  
cum syrupo citrangulorum. Quum iam immi-  
nutus erit calor, & aliquousq; consopitus do-  
lor, nec nos nouus alicuius materiæ influxus ter-  
rebit embrochis ac perfusionibus conabimur la-  
xare capitis suturas, & aperire cutem, & in ua-  
pores ac halitus ut digeratur, attenuare, quod in-  
tra caluā reliquū illatebratur. In quē usum con-  
fert decoctū florū chamæmeli, meliloti, seminis



anethi, maluæ, serpilli, parietariæ, hæbisci, ede-  
rû, mentæ: uiolarû, rosarû, anthos, stichadis: aut  
pulmones ab animantis iugulatione adhuc spi-  
râtes inducâtur: aut catellus per tergû dissectus,  
aut porcellus, aut gallinaceus. Serenus cecinit:  
Conuenit hic calidis pecudum pulmonibus apte,  
Tempora lāguētis medica redimire corona.

Philippus  
à camerage  
curatus.

Pecudum  
pulmones  
quatenus  
iuuent.

Ego nuperrimè in ardentissima febris cum mentis  
uacillatione generosi domini Philippi à Came-  
rage, filij illustrissimi domini Ioannis à Bossu  
nondum sexennis, usus sum hagninis pulmoni-  
bus, & in ipsius capite sopita tempestate tuber-  
cula multa erumpebant, & facta suppuratione  
sanescabant. Eorum mihi commentum minus  
prædicabile uidetur, qui quum auferuntur, in a-  
quam calidam hos mergunt, aut in decoctum lau-  
ri, saluiæ, pulegij, & rursus magna cum fiducia  
fortiter apponunt. Mea existimatio est, non plus  
tum conducere, posteaquam restinctus est ani-  
mæ calor, quàm si lana, aut pitacia eisdem imbu-  
ta admouerentur. Illud magis in rem facere arbi-  
tror, præsertim si uexant insomnia, ut quum  
primitus applicantur, ijs lactucæ semina, aut pa-  
paueris, aut hioscyami, aut mandragoræ inspar-  
gantur. Cæterum quoties hæc remedia mutabun-  
tur, potabilis aquæ balneo, aut irrigatione su-  
pradiçti decocti, ab alto fundente manu caput  
abluere



ablueret, & fouere oportet. Nunc si omnino luctandum erit cum importunis uigilijs (Siquidem hæc & ipsum malum uehementer incendunt, & ægri uires inordinatis commotionibus nequiter conuellunt) stupefacientibus utemur: torpedinem in hoc euentu salutarem Galenus putauit, si uiua inducatur. Capitis dolorem (inquit Scribonius Largus compositione nona) quem uis ueterem, & intolerabilem tollit, & in perpetuum remediat, Torpedo uiua, nigra, imposita loco, qui in dolore est, donec desinat dolor, & obstupescat ea pars: quod quum primum senserit, remoueatur remedium, ne sensus auferatur eius partis. Plures autem parandæ sunt eius generis torpedines, quia non nunquam uix ad duas, trës uel respondet curatio. Præterea frons, tempora, totumq; sinciput liniatur oleo papaueris, hioscyami, mandragoræ, ranarum, nenupharis. Aut huiusmodi epithema conficiatur: & cinnamomi, croci, seminis anethi ana ℥. j. opij. ℥. f. aquæ rosarum, solani ana ℥. ij. Aliud: & olei uiolarum ℥. j. olei anethi, ranarum ana ℥. f. camphoræ, opij ana grana. iiij. & hoc linimentum naribus indatur. Aut & aquæ lactucæ ℥. iiij. syrupi papaueris ℥. j. philonij persici ueteris ℥. j. Aliud quo frequenter utor: & conseruæ nenupharis ℥. ij. Specierum diamargariti frigidi ℥. j. pilularum e

Torpedinis  
usus.

k



styrace grana. ix. capiat sub noctem: noctis enim  
 opportunior est quies. In hunc usum apparetur  
 splenium pro hac, aut consimili forma: & succi  
 lactucæ ꝑ. iij. unguenti populei ꝑ. ij. olei anethi  
 ꝑ. f. aceti modicum, bulliant ad consumptionem  
 succi, & aceti, & adde rosarum rubearum ꝑ.  
 ij. florum uiolearum, nenupharis, seminis papau-  
 ris albi ana ꝑ. j. seminis alterci, corticis radice  
 mandragoræ ana ꝑ. f. croci grana. vj. opij gra-  
 na. iij. cum cera agglutinentur. Galenus ait li-  
 bro de Theriaca ad Pisonem: Papaueris succus  
 phreniticorum deliria haud raro strenue cura-  
 uit, ex peruigilijs uirtute priuatos somno recon-  
 ciliato mirifice restituit. Quidā (inquit Celsus)  
 somnum moliuntur potui dando aquam, in qua  
 papauer, aut hioschyamus decocta sit. Plurimi  
 decoctis papauerum capitibus, spongia os & ca-  
 put fouent. Alij mandragoræ mala puluino sub-  
 iiciūt. Asclepiades ea superuacanea dixit, quod  
 in lethargum sæpe conuerterent. Iam si delirio  
 tam incogitantes euadant, & obliuiscetes, ut lo-  
 tium reddere negligent, aut tam intemperantes,  
 ut recusent, primum admonendi sunt, qui conen-  
 tur, uelintq; meiere: aut uesticam, pubemq; foue-  
 bimus hydrelæo, aut decocto parietariæ, ceræ fo-  
 lij, seminis lini, atq; inum uentrem innixa manu  
 diligenter comprimemus.

Caput



## CAPVT VNDECIMVM

de Paraphrenitide.

**P**araphrenitis, quod plurimā habeat cum uera phrenitide similitudinem haud ambiguis argumentis colligitur: siquidem in summo consistens uigore eadem, nec alia, minus ue aspera symptomata ædit, quā si pura esset, & non notha. Vociferantur, tumultuantur, exiliunt, percutiunt, nugantur, aliena loquuntur, toruum contuentur, lingua squalet, grauiter efflant, uigilant, febriunt, memoria labuntur, periclitantur.

Quis quæso non hæc meræ phrenitidis indicia iudicauerint: in eo discrimen uersatur, idq; alteram ab altera disiungit, quod germana phrenitis est proprius affectus in ipsis pelliculis cerebri uestientibus, aut in ipsomet cerebro, ita quod primitus hoc loci excitetur, & inibi fomitē, atq; altricem sui materiam inueniat, nec ab ulla alterius membri ægritudine pendeat, quam ueluti comes, umbrā ue sequatur: notha uero nec proprius est, nec per se lædens affectus, sed ex consensu tantum accidens, & instar umbræ ex alterius obiectu, consortij lege proueniens, quæ protinus ad parentis fugam disparet, nec propriam, aut singularem curam deposcit, nisi tam acris, effrenisq; inuale scat, ut sua nequitia

Differen-  
tia nothæ  
& ueræ  
phrenitidis



animæ periculum minitetur. Quo euentu proprijs præsijs occurrendum foret: quod Galenus in principio duodecimi libri de Curandi ratione, pulcherrimè docet: & Auicenna sen quarta primi, cap. ult. inquit: ubi morbus cū accidente coierit, tunc morbum curare incipiemus, nisi accidens morbo præualeat, tunc enim accidenti curā adhibebimus, morbum uero non considerabimus. Fieri quidem potest ut hæc notha (iuris peritorum uerbis utar) natalibus restituatur et proprij morbi rationem subeat, atq; in legitimam idiopathiam transmoueat. Sic aliquis simul et propria affectione laborabit, quum in affecta particula permanens sit dispositio. Id tum accidet, ubi admodum uehemens fuerit impressio, ea que incidat in caput imbecillum, & quod iam succos habet huic uitio idoneos.

*Causæ.* Causas sequitur aut ardentes febres, aut aliorum uiscerum inflammationes, & præsertim septi transversi. Galenus habet quinto de Affectis locis: Ob nullius autem partis, præterquam septi transversi uitium, delirium iugiter infestare poterit: huiusmodi enim affectus continuum ferè delirium inducit, adeò ut ueteres putauerint, hac parte inflammatione affecta homines phreniticos euadere. Atq; ob eandem causam, suspensionem ue, phrenas, hoc est, mentem appellauere, tanquam



tanquam sapienti parti acciderit quippiam. Verum quod huiusmodi uitio delirium accidit, à phrenitide distinguitur, & ex oculorum accidentibus, & sanguinis à naribus stillis, atq; spirationis specie. Quippe phreniticorum spiratio magna est, & ex longis semper interuallis. Cōtrā ubi à septo delirium oritur inæqualis, ut modo exigua sit, atq; frequens, modo magna, atq; angustiosa. Nam incipiente septi transuersi inflammatione ante delirium, exiguum atq; frequentem spiritum reddūt. Cōtrā ijs, qui ob affectum cerebrum delirant, magna prodit, raraq; spiratio. Atq; etiam delirare solent non nulli ob uitium, quod in ore uentriculi consistit, & pleuritide, & peripneumonia. At phrenitidis propria, præcipuaq; nota est, ne in declinatione quidem febrium, delirium quiescere.

Curatio est morbi, à quo dependent amoliti- Curatio.  
tio. Quod si ex consensu permanens fiat dispositio, tum non solum parti, quæ primitiuo affectu laborat, sed capiti quoq; remedia adhibere oportet, quæ ex capite præcedenti petenda sunt.

CAPVT DVODECIMVM  
de Lethargo.

**L**ethargus Græcis dicitur, qui latinis ueternus, & est (diffinitore Galeno in libro suo



Cerebrum  
calidissimo  
aëre cali-  
dius est.

diffinitionum) inexpugnabilis dormiendi cupi-  
tas, cum decoloratione cutis, & tumore flatuo-  
so, cum imbecillitate, & pulsatili spiritu facta,  
omnino autē debili, aut maligna febre. Propterea  
morbū hunc lenta, et ignaua febris, nec urēs, nec  
ualido feruore corpus cōficiens comitatur: quia  
frigidum uiscus (id tamen calidissimo aestiuo aë-  
re, attestante Galeno, octauo de Vsu partium, ca-  
lidius est) humor natura frigidus occupat, et si  
ob putredinis uitium non nihil incaluit: acrior  
tamen intenditur, quum in meningibus noxa re-  
sidet. Auicenna ait: plurimum quidem eius fit in  
meatibus substantiæ cerebri, absq; uelaminibus  
in uentriculis, & corpore cerebri. Quoniam  
phlegma raro congregatur, & penetrat in pan-  
niculos propter ipsorum duritiem, neq; in sub-  
stantiam cerebri, propter ipsius uiscositatē,  
Signa. Vniuersa membra torpent, & instar lapidis,  
aut caudicis immoti cubāt, nusquam pedes proy-  
ciunt, nec uiolenti manus protendunt, non exi-  
liunt, non uociferantur, nullis uinculis egent. Af-  
fectio ipsa phrenitidi prorsus contraria est, mens  
tamen ipsis nequaquam cōstat, plane desipiunt,  
conticescunt, etiam Stentorea uoce, uel ad rauim  
usq; si quis inclamitet, piscibus plus muti silent.  
Quod si quid respondere conentur, intra fauces  
inconditum murmur strangulatur: palpebras  
difficulter



difficulter attollunt, nec eas tandem sublatas facile demittunt: crebro oscitant, & aliquandiu apertum os hiantes continent, nec claudere tentant. Profunda enim, & alta nimis obliuione distinentur. Quapropter nec quicquam poscunt, & si quid poposcerint, dicto celerius abolefcit. Matulam rogantibus si porrigas, meiere obliuiscuntur, & confestim in soporem delabuntur, facies liuet, ac tumet, lingua albicat, palatum, totumq; oris cœlum excrementis scatet. Inde liquida spuunt, & distillante in pulmones pituita, tuſiunt. Aluus plerisq; soluta, non nullis uero astricta. Vrinam reddunt turbatam, confusam, & ueterni generis similem: quibusdam tremor accidit, & sudor undiquaq; erumpit. Arteriarum pulsus similis peripneumonicorum magnitudine, imbecillitate, mollicie, tardior ipso est, et rarior, minusq; inæqualis. Spiratio etiam rara nimis, & imbecillis. Hippocrates ait libro secundo de Morbis: quū lethargus surrepit, tuſſit, multum, liquidūq; spuit, nugatur, cū hoc cessat, dormit, olidumq; oletat. Et in principio libri tertij: qui patitur hūc morbū hæc patitur, tuſſit, soporatur, multū liquidūq; spuit, ualde debilitatur. Quūq; periturus est, per inferna multū liquidūq; demittit, pusilla uitæ spes huic est. Et in libro de Coacis prænotionibus: lethargici tremuli mani-



bus fiunt, somnolenti, discolors, turgidi, pulsibus tardis, & debilibus, oculorum inferiora turgent, sudores superueniunt, uentres non ualidos, biliosos siccosq; habent: lotia & olea non sentientes proieciunt & demittunt, lotium iumentis simile mingunt, potum uero non petunt, nec aliud quicquam. Quum autem resipiscunt, ceruicem dolere dicunt, per auresq; tinnitum cursitare. Qui uero lethargicorum seruantur, purulenti plurimi fiunt. **Causa.** Causa morbi pituitosus succus est, in uentriculis cerebri, uel in uniuersis ipsius uasis, uel in ambientibus membranulis, uel in ipsomet cerebro imputrescens. Hunc potissimum incurrunt, qui uastum, ac ponderosum caput habent, nimirum ex uastitate, & amplitudine molis non male iudicatur multa capacitas. Ex pondere recte coniecero iam collectum inutilis materię aceruū. Desides quoq; & qui in umbra uitam inertes transigunt. Nisi enim peculiaribus utens exercitijs corpus uentiles, et totum subinde lustres excutiasq; necessum est, qui copiā crassorū humorū accumules. Qui crapula, & ebrietate inexplebilē ingluuiē quotidie distendunt. Auerrhous ait secunda sectione Collethaneorū: si ratio uictus moderata omnibus usurparetur, à nullo usquam sanitas abesset. Atque hoc oraculum in hac arte diuinissimum ac firmissimum



finum esse tibi persuadeas. Non nulli præterea  
 paruo in discrimine ponunt, & nihili pendunt  
 quibus uestantur, pituitosis cibis sese assuefa-  
 ciunt, & nullo non die ijs saturantur, ergo alie-  
 num non fuerit, si hoc affectu citius corripian-  
 tur: quales sunt ichthyophagi, siue ex pelago, si-  
 ue ex fluuio pisces ducantur. Iam & hunc suc-  
 cum gignunt fugaces uietiq; fructus, mora, cera-  
 sea, pruna, persica, poma, pyra, cucumeres, cu-  
 curbitæ, melones, citruli, & uuæ, quæ (auctore Plinio) recentiores stomachum, & spiritum in-  
 flant, largiores sumptæ grauedinem capiti, mor-  
 bumq; lethargicum faciunt: innocentiores, quæ  
 decerptæ aliquandiu pependere. Ex oleorum ge-  
 nere officiunt lactuca, spinachium, atriplex, por-  
 tulaca, malua, & quæcunq; cum refrigeratione  
 humectât. Creber etiam cepularum usus, quam-  
 uis acris satis calore præditæ sint, non medio cri-  
 ter offendit: quandoquidem glutinosum, ac mul-  
 tum humorem continent, qui ex uentriculo in ce-  
 rebrum uaporans, meatus ibidem obstipat, san-  
 guinem densat, & animales spiritus sua lenticie  
 illigat. Dioscorides inquit, Capitis dolores facit  
 copiosus ceparum usus & in ualetudine, maio-  
 re copia in cibo sumptæ somni faciunt in expu-  
 gnabilem necessitatem, quam lethargum dicunt.  
 Nunc pluuiiales temporis constitutiones, simul

Vuæ recen-  
 tiores le-  
 thargum in-  
 ducunt.

Ceparum  
 copiosus e-  
 sus lethar-  
 gum facit.



Et haustrina corpora dissoluunt, atque humectant, auditum obtundunt, capita aggrauant, uertigines efficiunt, oculis difficilem motum praestant, Et omnino aptae sunt gignando ueterno.

**Curatio.** Curationis ratio diligentem operam exigit. Galenus ait, (quod obseruatione dignum est) libro secundo de Locis affectis, capite tertio: Cerebri Et membranarum eius, ijdem morbi simili curatione indigent: egrotantes in spacio ac lucido cubiculo decumbant: parietes auleis obtendantur, aut picturis uersicoloribus ardeant: Hominum turbam garrientium uideant, audiantque: aer calidus sit Et serenus: tenuiter alantur, cibis esto ptisanæ cremor uel auenæ, uel alicæ, aut amygdalatū cū exiguo mellis, modo amygdala aliquā diu in egelida fuerint præmacerata, Et cum decocto cicerum commodissime transmittuntur. Mica quoque panis ex aqua saccharata, aut iusculo gallinacei: hordeaceam bibant, aut ceruisiam tenuem, aut aquatius uinum, aut hydromel, pro modo febris, cum hyssopo Et thymo. Ab epulatione digiti maiores manuum atque pedum funi Lethargus culis uinciantur. Admonendi frequenter, ut Et phreni cremēta uentris egerant: pubes oleo rutaceo per tis sanatio ungatur, Et decocto parietariæ, Et seminis sinem habet nonis lotium proliciat. Sanationem cum phre communē, nitide in hoc communē habet, quod utriusque uitio, Et ei



Et ei quod cum sopore, Et ei quod cum uigilijs incidit, statim Et ab initio, uenæ sectio conducit. Galeni uerba ex decimotertio libro de Curâ dis morbis, laudare præstat: quinetiam, ait, in lethargicis nemo est, qui non capiti applicet auxilia: nam Et id uitium contrarium quodam modo secundum speciem phrenitidi est: gignitur autem in capite, in quo scilicet princeps animi pars residet. Ergo quum humor qui in capite redûdat, frigidus est, insensibilitas, immobilitasq; hominem opprimunt. Quum calidus est, perpetuus potius motus, ex humoris uero uitio dementia. Itaq; incidenda in talibus affectibus uena est, statim Et à principio, si modo tam ualens uirtus sit, ut sine noxa missionem sanguinis toleret, ac nihil prohibeat eorum, quæ de secanda uena retulimus. Sicuti uel crudi humoris copia, uel puerilis ætas, uel anni tempus, uel regio, in qua extremus calor, aut frigus. Atq; hoc quidem commune utriq; uitio, Et ei quod cum sopore, Et ei quod cum uigilijs incidit. Commune præterea utriusq; est, ut oxyrhodinum in principio ad moueas: nam repellendus est à capite humor, quisquis is fuerit. Quæ sequuntur, contraria sunt. Nam quæ cum uigilijs coniuncta sunt, ea lenire expedit: quæ cum immobilitate, excitare. Iure ergo, quum in summo incremento sunt, ijs uitijs



quæ peruigilio, & delirio infestant, persusiones  
ex papauerum capitibus applicabimus: odorem  
quoq; naribus obijciemus, ac nares ipsas intus,  
uel frontem ex similibus medicamentis illine-  
mus: quippe sopire ac stupefacere principem fa-  
cultatem oportet, cerebrum scilicet, quod supra  
modum incaluit refrigerando. In contrarijs au-  
tem uitijs excitare, ac noxij humoris, qui citra  
putredinem. & circa febrem altos sopores inue-  
hit, crassitudinem incidere, atq; excalfacere: ta-  
les nimirum impetus soporis apoplexias, & ca-  
ros, & cathocas Græcè uocant, quod si aliquan-  
do humor putrescat, utiq; cum feбри incidunt ea  
genera, uocaturq; morbus Græcè lethargus. In-  
coquentes itaq; in aceto thymum, et pulegium,  
& origanum, aliaq; id genus naribus sic affecto-  
rum admouebimus, quo uapor ad cerebrum de-  
latus crassitudinem humoris differet. Mox etiam  
palatum ualentibus, & acribus medicamentis  
ungemus. Ab his uero etiam sternutamētis ute-  
mur: tum ad caput similes præsidiorum faculta-  
tes accommodabimus, intenta semper eorum,  
etiam ad ipsum usq; sinapi, uehemētia, si uitium  
diu trahat. Quinetiam cucurbitis ad utrunq; ui-  
tium, si diuturnum sit, utemur, itemq; castoreo,  
quippe quod ea probe concoquit, si debito tem-  
pore sit adhibitum. Quare hic ad communem  
rursus



rursus rationem redeunt lethargus, & phrenitis. Hæc Galenus. Itaq; si eorum nullum refragetur, quibus in secandis uenis id tribuitur, ut nisi annuant, sectio uetatur, quæ sunt ætas, habitus et uirtus, statim in dextro cubito externa fodiatur, qua non apparente mediam pertundes. Quod si obesulum, succulentumq; corpus existit, & facies quodam cum rubore tumidula, neq; hæmorrhoides consuetæ respondent, aut menstruus cursus iam substitit, par est, qui in sanguine mittendo audacior sies, sed in hoc euentu pedum uenas primitus uulnerabis: deinde si maiori uacuatione opus erit, ex brachio detrahatur: postea acribus clysterijs aluus turbetur. Siquidem ex remota sede humor eruendus est, & ex membrorum facultatibus parum opis præstolamur. Oblæso nanq; motus principio, neq; commodè trahere, neq; apte deicere possunt. Quare necessum est, ut acrius uellicentur, ac compungantur. Expergefacta celerius in operam sese accingent, ac grauem inutilemq; saburram promptius excernēt. Clyster fiat hoc modo: ℞ saluiæ, rutæ thymi ana m. j. ameos, carui, cartami ana. m. f. colocynthidis in linteolo ligatæ ʒ. ij. radicis acori, iridis, pæoniæ ana ʒ. f. coquantur, & excolato adde olei absinthij, chamæmeli ana ʒ. j. f. mellis anthosati ʒ. j. benedictæ laxatiuæ ʒ. f. salis ʒ. ij. sub



ijciatur. Alius: & thymbræ, pulegij, centaurij  
 ana. m. j. anthos, stichadis ana. m. f. agarici ʒ. iij.  
 polypodij quercini ʒ. j. folliculorū senæ ʒ. vj. ra-  
 dicis inulæ, altheæ añ ʒ. f. anisi, seseli, pæoniæ añ  
 p. j. ueratri ʒ. f. coquātur, & decocto adde succi  
 fichæ ʒ. ij. olei lini, laurini, ana ʒ. j. f. salis ʒ. iij.  
 Glādes quoq; intrudantur ex ruta, nitro, cumi-  
 no, et melle cocto. Aut pro hac forma: & euphor-  
 bij, pyrethri ana ʒ. f. sinapi ʒ. j. ellebori ʒ. ij.  
 zingiberis, salis gemmæ ana ʒ. j. hieræ picræ ʒ.  
 ij. mellis quantum satis sit, formentur supposito-  
 ria. Capiti uero oleum rosatum cum aceto li-  
 beraliter infundatur. Præsidium hoc egregie ce-  
 rebrum corroborat, & quemuis humorum influ-  
 xum fortiter repellit. Sed iterum atq; iterum mu-  
 tari debet: nempe aceto facile exoluitur uirtus,  
 & in stupa canabina derasis pilis calidum indu-  
 catur. Cæterum ab altero protinus die, neq; diu-  
 tius procrastinandum, acetum esto scyllinum, et  
 castorei non nihil indatur, pro hac forma: & olei  
 rosati ʒ. iij. aceti castorei ʒ. ij. aceti scyllitici ʒ. j.  
 Interim corpus ipsum à scapulis in pedes usq;  
 multa, & diutina uexatione perfricetur, idque  
 manibus ex aceto & sale madefactis, aut ex ue-  
 teri oleo cum nitro tosto, pipere, & struthio,  
 aut asperiusculis linteis, donec et calore, simul &  
 rubore perfundatur corpus. Neq; admodū con-  
 tulerit

Topica.



tulerit. semel dūtaxat id præstitisse: sæpius in eandem palestrā descēdendū monemus, donec quod reuellitur, per laborē quoq; digeratur. Omni studio excitādus est æger, & interrūpendus est somnus, quo et excernat aliquid, & assumat: nūc per inclamationes, nūc per strepitus, fragores, clangores tubarū, nūc serra de limæ morsu stridēte, nūc tristi nefrendiū grunntu, nunc pilos uellentes, nunc trahentes nasum, & nares setis fodientes. Quinetiam faciem melle obliniemus, quo illectæ dulcoris pabulo in eam muscæ turmatim aduolitent, & rostellis suis certatim flagellent. Nusquam conquiescentes, semper in officio seduli, donec hominem eripiamus morti, & ex tenebris reuocemus in lucem. Ab hoc sopore quum aliquando euigilasset Diogenes, medicusq; rogaret, quid ageretur, Recte, inquit, nā frater fratrem amplectitur: ipsum affectū mortis germanum innuens. Profecto quisquis eō corripitur, nisi tēpe stiue expergefiat, in Libithinæ rationē pronus cōcedit. Vrtica, Plinius ait, lethargicos expergiscit, tactis cruribus, magisq; fronte. Quod nisi cū coquis apud iudices pueros, mihi bellū formidarem, hoc est negociū apud insipientes, cū ijs qui nequiter ægrotātibus blandiūtur, meā quoq; sententiā propalarem. Plato ait in Gorgia, Non ad gratiā uerba facio, sed ad id potius, q̄ optimum

Somnum  
pellentia.

Diogenis  
facetum res  
ponsum.

Forum insipientiū declinat auctor.



est. Quare in iudicio quid dicam, non habeo: quemadmodum qua se ratione defenderet medicus, angeretur, si die apud pueros dicta, quis coquus eum hisce uerbis accuset, Vir iste, o pueri, multa uobis intulit mala, nam & uos, & minores etiam uestros, secando, urendoq; contorquet, & attenuans, suffocansq; afflictat: praeterea amarissimos praebet potus, & ad famem, sitimq; uos urget. Ego uero contra, multa & uaria, suauiaq; uobis propino. Si haec inquam coquus deferat accusator, quidna censes hoc circumuentum malo medicum responsurum? quod si uera fateatur, num putas huiusmodi iudices uehementer reclamatuos? Quapropter iniquam mihi fraudem deprecor, et insipientium puerorum tribunalia declino, ne quispiam ciuile parum aut immodestum calumniatur (quando de uita res agitur) si praeter crura, frontem ue iubeam non solum tangi, sed uniuersum quoq; corpus mordacibus urticis uri, ac lacerari, donec undelibet erumpant, ac efflorescant rubentes papulae. Aut cantharides cum ueteri fermento, aut succus ardentis flammulae, aut allium pinsitum pulposis partibus applicentur. Alexader inquit, scylla quandoq; sola, aut sinapi cum aceto trita cataplasmatibus modo coxendicibus imposita ad excitandum hominem letaliter etiam soporis grauitate oppressum.



pressum satis est. Maximeq; proficit fronti ad-  
 motum castoreum, uel capilli humani cremati,  
 & cum aceto liquefacti pari modo illiti. Est  
 enim hoc insita quadam naturæ aptitudine huic  
 morbo factum antipharmacum. Cæterum exu-  
 berantibus succis, id proprium, adeoq; primum,  
 præcipuumq; in curationibus deputatur, ut suo  
 quisq; remedio extrahatur. Sanguis per fossa ue-  
 na emittitur, reliqui aut uomitu, aut alui subdu-  
 ctione proijciuntur. Quod si corpus sanguinis  
 missione, & medicamento purgatiuo habeat o-  
 pus, ante purgationem mittendus est sanguis:  
 quoniam quum sanguinis detractio corpore  
 primo uacuat, est, purgans medicamentum  
 exhibitum uenas, & arterias, & inanes insu-  
 per corporis regiones inuenit. Quo fit, ut absq;  
 ullo impedimento in totum corpus promptissi-  
 me dimanet, & succos per uasorum spacia faci-  
 lime trahat. Nam si uasa sanguine repleta sint,  
 & catharticum propinaueris, non poterit pro-  
 pter plenitudinem in corpus differri, unde fit,  
 ut substet, & nihil efficiat, aut si quicquam face-  
 re moliatur, male succedat. Sed uenam secare, et  
 purgare simul, haud equidem probarim: nec cly-  
 steres, nec glandes, nec fricationes, nec cucurbi-  
 tæ, nec uincula, ubi plenitas luxuriatur, ad salu-  
 tem satis sunt. Galenus habet undecimo de Me-

Humanica  
 pilli lethar-  
 go anti-  
 pharmacū.



dendi methodo, calefacere Cataplasmatibus, aut  
 perfusionibus, non est perpetuo tutum: sed in  
 ijs tantum ægris, quibus in toto corpore nullum  
 errat superfluum: cæteris omnibus extrema est  
 pernicies. Nam utrauis redundantia sit, uel quæ  
 ad uires, uel quæ ad uasorum continentiam com-  
 paratur, siue etiam in una parte, pluribus ue ui-  
 tiosa excrementa sint, omnia ad partem calefa-  
 ctam trahuntur, cataplasmate ipso cucurbitæ ri-  
 tu totius corporis superuacua in uiscera trahen-  
 te. Quamobrem si fieri queat, ante topica medi-  
 camentum aliquod trahendæ pituitæ idoneum  
 exhibeatur. In quem usum pilulæ cocciaë pluri-  
 mum ualent, si duæ drachmæ earum in tribus  
 uncij aquæ hyssopi, & quarta oxymellis biban-  
 tur. Aut agaricum tabescat in aqua betonica,

**Agarici** aut thymbræ & cum castoreo ac rhodomelle po-  
**probitas.** tetur. Sed scire oportet agaricum esse laudatissi-  
 mum, quale in ipsius genere leuissimum depre-  
 henditur: densum autem, & graue, lignosumq;  
 ne attingito, & quantum in horum medio con-  
 sistens ab utroq; notis discessit, tantum quoque  
 bonitate deficit. Aut hieralogodion offeratur,  
 aut hiera Ruffi, aut & colocinthydis ℥.ij. ellebo-  
 ri nigri ℥.j. struthij, piperis, zingiberis, masti-  
 ches ana grana. vj. colligentur in linteolo raro,  
 & macerentur in uncij quatuor aquæ origani,  
 & tribus



Et tribus uncis syrupi e stichade, cuius glutiat  
 semel quoque die, aut etiam altero, tertio uero, pro  
 modo uirium, cochlearia duo seu tria. Aliud: *R*  
 castorei ℥.ij. scammonij ℥.j. aut gra. xv. cum hy-  
 dromelle fiat haustulus. Post hæc fiduciam in to-  
 picis collocantes, caput ipsum calidis linteis con-  
 fricabimus, et sacculos inducemus ex libanoti-  
 de, salvia, sampsycho, chamomilla, meliloto, ma-  
 iorana, calamyntha, nepita, menta, pulegio, thy-  
 mo, frondibus laurinis, sale, et milio. Aut cata-  
 plasma conficiemus calefaciendi et dissipandi  
 uim habens, pro hac forma: *R* farine lupinorum  
 m. j. baccarum lauri, cumini, iuniperi ana. p. j.  
 radices iridis, inulæ pæoniæ ana ℥.ij. radices al-  
 theæ ℥.j. fimi columbini. *H. & coquantur in li-*  
*xiua ex cineribus caulium brassicarum, postea*  
*contundantur, et adde olei costini liliorum añ ℥.j.*  
*olei rosarum ℥.ij. Auicenna inquit sen prima ter-*  
*tij: Rectius autem, quod est in digestionem humo-*  
*rum manifestæ cruditis, est, ut sit cura ex em-*  
*plastris de medicinis æqualis calefactionis.*  
 Aliud: *R* radices altheæ ℥.ij. radices buglossi ℥.  
 j. coquantur in eius lotio, qui brassicam come-  
 dit, deinde tundantur, et per cribrum districtis  
 adde farine fabarum, lupinorum, auenæ, et mi-  
 lij ana. m. f. cineris sarmentatij, fimi columbini  
 ana. p. j. olei rosarum ℥.ij. olei chamæmeli, e la-

Topica.



teribus ana ꝑ. j. concorporentur. In aceto præte-  
rea elixabimus origanum, pulegium, rutam, tar-  
cum, peganum, pæoniam, & alia huius generis,  
idq; decoctum feruidum naribus sic affectorum  
admouebimus, quo uapor in cerebrum delatus,  
& in capitis specum perterebrans humorum  
crassitudinem diffecet. Quinetiam subijciemus,  
quæ sædo, & aspernabili odore excitant, ac con-  
turbant, qualia sunt galbanum, sagapenum, ca-  
storeon, allium, pix cruda, ceruorum cornua,  
lana succida, ueratrum. Hæc quum cremantur,  
tetrum odorem uaporant. Mox palatum ualen-  
tibus, atq; acribus medicamentis unguemus, ue-  
luti ex sinapi in succo betæ districto, aut ex semi-  
ne nasturtij in aceto scyllitico, aut ex melle ana-  
cardino, aut mithridato. Iubet paræmia, inerti-  
bus ac ueternosis mandendum nasturtium, quan-  
doquidem torporem dispellit, iacentemq; ani-  
mum expergiscit. Ab his quoq; sternuatamen-  
tis utemur, insufflantes struthium, piper, euphor-  
bium, elleborum. Sed ratio non nulla febris ha-  
beatur, quæ si admodum lenta, & cum sopore  
fuerit consopita, non terrebimur à multum ca-  
lorificis, sin uiolentior erit, huic non nihil tri-  
buemus, & moderatioribus innitemur. Quod si  
facies inflata erit, ac ardens, et uenæ conspicuæ,  
post commodam reuulsionem ne trepidaueris ue-  
nam

Nasturtiū  
ede.



nam frontis percutere. Gargarismis si locus erit, aptissimum est decoctum origani, hyssopi, agrestis saluæ, rutæ, pegani, cunilæ, thymi, pæoniæ cum oxymelle scyllitico, pro hoc forma: & thymi, pulegij, rutæ, ana. p. j. radicis iridis, acori añ ʒ. iij. seminis pæoniæ, sinapi, erucæ ana ʒ. j. agarici ʒ. iij. piperis ʒ. j. coquantur, & adde colaturæ mellis rosati ʒ. iij. succi siclæ ʒ. j. linguam quoq; fricabimus medicamine, quod recipit, agarici ʒ. j. pyrethri, struthij, zingiberis ana ʒ. j. mastiches, euphorbij, staphisagriæ ana ʒ. ʒ. ex-  
cipiantur melle, aut cum passulis purgatis & nucleis persicorum formentur apophlegmatismi (masticatoria dicunt) Auicenna inquit phen prima tertij: gargarismis euacuabimus, nisi timuerimus pulmonis nocumētum, nec fuerint fluxus de genere humorum mordicantium, & homo non fuerit susceptibilis ægritudinum pulmonis, & fuerit potentia cauendi à fluxu rei malæ ad pulmonem, aut si fuerit dispositio capitis maioris sollicitudinis, quàm ea quæ pulmonis. Auribus indatur oleum nardinum, costinum, lauandulæ, cinnamomi. Interdum glutiat frustulum aureæ Alexandrinæ, aut manducet radicem pyrethri conditam, aut diatriumpipereum, diaglangam, diambram, diamoschum: aut apparetur huiusmodi eclegma: & conseruæ anthos ʒ. ij. nu-



cis myristicæ conditæ ꝓ. j. zingiberis uiridis,  
 conseruæ acori ana ꝓ. f. xiloaloes, maceris, pi-  
 peris, galangæ, seminis pæoniæ ana ꝓ. j. incor-  
 porētur. Quod si nec hisce discutiatur morbus,  
 & opinione diuturnior protelatur, cucurbitas  
 multo igne incensas occipitio affigemus, & de-  
 rasum caput perfricabimus scylla, aut nitro,  
 aut lepidio. Aut exulcerabimus sinapismo ex ca-  
 ricis, fermento, sinapi, & aceto simul tritis. Sed  
 memineris ipsum oleum prius probe extergen-  
 dum, si quo delibutum extitit. Dioscorides ait  
 in præfatione libri sexti: Si quis exulcerādi con-  
 silio, calce fecē ue, aut cantharide, aut qua uolue-  
 rit aliquis acriore alia re, utatur, oleoq; locum  
 perunxerit, non exulcerabitur ab eorum aliquo  
 corpus. Nunc & sudore non nunquam lethar-  
 gus finitur, ad quem proliciēdū oportet ægrum  
 bene contactum cubare, & lagenas circumpo-  
 nere impletas feruente decocto foliorum lauri,  
 cumini, iuniperi, gentianæ. Morbus ubi se remi-  
 serit, gestatio, & balneum, & uictus uires re-  
 creans summopere conducunt.

CAPVT DECIMVM TER-  
 tium de Vigili Comate.

**A**ccidit pituitam cum bile mixtam in ca-  
 pite imputrescere. Aut accidit binos  
 hos suc



hos succos, & pituitam, & bilem simul eodēq;  
tempore in capitis regione computrescere, ut  
utrunq; separatim corruptela concipiat. In hac  
porro conspiratione, quum pituita exuperat,  
& potior ebullit, non nihil tamen exasperante *Signa.*  
cholera, tum affectus ipse uigilans coma dici-  
tur. Non enim perpetuo sopore ex iniuria frigi-  
di succi hominem premit, sed propter feruidi hu-  
moris confusionem æstuosæ quoq; uigiliæ inter-  
ueniunt: sæpius tamen grauioris somni modo ob-  
ruit. Galenus in commētarijs libri tertij de Mor-  
bis uulgaribus: quum uigilare, inquit, ægri aper-  
tis oculis non ualent, sed conuiuent spe somni  
conciliandi, & uigiles tamen manent, uocamus  
illum uigilantem soporem. Quod si bilis præua-  
leat, & in maleficio potiores teneat, lethargicus  
furor, aut rabies somnolenta appellari potest:  
proprium enim nomen hoc malum non habet,  
sed ut mixtam sumit originem, ita composito no-  
mine nuncupatur, in quo utrunq; uitium sonat:  
& id, quod insomnijs, agitationeq; uexat, deli-  
rium: id quoq; quod inexpugnabili pene dormi-  
endi necessitate, ac marcore conficit, ueternus.  
Quapropter & uicissim alia, atq; alia sympto-  
mata in ipso apparent. Abundante enim pitui-  
ta grauis dormitatio hominem corripit, difficul-  
ter oculos aperit, genas uē attollit, nec quicquā



interpellatus respondet, instar trunci affixus lecto decumbit, nihil poscit, nullius meminit, pulsus arteriarum rarus, & brevis, febris quoque ignauior. Hæc tamen continua non sunt, sed alternatio quædam ac uarietas intercidit ob interstrepentem choleram. Quæ quum omnino potiores obtinet, ac in ipso maleficio præcipua tumultuatur: ægrum infestæ uigiliæ uexant, non coherencia loquitur, manus non continet, stipulas legit, flocculos euellit, grauiter inspirat, nihil excernit, acrius febrit: nec interim suam inertiam succus pituitosus non admiscet. Galenus in libro, qui est de Pulsibus, ad eos qui introducuntur, ait: qui in id uitij inciderunt, bonam quidem temporis partem oculos claudunt, suntque somnolenti, ac stertunt, post autem oculis inconniuentibus, atque immotis diutissime intuentur. Tum si quis eos interroget, inuitosque ad colloquiū trahat, tardi erunt ad respondendū, ac difficiles: plerūque enim turbulenter loquuntur, neque recte respondent, sed temere quod in buccā ceciderit, effutiunt. Eius autem pulsus sunt celeres, ac frequentes, quomodo phreniticorum, sed minus. Antiquiores medici malum hoc Catochon dixerunt: non nullis tamen uocabulum hoc latius patet, quum simplicem, & non mixtam causam habebit, nimirum frigidorem & sicciorem materiam



teriam : quo morbo detentos Græci Catochos, & Catochomenos nominauerūt, recentiores foeminino genere catochen, & catalepsin appellant, cui et nos propriū syntagma daturi sumus.

Præsens malum non aliud magis concitat, *Causæ.* quàm epulationes dubiæ, & mensæ multifarijs dapibus instructæ: quibus ingestis, & in uentriculo confusis, earum aliæ copiosum phlegma, aliæ plurimam choleram gignunt. Nemo tam stupidus, bardus ue, qui nesciat, quàm sit aduersum, atq; inimicum prosperæ ualetudini, quàm sit ferax, fertileq; procreandis morbis seminarium, petulantem ingluuiem uarijs, numerosisq; cibis explere. Et tamen hanc tam conspicuam, atq; expositam nassam, Laro stultiore, non fugimus, imò scientes ac prudentes manum in flammam mittimus, & ultro ridentes, ac plaudentes calamitatem accersimus, Troianos porcos, *Troianus porcus.* ceu eximium quid, et nostro dignum genio, quotidie ligurimus, & super ollas illas carniū, quas principum coqui, aptissimo quidem uocabulo, putridas uocant, perlubentes seditamus. *Olla putrida principum.* In uas fictile seu ahenum genus omne carniū coniiciunt, oues, boues, hœdos, agnos, porcos, feras, & uniuerſa pecora campi, insuper aëreas aues, aquatiles, montanas, campeſtres, altilis, & uniuerſa uolatilia coeli: hæc mixtim elixant, &



**Morbus saepe spontaneus, nunquam recreatio.**

**Potuum confusio noxia**

**Curatio.**

uno iure condiunt, in patinasque deprompta auidorictu degulant. Est quidem in nostra potestate situm, in morbum cadere: sed in nobis non est, pro nostro arbitrio reualescere. Aristoteles inquit libro secundo *Æthicorum*: Non qui aegrotat, si uult, sanus erit, & forte, sua sponte aegrotat, si incontinenter uiuebat, & praecepta medicorum negligebat, tunc igitur licebat ipsi non aegrotare, sed posteaquam ualitudinem perdidit suam, minime licet. Haud aliter insanum, morbiferumque censemus, diuersa potuum genera confundere, & modo ceruisiae uinum indere, modo tenuibus, aquosisque uinis fortia, ualidaque copulare, & infauisto coniugio praua de consuetudine gallicanis cretica maritare: necessum est hanc intemperantiam periculosas aegritudines parere, & maxime praesentem. In has praeterea plagas proni concedunt, qui modo in aestu, modo in algore, diuersantur, qui nunc in humilibus locis, nunc in excelsis uoram trahunt, qui proluxa desidia corpus friges faciunt, atque iterum immodicis laboribus incendunt. In uniuersum qui studia in contraria currunt, & discordem & discrepantem uitam agunt, huic malo obnoxij deprehenduntur.

Curationis ratio praesidia poscit contraria: & imprimis sanguinis missione succurratur. Si lethargo



lethargo phlebotomia confert, si phrenitidi quo  
 que auxiliatur, haud alienum fuerit uigilanti co  
 mati conducibilem asseuerasse. Quando cum ijs  
 morbis euidenter ambigat, praesertim facies si  
 non nullo rubore perfundatur, et uires ferre non  
 recusent, ac febris omnino ignaua non sit. Gale-  
 nus (qui quantum sermone condefacit, si tantum  
 quoque praestitit opere, profecto omne tulit pun-  
 ctum, & miscuit utile dulci, nam hoc opus, hic  
 labor est, eam certe laudem sibi ascribere non eru-  
 buit: medicinam, inquit, professus usque ad senectu-  
 tem, nullam in hodiernum usque diem calumniam  
 subij, neque curando, neque praesagiendo) undeci-  
 mo de Medendi methodo sic habet: saluberrimum  
 est in febribus uenam incidere, non continuis mo-  
 do, uerum etiam omnibus, quos putrescens hu-  
 mor concitat, ubi praesertim nec aetas, nec uires  
 prohibent. Leuata namque, quae corpus nostrum  
 regit, natura, exonerataque eo, quo uelut sarcina  
 premitur, haud aegre, quod reliquum est, uincet.  
 Itaque proprii muneris non oblita, & coquet,  
 quod concoqui est habile, & excernet, quod po-  
 test excerni. Ea ergo pertundatur, quae in flexu  
 brachij extrema protenditur. Deinde quibus ad  
 uomitum procliuius est stomachus, maxime in eo, quae ad uo-  
 si aceruus aliquis noxiae materiae turgēt, ij sta-  
 tim cogen di sunt, ut uomant. Animantia quibus  
 siora.

Galenus o-  
 mne tulit  
 punctum.

Animantia  
 quae ad uo-  
 mitum prop-  
 siora.



pandum, patulumq; pectus est, ad reiectionem propensiora. Aristoteles scripsit, quod & in hominum genere perpensum confirmat. In os igitur intruso digito lingue radicem commouebimus, aut in gulam dabimus plumam pingui aliquo unctam: aut si fieri queat, tale quid bibat: & aquæ pluuiæ ℥.vj. aceti scyllitici ℥.j. seminis genistæ, raphani añ ℥.℥. radice raphani ℥.ij. bulliant, et postquam deferbuit, adde colaturæ olei, butyri ana ℥.℥. bibat tepidum. Capiti infundatur oxyrhodinum: coxendices, crura, pedes lintheolis, imbutis oleo ac sale perfricentur: musculorum capita strictioribus uinculis excipiantur: aluus clysterijs utrunq; humorem eluentibus conturbetur. Quod si infusionibus uti non licebit, glandes immittantur, quæ & si paria non faciât cum ijs, quæ per fistulam impelluntur, quando non datur aliud, & commodioribus præclusa est uia, proximum erit ad has descendere: conficiantur in hunc modum: & sagapeni, opoponacis ana ℥.ij. colocynthidis ℥.j. scammonij ℥.℥. salis ℥.ij. salis gemmæ, nitri ana ℥.℥. mellis quantum satis sit, formentur balani. Aut & hieræ Archigenis ℥.iiij. specierum electuarij ē succo rosarum ℥.j. diagridij ℥.j. ellebori ℥.℥. salis ℥.iiij. mellis cocti quantum exigitur, si inducias præbet

Glandes  
nō faciunt  
paria cum  
clysteribus.



bet morbus, neq; præ ferocia in celerem interitum proripit, utraq; materia confusis medicamentis aliquousq; concoquatur: ita ut neutra suis præsidij destituatur, natura supra captum nostræ speculationis sapiens pernouit ea diuidere, & deducere, quæ nobis, quamuis acerrimè circumspectantibus sic coniuncta & implicata uidentur, ut sint simplex unum, & quid indiuiduum, quòdque in partes diuersis qualitatibus præditas minime distrahi queat. Sed hanc partitionem fieri posse luculèter docet nutritio, princeps ipsius naturæ functio: qua ex uno sanguine (sensus enim discretionem non iudicat) membra heterogenea nutricantur, ut frigidiora frigidum, & calidiora calidum (quum prospere ualent) alimentum sortiantur. Nec aliam nutrituræ rationem in multiformibus stirpibus ex terræ succo conspiciamus. Quare quod diximus confusis medicamentis utraq; materia (si datur occasio) coquitur. Sed tua interest pro exuberantia alterius alterum contrariorum intendere. Galenus ait libro primo Aphorismorum, commento decimo-sexto: unaquæq; simplex ægritudo, simplici eget curatione, si uero inuicem copulentur, tantum habebunt curationis indicationem communem, quantum copulabuntur, nobis scilicet ad id, quod magis urget, obuiantibus, non tamen alterius cu

Naturæ sapientia in nutritione.



ra omnino posthabita. In hunc usum concinne-  
 tur iuleb pro hoc modo: & aquæ betonica, me-  
 lissæ, farfaræ & cichoreæ ana ℥.iij. syrupi ci-  
 choreæ cum rhabarbaro ℥.iij. hyssopi ℥.ij. uta-  
 tur. Aut fiat decoctum: & endiuie, cichoreæ, be-  
 tonica, scabiosæ, mentæ ana. m. & radice rusci,  
 sparagi, filipendulæ, glycyrrhizæ añ ℥. & florum  
 boraginis, buglossi, uiolarum, nenupharis ana  
 p. j. florum anthos, stichadis, ana p. & passula-  
 rum mundatarum ℥.j. coquantur in aqua pluuiæ,  
 & adijce aceti ℥.j. excolatum dulcoretur saccha-  
 ro, aut addantur syrupi fumiterræ ℥.iij. Post  
 hæc apparetur catharticum aptum trahendæ  
 pituitæ, aptum mouendæ bili pro hac forma: &  
 diaphœnici, electuarij c succo rosarum ana ℥.iij.  
 cum aqua fumiterræ fiat haustus. Aut & decocti  
 præscripti ℥.v. infundantur per noctem rhabar-  
 bari ℥.j. spicæ grana. v. agarici ℥.iiij. zingibe-  
 ris gra. vj. salis gēmæ grana. ij. mane fiat expres-  
 sio cui addatur oxymellis ℥. &. Aut catapotia for-  
 metur: & pulueris hieræ simplicis ℥.j. agarici re-  
 cens trochiscati, rhabarbari ana ℥. & pulueris po-  
 lypodij, benedictæ ana ℥.j. elaterij grana. ij. cum  
 melle rosato incorporentur, & ex drachma for-  
 mentur quinq;. Ab euacuatione capiti succur-  
 rendum erit discutientibus, & corroborantibus,  
 & imprimis madefactionibus ex oleo uiolaceo,  
 nenupharis



nenupharis, irino, costino, susino, et incoquentes  
aceto pulegium, thymbram, thymū. Naribus ob  
ijcemus odores foedos, auribus indemus castoreū,  
et oleum maioranæ. Sternutamenta ciebimus:  
apophlegmatismos mandere imperabimus, et  
gargarissare ijs, quæ saliuam mouent, quorum  
omnium copia in capitulis de phrenitide et le-  
thargo conscripta est.

CAPVT DECIMVM.  
quartum De Caro.

**C**Aros quum per se proprius cerebri mor-  
bus est, neq; eum febris præcedit, nec etiā *Signa.*  
comitatur: quum ex consensu et consortij lege  
incedit, et febres præcedunt, et alias affectio-  
nes sequitur. Grauis est, ac perpetuus sopor, quo  
qui corripitur, uelut intermortuus, et caudicis  
instar proiectus cubat, uti nullos strepitus, nul-  
los fragores, nec inclamationes quamuis Stento-  
reas exaudiat. Si forte expergiscitur, palpebras  
difficillime attollit, et protinus in idipsum soporatus relabitur. Hic nihil dicturus sum (quando  
*Dormitio-  
nes porten-  
tosæ.*  
nihil ad institutum pertinent) de admirabilibus  
illis, ac plane portetosis dormitionibus, quarum  
omnino cæcæ, abditæ, et imperscutabilis nobis  
causæ oblilescunt. Epimedinem ferunt in spe-



lunca dormitasse annos septem & quinquaginta, ac tandem excitatum: quum in apertum prodijisset, omnium rerum faciem tam breui circa se immutatam attonitum stupuisse: uideri namq; sibi perpaululum quieuisse. Damascenus compertum narrat, quod rusticus labore defessus in fœneo tumulto totum autumnum, & consecutam hyemem perpetim dormierit, donec æstate fœno paulatim depasto experrectus, tanquam exanimis, totusq; extra se positus inuentus sit. Neq; uanum est, quod Ecclesiastica historia de septem quibusdam attestatur, qui centum & nonaginta sex annos perseueranter dormiuerunt. Quid hæc quæso? euenta, & miracula spectant ad Pæonis artem. De rebus naturæ perquirat medicus, & de morbis qui præter naturam incidunt: quos inter est Carus, qui in Charontis cymbam plerosq; mortales immittit. Hic siue primario, & per se incumbat, siue ex consensu, & consortij lege adueniat, morbus est semper ferox, tamen tacitus, & inexpugnabili sopore, hominem conficiens.

*Causæ.* Causas quidem habet multifarias, & imprimis algificam temporis & regionis constitutionem. Hæc nimirum quum est immodica, & impotenter urit, genuinum naturæ calorem fortiter imminuit animales spiritus, uehicula functionum



nū animæ nequiter torpescit, itinera, per quæ  
uitæ, & operationum omnium transfluxus est,  
perperam astringit, ut prorsus in hoc euentu con-  
sentaneum sit, ipsis membris immotionem affla-  
ri, sensibus profundam quietem, menti quoq; ua-  
cationem. Istud quidem imbecillioribus magis,  
quàm ualentibus usuuenit, utpote non ferenti-  
bus niues, imbres, glacies, tempestatesq; sono-  
ras. Animantia, quæcunq; frigidiora, atq; ob id  
minus ualentia sunt, ijs calor innatus ab hyber-  
ni algoris asperitate adeo hebetatur, ut plane me-  
tus sit, ne prorsus exole scat. Quare sub id tem-  
pus ipsorum plurima in cauernas, ac specus re-  
motiores fugitare solent, ibiq; sine sensu & mo-  
tu, perinde ac si mortua cesserit, aut correpta  
caro, latitare. Quin non nulla in hoc affectu emo-  
riuntur. Ob hanc causam patientibus pecu-  
liares insunt notæ, quod nullo pondere, quia  
simplex & nuda qualitas offendit, caput premi-  
tur: cuius tamen ob morbi nequitiam nihil iudi-  
cant: frontem, ac tempora, si manum ijs iniece-  
ris, frigere comperies, facies liuescit, uenæ suf-  
fugiunt, nares frigidum efflant, tardus est pulmo  
num spiritus, arteriarū pulsus rarus, exiguus &  
ægre apparens. Quod si necessitatem hanc medi-  
camentum inuexit, & cerebrum qualitate nar-  
cotica stupefecit: quale est aut opium, aut cicu-

Signa cau-  
sarum.



Humiditas  
Somni cau-  
sa.

ta, aut mandragora, ijs & obdormiscere itidem, sopiri ue, aut stertere, quinetiam liuescere, inertem fieri, torpere, nihil sentire eueniunt. Humiditas quoq; (undecunq; affluat) si sit nimia, omnino prompta est hoc uitium gignere. Quod liquido ex balnearum usu depræhenditur, quæ somnum ea ratione conciliare putantur, quia caput madefaciunt. In palustribus etiam locis atq; humectis habitantes (idoneus testis est Aristoteles) somnolentiores efficiuntur. Iam & moderata uini potatio huic sententiæ calculum addit: suis enim uaporibus eam cerebri regionem madidans, in qua sensuum comitia peraguntur, placidum somnum, gratamq; quietem apportat. Et si lubet oculos in cibos quoq; conuertere, proculdubio suffragantur, & eos ad parandum otium fessis spiritibus aptiores comperiemus, qui sunt humentiores. Galenus inquit in libro de Symptomatum causis: Quemadmodum exercitati, & proniores sunt ad somnum, & grauius dormiunt, ita illi quoq;, qui cibum ingesserunt, ac eo grauiori detinentur somno, quo cibus suapte natura fuerit humidior: itidem & ij, qui plurimo se uino ingurgitauerunt, aut balneis multis, calidisq; circa caput liberaliter usi sunt: quippe hæc omnia cerebrum uidentur implere humiditate. Inter ætates præterea ipsa quoq; pueritia ob humoris



moris copiam maxime somnolenta est: quis se  
 non inertem sentit, ac ueluti dissolutum queri-  
 tur, quum pluuijs, & haustrinis flatibus tempus  
 incrudescit. Aquilones corpora purgatione red-  
 dunt, & impigra, & bene mobilia: haustri, quia  
 ex opposita cœli plaga imminet, contraria ef-  
 ficiunt. His si frontem manu exploraueris, ma-  
 didam inuenies, nares leues, tempora mollia, au-  
 res flaccidas, os humidum, & languidos arteria-  
 rum pulsus. Quod si qualitates hæ coniunctim  
 incidant, & socia (quod fieri potest) conspiratio  
 ne in maleficium intendant, ambiguum non est,  
 quin præsentius modisq; omnibus funestius peri-  
 culum incumbat: quanto enim plures in mor-  
 bum aliquem causæ congruunt, quarum quæli-  
 bet ad inferendam iniuriam per se satis ualet,  
 tanto magis consentaneum est ex harum copu-  
 latione offensionem fore formidabiliorem. Qua-  
 re si his nudis qualitatibus, quas tantopere  
 (quum uehementes sunt) officere diximus, mate-  
 riæ insuper accedat exundantia, tum plane cla-  
 mitandum erit, Mors est in olla, & res ad tria-  
 rios redijt. Siquidē præter infestam intemperie,  
 alius quoq; additus est hostis. Nō rarenter acci-  
 dit, quod in capitis sinu multa pituita coacerue-  
 tur, quæ multam obstructionem facere sit apta,  
 & densare spiritus, marcorem inducere, & om-

Causæ con-  
 currentes  
 grauius ma-  
 lū efficiant



**Pituitæ  
tres spe-  
cies.**

**Carus est  
sanguinis  
soboles.**

nino soporare sensus. Galenus ait in eo, cui titu-  
lum fecit de Plenitudine: pituitæ species alia dul-  
cis, alia acida, alia salsa: prima somnolētos facit,  
altera, quā abundat famelicos, tertia sitibundos:  
et quarto de Locis affectis, inter soporem et  
apoplexiam morbus comitial is medius est, et  
horum trium frigidus, ac crassus, aut omnino ui-  
scidus humor causa est. Verum et in sopore, et  
comitiali uentres magis, cerebri corpus minus,  
in apoplexia uero utraque affici solent: in cata-  
lepsi, et uigilanti sopore posteriora cerebri ma-  
gis molestantur. His caput ponderosum est, fa-  
cies albet, palpebræ tument, oculi fluunt, nares  
excrementis scatent, os saliuæ plenum, arteria-  
rum pulsus mollis, tardus, rarus. Fit et sopor  
(Hippocrate authore) musculis temporum affe-  
ctis. Sanguinis præterea sobolem esse Carum  
tam constat aperte, ut silentio transilire non li-  
ceat. Quum in capitis conceptaculis superua-  
cuus fluitat, et hubertate sua naturæ faculta-  
tem, qua cuncta sapienter moderatur, affatim  
onerat: tum ex ipso turgido turgidi uaporis (ceu  
bulliantis oceani uomitiones) expirant, qui per  
omnem illam regionem late funduntur, diffusi in-  
star opacæ nubis noctem inducunt cimerijs um-  
bris atriores, in qua necessum est mentem ex-  
tincta luce ociari. His uenæ secundum collum, ac  
pone



pone aures tensæ protuberant, oculi rubore suffunduntur, tempora pulsant, frons calet, & uis spiritus efflatur. Nunc hoc quoque uitium superuenire cōspicimus, quibus uires tam debiles atque impotentes conciderunt, ut uigiliarum munia obire nequeant, nec genas oculorum reclusas seruare. Non refert imbecillitatem hanc, siue diutina laborum exantlatio, siue immoderata alui deiectio, siue larga sanguinis profusio, siue inedia longa, siue prolixa ægrotatio, aut tale quid ærūnosum intulerit: sed magna ex parte is talis salutem & annunciare & adferre solet, Auicenna inquit phen prima tertij. Et huic quidem propinquus est, qui accidit ei, qui sanitati uicinus est ab ægitudine sua: accidit enim ei somnus profundus, & significat sedationem ægitudinis. Ipse tamen in sanis non significat bonitatem. Et quandoque accidit somnus huius generis ei, qui euacuat<sup>us</sup> est medicina plurimum, & somnus confert ei, reddens ipsum uirtuti suæ. Cæterum quod per consensum sæpenumero adueniat, & alios comitetur affectus, confissum est: in febribus enim diuturnis per singulos circuitus ægros somno occupari contingit: quod in quotidianis, & semitertianis, non nunquam etiam in quartanis conspicitur. Quippe quum febrium concitationes irrumpunt, eo tempore cerebrum uehe-

Concitatio  
nes febrium  
somnia in  
ducunt.



menter refrigeratur, quod alioqui paratissimum est hanc noxam subire. Iam & comitiales sequitur, & compressiones cerebri, & fracturam cranei, & læsionem membranulæ, quæ priorem cerebri uentriculū contegit. Galenus ait quarto libro de affectis locis: quemadmodum inter perforandum, quum quis membranam negligenter, et ultra quàm res expostulat meningophilace (id est, membranæ custode) premendo uiolauerit, sopor superuenire solet: ita ubi os caluariæ uehementer attritum ipsius uentriculos comprimat, maximeq; medium, sopor superuenire potest. Quinetiam uehementes dolores hic affectus promptissimè sequitur, concidente uidelicet robore animalis spiritus, ad nimiam quoq; stomachi repletionem, & prolixitatem moræ crudioris cibi in ipso: in pueris ad uerminationes, in

Carus ab at foeminis ad locorum perfrictiones. Ab attonito diffinito quibus distet non admodum est obscurum fert. uidere: etenim soporato non prorsus adimuntur functiones facultatum sensitiuarū & motricium, nec in ipso magnopere læditur respiratio- nis usus: in attonito omnia eueniunt ijs contraria, namq; & sensu, & motu destituuntur, & pulmonum flatus ab eo, qui naturæ congruit, uehementer decedit. Ab ea, quæ uulvæ strangulatu corripitur, hæc nota discernes, siquidem soporato

A uulvæ strangulatu differt Carus.



omniū facillime curatur. Sunt porro ipsi, cum sola consistit, remedia, cibi qui citra ualentē calefactionē refrigerationē ue siccent: præterea consuetæ potionis parcitas: statim calētibus linteis multū, diuq; dera sum caput uexare expedit, & sacculos inducere ex cineribus cauliū brassicæ, aut culmorum fabarum, aut sarmentorum uitium, aut quernis, aut ex fimo columbino, aut ex arena maris, aut ex scoria ferri in aceto macerata, aut ex milio arefacto, aut ex sale tosto, aut ex lentibus, pro hoc modo: ℞ cineris quercini. m. j. milij torrefacti, salis tosti, fimi columbini ana m. ℥. absinthij sylimbrij, uerbenacæ ana. p. j. scoriæ ferri præparatæ ℥. j. cinnamomi ℥. ℥. maceris ℥. j. xiloaloes ℥. ij. fiat sacculus in sericorubro: sartago in candorem ignita eminus capiti obuersetur, ac studium sit, ne cutim, carnem ue perurat, sed tantum, ut præsens calor in ipsum uiscus pertingat, atq; inibi e potet, exorbeatq; superuacaneam humiditatem. Quod si per copulationem duarum qualitatum intemperies consistat, miscenda amborum consilia sunt.

Si ex copia phlegmatis uitium est, protinus clysteribus eluatur aluus, aut balani submittantur, sed acres, & sentinam exhaurire potentes in hanc formam: ℞ centaurij, absinthij, nepitæ, uerbenacæ ana. m. j. seseli, carei, ameos ana. p.

Curatio ex  
phlegmate.



*℥.j. radice acori, inulae, paeoniae ana ℥.℥. colocyn-  
 thidis 3.ij. carthami 3.ij. polypodij ℥.j. passula-  
 rum purgatarum. m. j. fiat decoctio, & excola-  
 to adde olei rutae, chamemeli, ana ℥.j. ℥. mellis  
 rosati ℥.j. succi ficulae ℥.ij. salis 3. j. Vomitus, si in  
 hunc procliues sunt, concitetur: inferna corpo-  
 ris dolorifico frictu perfricentur: musculorum  
 capita strictioribus uinculis excipiantur: cucur-  
 bitulae multo igne incensae coxis, & cruribus af-  
 figantur: tum derasum caput irrigetur decocto  
 (ab alto torrentis instar affundente manu) abro-  
 tani, thymi, rutae, pegani, paeoniae, lauandulae,  
 salviae, rorismarini, non sine acerrimo aceto:  
 aut lixiuio, cui incoctum sit serpillum, origa-  
 num, sulphur. Sinciput aut cepa, aut scylla, aut  
 taphia, aut nasturtio, aliquo ue mordacem acri-  
 moniam habente sarriatur, idq; post unum, alte-  
 rumue diem, non statim, & ab initio. Oleum  
 praeterea conducit laurinum, costinum, irinum.  
 Si uero crassior sit humorum multitudo, spon-  
 dilium (laureolam dicunt) aut serpillum, aut pu-  
 legij comam, aut calamynthen, aut mentam oleo  
 incoquendo multitudinem euacuabis. Eadem  
 haec (authore Galeno de compositione pharma-  
 corum secundum locos, libro secundo) firmita-  
 tem parti addunt. Omnium porrò longè maxi-  
 mē discutit, & perfecte corroborat uerbena-  
 ca recta*



Soporato in prima cerebri regione labes magis consistit, & in postrema minus, quare grauius audit, & oculorum genas difficulter attollit, motus uero capitis, colli, crurum faciliores habet, & si ad asperiusculas exclamations excitetur, potius est respondere: quæ uulua malo præfocatur, contra habet, oculos incunctantius aperit, & sensus (nisi malum ex causa admodum perniciose pullulascit) minus impeditos sentit, sed crura contrahuntur, uox obmutescit, & omnino imbecilliores motus obtinet.

Sanationis ratio ex diuersitate afficientis cau-  
 Curatio.  
 sæ trahitur. Imprimis excelso, ac lucido loco decumbat æger, patētibus fenestris: aër calidus sit, & serenus: si temporis acerbitas poscit, luculentus ignis extruatur, & prunis acria odoramenta iniiciantur: nemo ab introitu arceatur, hominum turbam admittere præstat, clari strepitus excitentur, clamoræ uoces intēdantur, ægrumq; perpetim incessere oportet, nec quietum sinere. Cibus sit ptisanæ cremor cum porri comis, aut gallinacei pulli iusculum, aut panis aliquid ex decocto cicerum & foeniculi, cum oxymelle: Hydromel bibat, cui incoctum sit thymum, pulegium, origanum. Si nuda intemperies offendit, Curatio  
 eaq; frigida, caput confestim foueatur decocto frigida tenuitæ, saluæ, roris marini, lauandulæ, lauri, & peratura.



confricetur oleo costino, castoreo, irino: aut conficiatur cataplasma in hunc modum: & unguenti aregon, martiaton ana ℥. j. olei elateribus ℥. f. pyrethri ℥. ij, castorei ℥. j. calami aromatici, galangæ, struthij ana ℥. j. pilorum hominis ustorum ℥. iij. cū cera, & terebinthina agglutinentur. Aut concinnetur talis sacculus: & anthos, stichadis florum, chamæmeli, meliloti ana. p. j. pullegij, thymi, maioranæ añ. p. f. caryophyllorum, nucis myristicæ, cubearum, maceris, xilaloes ana ℥. f. aliptæ moschatæ ℥. ij. spicæ ℥. j. fiat sacculus reti formiter consutus. Naribus admoueatutur ambra, nigella, moschus. Palato affricetur mithridatum, theriaca, aurea Alexandrina. Sumant diagalangam, diatrium pipereum, diambra, aromaticum charyophyllatum, zingiber conditum, aquam saluæ, lauandulæ, uitis. Aut fiat eclegma pro hoc modo: & conseruæ anthos, stichadis ana ℥. j. pyrethri conditi, radicis inulæ conditæ ana ℥. f. specierum diatrium piperei ℥. j. specierum diambrae & diacubearum ana ℥. f. galliæ moschatæ ℥. j. cū modico aquæ uitæ, seu uitis incorporentur.

Humida in Si humiditas morbum parit, diligenter resic-  
temperies care oportet. Galenus ait libro septimo de Cu-  
facillime cu randis morbis: humida intemperies siue sola con-  
ratur. sistat: siue cum calore, frigore ue coniuncta sit;  
omnium



ea recta : quam si uiridem oleo incoxeris , caput  
 que inde rigaueris , omni capitis dolori antiquo  
 ex frigidityte , aut ex crassīs humoribus oborto  
 medeberis . Afferantur autem remedia tepida ;  
 aut calentia : secus habet , ubi calidior , & bilio-  
 sior extiterit materia . Sacculi concinnentur ex  
 sale , milio , fursure , betonica , sampsucho : sti-  
 chade , anthos . Quia toties in scriptoriam plu-  
 mam id uocabulum anthos incidit bone lector , Anthos la-  
 ne sis nescius , me non ignorare , quod Gracis la-  
 tius patet , quam pro flore roris marini , sed nos quam pro  
 id usurpamus ( ut alia multa ) pro barbarorum flore roris-  
 consuetudine . Naribus instilletur betæ succus , marini .  
 aut ederæ , aut anagallidis , pimpinellæ , ciclami-  
 nis cum elaterio . Odores fædi obtrudantur , ex  
 galbano , asa , sagapeno : acetum creberrimè ol-  
 factandum exhibeatur , in quo coctum sit abro-  
 tanum , peganum , agrestis saluia , ruta : sternu-  
 tatio concitetur pipere , struthio , ueratro , eu-  
 phorbio . Lingua , fauces , totumque oris cœ-  
 lum infricentur mithridato , theriaca , ana-  
 cardino . Galenus ait , libro undecimo Sim-  
 plicium medicamentorum : Frigidis & humidis  
 corporibus castoreum optimum est remedium ,  
 maxime si feбри careat ager . Imò & febrien-  
 tibus , non tamen calidam , sed ut dicam ita , te-  
 pidam



**Ira procu-  
randa.**

**Curatio ex  
sanguinis  
abundantia.**

**Soporem fi-  
nium sani-  
tas sequitur**

pidam febrim habentibus, qualis præcipue in  
soporibus, & ueternis contingit, huiusmodi in-  
quam pluribus castoreum exhibuimus cochlea-  
ris mensura, & simul piperis albi tantundem ex  
melicrato, nunquam autem inde læsus est quis-  
quam. Coxendicibus & pulposis partibus sina-  
pismus apponatur. Huc quoque pertinet hominē  
iniuria, aut contumelia laceßere, & omnem bi-  
lem in nasum conciere, ut efferuescente spiritu  
obscænus ille animi torpor discutiatur. Quod  
si fieri queat, ut catarthico uenter soluatur, ea  
occasio pretermittenda non est, sorbeat cochlear  
unum aut & alterū syrupi ē stichade in quo elle-  
borus, aut colocynthis intabuit. Si sanguinis so-  
boles est carus, succurrit cephalicæ uenæ sectio:  
hirudines pone aures admoueantur, & cucurbi-  
tæ cruribus, & interscapilio. Alius molliatur  
clysterijs: Hæmorrhoides suppressæ scalpello,  
aut alicuius affricu acrimoniam habentis ape-  
riantur. Mulieribus non purgatis uena iuxta ta-  
lum fodiatur: nariū epistomia refringantur: oxy-  
rhodinū capiti ab initio liberaliter infundatur:  
odorent ex aceto pæoniam. Si ex uirium imbe-  
cillitate malum est, celerrima recreatione opus  
erit. Si morbos alios comitatur, morborum uis  
primitus tollatur, deinde si quid reliquum erit,  
pro modo iam dicto percuretur. Scire autem  
oportet



oportet (attestante Galeno) finito sopore bona  
ualetudo magna ex parte subsequi consuevit.

CAPVT DECIMVM QVIN-  
tum de Catalepsi.

**C**atalepsis admirandum in modum ho-  
minem afficit. Hac quum quis corri-  
pitur confestim instar marmoreæ statuæ gela-  
tur, nec mutat constrictus præsentem corporis  
habitum, sed subito, tãquam afflatus sydere, aut  
(quod est in fabulis) Meduseos uultus conspexe-  
rit, attonitus, rigidusq; consistit. Qui siue iaceat  
occlusis genis, siue stet respiciens, quod agens  
tũ erat, in eo statu immotus permanet, Socratem  
hoc morbo aliquando detentum suspicarer, qui  
reperitus sit à solis ortu eisdem in uestigijs, in-  
conuiuētibus oculis, atq; ore immoto in alterum  
usq; solem durasse, nisi Gellius, nō leuis author,  
inter labores uoluntarios, & corporis exerci-  
tia ad fortuitas patiētiae uices id facere tum con-  
sueuisse scriberet. Solinus quoq; Indos narrat,  
gymnosophistas habere, q ab exortu, adusq; solis  
occasum cōtentis oculis orbē candentissimi syde-  
ris intuentur, in globo igneo rimātes secreta quæ-  
dam, arenisq; feruentibus perpetem diem alter-  
nis pedibus insistant. Hoc uitio impeditos anti-

Signa.

Socratis cō-  
suetudo.



quiores medici catochos neminauerunt, seu catochomenos, quasi dicas occupatos, depræhensosq; recentiores uero (authore Paulo) scæmini no genere appellant Catochen, & catalepsin, ueluti detentionem, depræhensionem.

**Causa.**

Causa mali tam stupendi non nunquam nuda est intemperies, sine ullius materiæ confluxu. frigida scilicet, & sicca. Refrigeratio (inquit Galenus) quum fortis est & ualida, si humiditati coniungitur, lethargicas passiones gignit: si siccitati copuletur, uocatas depræhensiones facit: est ipsa nimirum calori naturæ ex diametro opposita, quare hunc primitus extinguit, deinde corporis humorem, ex socia qualitate populatur, exorbet, absomit: aut madorem illum qui nervoso generi rorulentus est, & ad commodos membrorum inflexus per musculos distributus, subito incubitu, cogit, astringit, induratur, ut usui esse non queat: simul & ipsum motus sensusque principium cum suo illo satellitio (animales dico spiritus) nequissime torpescit, quo fit, ut uniuersa membra quasi de numine tacta, obrigescant. Calamitatem hanc nobis afflet præ frigida aëris nos ambientis constitutio: Hyems glacialis & sæuis aquilonibus aspera: Cælum ferox, inclemens, ninguidum, grandinosum. Theonnestus, qui de Veterino-

rum



rum morbis conscripsit: Nos, ait, Italiam petentes quum alpes superauissemus, repente tanta uis niuium præceps circiter horam primam deuoluta est, ut passim milites gelicidio concreti animam efflarent: equis enim insidentes distenti manebant, equum adhuc uita fungi sors ferebat, qui militare cadauer gereret, agmenq; sequeretur, defunctus autem ante & scutum, & habenam tenebat, insidebatq; rigidus, tanquam equo modo quodam agglutinatus cohesisset, sic ut non sine negotio à uiuentibus auelleretur. Si uero unà quoq; mortem oppetiuisset equus, gelu rigens perstabat, & undiq; fixus in uestigio manebat. Odor præterea cerussæ, argenti uiui, opij, mandragoræ, & aliorum soporantium in hoc maleficio potenter ualet. Aqua quoq; turbida, & foetulenta (cuius Zelandis bona est copia) statim à re uenerea, à sudatione, à labore, ab inani, uacuoq; uentriculo potata. Quinetiam præter nudas qualitates, & causam habet materiam, quæ quum postremum cerebri uentriculum semel opplet, continuo suas omnes natura functiones suspēdit, exceptis ijs, quæ modicè, ac tenuiter uitā q̄tulācunq; tuētur. Cūcti ex uolūtatis impio motus protinus cessant, propter occupata instrumēta, quæ ad hanc rem necessaria sapiēs architectus fabricauit. Talis est

Milites gelicidio concreti.



atra bilis, tale & phlegma (quod Praxagoras uitreum appellauit) egregie quidē frigidum, nec minus crassum. In hanc nassam præ alijs celerius ruunt ualetudinarij, imbecilles, melancholici, et ij, quibus longo tempore commercium fuit cum piscibus & alijs cibis pituitosis. Morbus hic ab apoplexi, syncope, locorum strangulatu, lethargo, caro, ea nota discernitur, quod in singulis ijs membra ad arbitrium attrectantis inflectuntur, mollia sunt, & laxa, & in quamuis figuram explicabilia: tetanici uero quamuis sese inflectere non queant, & rigidos corporis musculos habeant, sensuum tamen usu nequaquam priuantur. Quin audiūt, uident, odorātur, intelligunt, & recordantur: occupati sunt mera idola, aures habent, & non audiunt, oculos habent & non uident, nares, & non olfactant.

Sanatio admodum difficilis est, & ubi ualida fuerit offensa artem omnino superat: à sola intemperie quum originem ducit, curatio unum habet modum, oppositam uidelicet qualitatem inducere, sed hoc opus, hic labor est: statim in solium demittendi sunt quod tepidum habeat oleum chamæmeli, liliorum, lini, sambuci, lumbri corum, & in eo diutile persistant: aut in calente sanguine uituli, agni, hœdi, capellæ, perluantur: aut seßitent in decocto sufferuido capitis, ac pedum



dum uituli, uerbenacæ rectæ, primulae ueris, arthemisiae, pulegij, ebuli, radicis althææ, circij, liliorum, seminis lini, foenugræci, sed nusquam fatigentur propter uitalis flatus tenuitatem: deinde uniuersum corpus & præsertim occiput, ceruix, interscapilium & reliqui spinæ musculi perungantur oleo susino, costino, nardino, laurino. Aut unguentum conficiatur pro hoc modo: R. olei lumbricorum, liliorum ana ℥. j. axungi. 2. uituli, anseris medullæ, crurum cerui ana ℥. f. unguenti aregon, marciaton, olei è lateribus ana ℥. iij. cum cera & terebinthina fiat unguentum, et ab unctione inuoluatur in lana succida, aut in uellere recens ab animante detracto. Oris coelo indatur confectio anacardina, aut theriaca, mithridatum, naribus subijciantur ruta, peg anum, maiorana, pæonia, pulegium, serpillum: auribus instilletur castoreum. Magnifice quoq; iuuert, si gallinaceus, adacto cultro à ceruice in orrhopygium uiuus conscindatur, & insperso puluere nucis myristicæ, cubebarum, caryophyllorum derafo capillitio capiti applicetur, et post unam atq; alteram horam alius, & deinde tertius in uictimam mactetur. Aut huiusmodi emplastrum concinnetur: R. radicis althææ coctæ in uino ℥. ij. distringatur per setaceum, & adde unguenti agrippæ ℥. j. facis olei liliorum, empla-



Curatio ex  
materia.

stri ē meliloto ana ʒ. vj. axungie anseris, galli-  
næ, æsypi ana ʒ. f. zingiberis uiridis ʒ. iij. cala-  
mi confecti ʒ. ij. galliæ moschata ʒ. j. cæræ & te-  
rebinthinæ quantum satis sit, aggregentur in for-  
mā emplastri. Quod si atra bilis, seu uitreum  
phlegma nobis negocium faceſſit, statim & ab  
initio clysteribus aluus turbetur, aut glandes sub-  
mittantur, sed præſtāt clysteres, etiam acriores,  
ſi queant infundi, pro hoc modo: & centaurij,  
hyſſopi, ſtichadis ana. m. j. ſeminis lini, ſœnicu-  
li, carthami añ. m. f. polypodij ʒ. j. folliculorum  
ſenæ ʒ. f. colocynthidis ʒ. iij. radicis inulæ, al-  
thææ, bugloſſi ana ʒ. f. fiat decoctio, & excola-  
to adde olei liliorum coſtini ana ʒ. j. f. mellis an-  
thoſati ʒ. j. hieralogodij ʒ. f. ſalis ʒ. j. Alius: &  
thymbræ, thymi, pulegij ana. m. j. boraginis, bu-  
gloſſi, ſumiterræ ana. m. f. ſeminis aniſi, ſœnicu-  
li, urticæ ana. p. j. foliorum ellebori. m. f. paſſu-  
larum mundatarum ʒ. j. epithymi ʒ. iij. coquan-  
tur cum gallo ueteri, & adde colaturæ olei ru-  
tæ, abſinthij ana ʒ. j. f. diaſenæ ʒ. vj. ſalis ʒ. ij.  
Galenus ait quinto de Medendi methodo, mini-  
me ſicut medicorum non nulli cenſent à paruis  
incipiendum eſt auxilijs, nec ſicut illi ſentien-  
dum, iſta ſcilicet prius eſſe tentanda, mox ſi ni-  
hil profecerint, aggrediēda maiora: nam in mor-  
bis, in quibus periculum non impendet, uera ea  
eſt opi-



est opinio : at ubi moriendum aegro prorsus est,  
alienissimum à ratione est à minoribus inchoas-  
se. Deraso capiti & potissimum occipitio ac po-  
stremæ suturæ insuundantur decoctum absin-  
thij, challitrici, betonicæ, calamynthæ, uerbena-  
cæ, saluiæ, lauri, lauandulæ, & probe exterso  
epithema inducatur: & olei liliorum. lb. f. aquæ  
uitis seu uitæ ℥. iiij. castorei ℥. ij. euphorbij ℥. j.  
sulphuris ℥. f. fimi columbini ℥. j. concutiantur,  
& stupis canabinis applicetur, concoctioni ue-  
ro, & euacuationi locus erit, ubi euigilarint, &  
ocasio aliqua propinandi apparuerit.

CAPVT DECIMVM.  
sextum de Insomnijs.

**R**Efrigerato sensuum principio, & hūe-  
tato soporofam constitutionem fieri ne-  
cessum est: haud aliter eo incādescente, ac sicces-  
sente consequitur immoderatas uigilias oriri.  
Somnus ( Hippocrates ait ) & uigilia, utraq; si  
modum excefferint, malum. Modum autem som-  
nus excedit, quum difficilem habet expergefa-  
ctionem, & in eo euentu, aut sopor, aut grauis  
somnus dicitur. Iam est quando solum tempore  
conuenientem naturæ modum excedit, sed diffi-  
cilem expergefactionem non habet, is longus di-

Somnus  
quoties mo-  
dum exce-  
dat.



ci potest. Neuter profecto ueniam meretur, sed is illo minus periculosus est. Sic uigilias contingit esse immoderatas, aut contra consuetudinem, quum longæ sunt, aut omnino perpetuæ, cum omnem quietem adimunt. Quantum detrimenti maiores ipsæ corpori concilient, nihil attinet longis logis inculcare, id uel me tacente quicuis luculenter intelligit. Arefaciunt enim & asiccant corpus, uires dissoluunt, mentem labefactant, & quæ sunt perpetuæ suos quidem labores cum uita finiunt.

*Causæ.*

In hanc affectionem incidimus, quoties cerebrum caliditate immodica, aut siccitate nimia à temperamento recidit: quæ si copuletur, quando utraq; sine alterius accessione in noxam satis ualet, difficilius malum redditur. Nunc & abundantia cholerae, & copia salsæ pituitæ, grandis dolor, crapula, intentiones animi, morbus aliquis urentes, & mordaces fuligines sursum impellens, alui profluvium, immodica uenus, causæ sunt, quæ nos insomnes efficiunt. Cæterum

*Causarum  
indicia.*

indicia prolixius denarrare, quibus causa quæq; significatur, superuacaneum esset, ac minime oportet: siquidem ea conspectiora sunt, quam quæ ambitiosa uerborum serie explicentur. Nimirum quibus caput aestuat, ipso tactu, & manus exploratione statim innotescit, & oculo-

*rum*



rum fundamenta ijs ardere uidentur. Siccitas se  
prodit linguæ, ac faucium ariditate: nares excre-  
mento uacant, frons intenditur. Si cholera no-  
xam parit, in capite non nullus grauitatis sensus  
sentitur, neq; strepitum, neq; uocem, neq; lumi-  
nis splendorem, neq; motum tolerare possunt.  
Si ex salsugine humoris in cerebro sparsi, oculi  
lippunt, et crassior quædam pituita ijs innatat,  
nares uuide sunt, & earum pinnae exulceran-  
tur. Si dolor, si crapula, si uehemens animi affe-  
ctus, seu morbus quispiam dulcem somnum abar-  
cet, cuiusq; dignotio ex proprijs indicijs colli-  
gatur. Omnis curationis ratio, ubi sola intempe-  
ratura uitium gignit, in ijs uersatur, quæ refri-  
gerant & humectant. Calidum enim refrigera-  
ri postulat & siccum humectari. Quod si utraq;  
coniungatur, tum pro ea proportionem combinen-  
tur opposita, pro qua illa & coniuncta coierint.  
In primis quærendum est obscurum, & tran-  
quillum cubiculum, quodq; uel subterraneum  
sit, aut à terra non sublime. Id si negetur, indu-  
stria nostra, quoad fieri licebit, tale parabimus,  
& quibusdam auris imbuemus, quæ uotis com-  
mode obseruiant: uti rosis plurimis humi fuis,  
aut uitium capreolis, pampinis ue, aut ruborum  
ramusculis, aut reliquarum stirpium aliquibus,  
quæ friges faciunt: ipsum pauimentum aqua gelie

Curatio.



da irrigabimus, atq; eam de uasis in uasa transfundemus, aut euripos, in quos se confluentes deijciant, adaptabimus: & madefacta lintea parietibus inducemus. Huc quoq; pertinent odoramenta ex rosis, uiolis, nymphaea, santalis, caphura: in hunc aut consimilem modum & rosarum rubearum, florum uiolarum, nenupharis ana. p. j. omnium sandalorum ana 3. f. coriandri, seminis anisi ana 3. j. camphoræ grana. iiij. opij grana. ij. puluerescant, & in linteolo puluis ligetur. Aliud: & corticum papaueris albi 3. ij. seminis portulacæ, lactucæ, scariolæ ana 3. j. psyllij 3. f. seminis anethi 3. j. seminis hioscyami, mādramoræ, cicutæ ana 3. f. croci grana. vj. pinsita aspergantur modico aquæ rosacæ, & colligentur in formam globuli, seu pomi. Naribus indatur oleum uiolaceum cum ouorū aquato, facies aqua rosacea crebro irroretur, aut solani, nymphaeæ, lactucæ, cucurbitæ. Hominem præterea in balneo uersari conducit, ad quam rem longè utiliores sunt natationes, quàm breues conchæ, et esto aqua ad cutim temperata. Somnum etiam conciliant leuiculæ confricationes, præsertim pedum, ipsorumq; lotiones decocto salicis, maluæ, papaueris. Auxiliatur minutili sonores, ueluti in peluim stillantis aquæ ictus, aut bullientis aululæ murmur, aut clementioris flatus aura, aut comotarum



motarum arbuscularum collisio, aut minurientium auicularum modulatio, aut submissus lasciuientis uoculae canor, aut plasmus aliquis musices instrumenti tinnulus. Pythagorici cum uellent diurnas curas somno mollire, quibusdam cationibus musica ratione ad id concinnatis utebantur. Profecto admiranda est humano spiritui cum symphonie modulis affinitas, & est ad solandos labores pulchrum naturae munus. Auditoris animus intro se colligit, & quandam facit in cordis succo collectus suauem euaporationem, hæc sursum conscendens cerebrum irrigat. Auribus instilletur oleum nenupharis, bioscyni, uiolarum. Capiti applicetur ceratū ex oleo roseo, & elota cera absq; aceto, aut linimentum ex oleo ranarum, saligno, populeo. Ipsum etiam perfundas primum tepida, deinde ea, quæ ueluti æstiuo sole intepuit, mox & hac paulo frigidiore. Ipsam, Galenus ait, frigida substantiam, neque eius qualitatem omnino integram usq; ad uiscera peruenire est salubre: nec in prosperum fuerit fouere decocto hordei, capitum papaueris, frondium salicis, cucurbitæ, chamæmeli, meliloti, aut lacte recens mulcto. Vitent graues labores, ueneream palestram, & pertinax animi studium. Supra lectum, ne infames culices suis morsuunculis sumnum interturbent, conopeum ex-

Pythago-  
rici som-  
num cantu  
concilia-  
bant.

Affinitas  
est huma-  
no spiritui  
cum sym-  
phonia.



Lactuca  
Somnū con-  
ciliat.

pandatur. Cibus esto facilis concoctionis, & elixus magis, quā assus, pauloq; plenior sit epulatio. Conducunt uitulina, hœdina, hagnina. Somnos fieri leporis esu Cato arbitratur: utiles sunt pullastri, perdices, phasiani, pipiones cum lactucis, spinachijs, sparagis, maluis. Lactucas Galenus egregio eulogio nobilitauit: in iuuentute, ait, quoniam assidue os uentriculi bile effervere scebatur, æstus moderandi gratia lactucas esitabam: quum autem ad prouectam ætatem peruenissem, olus hoc, contrā quā in iuuentute, somnum iam studio accersenti mihi auxilio fuit: quippe qui etiamnum iuuenis lucubrandi gratia, uigilijs dedita opera me assuefeceram, declinante iam ætate, ipsa ex se insomni, grauius hoc incommodo molestabar: aduersus quod unicum mihi præsidium præsentissimum lactuca uespere manducata semper fuit. Pisciculos præterea saxatiles, & pulticulas ex ordeo, oriza, alica edant. Amygdalatum pro hac forma paretur: & amygdalarum purgatarum ℥. ij. seminis papaueris albi ℥. ij. seminum frigidorum mundatorum añ ℥. f. macerentur horas sex aut septem in aqua egelida, deinde contundantur in mortario, et contusum distringatur per cribrum cum aqua lactucæ, aut nenupharis, aut halicacabi, & dulcoretur saccharo rosato, sumat sub uesperam concedens



dens cubitum. Dioscorides ait: Papaueris erratici quinque sexue capita in uini tribus cyathis decocta usque dum duae tantum partes supersint, bibenda his dantur, quos sopire uoluerimus. Fugiant fabas, lentes, brassicam, erucam, allia, cepas. Cervisiam bibant, aut aquam, aut uinum, quod tenuitate aqua proxime accedit, dein etiam albedine, ac gustanti tibi aquosum citra ullam ualidam astringentem apparet, in super in temperando haud multam aquae misctionem ferens. Huiusmodi sane uinum tantum abest, ut offendat, uti non solum proprios capitis affectus mitiget, sed etiam eos compescat, qui ex humoribus uentriculi oriuntur. Galenus in eo, cui titulum fecit, de Affectis locis, sic habet: Tenuis ratio uictus, et uinum meracius uigilias inducunt: idque multo magis, quam uinum meracum suapte natura fuerit calidum, aut ualde antiquum: ueluti apud nostrates Pergami olim accidisse memoriae proditum est, neque absurda uidetur historiae ipsius narratio: Grammaticus quidam singulis diebus balneum petens, unum ex pueris secum ducebat, altero domi relicto, qui rem familiarē seruaret, atque ea, quae ad uictum essent necessaria, praepararet: puer itaque uinum custodiens, quam uehementi siti cruciaretur, nec esset ei aquae copia, uinum antiquum liberaliter hausit, atque ex reliquo tem-

Grammaticus ex potu ueteris uini, factus est insomnis.



pore uigil omnino permansit, postea correptus febre unà cum uigilijs oborto delirio periit.

Curatio ex  
phlegmate  
salso.

Si falsum phlegma morbum facit, nemo nescit ante extractionem concoquendum, pro hoc modo: R. syrupi endiuie ℥. iij. mellis rosati ℥. ij. Aut R. endiuie, cichoreæ, fumiterræ ana. m. j. lupulorum, cuscute, boraginis, buglossi ana. m. f. corticis radicis petroselini, fœniculi, sparagi ana ℥. f. passularum purgatarum ℥. j. glycyrrhi zæ ℥. ij. coquantur, & adde excolato syrupi bizantini absq; aceto ℥. iij. mellis uiolati ℥. j. capiat bis quoq; die uncias quatuor, deinde soluat aluus agarico, turbit, polypodio, rhabarbaro, diaphœnico, electuario è succo rosarum, aut pilulis è capnio aureis, assaieret, idq; transfusis cribris, pro modo pituitæ, pro modo seri falsuginosi & pulueris hieræ simplicis ℥. ij. agarici recens trochiscati, rhabarbari ana ℥. f. specierum benedictæ ℥. j. diagridij grana. v. ex drachma formentur. v. Aut R. diaphœnici ℥. iij. electuarij è succo rosarum ℥. ij. diagridij grana. ij. aut tria. Aliud: R. turbit ℥. f. rhabarbari ℥. j. cinnamomi, zingiberis ana grana. vj. sacchari ad pondus omnium, puluerescant. Aliud: R. polypodij ℥. j. seminis cartami ℥. iij. boraginis, buglossi ana. m. j. hyssopi. p. j. seminis anisi, fœniculi ana ℥. j. tamarindorum ℥. vj. coquantur, & adde colaturæ dia-



ra diaphœnici, electuarij e succo rosarum ana  
 ʒ. ij. post hæc naribus infundatur oleum anethi-  
 num, & caput unguatur chamæmelino, susino,  
 uiolaceo, butyro insulso, axūgia uitulina, anseri-  
 na, & irrigetur decocto florū chamæmeli, meli-  
 loti, sampsoci, senæ, althææ, lini. Primariū quo-  
 q; præsidium nouella est ac recens theriaca, quam  
 Antoninus (attestante Galeno) instar Ægyptiæ  
 fabæ quotidie citra aquæ, uini ue, uel eiusmodi  
 misturam assumebat. Quum autem graui sopore  
 premi ipsum in quotidianis actionibus contin-  
 geret, papaueris lachrymā ademit: Rursus quum  
 accideret, ut propter consuetudinem pristinam,  
 ceu qui sicciore temperamenti naturam habe-  
 ret, & ob desiccans medicamentum oblatum lon-  
 go tempore bonam noctis partem transigeret in  
 somnem, coactus est etiam ex eo quod lachry-  
 mam papaueris habet, iam inueterato adijcere.

Si cholera impedimento est, quo minus recte  
 dormiamus, petulantiam eius retundere oportet  
 cum syrupis endiuie, cichoreæ, rosarum, grana-  
 torum, nenupharis: aut in hunc modum: & aquæ  
 acetosæ, lactucæ ana. ℥. f. conseruæ rosarum,  
 nenupharis ana ʒ. j. f. fiat leuis ebullitio. Aliud:  
 & aquæ sumiterræ, farfaræ ana. ℥. f. syrupi ui-  
 olarum, cichoreæ cum rhabarbaro ana ʒ. ij. Aut  
 capiant syrupum acetosum modicæ acetositatis

Curatio ex  
 cholera.



cum aqua ordeï. Aut ꝛ cicerum rubeorum .m. j. fumiterræ, rostri porcini, scariolæ ana. m. f. seminis melonum 3. iij. seminis papaueris albi 3. ij. passularum enucleatarum 3. j. coquantur, et adde decocto syrupi nymphææ 3. iij. oxysacchari, 3. j. dehinc leui cathartico procuretur subductio, non eo quod sanguinem exasperet, quod tumultum concitet: sed quale est serum caprillum, bubulum, cassia, manna, tamarindorum, rhabarbarum, succus rosarum, in hunc modum: ꝛ diacatholici 3. vj. electuarij e succo rosarum 3. iij. Aut ꝛ cassiæ recens extractæ 3. j. pulueris rhabarbari 3. j. diagridij grana . iij. Aut dilutum pro hac forma propinetur: ꝛ rhabarbari 3. iij. epithymi 3. ij. spicæ grana . vj. macerentur in aqua fumiterræ, ꝛ expresso adde syrupi uiolarum 3. j. Decoctum ꝛ boraginis, buglosi ana m. j. endiuie, cichoreæ ana. m. f. hordei 3. ij. passularum purgatarum 3. j. tamarindorum 3. vj. iuieben, sebesten (zizipha, ꝛ mixaria dicunt) ana numero. ix. senæ 3. iij. coquantur, ꝛ uncijs quatuor aut quinq; huius excolati, adde diapruni solutiui. 3. f. Ab euacuatione ad topica confugiendum, ꝛ ipsum caput, non dico uniuersum, sed sinciput, in qua regione tyrannidē exercet hostis, refrigeretur, ꝛ humectetur. Imprudentis fuerit artificis eam etiam partem in qualitatatis

Artifex uicinas partes non ledat.



tatis consortium trahere, qua nihil ad uale-  
tutem eget: nec rursus recta ratione institutum  
opus succidere oportet, si timeamus uicinam ali-  
quam partem lædi plurimum opis conferet ma-  
lagma ex pinsitis rosis cum oleo uiolaceo, rani-  
no, succo psyllij & ordeacea farina: auxilium  
hoc siue humorum siue uaporum multitudo in  
caput impetum faciat, præclare succurrit, repel-  
lit enim eos, infraq; in corpus detrudit. Sed cere-  
brum quia princeps uitæ sedes est, anethinū adij-  
ciatur, & croci momentum, nisi admodum uehe-  
mens, & effrenis ferueat æstus. Est namq; ali-  
quando (attestante Galeno libro tertio de Tem-  
peramentis) summi caloris affectus, quem medio-  
criter frigidum medicamen adeò non alterat, ut  
refrigerando, densandoq; summum extrinsecus  
corpus, calorem intro concludat, ac diffilare ue-  
tet, indeq; affectū magis accendat. Irrigatio quo-  
que permultum conducibilis est ex decocto cu-  
curbitæ, salicis, lactucæ, portulacæ, lentiginis  
aquæ. Aut splenium quo sæpenumero utor, pro  
hac forma apparetur: R. unguenti populei, infri-  
gidantis Galeni ana ℥. j. omnium santalorum  
ana ℥. ℥. florum nenupharis, uiolarum, rosarum  
añ ʒ. j. seminis lactucæ ʒ. ij. seminis anethi, myr-  
rhæ ana ʒ. ℥. croci grana. vj. camphoræ grana  
ij. cære quantum satis sit, extendatur supra lin-



teum. Sed eius meminisse oportet (quod & alibi  
**Emplastra** à nobis dictum est) postquam applicatum inca-  
 quæ frige- luerit, & si potestate frigefaciat, abstrahendum  
 faciunt mu tamen, & mutandū. Naribus trahat foemineum  
 tanda sunt. lac, aut lactucæ succum, aut decoctum hordei, se

minis maluæ, psyllij, Pedes ac manus lauet lacte  
 recens mulcto: aut egelida, in qua salices, rosæ,  
 uiolæ, nymphaea, calices papaueris bullierint.

Quieti se componens sumat huius eclegmatis  
 particulam: R. conseruæ uiolarum, nenupharis  
 ana ʒ. j. conseruæ rosarum corticis citrei condi-  
 tæ ana ʒ. ʒ. seminis papaueris albi ʒ. ij. seminis la-  
 ctucæ ʒ. j. seminum frigidorum purgatorum añ  
 ʒ. j. coriandri præparati ʒ. ʒ. croci grana. vj.  
 cum syrupo papaueris misceantur.

Cæterum morbus aliquis, dolor uē, aut cra-  
 pula, affectus animi, seu aliud quippiam si gra-  
 ues uigilias importat, ueteres medicinæ proce-  
 res uno omnes elogio consentanei decreuerūt, et  
 rationi consonum est, ut imprimis mali fons, &  
 origo auferatur, & morbus, dolor, crapula, affe-  
 ctus animi, aut aliud tale primitus præcidatur,

**Symptoma** & tum operam ad id, quod relictum erit, dirige-  
 ta non nun mus, nisi cum suo duce comes diffugerit, profecto  
 quam mor- euenit: atq; id non raro, uti symptomata, quæ  
 bis grauio- per consensum affligunt tam ferocia, & cacoe-  
 ra. tica sint, quæ nullas inducias præbeant, nec con-

temni



temni uelint, donec primarius morbus, & qui proprius est, profligetur. E quorum numero insomnia aestimetur, cui quibus modis occurrendum sit, non paucis exposuimus. Sed si nec hisce uincitur, ad ea remedia descendere oportet quæ narcotica dicuntur. Ex quorum censu haud alia daturi sumus, quàm quæ nobis de periculo facto salutaria innotuerunt. Siquidem ab his ingens noxa, imò certa mors imminet, si non cum studio, & acri uirtutis expensione exhibeas. Sed eò res maliciæ nonnunquam pertingit, uti satius sit, atq; expediat nonnulla fiducia, uel cum discriminis formidine difficilem curationem aggredi, quàm adempta spe exanimandum hominem relinquere. Galenus, qui omnium maxime ab esu sopientium abhorrebat, libro duodecimo de Curandis morbis inquit: abstinendum est ab his somniferis medicamentis, si fas est alijs remedijs morbum sanare. Sin ex uigilijs, & uiribus resoluentis ad mortis discrimen æger tendat, tum profecto tempestiue eiusmodi medicamentis utare: scilicet non ignarus, corporis habitum ex his non nihil lædendum: lesionem tamen, quàm mortem potius optandam. Nam si hæc admodum magna non sit, saltem spatium eam sarcere licebit. Sin ita est immodica, ut nec prolixo spatium persanari queat, ac certè hanc ipsam eligendam potius re-

Morbi ferocia nonnunquam anceps auxilium requirit.



Terminus trāſibit is, qui ex arte generose contra morbum quem medi pugnāt, est ipsarum uirium custodia, ubi ultra cus nō trāſ pergitur, crudelis hominis officiū facit, qui una greditur. cum morbo uitam quoq; homini aufert. Caput er

go ſoueatur decocto foliorum, & caputū papaueris albi, hioſcyami, cucurbitæ, lactucæ, nym- pheæ, radicis & foliorum mandragoræ, & per- ungatur oleo ranarum, mandragoræ, papau- ris, alterci. Aut conficiatur cataplasma in hunc modum: & foliorum papaueris albi, lactucæ, uio- lariæ, maluæ ana. m. j. coquantur, & aqua deſu- ſa contundantur in mortario, & adde olei papa- ueris, ranarum, unguenti populei ana ꝓ. f. olei anethi ꝓ. j. farine ordeī quantum ſatis ſit pro ſpiſſamento, capiti tepidum inducatur. Aut & cinnamomi, croci, opij ana ꝓ. f. olei roſacei ꝓ. ij. olei anethi ꝓ. j. liniantur tempora & nares: quod ſi adieceris pauculum myrrhæ, non peccabis. Aut & olei ranarū, alterci añ. ꝓ. j. olei chamæme- li ꝓ. f. mucilaginis pſyllij ex aqua roſarū ꝓ. ij. ter- ræ ſigillatæ ꝓ. j. corticis radicis mandragoræ ꝓ. ij. omniū ſantalorū añ ꝓ. j. camphoræ, croci añ ꝓ. f. miſceantur. Opium præterea præſentem opem multis attulit, ad quantitatem erui in lacte ſœmineo tabefactum, & eo lana imbuta naribus inditur. Sed diligenter diſpiciendum ne adulte-  
rinus



rinus liquor te fallat. Probatissimus (ait Diosco-  
rides) qui densus ponderosusq; est, odore caput  
in soporem trahens, gustu amarus, & qui facile  
in aqua liquefit, in quo læuor, candorq; sit, &  
omni asperitate careat, non grumosus sit, neque  
dum per colum traicitur, cæræ modo durecat:  
qui in sole item positus diffunditur, & lucernæ  
admotus non caliginosa ardet flamma, quique  
postquam extinctus fuerit, odoris uim suam reti-  
net. Hoc patrē Licinij Cicinnæ prætorij uiri in  
teremptum literæ testantur, quum ualetudo im-  
patibilis odium uitæ fecisset. Mirum est, eum ubi  
quis hauserit, tam ualidam sequi pruriginem, ut  
hac uexatione expergiscat. Nunc & lactucæ  
succus (authore Galeno tertio de Temperamen-  
tis) si liberalius sumatur similem in homine cum  
liquore papaueris temperamentum habet. So-  
piunt etiam in cibo sumpta mandragoræ poma.  
Quidam mandragoræ radices in uino ad tertias  
decoquunt, traiectasq; per colum asseruant, uten-  
tes cyathi unius mensura. Aut & hioscyami, cor-  
ticis mandragoræ añ 3. ij. squinanti 3. j. coquan-  
tur in aqua, & huius decocti porrigatur uncia  
quatuor, cum modico uini. Aut exhibeatur phi-  
lonium persicum, aut looch è papauere, aut com-  
positio è styrace. Pro hac formula: & aquæ lactu-  
cæ 3. iiij. looch è papauere 3. f. capiat tepidum.

Opiū quod  
probum.

Licinij Ci-  
cinnæ pater  
opio inter-  
emptus.



Philonis  
medica-

Aut & philonij persici descriptione Mesues, ca-  
pitate de fluxu sanguinis ab ore 3. j. aquæ lactucæ  
3. iij. uini albi 3. j. capiat sub noctem. Philonis  
medicamen (inquit Galenus duodecimo de Me-  
dendi methodo) si duorum, triū ue, aut qua-  
tuor annorum sit, multo sane est melius. Sed nec  
inutile tamen sequētibus annis ad decimum usq;  
Quod enim ultra inueterauit, tanto quidem mi-  
nus est noxium, quanto est uetustius, ceterum  
languidis est uiribus. Omnia sane id genus magis  
sunt salubria, si post annum à compositione su-  
mantur. Neque admodum noua sunt offerenda,  
quod frigida, quæ in his sunt, præualescentes ad-  
huc uires habent. Nec ita antiqua ut spem no-  
stram frustrentur, datur hoc medicamentum ( ut  
alia omnia) pro sumentis cōditione, ab uno scru-  
pulo ad tria, quatuor ue. Et libro secundo Artis  
curatiuæ ad Glauconem: utendum est philonio,  
& omnibus ex opio confectis medicamentis, non  
recentibus, sed annotinis, aut minimū semestri-  
bus. Philonis porrò antidotus, qua Galenus uti  
consuevit, sic habet: & croci denarios. v. pyre-  
thri, euphorbij, spicæ nardi singulorum dena-  
rium unum, piperis albi, hyoscyami singulorum  
3. ij. f. opij denarios. x. Trallianus libro tertio,  
capite trigesimo sexto, aliam habet, sed non mul-  
tum diuersam. Aliud somniferum: & conseruæ  
nenu-



nenupharis 3. ij. seminis papaueris albi 3. j. pilularum ē styrace 3. f. capiat. Aliud: & pilularum ē styrace 3. j. cum syrupo papaueris formentur pilulae quinque, & capiat unam, duas, tres uel si ualida est uirtus. Iussi aliquando me praesente in mortario disteri sex grana compositionis ē styrace, & mox distritum illud extrahi, ac proijci, tum imponi drachmas duas looch ē papauere, & drachmam mediam pulueris specierum diamargariti frigidi, & haec pilo agitabantur in ipso mortario odorem, & defluxum habente medicamento ē styrace, idq; exhibitum per Iouem longas uigilias deuicit, et magna salutis causa extitit. Profecto in hisce propinandis (quod dictum est) & meticulosum, & prospicientem, & ab omni temeritate alienum oportet esse medicum, ne simul et suam ipsius animam, & aegrotantis uitam nequiter perdat. Saladinus ab esculo aquulam conscribit mirum in modum (quod dicit) soporiferam ex uncia una liquoris papaueris & duobus capitibus alliorum insimul pinsitis, & uitreo distillatorio in aquam attenuatis. Huius ego nunquam periculum feci, sed non in-frugiferam opinor, si una, alteraue guttula ex modico uini sorbilletur. Hanc existimo aquam tantopere à Sauonorola laudatam, eam tamē describere, ac publicam facere propterea metuit,

Auctoris industria in-somno conciliando.

Aquula Saladini somnifera.



ne quis temere, & in maleficio usurpet. Ostul-  
tam & ineptam hominis formidinem. Celsus ha-  
bet sylvestris papaueris ( quum iam ad exci-  
piendam lachrymam maturum est) manipulus in  
uas demittitur, & supersunditur aqua, quæ id  
contegat, atq; ita coquitur. Vbi iam bene is ma-  
nipulus coctus est, idem expressus proijcitur, &  
cum eo humore passi pari mensura miscetur, in-  
feruetq; , donec crassitudinem sordium habeat.  
Quum infrixit, catapotia ex eo fiunt ad nostræ  
fabæ magnitudinem, somnum faciunt uel per se  
assumpta, uel ex aqua data.

CAPVT DECIMVM.  
Septimum de Mania.

**P**Leriq; medici uno complexu maniam &  
melancholicam (morbos profecto teterri-  
mos) perstrinxerunt. Quod eos ex eadem cau-  
sa, eodemq; fomite originem trahere opinaren-  
tur. Quodq; magnitudine sola, ac modo quo-  
dam distarent, utpote maioris, & minoris ratio  
nem suscipientes, & alter gradus, iterq; in alte-  
rum existat: quasi remissum in suo genere inten-  
datur, atq; acrius inualescat, aut rursus defer-  
beat, quod ante incandescibat. Id tamen in  
ijs uitijs sine ulla materiæ transitione fieri non  
puto



pūto. Lucretius ait libro primo:

Nam quodcunq; suis mutatum finibus exit,  
Continuo hoc mors est illius, quod fuit ante.

Alij disiunxerunt, & partiti sunt in separata capita, de utroq; affectu singulatim dissertantes, uti clarior fortassis, ac impedita minus procederet ipsa tractatio. Quos quia imitari consilium est, de mania primum dicemus. Quam hoc nomine pleriq; docti à Mania ipsa laruarum matre, auiā ue appellatam autumant, & fortassis ab ipsis potius Manijs, quas nonnulli laruas ac lemures esse uolunt, quibus nutrices puerulos terrere solent. Hæc sine febris hominem corripit, & extra mentem, atq; omnem rationis usum nequiter transponit, cogens in uanas cogitationes, in absurdas loquutiones, & in nefanda facinora, dij boni, quæ metamorphosis, quæ transmigratio, quæ (quod Galenus dicebat) ecstasis. Homo in animantium classe probissimo temperamento conflatus, & ad imaginem dei (quo beneficio creaturam omnem innumeris calculis superat) fabrefactus, in mores rapitur plusquam ferinos. Quicquid humani muneris prædicatur, ceritus semel exuit. Omnia inquam illa decora, quibus religio, societas, necessitudo constat, & aluntur, turpiter abiicit, & ferox, intractabilis, immanis efficitur, se non secus habet, quàm si

Mania ab ipsa laruarum matre dicta.

Mania de-mentat.



**Dæmones**  
sefe in-  
nuāt huma-  
nis corpori-  
bus.

**Maniæ stu-  
penda faci-  
nora.**

peſſimo dæmone obſeſſus agitaretur . Accidit proſecto dæmones, ut ſunt tenues, & incompræhenſibiles ſpiritus ſeſe inſinuare corporibus hominum, qui occulte in uiſceribus operti ualeitudinem uitiant, morbos citant, ſomnijs animos exterrent, mentes furoribus quatiunt, ut omnino alienum non fuerit de mania correptis ambigere, huiusmodi ne ſpiritu pulſentur. Nunc admirandum, ſed non perinde amœnam cantionem audite, non nunquam toruo, & horrendo uultu meditabundi ueluti obſtupeſcunt, oculos truces et formidabiles in officiij gratia aſſidentes obuertunt, mox in iurgia, rixas, contentiones amarulenti erumpunt . Et niſi uinculis conſtricti, aut impactis flagris domiti cohibeātur, domeſticos, & familiares, ſeu quos ſuis naſtos pugnis et ſuſtibus adoriuntur . Nec deſunt alij, qui ſermonis adulabilis palpo blandiuntur, & ſimulata tranquillitate in ſeuam tempeſtatem uerſipelles perſequeuntur, quos queunt dolis, obliquisq; artibus in poenitendam naſſam illeſtant . Et hic derepente ad ingenium redeunt, terribilesq; ex inſidijs inſultant, incautos, minusq; prouidos peſſime excipiunt, laniant, morſicant, ad ſatietatem uſq; deſolant . Quod niſi fuga iam probe exerciti periculo ſeſe ſubtrahant, aut opem ferentes commode accurrant, non modicus de uita metus imminet



net. Porro has technas in alienum si struere nequeant, quum sentiunt laxatam custodiam, & negligentius sese obseruari, occasionem circumspiciunt, & portam, qua silentes sine umbra elabuntur, & confestim solitudinem nacti, ab infami laqueo infœlicem animam strangulant, aut in aquas suffocandi desiliunt, aut ex sublimi in terram præcipientes se deijciunt, aut funesto ferro iugulum petunt, aut fatum aliud lachrymabile tentat. Empedocles furore percitus in Ætnæ uoraginē insiliit. Et hæ sunt mania occupatorum tragœdiæ, quas populo spectandas præbêt. Iam & alios uidere est longe aliter insanientes, quibus ob oculos sensusq; internos ridiculæ semper imagines uersantur. Quapropter multo, eoque temerario risu diffluunt, læto, hilario, ac rubicundo uultu cantillant, gesticulantur, exiliunt. Iis aures quidam tinniunt, ac uanis simulachris fatigantur, idq; ob immodicam uim scatentium uaporum ex humida materia, uti se tibicines audire aliquando existiment, non nunquam tympanorum sonitus, aliorum ue organorum modulationes. Causa mali, digressio prædicatur ab ea temperatura, quæ homini iusta debetur, in feruorem. Profecto negari non potest, quin animi motus corporis crasim consequantur. Quod Galenus permultis, & euidentibus argumentis (in-

Maniaci seipsos conficiunt.

Empedocles in Ætnâ insiliit.

Causa maniae.

Affectus animi sequitur corporis temperaturam.



dicato huic rei commentario) pulchrè demon-  
strauit. Illi, inquit, qui corporis temperatura  
animum uel iuuari, uel offendi non putant, ra-  
tionem, cur puelli corrumpantur, dare non pos-  
sunt. Quin nec eorum, quæ ex quotidiano cõui-  
ctu commodum nobis adferunt, multo minus ua-  
rietatis illius morum. Nempe quod hi iracundi,  
alij mites, alij prudentes, non nulli stulti eua-  
dunt. Quod apud Scythas philosophus unus ex-  
titerit: Athenis plurimi. In Abderite complures  
stulti, Athenis uix pauci uixerint. Et libro pri-  
mo de Tuenda sanitate: qui optimo corporis ha-  
bitu sunt, porro ijs animi quoq; mores citra ui-  
tium esse par est. Quæ enim iusto ad iram magis  
procliues sunt, aut animo plane demisso, aut sen-  
siles magis, aut insensiles, aut præter modum gu-  
losi. Hos parum idoneo temperamẽto esse ijs par-  
tibus, quibus prædictorum singula administran-  
tur, necesse est. Nos quoq; in eo, cui titulum feci-  
mus De tuenda ualetudine, non pauca super hoc

**Animanti** themate differuimus. Omne quidem animal in  
cuiq; suum sua specie diffinitum & discretum temperamen-  
est tempera tum habet. Quale ad eosdem numeros in alia  
mentum. quauis specie nõ est reperibile. Aliud enim equo,  
aliud asino, aliud apro, aliud leoni sapiens archi-  
tectus distribuit. Neq; patitur ulla ratio, ut ani-  
ma equi in temperamento asini consistat, neq;  
leonis



leonis in apro. Sed fieri potest atq; etiam usuue-  
 nit, propter generis communionem, uti quædam  
 internascatur congruentia, & non nulla pro-  
 cliuitas unius naturæ ad alteram. Sic Galenus di-  
 cebat nono de Curandis morbis: quæcunq; uno  
 genere comprehenduntur societatem in naturis  
 habent, ac propterea mutuo in se transire ualēt.  
 Verbi gratia, ueritati non repugnat, uti quis-  
 piam equus ex suo temperamento dilabentibus  
 uergat, ac demeet in asini sortem, & quadante-  
 nus (ut ita dicam) asinescat. Quod liquido con-  
 stabit, quum tardus, iners, contumax equus erit.  
 Haud aliter homo ab inculpato habitu, & inte-  
 gra constitutione, quæ ei ad probas functiones  
 debetur, sic uariat, & abscedit, ut accessisse ui-  
 deatur humorum ac spirituum uitio, non dico  
 ad essentiam brutæ animantis, sed ad affectus bru-  
 teos, ut quodam modo brutescat, bruta imitans.  
 Nec ob aliam causam in censu mania & leoni-  
 na nominatur, & lycanthropia, & cynanthro-  
 pia. Achilles uituperans, & contumelijs asper-  
 gens Agamēnonem impingit ei caninam natu-  
 ram, epulas amantem, præcipitem, & temera-  
 riam in alijs laceffendis, non in dimicando, præ-  
 lioq; sustinendo fortem. Porro ipsa degenera-  
 tio aut ex primis nostræ coagulationis rudimen-  
 tis accidit, ut ferentibus magis quàm satis error  
 principijs.

Achilles ca-  
 nem dicebat  
 Agamēno-  
 nem.  
 Hominis de-  
 generatio  
 ex primis  
 principijs.



sit imputandus. Nulli ambiguum reor, seminis  
 genitalis uarietas uarias ædit formas. Aristote-  
 les rerum naturæ scientissimus in ea est hæresi,  
 & fortiter asseuerat, animi facultates sequi tem-  
 peraturam sanguinis uteri, ex quo nostrum san-  
 guinem dimanare arbitratur. Quinetiam instru-  
 mentarias partes sic primitus ex eo conformari,  
 ut testari queant de animo. Quod multis, & li-  
 quidis argumentis colligit. In primo de Anima-  
 lium natura sic habet: pars faciei frons est, qui-  
 bus hæc magna, tardiores, quibus parua, mobi-  
 les, quibus lata, mente moueri idonei, quibus ro-  
 tunda, iracundi sunt. Supercilia sub fronte bifa-  
 riam distincta, quæ si in rectum porrigantur,  
 mollem subesse animum significant: si iuxta na-  
 sum inflexa sunt, austerum notant, & acerbum:  
 iuxta tempora derisorem, dissimulatoremq; in-  
 dicant. Oculi pars communis, superioris, infe-  
 riorisq; palpebræ angulus est, quem duplicem  
 uterq; habet, alterum iuxta nasum, alterum iu-  
 xta tempora: qui si iusto sunt longiores notam  
 morum maleficorum præ se ferunt, sin breues,  
 meliores, si carnosum more pectunculorum, qui  
 naribus iunguntur, maliciam indicant. Candi-  
 dum oculi magna ex parte in omnibus simile  
 est. At quod nigrum dicitur, uariat. Alijs enim  
 atrum, alijs admodum cæsum, alijs fuluum, alijs  
 capri-



caprinū, quod morum optimorū indicium est, et ad cernendi claritatē primatum obtinet. Oculorum alij grādiore, alij parui, alij mediocres, qui optimi habētur. Item alij nimīū conditi, alij prominentes, alij modice siti. Qui cōditi sunt, clarissime cernere in genere quoq; brutorum animalium possunt. Medius tamen situs nota est morum optimorum. Et aut nimium conniuent, aut rigidi, intentiq; constant, aut modice nutant. Aures aliæ maiores, aliæ paruæ, aliæ mediocres, et aut nimium, aut parum, aut mediocriter arrectæ. Mediocres optimos mores ostendunt: magnæ uero & erectæ supra modum, stulticiæ indices sunt, ac loquacitatis. Hactenus Aristoteles.

Post nostræ coagulationis rudimenta, nequaquam minima morum, atq; affectionum inflexio ex ipsis astris, & regionum situ depræhenditur. Quippe quas plagas orbis circumactus sol placido, mitiq; uultu circumlustrat, nec uiolento radiorum incubitu, nimioq; feruore torrefacit, hæ corpora gignunt belle temperata, eaq; in primigenia coagmentatione inuiolata conseruant. Quas uero lampadis suæ pressiore illapsu incendit, mortales ædunt improbe constitutos, qui nec in multam ætatem peruenire possunt propter ignem syderis, naturæ succum depopulantem. Pusilli quoq; sunt, & meticulo-

Astra animos inclinant.



**Loca refri-** nes uergentibus, proceriores, magisq; staturosi  
**gerata au-** nascuntur, quia rosidus aer assiduum humorem  
**daciores gi** in hæc corpora transfundit. Audaciores etiam,  
**gnunt.** ac manu promptiores, quia frigus externum co-  
 git, et intropellit naturæ calorem in uiscera, &  
 cordis sedem. Vnde ira, confidentia, temeritas  
 eluctatur. Huic sententiæ palam subscribit cla-  
 rissimus Hippocrates in commentario de Aquis,  
 aere, & locis. Illorum inquit, mores qui uer-  
 sus septentriones uergunt, agrestes magis quam  
 benigni sunt. Qui orientem spectant, clara  
 uoce præditi sunt, & ingenio præstantiores  
 ijs, qui ad aquilonem habitant. Et iterum: de cæ-  
 teris uero hominibus Europam incolentibus, ma-  
 xime hi magnitudine, formaq; inter sese diffe-  
 runt, propter anni temporum mutationes, quæ  
 profecto maximæ, & crebræ illic fiunt, calo-  
 resq; teporesq; ualidi, uehementēs ue, & pro-  
 pter hyemes acerrimas, uehementes uē, pluuias  
 multas, contraq; longas siccitates, uentosq; mul-  
 tos, quibus mutationes multæ, uariæ, et ubiq;  
 fiunt. Quamobrem par est sentiri, cognosci ue-  
 genituram aliter compactam esse hyeme, aliter  
 æstate, aliterq; aquosa, aliter sicca. Quapropter  
 formas Europæ populorum magis inter sese dif-  
 ferre censeo magnitudine per singulas urbes,  
 quàm



quàm Asianorum. Plures enim perduntur, debilitantur, vires uè amittunt, quum compinguntur, conformantur uè propter temporum mutationes, quæ multæ, magnæ, celebræq; illic fiunt, quàm ubi semper simili modo currunt, fluunt uè. De moribus autem eadem ratio sit, omnino agrestes, effæcati, solitarij, sæui, iracundi, tali natura, temporum uè mutatione gignuntur, crebræ siquidem mentis excessiones, percussiones uè hæc sæuitiam, & feritatem ingenerant, lenitatem uero comitatemq; tollunt, obscurant uè.

Iam inter huius abalienationis causas, haud postrema supputatur educatio. Quandoquidem constat, & in confesso omnibus decantatur: corporum formas, animorum phantasias pro facultatibus alimentorum, quibus uescimur, alterasce re. In spectaculis olim urforum capita cremabantur, ne in urfinam rabiem agerentur, qui ea comedissent. At ne quem tædio battologus conficiam, aut cuiquam uelim in re conspicua disertior uideri, Galeni uerba subiiciam. Sunt, inquit, qui negent propter uentos, aeris ambientis caliditatem, frigiditatemq; & aquarum, alimentiq; naturam, meliores, aut puriores mente homines fieri posse. Hæc autem eadem non temperamentorum interuentu animum bonum, malum uè efficere: etenim hæc uirorum intelligentiæ essent

Educatio  
mores for-  
mat.

Visorum ca-  
pita quare  
cremaban-  
tur.



consentanea. Verum nos certò scimus, quod unumquodq; nutrientium primum deglutitur in uentriculum, ibi prius elaboratur, deinde per uenas ex hepate in eum pertinentes exceptum humores in corpore generat, unde particulae omnes alimoniam suscipiunt, & cerebrum, & cor & iecur. At inter alendum calidiores quàm prius euadunt, frigidiores & humidiores, dum uirtuti humorum præpollentium assimilantur. Saltem nunc ad mentem redeant, qui difficulter admittunt nutrimentum efficere posse hos temperatiores, illos dissolutos magis, alios incontinentes, non nullos frugales, confidentes, meticulosos, mansuetos, modestos, contentionis ac rixæ studiosos. Veniant ad me audituri, quo esculento, quo item poculento eos uti cōueniat. Et præter alimentum, potumq; uentos ipsos docebo, item aëris ambientis temperiem, insuper regiones, quas eligere, quas uitare ex usu sit. Eupolis iustum illum Aristidem, quū rogaretur à Nicia, an natus esset iustus, sic decenter respondentem introduxit: natura quidem maximū, uerum ego deinde illam industria fortiter sum opilatus.

Hæc eò denarrata spectant, uti pateat, quum magna admodum ab optima constitutione permutatio fit, & longinqua digressio ab ea temperatura, quæ pro commodis functionibus hominī

sincera



syncera debetur, tum animi quoq; mores, atq;  
 affectus uacillant, uariant, turbantur, & omni-  
 no inconditi pro effervescentis qualitatis impul-  
 su exultant. Ipsa luce clarius conspicamur, si  
 quis sanguis, si quæ bilis singulatim, mixtim uero  
 accenduntur (non dico incendium febrile, in quo  
 succorum quoq; uitiosa putredo interuenit: pro-  
 prium enim insanientium est, febre liberum esse,  
 ut febricitare phreneticorum) ergo citra hanc,  
 quando naturæ calor intenditur, atq; in eam  
 acerbiter prælicenter eualescit, uti igniat, &  
 candefaciat succos, mox animi quoq; statim  
 conuelli, eoq; pertrahi necessum est, quo rapidæ  
 flammæ adigunt. Siquidem ignis uiolētus quum  
 sit, atq; indomitus, quos suæ qualitatis abunde  
 participes facit, uiolentos etiam, ac indomitos  
 reddit. In humoribus præterea quod liquidum est,  
 & tenue, & fluidum, minimo negocio, ac perfa-  
 cile in obscænas fuligines subducit, reliquum ue-  
 ro in furuam, atramq; fœcem adassat. Vnde fœ-  
 di, inamœniq; spiritus animalium, functionum  
 instrumenta prodūt. Et prædulcis ille numerus,  
 in quo æquabilis succorum proportio consta-  
 bat, temere dissipatur. Plato ait: bonorum qui-  
 dem omnium, mali uero nullius causam esse nu-  
 merum. hinc prompte colligere possumus, quod  
 irrationalis, & inordinata, deformis, inepta, in-  
 concin

Insanientes  
 febre carēt.

Numerus  
 bonorū om-  
 nium causa



Signa cau-  
sas distin-  
guentia.

Ex atra bi-  
le.

concinnaq; agitatio oriatur. Mania ergo, fu-  
roris uel occasio recte iudicatur uiolatio pro-  
priae temperaturae, propter improbam humo-  
rum exustionem, qua in atrae bilis naturam pror-  
sus concedunt. Sed nequaquam aequa, et sup-  
par in cunctis insanientibus haec conspicitur.  
Maioris enim ac minoris ratione accipit, prout  
acrior flamma incumbit. Iam quanto humor hu-  
more extat effractor, tanto quoque malignior in-  
crudescit feritas. Omnium porro acerrima cen-  
setur, quum flaua bilis efflagrat. Et haec indi-  
cijs minime obscuris innotescit. Quippe qui ue-  
hementer inconstantes sunt, et multifarijs opi-  
nionibus fluctuant, fugaces imagunculas sibi fa-  
bricant, nusquam haerent, celeriter ab eo, quod  
instituerant, sermone uolubili digrediuntur.  
Nunc hoc, atque iterum aliud nugatur, quicquid  
in buccam uenit, futiliter eblatterant. Id euenire  
consentaneum est, ob rapidum aestum turgentis  
materiae. Sunt etiam immemores, et eorum  
male tenaces, quae aut petulantiore lingua effu-  
tierint, aut uiolentiore manu designarunt. Im-  
modica siti torquentur, os amarescit, stomachus  
eroditur, uigiliae infestant. Quae ex atra bile  
accensa sobolescit, difficilius sanationis exi-  
stit, et nequitiae non quidem minoris, sed minus  
procellosae ac tempestuosae. Maligni sunt, suspi-  
caces



eaces sunt, immites, inexorabiles, pertinaces, me-  
 ditabundi, truces, & sese conficientes. Qui &  
 succum non nunquam euomunt acidum, terram  
 radentem, attollentem, fermentantem, & ampul-  
 lulas excitantem. Quibus hæ quoq; notæ conue-  
 niunt: an hæmorrhoids aliqua restricta sit, aut  
 alia quæpiam consueta crassioris sanguinis ua-  
 cuatio, aut mulierum menstrua. Quum ob  
 æstuosi sanguinis copiam uitium oritur, maio-  
 rem ueniam designata merentur, nempe cum ri-  
 su desipiunt, nec grauius ullum facinus patrant,  
 latas, conspicuasq; uenas habent, corpus satu-  
 rum, faciem rubore quodam perfusam, oculos  
 ludibundos. Quo modo Abderitani insanire De-  
 mocritum existimabant, quum ad ipsum percu-  
 randum Hippocratem euocarēt scribentes: nunc  
 ô Hippocrates, uir in maximo periculo nobis  
 uersatur, qui magno ornamento, & nunc, &  
 post in alios annos nostræ urbi fore putabatur,  
 & sperabatur. Quod utinam ne nunc dii omnes  
 adeo perosi sint, uti hunc hominem ob sapien-  
 tiam, qua præditus est, inuideant. Quia tam ma-  
 gno malo correptus est, uti non parum timea-  
 mus, nūmne uerū sensum Democritus amiserit.  
 Quod si est, penitus ciuitas Abderitana periuit.  
 Nam rerum omnium oblitus est, curamq; sui, &  
 suorum nullam habet, dies & noctes uigilat,

Ex sangui-  
ne.

Democri-  
tus insanire  
existimatus

P



singulaq; & magna & parua ridet, nihilq; ratus uitam esse totam degit. Si quis præterea uxorem ducat, negocietur, primas in foro adipiscatur, honores uel alios, & magistratus nanciscatur, legetur, ad rem uel aliam designetur, ridet. Si quis etiam morbo afficiatur, saucietur, pereat, ridet. Disquirat præterea bonus hic uir de rebus, quæ fiunt apud inferos, & sunt, hæc q; scribit, plenumq; imaguncularum esse aerem autumat, seq; uolucrum linguas, & uoces intelligere, & audire dicit. Crebro noctu surgit solus, quietusq; consistit, non nunquam canenti similis sedet, seseq; quandoq; uagari, & peregre proficisci dicit, per totum, & immensum terrarum orbem, copiamq; rerum, multosq; & innumeros Democritos sibi similes esse dicit. Mente autem & uero sensu perditus, ac correptus, corpore uiuit. Hæc o Hippocrates timemus, ob hæc perturbamur, tristesq; sumus. Quare celeriter uenito, nobis consulito, patriam nostram seruato. Nam à nobis nihil non sperare potes, & honorem, & gloriam, et pecunias. Quamuis apud te potiora sint, quæ doctrinæ sunt, & peritiæ, uirtutisq; quàm quæ fortunæ. Hæc tamen et maiora à nobis consequeris. Cæterum ex ipso phlegmate nulla omnino mania pullulascit (phlegmaticos tamen ea non nunquam corripi contingit) fieri

Phlegma  
non gignit  
maniam.



fieri non potest, ut mollis, lentusq; humor, quouis modo uitietur, quenquam in rabiem agat. Cuius rei nec inidoneum testem laudare promptum est. Galenus quinquagesimum sextum aphorismum tomi sexti Hippocratis enarrans sic habet: Fiunt quidem & propter pituitosum humorem apoplexiæ, & conuulsiones, & cæcitates oculorum: fiunt autem & propter melancholicum, quoniam utrisq; communis est crassitudo: non tamen furor est passio communis. Nūquam enim hic ex pituitoso humore ortū habet, quum ad eum humor irritans ac mordens exigatur. Talis autem est semper quidem flaua bilis, melancholicus autem non semper, sed quum supra modum exustus, aut putrefactus malignam induerit acritudinem. Iam & stultorum infinitus est numerus, sic & mania correptorum multifariæ species annumerantur. Hippocrates in eo libro, quem de Insania inscripsit (Galenus nō esse Hippocratis contendit) Contingit, inquit, interdum eundem hominem modo risu magno concuti, modo animi motu, iracundiā ue permoueri. Nam inedia, ciboq; acriore, motuq; frequentiore sanguis acrior redditur, contrario autem statu mitior, crebro etiam nullo adhibito adiuumento, pauculoq; & idoneo cibo, quod uexat, absumentur, desipientiamq; nullam adducit. Nam ce-

Stultorum  
numerus in-  
finitus.



rebrum si aliquantisper quiescat, mentis excessum liquido discutit. Nonnullis etiam per intervalla, statoque circuitu malum hoc recursitat, quandoque semel, bis, uel sepius per annum, paulatim humore uexante congregato sese absumentes. Pauci quidem malo hoc ante uigorem perduntur, plerique uigore in ipso, et post eum, uirique magis quam foeminae. Hi quoque horum, qui animi affectu aliquo, pathemate ue uexantur: quem admodum sunt derisores, dicaces, contumaces, iracundi, cogitabundi, auari. Quin et potiores, crebroque spuentes, qui quoque consuetas excreationes retinent. Propterea foeminae, quibus menses remorantur, furiunt, insaniunt ue. Illud praeterea latere non debet (cuius cognitio ad exactam morbi curationem est necessaria) humores istos, quum perassantur, et in fuliginosos spiritus soluantur, quandoque in ipsius cerebri substantia consistere, quandoque in membranulis, ac tunicis ipsum uestientibus, non nunquam in uentriculorum meatibus. Et est quando in uniuersi corporis uasis exundent, aut singulatim uisceris cuiuspiam sinus obsideant.

Maniae ob-  
noxij.

Quae in hunc affectum procliuēs ostendunt, non parum multa scribuntur: In primis qui ob leuissimas occasiones, et res nihili, praeter consuetudinem, admodum faciles fiunt, et propensi in obscæ-



in obscenos, atq; ineptos cachynnos: quiq; in iram, quum mites esse, & blandi soleant, tam irritabiles, ac præproperi ruunt, ut omnino difficile sit, atq; ærumnosum cum ipsis uersari. Qui netiam omnia in despicationem, partem suspicaces interpretantur. Nec futuram solum hæc animi commotio, & insignis perturbatio insaniam significat, sed eam persæpe efficit, atq; ingerit. Ajax Telamonis filius ex Hesione Laomedontis filia, Achille occiso, quum illius arma peteret, & Vlysses eloquentia sua illa à iudicibus accepisset, Ajax præ ira et indignatione insaniuit, et pecora trucidauit, credens se Vlysssem cum socijs occidere, mox et seipsum confodit, de cuius cruore (quod ait Ouidius) hiacynthus creuit. Orestes quum matrem Clytëestrâ, & Pyrrhum Achil-  
lis filium interemisset, furiosus factus à Pilade custodiebatur. Cleomenes Anaxadride filius, quum ei probro daretur uiolata iurisiurâdi fides, præ dolore in dementiam uersus, sibi corpus gladio fodit, ac incidit à talis usq; ad uitalia loca, & ridens, oreq; diducto uitam finiit. Sunt & præ-  
sagia, aurium sonitus, quumq; oculos uanæ, atq; inanes imagunculæ laceffunt: quibusdam splendores, ac luces occursitant: taciti sæpe, ac meditando ueluti obstupefcunt, & in terram amarulenti conspiciunt: rursus quando minimè op-

Ajax ma-  
niacus.

Orestes fu-  
riosus.

Cleomenes  
amens.



portunum, incommodo sermone altercantur, non nunquam inconditum quid intra fauces indignantes muſſitant. Alios uidere est, post longas inēdias, post multas uigilias, post graues labores, post tristes, diutinasq; curas, mente commotos. Neque paruus imminet metus ijs, qui numerosas preculas quotidie anxij demurmurant: qui in diuorum cultu superstitiosi distinentur: qui pauore, ac formidine concutiuntur: qui indefessa opera literas & disciplinas sectantur: plurimos hoc æuo in furorem adigit Lutheranismus. Nec admodum tuti sunt, qui immodica pecuniarum cupiditate macerantur, & quisquis improbo studio ad animi desideria contendit. In metu quoq; sunt ij, quibus consuetæ hæmorrhoides supprimuntur, aut etiam fœminæ, quibus sanguis menstruus non decurrit, sed in mammas conuertitur. In uenerem propensi, & nocturnis ludibrijs obnoxij.

**Maniaci o-**  
**pus habent**  
**modico ex**  
**ercitato.**

Profecto in hanc calamitatem quisquis incipit, & rectum mentis usum (fatu miserabile) perdit, perito & admodum exercitato artifice opus habet, qui nec ipse sanæ mentis sit expers.

Celeriter his succurrendum, & omnibus copijs incunctanter obluctandum, ne malum uetutescat: facilius enim, minoriq; negotio obteritur, quod etiamnum ex inutilesemine fruticescit,  
quàm



quàm ubi noxias radices altius defixerit. Si  
 quum corporis bona ualetudo temeratur, om-  
 nem dimouemus lapidem, & pro uirili incumbi-  
 mus, ut ocyus eam restituamus, quanto enixius,  
 maioriq; studio elaborandum, ut labefactata  
 mens reualescat, quæ infinitis numeris illud an-  
 tecellit, præcipuum quidem probi medici mu-  
 nus existit, omnibus modis curare, adniti, nus-  
 quam conquiescere, donec profligato morbo su-  
 perior triumphet. Hippocrates ait in eo, qui est  
 de Ventosis flatibus: quædam artes sunt, quæ ijs  
 qui eas sciunt, possident ue, laboriosæ sunt: ijs ue-  
 ro qui utuntur, utiles. Nam uulgo rudibus, igna-  
 ris ue commune & hospitale bonum sunt, tra-  
 ctantibus autem ipsas molestæ, quarum artium  
 ea est, quam Græci medicinam iatricem ue no-  
 minant: medicus uero iatrós ue periculosa, gra-  
 uiaq; cognoscit, & uidet: quæ nec suauias sunt,  
 nec iucunda tractat, & tangit, peculiareq; mo-  
 lestias in alienis malis, calamitatibus, & utilita-  
 tibus capit. Languentes uero per hanc artem  
 malis maximis, doloribus, laboribus ue, molestia  
 ac morte liberantur.

Munus pro-  
bi medici.

Victum fugiant tenuem, nec pleniori danda  
 est uenia, illum ob morbi longitudinem perferre  
 nequeunt, hic succorum redundantiam nequa-  
 quam egentibus addit. Mediocris præscribatur,

Dieta.



qui nullum negocium uentriculo exhibeat, & quorum facilis sit concoctio, impigra digestio, prompta nutritio, nusquam obhæreat, ubiq; permeet, ac totus in clarum purumq; sanguinem cedat, bonam faciat aluum, non flatuosus, non crassus, non inflammans, non assiccans, nec à uaporibus cerebro grauis. Abstinentum est à carnibus magis ualidis, bubula, hircina, arietina, aprina, ceruina, & ea, quæ est magnarum auium, atq; escam in aquis quæritantium. Conducunt hœdina, uitulina, agni anniculi, cæpestres aues & montanæ, perdices, phasiani, pullastri, turdus, merula, gallinago, turtures, ficedulæ. Conferunt pisces saxatiles, quibus candida & friabilis est pulpa. Vitent grandes, & præpingues, uiscidos, salitos, & rubra carne præditos. Iuuant oua sorbilia, et cōmodissimusest ptisanæ cremor, quia nec halituosum, nec humidum, nec siccum detinet excrementum, simulq; refrigerat & humectat. Ex olerum genere innocentes sunt lactucæ, spinachia, malua, intybum, asparagus, anisum, daucum, fœniculum, petroselinum, & quæ lotium mediocriter proritant. Quæ uero urinam præualentia commouent, minimè probamus, quoniam sanguinem calefaciunt, ac uiscera liquant, neq; tanta uexatio conuenit huic, quod concoquendum est. Coriandrum inimicum me-

Coriandri  
dementat.

mine-



mineris. Semen, inquit Dioscorides libro tertio, capite sexagesimo quarto, maiore copia sumptum mentem non leui periculo tentat. Quapropter copiosiore, continuumque eius usum cauere oportet. Et libro sexto, capite nono: coriandrum ebrietati similem cum turpi loquacitate furorem facit. Mentem etiam perturbant (auctore Galeno libro secundo de Compositione pharmacorum secundum locos) lentisci fructus, crocus, peucedanum, cyclaminus sicca cum uino potata: styrax modicus quidem potatus tristitiam uultus discutit, multus uero somnos multum turbulētos inducit. Panis utilis est triticeus non ab omni fursure perpurgatus, qui exuccus est & uetustus uehementer officit. Vinum sit album, tenue, ac dilutum. Huiusmodi uinum ad excrementa bilis uel mitiganda, uel expellenda est sane saluberrimum, & ad eam siccitatem, quæ in solidis membris prouenit, commodissimum. Humectat, ac nutrit quicquid immodice exciccatum est, tum bilis amaræ acrimoniam mitigat ac frangit, & per urinas euacuat, & somnum conciliat. Non nulli si ualidius contingat, aqua buglosi id temperant, alij boraginis, aut endiuie, fumiterræ, cichoreæ, multi pluuiæ, atque ea in Maio collecta. Sunt in hac colligenda Zyriceorū Zyricei admodum industrij: sub dio munda, ac industria.

Styrax somnos  
nos turbu-  
lentos facit



*Aqua plu-  
uia in Maio  
excepta.*

*Zeno in cō-  
uiuio hila-  
rescebat.*

tersa uasa, aut fictilia, aut stannea, argentea uē collocant, in quæ rectā ac libero delapsu, nihil obuium contingens, nec saxeum, nec ligneum, imber decidat, quem hoc modo exceptum in hydrias defundunt, & soli dieculas aliquot exponunt, deinde condunt, & usui seruant, incorruptus in unum, atq; alterum annum durat, mire suaui, amabilis, & siticulosus uel ex æstu, uel ex labore, uel ex febribus res supra modum uoluptuosa. Cui tam bella preconia lubens, gratusq; rependo, quod ægotantem aliquando eximie refecerit, ac omnino restituerit. Hos præterea plurimum offendit inedia, & cum siti colluctatio. Galenus ait octauo de Curādis morbis: refrigeratio, quam calidis naturis suāsit Hippocrates, cum ex alijs, tum non minime ex cibi exhibitione succedit. Qui namq; originalem intemperaturam parum moderatam habent, horum insitum calorem, si squalens acerq; est, cibi mitigationem, minusq; mordentem reddunt. Zeno rogatus, quum esset natura seuerior, quare in conuiuio tam hilaresceret: lepidè respōdit, Et lupinum, quum sit suapte natura amarum, tamen aqua maceratum dulcescere. Sic naturale est corpore potu, ciboq; rigato tristitiam discuti. Exercitia uoluptas condiat, & citra fatigationem desinant. Balneo frequenter utantur, eoq; dulcis



dulcis, ac potabilis aquæ: siquidem bilem laxatis  
 poris egregiè digerit, & qualitatibus suis immo-  
 deratum feruorem restinguit. Meridianos som-  
 nos auersentur, nisi temporis constitutio inui-  
 tet, ac suadeat consuetudinis ratio, noctu ad sa-  
 tietatem dormiant. Animus bona spe lætetur, ob-  
 lectamenta quærant, in gaudijs uersentur, deli-  
 cijs fruuntur, offensiones uitent, cantu, blandi-  
 sonisq; modulis recreentur. Admiranda profe-  
 cto res est, & digna expensione, quomodo ipsa  
 sonorum concinnitas, symphonia uè placet atq;  
 permulceat mētis tempestatem, emolliat, sistatq;  
 procellosas ipsius affectiones. Id exemplis non  
 parum multis clarissimè innotuit. Atheneus li-  
 bro decimoquarto, quos usus habeat in uita fusis-  
 simè scripsit: Arcades, inquit, uita & moribus  
 asperrimi, musicam tamen à sua republica non  
 excludebant, nequaquam luxus, nec deliciarum  
 gratia, sed ut uitæ ac morum duritiem emolli-  
 rent, quam sanè in aspero cælo contraxerant.  
 Empedocles Agrigentinus furibundum adole-  
 scentem (qui ipsius hospitem damnati patris de-  
 latorem gladio adoriretur) cantu reuocauit, &  
 pacatum, mansuetumq; reddidit. Sic Clinias mu-  
 sicus si quando ad iram prouocaretur, sumpta  
 statim lyra gliscentes animi motus compescebat.  
 In sacris quoq; literis quodocunq; spiritus do-

Cōcinnitas  
 sonorum a-  
 nimum re-  
 creat.

Arcades  
 musica mo-  
 res compo-  
 nebant.

Empedo-  
 cles cantu  
 furibūdum  
 coercuit.

Clinias irā  
 mulcebat  
 lyra.



David Sau-  
lem cytha-  
ra allenia-  
bat.

mini malus arripiebat Saulem, David tollebat ci-  
tharam, & percutiebat manu sua, & refocilla-  
batur Saul, leuiusq; habebat, recedebat enim ab  
eo spiritus malus. Galenus ait libro primo de  
Tuenda sanitate: & nos egros non paucos  
persanauimus animi motibus ad debitum mo-  
dum reuocatis. Est uero non spernendus huius  
sententiæ testis ipsum patriæ nobis numen Æscu-  
lapius, qui multas scribit cantilenas, mimosq; ri-  
dicularum rerum fieri, & melodias quasdam in-  
stituit ijs, quibus uehementiores animosæ partis  
motus, corporis temperamentum iusto calidius  
efficerent. His & ea, quæ in adolescentiæ no-  
stræ syluulis carmina scripsimus, non tædet  
subijcere.

In se cantus habet quiddam præclara potentis,  
Diuinum tenuis spiritus afflat opus,  
Siue hominis uox sit cantantis, siue canoræ,  
Sint nerui citharæ numen inest numeris,  
Sepe graues morbos modulatū carmen abegit,  
Et desperatis conciliauit opem,  
Dicitur & mentem multis reuocasse fugacem,  
Et perpulisse liquet dæmona, triste iugum:  
Accendunt animos cantus in bella feroces,  
Et condunt gladios ære ciente suos,  
Ad dulcesq; lyræ modulos præcordia turgent,  
Et sequitur lepidos ducta chorea sonos,  
Plorantes



Plorantes moestum solatur nenia funus,

Ex multis praesens fit medicina locis.

Cum amiculis crebro fabulentur, qui eos inhortentur, ac pro uiribus impellant, uti sese asserant in libertatem. Studium esse praedicens cacodemonis molientis ipsos in funestum exitium pertrahere: confugiendum esse ad omnipotentis dei opem, qui ad solum suspirium ingemiscientis praesens opitulatur, & strenuus seruator accurrit. Ob oculos ponant uxorem, liberos, cognatos, & quoscunq; habent charos, propter hanc stultam uacillationem foede consternatos. Nec eos uel solos esse oportet, uel inter ignotos, neq; inter eos quos contemnunt, negligunt, auersantur. Iam hac si non succedat, alia aggrediemur uia, & probris, contumelijs, minis coercendi erunt, & reuocandi. Imò ex re opportunum si uidebitur, loris, ac flagris batuantur. Omnifariam cum hoc morbo colluctandum est, donec superiores uincamus, nostraq; opera commitefcatur rabies. Sed non solum seipsum praestare salubria facientem satis est, sed ipsum quoq; egrotantem conniti oportet. Cuius profecto intemperantia curatio redditur arumnosa.

Vultum imprimis contemplandum censeo, & dispicere expedit, is ne rubore perfundatur, Curatio ex corpore ne totum floridum sit ac bene speciosum, sanguine.



pleniores ne uenæ extuberent, & an educatio  
præcesserit lauta, mollis, affluens. Quibus appa-  
rentibus exundantiam sanguinis, seu exundan-  
tem sanguinem uitium, morbum ue gignere ne-  
mo dubitauerit. Id quoq; si accedat, ut post bris-  
mam sub uernum tempus incidat. Nec iterum hi  
continenter delirant, sed per circuitum, & ex  
interuallis, ut nonnunquam ad consuetas, necessa-  
riasq; operas recurrant. Cum risu præterea desi-  
piunt, nec in iram præcipientes ruunt. Siquidem  
humor à natura non admodum alienus est, nec  
mordaci acredine præditus, multitudine magis,  
ac copia infestans. Nulla certe desipientia secu-  
ra est, sed quæ cum risu fit (Hippocrate attestan-  
te) minus periculosa. His nutritus præstitua-  
tur minimum alimonie præbens. Et confestim si  
ne ulla procrastinatione (ne malum in plusculos  
dies dilatum inualescat) plurimus sanguis extra-  
hatur, è media dexteri cubiti uena, nisi externa  
torosior proturgeat, qua ratione concisionem  
postulare uidebitur: quod si nec se ostenderit,  
tertia erit incidenda. Idq; pro Galeni doctrina li-  
bro decimotertio de Medendi methodo, qui in re-  
uulsione sanguinis ad iecur fluentes internam in  
dextro cubito secari iubet, qua non comparente,  
mediam, & hæc si delituerit, reliquam. Quod si  
quid liberaliorem detractionem præpedierit, ne  
que uno



que uno ductu, quātum cupias, de sanguine haurire queas, proximum fuerit sectionem parti-  
 ri, & multiplicato numero sarcire, quod semel  
 atq; uniuersim minime licuit. Sic paulatim exuberantiam tollentes modo dexterās, modo sinistras uulnerabimus. Nec leue, et contemnendum  
 praesidium quis arbitretur, quod ex interna sinistri cubiti perfossa expectatur. Cuius equidem  
 nec uanum me, nec mendacem praekonem statuo, qui de periculo sumpto magnopere adiutus se comperi. Nimirum consentaneum est, neq; aliter euenire potest propter mutuum utriusq; uisceris consensum: quod quamlibet cerebrum in  
 hoc morbo afficiatur, attamen cor (sedes uitae) particeps afflictionis efficitur, & afflictum in  
 nocumentum addit, luduntq; datatim. Non est mirum, inquit Auicenna, non est nouum, non est  
 longinquum, si cordis complexio primum corrumpatur, & sequatur eam cerebrum. Et corrumpatur cerebri complexio, & sequatur eam  
 cor: & corrumpatur complexio spiritus in corde, & fiat syluestris, & corrumpat quod ex eo  
 penetrat ad cerebrum, & iuuat cerebrum ad se corrumpendum. Nunc alius mihi uiderit, quo  
 quis pacto irasci, incandescere, furere queat, sine cordis intemperie, sine perturbatione, inflammatione, aestuq; sanguinis intra cordis penetra-

Cor & ce-  
 rebrum lu-  
 dunt data-  
 tim.



lia fluitantis. Galenus habet tomo secundo *Artis paruae*, calidioris cordis ut ad proprium modum referamus signa inseparabilia quidem & familiaria hæc sunt: magnitudo respirationis, pulsus uelocitas, & frequentia, & audacia, & ad actiones impigritudo. Si uero cor ad plurimum ueniat caliditatis, furor est eis, & maniaca confidentia. Hoc si datur, ut philosophi quoque omnes uno ore acclamant, nemo non luculenter perspicit, quam præsens adminiculum conferat interna leui cubiti uena. Hæc de uitali specu, & officina furoris, si non præcipua (quod medici mordicus tenent) profecto ex mali per consensum consorte (quod negare non queunt) uitiosum sanguinem fundit, & spiritum procellosum expuit. Quapropter nequaquam negligatur, potissimum ubi morbus per autumnum incubuerit. Porro mulieribus si menses non decurrunt, nec uiris pro consuetudine hæmorrhoides profluunt, quæ iuxta malleolum aut in magno pedis digito uena tenditur, primitus feriat. Ab hac uacuatione si noxius humor adhuc cerebrum occupare uidebitur, atque etiamnum in penitioribus meningibus, meatibusque insinuatus exorbitet, ex narium uenulis, aut ea quæ in fronte conspicua apparet, sine ulla trepidatione deriuetur. Deinde scapulis, brachijs, natibus cucurbitulæ, capiti



capiti uero hirudines admoueantur. Alexander Trallianus: Nō defuerunt, inquit, quibus hirudinum usus placuit, nos contra: huiusmodi auxilia, ne tormenta dicamus, quoniam hæc ubi nihil humoris offendunt, longe maiorem agro intemperaturam, & aridiorem inducunt, cane peius & angue fugienda ducimus. Nunquam etenim id genus præsidia, nisi quum materiam infestantem, uiolentio rem, & crassio rem, iam cerebro impactam cognouerimus, ceu utilia probantur. Quis quæso tam rudis, & artis imperitus, Nō satis ac  
 qui hirudines admoueat, ubi nihil amouendum cedit Tral-  
 comperit? Nunc ea, quæ appellat tormenta ad- liano.  
 hibere, quum ualentior est, & crassior, ac materia cerebro magis infarcta, quàm sit conducibile, equidem non uideo. Trahunt quidem ex imo ad sese cucurbitulæ, sed materiam tractilem, Auicenna inquit phen prima tertij: Amplius cum peruenis ad caput solum, aut sanguis à principio rei est in ipso, tunc si fuerit cadens in uelaminibus extrinsecis, aut ægritudo sentitur propinqua commissuris appone uentosam nuchæ. Quod si est profunda, aut non speratur eius attractio, phlebotoma uenam frontis. Postea nisi resipiscat, & in uiam sobrius redeat, properandum erit ad medicamenta topica. Caput in primis oxyrhodino perfundatur, aut oleo oenanthi Topica.



sanguinis  
feruorē tol-  
lentia.

no, seu melino. Alius intrusa glāde irritetur,  
aut quod salubrius censemus, emolliente clysmate  
proluatur, pro hoc modo: & malua, althea,  
uiolaria, betana. m. j. seminis lini, psyllij, ani-  
si, anethi ana. p. j. prunorum numero. x. glycyrrhizae  
3. iij. florum chamæmeli, meliloti ana. m.  
f. caricarum numero. vj. folliculorum senae 3. j.  
epithimi 3. ij. passularum mundatarum. m. j. co-  
quantur, & excolato adde olei anethi, uiolarum  
ana 3. j. f. sacchari rubri 3. ij. salis modicum sub  
ijciatur stomacho uacuo, & diebus aliquot inter  
positis iteretur. Sanguinis feruor immoderatus,  
syrupis, & potionibus attemperetur, in hunc  
modum: & aquae scabiosae, buglossi ana. lb. f. sy-  
rupi endiuiae, sumiterrae ana 3. ij. Aut & aquae  
oxalidis. lb. j. syrupi e bizantijs 3. iij. capiat  
bis quoq; die. Quod si libet aposema conficere,  
& boraginis, buglossi, capnij ana. m. j. summita-  
tis lupulorum, sparagi, melissae, scolopendrij ana  
m. f. florum boraginis, buglossi uiolarum ana  
p. ij. florum nymphaeae, rosarum, intybi ana. p. j.  
seminis endiuiae, scariolae, acetosae ana 3. j. semi-  
nis citrei 3. ij. omnium santalorum ana 3. f. gly-  
cyrrhizae 3. iij. passularum exemptis nucleis 3.  
j. myrobalanorum flauorum conditorum, corti-  
cis citrei conditae ana 3. j. coquantur secundum  
artem, & excolatum dulcoretur saccharo rosa-  
to. Post



to. Post primam, atq; alteram huius aposematis  
 sumptionem, haud inutile fuerit pharmaco pur-  
 gatio uentrem deijcere, & uenas deplere à fer-  
 mento succos uitiant: incredibile est, quan-  
 tum caloris, flatus, fuliginum secum subducant,  
 quæ hac facultate pollent: qualia sunt, eclegma  
 & psyllio, è succo rosarum, & ipse rosarum suc-  
 cus, oxypheenicum, diaprimum, cassia fistula-  
 ris, manna, tamarindorum, rhabarbarum, cap-  
 nium, lupulus, myrobalani, præsertim si cum de-  
 coctis commodis exhibeantur, in hunc modum:  
 & aposematis suprascripti ℥. iij. cassiæ recens  
 euulsæ ℥. j. specierum electuarij è succo rosarum  
 ℥. f. capiat sub auroram tepidum. Aliud, & flo-  
 rum cordialium ana. p. j. fumiterre, boraginis,  
 buglossi ana. m. f. passularum purgatarum. m. j.  
 tamarindorum ℥. j. prunorum numero. ix. folli-  
 culorum senæ ℥. vj. epithymi ℥. ij. seminis anisi,  
 foeniculi ana. ℥. j. seminis carthami ℥. f. coquan-  
 tur in aqua lactis, cuius quotidie sumant uncias  
 quinq; aut sex. Aliud, & electuarij lenitiui ℥. vj.  
 succi rosarum recentium ℥. f. aquæ circij ℥. iij.  
 fiat haustus. Hæc autem, & remedia his similia  
 ex interuallis iterentur. Nouum non est, nec  
 difficile in arte peritis atq; exercitatis, uarias  
 commodasq; compositiones conscribere.

Curatio ex

Quod si hunc affectum gignat bilis uel fla-  
 bile.



ua uel nigra, phlebotomie nullus erit locus, ne statim exasperetur, & incrudescat propter importunam sanguinis subductionem, qui petulantiam calidioris succi frenabat. Quum Galenus ait, bonus sanguis exiguus est, reliquus uero succus plurimus, utiq; in his abstinendum est ab imminutione sanguinis. Omnis cura, atq; industria conuertatur ad incendij restinctionem, ad quam non omnino inutilis esset per uenae sectionem quædam ueluti uentilatio, & fumorum, ac fuliginum non nulla digestio, nisi prorsus recrementa ætas, habitus, coeliq; constitutio. Alius in primis si astrictior fuerit, nec uotis probè respōdeat, lubricantibus cibis molliatur, aut submissis balanis, seu clysteribus officij sui admoneatur, pro hac forma: ℞ hieræ picræ ʒ. iij. specierum diasenæ ʒ. ij. pilularum ē ueratro ʒ. f. salis indi ʒ. j. cum melle cocto formentur glandes. Clyster ℞ ordei. m. j. lactucæ, uiolarie, sumiterræ, maluæ ana. m. f. seminum frigidorum ana ʒ. ij. seminis maluæ, anethi, anisi ana ʒ. j. florum chamæmeli, meliloti, stichadis añ. p. j. passularum mundatarum. m. j. prunorum numero. ix. folliculorum senæ ʒ. j. coquantur, & ex colato adde olei uiolarum ʒ. ij. olei anethi ʒ. j. confectionis hamlech ʒ. f. salis ʒ. iij. Aut fiat infusio ex decocto ueteris galli cum thymo, sena, polypodio, epithymo



thymo, boragine, buglossò, malua, capnio, & saccharo rubro. Interim potionibus (quas iuleb uocamus) aut decoctis, aut dilutis, syrupis ué, et alijs huius generis præsijs turgētem materiam comprimemus, & æstuosi spiritus audaciam commitigabimus. Quæ ratione & aptior uacuationi materia efficietur, & ægrotātis mens, uti sapiat, aut sapienter monentibus obtemperet, alacrior reddetur. Siquidem æstus illi, quandiu Bilis æstus anima conturbatur. peruiolitant, & uiolenti raptantur per animæ sedes, nequaquam sinunt hominem, aut recta cogitare, aut hæc ipsa suggerentibus obsequi. Nec sine periculo grauioris conflagrationis candens ignis quoquam pertrahitur: sparsis enim candoris sui scintillulis, facile latius grassatur. Quamobrem prudenter Pythagoras dicebat: ignem gladio ne fodias. Iuleb huiusmodi concinnetur: R. aquæ buglossi nenupharis ana. ℥. f. syrupi uiolearum, endiuie ana. ℥. ij. decoctum insignis efficacie: R. ordeï. m. j. boraginis, buglossi, & florum utriusq; ana. m. f. endiuie, cichoreæ, sumiterræ, lupulorum ana. p. j. radicis graminis, dentis leonis, sparagi, buglossi ana ℥. f. seminis melonum ℥. vj. passularum mūdatarum ℥. j. corticis citrei, tamaricis ana ℥. f. coquantur, & colaturæ adde syrupi epithymi, bizantini ana ℥. ij. Aut R. syrupi nenupharis ℥. ij. c. capnio, oxy-



sacchari compositi ana ℥.j. Quibus angustior  
 res est, quàm ut impedijs sint pares, hi quotidie  
 sumant frustulum conseruæ uiolarum, rosarum,  
 boraginis, buglosi, lapathi, fumiterræ, florum  
 intybi, scolopendrij, capillorum ueneris, & su-  
 perbibant uncias tres aut quatuor aquæ ordeï,  
 farfaræ, scabiosæ, cassuthæ, lupi citrariæ, aut  
 modicum uini diluti. Ab hac concoctione (con-  
 coctionem uoco, quum noxijs succus deiectioni  
 adaptatur, per substantiæ suæ aut qualitatis al-  
 terationem) quanquam non semper deijcitur,  
 quod est concoctum, neq; perpetuum sit, ut expe-  
 ctetur cōcoctio, sed quod et alibi diximus, leuio-  
 ri momento, minoriq; negotio cholera ex quo-  
 uis in eam agente subigitur, quàm furua bilis.  
 Quapropter & difficilioris sanationis est ea in-  
 sania quam hæc parit. Cæterum morbus hic  
 non nunquam seipsum per intentionem sui absu-  
 mit, ac finit. Quod Auicenna dicebat, et quan-  
 doq; est uehementia significans crisim ipsius ma-  
 niæ: ueluti quum per initia, & prima sui exor-  
 dia lentus est, & exiguus non eam feritatem præ-  
 tendit, quam natura non uelit potius tolerare,  
 quàm subito incubitu grauiorem tumultum con-  
 citare. Quare tacita uitiosos succos aliquousq;  
 progredi finit, nec magnopere oblectatur. Sed  
 si eo temeritatis affectus euadat, qui iam oppres-  
 surus

Furor non  
 nunquam  
 seipsum fi-  
 nit.



*furus uideatur functiones animalis facultatis, ac deuota dimicet, non ferens natura tantam iniuriam repens expergiscitur, in praelium prodit, & omnibus copijs aduersa contendit, nusquam conquiescens, nusquam hæsitans, donec superior perdat, obterat, proturbet, hostem iniqua molientem. Qui conflictus medicis criticus dicitur, & uictoria crisis. Hippocrates libro septimo Aphorismorum ait: à furore difficultas intestinorum, uel aqua inter cutem, uel mentis alienatio, bonum. Galenus hunc enarrans, difficultatem, inquit, intestinorum, uel aquam inter cutem, transmutationis ratione esse furoris sanationem, nō est extra rationem: quum à capite uitiosi humores transferantur ad inferiora. Mentis autem alienatio tantum abest, ut sit furoris solutio, quod quispiam magis, diceret incrementum, & si uerè Hippocrates continuum, atq; uehementem furorem, alienationem mentis nominauit. Quendam nouimus à furore mediocri, quo prius detinebatur, fuisse liberatum. Vnde ratiocinando perpendimus, ex uehementi motu causarum efficientium furorē, solutionem fuisse consequutam. Quemadmodum in morbis acutis uehementissimi casus solent aliquando bonas crises operari. Iam si huiusmodi nihil accadat, medicantis ope natura indigebit,*



& exhibenda sunt, quæ utranq; bilem deiiciunt,  
 sed distributa pro qua portione altera magis a-  
 bundat. In quorum catalogo scribuntur simpli-  
 cia, myrobalani, fumusterræ (qui & arefactus  
 uentrem soluere, apud Galenum alicubi legitur)  
 uolubilis, sena, stichas, epithymum, elleborus,  
 rhabarbarum, lapis armenus. Composita, confe-  
 ctio hamech, trisera persica, diasena, diacatholi-  
 cum, hieralogodium, pilulæ aggregatiuæ, è cap-  
 nio, è lapide armeno, indæ. Galenus habet in cō-  
 mentario de Atra bile: quis tam rudis, & indo-  
 ctus est inter Græcos enutritus, qui Præti illius  
 filias insania Melampodem purgante medicamen-  
 to sic purgatas curasse, neq; legerit, neq; audie-  
 rit. Quasi non ante ducentos, uel trecentos an-  
 nos, imò & multo plures nobilis hæc purgatio  
 per ueratrum adhibita fuerit, omnesq; interea  
 temporis hoc medicamento usi sint. Narratio ne-  
 sis nescius, sic habet: Prætus Abantis Argiuo-  
 rum regis filius fuit, qui patri defuncto in regno  
 succeßit. Huic Præto (attestante Homero secun-  
 do odysseæ) ex Antia coniuge quatuor erant filiæ  
 Mera, Furialis, Lysippe, et Iphianassa: quæ quā  
 pulchritudinis, ac formæ gloria Iunoni se præ-  
 tulissent, offensa dea furorem eis immisit, quo se  
 boues esse crederent,  
 Et sæpe in læui quærebant cornua fronte,

Præti filias  
 Melampus  
 sanauit.

Omnia



Omnia complentes falsis mugitibus arua,  
Sed detrectantes collum submittere aratro.

Verum impos consilij Prætus quum regni  
partem, & unam ex eis daturum se illi in coniu-  
gem polliceretur, qui eas liberasset, Melampus il-  
lustris medicus Amythaonis in arte clarissimi fi-  
lius, propinato helleboro illas consanauit, &  
uxorem accepit Iphianassam, ex qua Mætum, et  
Antiphatem sustulit. Sunt qui dicant, Melampo-  
dem Præti filias ad Clitorium fontem restituisse.  
Quas quum perspiceret temulentiae, & ebrieta-  
ti obnoxias, & per hanc occasionem furere, eas  
Clitorij fontis aqua potauit, quæ uini odium gi-  
gnit, & hac ratione abstemiæ factæ insanire  
desierunt, idq; Græco epigrammate iuxta fon-  
tem in marmore scriptum inueniri. Illud diligen- Dignū ob-  
ter obseruandum, ne solida ui semel, atq; uniuer seruatu.  
sim omnem molem detrabere conemur, sed sen-  
sim, ac paulatim interiecto interuallo uacuemus.  
Mirum est, quàm prospera curatio succedat, eo  
sæpius relato, quod frugiferum offertur. Melior  
est multiplicatio numeri multiplicatione quanti-  
tatis. Et illius in mentem ueniat: festina lente.  
Hippocrates ait, pluri mum atq; repente eua-  
cuare, uel replere, uel calefacere, uel refrigera-  
re, siue quouis alio modo corpus mouere pericu-  
losum: quoniam omne nimis, est naturæ inimi-



cum. Sed q̄ paulatim fit, tutū est, tum alias, tum quum ab altero ad alterū transitus fit. Pilulæ in hūc modū cōficiantur: & pilularum fumiterræ, rhabarbari ana 3. ℥. diagridij grana. iiij. cum syrupo ē stichade formentur pilulæ septem. Aut & pilularum ē lapide armeno 3. ℥. ex elleboro 3. j. salis indi grana. iiij. scammonij grana. ij. cum hiera picra fiant quinq;. Aliud (inquit Aëtius libro tertio) excellens ad initia maniae, quod & melancholicis, paralyticis, ischiadicis, scotomia, uel epilepsia laborantibus, alopecijs, & capitis doloribus confert. Veratri nigri, scammoniae singulorum 3. viij. salis hammoniacci 3. iiij. gummi 3. j. formentur pilulæ ciceris magnitudine cum succo brassicæ, & ætate perfectis pondus quinque scrupulorum exhibeto, mediocre pondus scrupuli quatuor, minimum tres in debilibus. Quod si catapotia horreat, aut commode dari non possunt, brevis potio concinnetur pro hac forma: & electuarij ē succo rosarum 3. iiij. diase-næ 3. ij. diagridij grana. iiij. cum aqua fumaricæ capiat. Aut & fumiterræ, boraginis, buglossi, lupulorum, ana. m. j. florum cordialium & intybi ana. m. ℥. prunorum numero . x . passularum mundatarum. m. j. glycyrrizæ 3. iiij. seminis mal-uæ 3. j. folliculorum senæ 3. j. corticis myroba-lanorum citrinarum 3. ij. seminis anisi, foeniculi, ana 3. ℥.



ana ʒ. f. coquantur in aqua lactis, & excolato  
 adde diacatholici ʒ. vj. confectionis hamech ʒ.  
 ij. Aut & succi defœcati, boraginis, capnij añ ʒ.  
 v. passularum minutarum ʒ. j. seminis anisi. p.  
 j. seminis citrei, acetosæ, endiuie añ. p. f. ferueât  
 simul, & in colaturam adhuc feruidam immitte  
 hellebori ʒ. j. aut ʒ. f. (quod nec dici, nec scribi, Iusta quan-  
 nec omnino præcipi potest, id quantitas in quo- titas præ-  
 que est, eam tamen coniectura artificiosa (atte- scribi non  
 stante Auicenna phen quarta primi) assequi co- potest.  
 nabimur, ex membri natura, ex magnitudine  
 morbi, & ex his, quæ sua conuenientia, seu simi-  
 litudine id significant: quæ quidem sunt maris ac  
 foemine differentia, ætatis, consuetudo, tempus  
 anni, & regio, & ars, & robur, & habitus cor-  
 poris, atq; color) epithymi ʒ. j. caryophyllorum  
 ʒ. j. post horas duodecim colato ac defuso adde  
 syrupi è bizanzijs ʒ. j. Ab una atq; altera purga-  
 tione confugiendum est ad ea, quæ cor, cerebrũ,  
 hepar, bases, ac fundamenta uirtutum corrobo-  
 rant, offuscatum sanguinem serenant, fuligino-  
 sos spiritus depurgant. Sed prætermittendum  
 non est, quin subinde, & ex interuallo, quamuis  
 iustum nullum catharticum bibât, aliquo atram-  
 bilem detrahente utantur. In quem usum hæ, aut  
 consimiles pilulæ parentur: & succi brassicæ, ci-  
 trariæ, uini aromatici ana ʒ. ij. aloës puluerisatæ



℥. iij. aloë perfundatur his succis, & ad solis calore inarescat, deinde succi recentes, & recens vinum rursus affundantur, & secundo arefiat, atq; in hunc modum tertio, tandem adde pulueris senæ ℥. iij. rhabarbari ℥. ij. caryophyllorum, thymi, epithymi ana ℥. j. xilaloës ℥. ij. seminis citrei, pæoniæ, macis ana ℥. j. ellebori, scammoniæ ana ℥. f. camphoræ ℥. f. croci ℥. f. salis harmoniaci ℥. j. fiat massa in usum dictum. Naturæ vires corroborant, obscœnum sanguinem depurant, opacos spiritus illustant, conserua mentæ, melissæ, calendulæ, boraginis, buglosi, anthos, stichadis, rosarum, uiolearum, nymphææ, arantiarum, cortex citrei condita, inula, calamus, myrobalani, diamargaritum, diarhodum, manus christi, electuarius e pomis, resumptiuum, & ex ijs fiant compositiones pro cuiusq; arbitrio: & conserua uiolearum ℥. ij. conserua rosarum, nenusaris ana ℥. j. diamargariti frigidi, manus christi ana ℥. f. specierum aromatici rosati, & caryophyllati ana ℥. j. foliorum auri numero. ix. misceantur, cum modico aquæ rosatæ, in qua granum unum moschi, & tria grana capthuræ intabuerunt. Aut & aquæ rosacæ bene odoriferæ ℥. ij. uini granatorum, uini cretici ana ℥. j. sacchari candidi ℥. ij. bulliant lento igne, & adde conserua boraginis, buglosi, melissæ ana ℥. j. corti



℥. j. corticis citrei cōditæ, myrobalanorum, cūri-  
 narum confectarum ana ʒ. x. diarhodi abbatis,  
 electuarij ē gemmis ana ʒ. f. passularum parua-  
 rum ʒ. ij. specierum electuarij resumptiui ʒ. j. cro-  
 ci grana. vj. bracteolarum auri uumero. xv. om-  
 nia concorporentur in formam conseruæ. Odo- Odor sua-  
 ramenta crebro naribus subiiciantur. Nemo ne- uis animam  
 scit, tenuis ille suaue olentis materiæ uapor in in reficit.  
 timos uiscerum recessus peruadit, & hic auido  
 rictu à nobis haustus sese liquidis succis insi-  
 nuat, & incredibilem alacritatem adfert. Ex ho-  
 rum censu præstant rosæ, uiolæ, nymphaea, santa-  
 la, myrtus, caphura, pomum, pyrū ue fragrās,  
 caryophylli, iris, ambra. Cordi extrinsecus indu-  
 cantur unguenta, emplastra, cataplasmata, sac-  
 culi, infusiones, aut huiusmodi aliud epithema.  
 Et aquæ rosarū, melissæ añ ʒ. vj. succi pomorum  
 fragrantium ʒ. ij. succi granatorū ʒ. j. specierū dia-  
 margariti frigidi, diarhodi abbatis ana ʒ. j. spe-  
 cierum electuarij ē gemmis ʒ. j. camphoræ, cro-  
 ci ana grana. iiij. fomenta præcordijs (auctore  
 Galeno) calida semper applicanda sunt, deinde  
 unguatur unguento quod recipit: unguenti san-  
 dalini ʒ. j. olei rosarum ʒ. f. florum nenupharis,  
 uiolarum ana ʒ. ij. florum anthos, mentæ sicce,  
 melissæ, thymi ana ʒ. j. seminis maioranæ, basi-  
 liconis ana ʒ. f. camphoræ, croci ana grana. iiij.



aceti rosati pauculum. Sacculus cōcinnetur pro  
 hac forma: ꝛ rosarum rubearum, m. j. florum  
 boraginis, buglossi, uiolarum, ana. p. j. florum  
 meliloti, anthos, stichadis ana. p. f. corticis citrei  
 siccae, ligni aloës ana 3. j. sandalorum ana 3. f. co  
 riandri præparati, seminis oxalidis, citrei ana  
 3. j. seminis melissæ, maioranæ añ 3. f. cāphoræ  
 grana. iij. spicæ, croci añ grana. ij. fiat sacculus in  
 serico rubro sutura retiformi. Post hæc ipsum ca  
 put aggrediantur irrigationibus, emplastris, cæ  
 ratis, & quibusuis præsijs humectandi & mo  
 derate refrigerandi facultate præditis. Neq;  
 committendum, quod (reclamante Galeno) non  
 nulli medicorum faciunt, applicantes omni capi  
 ti medicamentum, quod ex tapsia, et sinapi com  
 ponitur, id ipsi quoq; faciamus. Quando si ex ca  
 lida intemperie caput male habet, talia medica  
 menta noceant. Neq; huic cucurbitulas, hirudi  
 nes uē circulatim affigemus, etiam materiam,  
 quæ infestat, ualentio rem, crassioerm, & iam  
 cerebro impactam. Sed expedit hos frequenti  
 balneo potabilis aquæ fouere, quo & calidos ua  
 pores, qui in capite sunt, temperato calore euo  
 cemus, & quod crassum est, liquidius efficiamus,  
 & totum capitis temperamentum in melius re  
 stituamus. Calidarum autem, quæ sponte nascun  
 tur noxius est usus. Siquidem quæ ex his sulphu  
 rosæ

Maniacis  
 non confe  
 runt aquæ  
 sponte na  
 scentes.



rosæ, bituminosæ uē sunt, eæ propterea quod ca-  
 lesfaciunt inimicissimæ calido capiti sunt. Alumi-  
 nosæ quoniam angustos meatus claudunt: deco-  
 ctum uero hordei, uiolarie, maluæ, cucurbitæ,  
 salicis, nymphæ, chamæmeli, meliloti, sticha-  
 dis, pulegij, senæ, utiliter infunditur. Aut uer-  
 uecis caput, ipsis cum pediolis, & semine lini,  
 maluæ, psyllij, discoquatur, eoq; iusculo adhuc  
 sufferuido, nec ualde tepido, bis, tēr ue de rasum  
 caput quotidie perluatur, nisi uehemēs intempe-  
 ries ardeat, tempusq; æstuosum sit, tum egeli-  
 dū esse oportet, ac omnino suffrigidū. A singulis  
 porrò lotionibus circumliniatur butyro insul-  
 so, aut oleo amygdalino, aut ranino, aut æsypo,  
 populeo, pingui uē aliquo anseris, seu gallinæ.  
 Id præterea magnopere iuuerit, si quotidie ante  
 epulationem in solium descendant, cuius clemēs,  
 modicusq; sit calor, ex aqua, & oleo, aut ex la-  
 cte recens mulcto, & leuiculis frictionibus cor- Viriles te-  
 pus defricetur, ab imis partibus incipiendo. Vi- stes nō sunt  
 riles globuli linteolo inuoluantur rosacea made usq; infri-  
 facto, aut aqua solani, cucurbitæ, nymphæ, cum gidandi.  
 aceto. Id tamen non usq; crebro fiat, neq; admo-  
 dum diu, ne masculinum robur periclitetur. Nari-  
 bus trahant oleum uiolaceum cum succo lactu-  
 cæ, aut papaueris oleum cum lacte foemineo.  
 Gargarissent aquam portulacæ, farfaræ, sambu



ci. Si peruigilio fatigantur, diacodium bibant, aut eorum aliquod, quæ in capite de conciliando somno permulta diximus. Profecto pars est non minima curationis bona quies, ac tranquilla dormitio. Quod si ipsum uitium pertinacius hæreat, neq; ullis remedijs feritas commiteſcat, in uinculis teneantur, & flagris (ſi opportunum uidebitur) cogantur attendere, addiſcere, & meminiffe, ut quos nullum officiũ inſectere potuit, acrior pœna coerceat. Sed priuſquam re-

**Maniacis** ceptui canam, adhuc habeo quod auribus tuis non eſt te inſtillem, & cuius te admonitum uelim. Ne mere aſidẽ uidelicet inobſeruatis propinquior temere aſi- dum. deas, niſi triſte fœdumq; infortunium, imprudentiæ tuæ preciũ auferre uoles. Expertus loquor, memini quo aliquando in periculo fuerim. Felix, quem faciunt aliena pericula cautum. Galenus inquit libro ſecundo de Reſpirandi difficultate: ad furore percitos propius accedere non audemus, ſed omnibus modis ab illis diſcedimus,

**Mentem ex** uerentes, ne mali quippiam nobis inferant. **cæca quali** Præter commemoratas inſaniæ cauſas, ſunt **tate commo** & aliæ mentem commouentes, nec quis ſcitè ſatis coniecerit, qua id facultate perpetrent, niſi **uentia.** in uenenatam, & cæcam contrarietatem tam audax facinus reiſciatur, qua probum ſanguinis temperamentum, & ſanam ſpirituum conſtitu-

tionem



tionem nequiter corrumpunt. Quemadmodum quibusdam naturis quædam familiares sunt, sic & aliæ alijs inimicæ ac perniciose inueniuntur. Ex morsu rabidi canis plurimi desipuerunt. Atq; alij commanducato cœluri cerebro. Apud Heracliam Arcadiæ uinum (ut ferunt) fit, quod potum uiros insanos agit. Vinum quoq; fulmine gelatum, quum ad priorem habitum redit, potatum aut exanimat, aut dementes facit. Menses foëminarum ab eugio perfosso primi in potu furores gignunt. Nec minorem iniuriam inferunt coriandrum, solanum, hioscyamum, herba sardinia, & ea quæ apud Tegeam gignitur, carduo similis, quam quum Pandius statuarum artifex Pandius mē in templo, suo fungens officio comedisset, mente te alienatus alienatus est. Theophrastus præterea libro nono de historia plantarum ait: Vesicariæ alterum genus (alij bryorem, alij perissum uocant) constat radice candida, & longa ad cubitum, atq; caua. Dabitur eius radice drachmæ pondus, si ut quis ludat, seq; pulcherrimum putet, placue- Vesicariæ rit: at si uis, ut magis insaniat, drachmis duabus mira facul- est opus: sin autem nunquam insania solui uolue- tas. ris, tres dabis: & si interimendum sit, quatuor. Quibus uero adminiculis in hunc modum delirantibus succurratur, non est præsentis instituti docere, sed ea ab his petenda sunt, qui de uene-



nis exactius perscripserunt. Dioscorides ait in præfatione libri sexti: In his quæ diutinas ualitudines faciunt, nulla erit ob difficilem ex notis nocentis ueneni depræhensionem in curatione difficultas. Nocendi enim celeritate amissa, in diutinas ualitudines translata uenena, communia aliquibus morbis remedia, & curationes recipiunt, nulla poti ueneni proprietate post hac remanente.

CAPVT DECIMVM OCTA-  
uum de Melancholia.

Melancho-  
lici an inge-  
niosi.

Cicero me-  
lancholicus  
non fuit.

**A**ffectus ipse melancholia uocatur, indi-  
cante nomine humorem, qui ipsius est  
causa. De humore pauca præmittere consti-  
tui ante ea, quæ de affectu dicturus sum. Hunc no-  
strum sermonem Aristoteles excipit, qui Proble-  
mate primo tomi trigesimi, melancholicos non-  
nullos adeo ingenij acumine pollere affirmat, ut  
diuini potius quàm humani, ob raram & admi-  
randam eruditionem uideantur. Viros omnes in  
quauis disciplina præstantes plurimum melan-  
cholicos extitisse fortiter asserit. Quod cum ali-  
quando legisset Cicero eloquentiæ parens, subri-  
sit, & æquo animo se ferre dixit, quod tardior  
esset, dummodo ab hac naturæ specie omnino  
abesset



abesset. Sed rationem rei propositæ peruestigamus. Et imprimis cogitandum est, duplicem esse melancholiam: altera naturalis, ac ueluti nobis cognata, quæ quum rectè æstimatur, aliud est nihil, quàm sanguinis probè cōcocti sedimentum: aut aptius fortassis, quæ crassior est, sicciorq; probi sanguinis pars. Porro probum sanguinem nemo eum dixerit, aut qui ab immodico calore superassatus incanduit, aut ob imminutum crudus perfrixit. Vterq; quidem (nec iniuria) uitiatus censetur, & is, qui nimium feruet, is quoque, qui nimium alget. Nihil ergo superuacaneum (ad qualitatem dico, potest autem in quanto, quod bonum est, superfluere) in concocto sanguine à moderato calore reperitur, modo & commoda educatio accesserit. Succus ergo melancholicus, huius pars, non purgamentum erit, nec reiectaneus, sed alendo corpori, magisq; uegetando animo idoneus gignitur: quippe qui cæteri sunt humores præ tenuitate labiles, atq; fugaces transfluunt, nusquam morantur, non subsistunt, & nisi hoc ueluti cogantur, ac uinculo quodam, glutinoq; figantur, usui non queunt esse. Oportet autem hunc nec exuberare multum, nec pauciores esse, sed eo in numero adauctum, quo hominem melancholicum indicet, et ab eius uocabulo corporis constitutio nomen sortiatur:

Melancho-  
lia duplex.

Commodi-  
tas melan-  
choliæ.



Melancho-  
licus san-  
guis auri co-  
lore insigni-  
tur.

Spiritus ex  
compacta  
materia elu-  
tantes sunt  
tenuiores.

quæ non ex abundantia calidi, neq; rursus ex in-  
cremento frigidi, sed ex propria, moderataq; ef-  
sentia hunc pro mole, & quantitate reliquo-  
rum humorum, nec exiguum, nec superfluum gi-  
gnit: uti ex ipsis pro æquabili, & iusta propor-  
tione cōmistis, corpus unū resultet. Quale Mar-  
silius Ficinus (inter disciplinarū procures nequa-  
quam postremus) auri colore insigniuit, sed ad  
purpuram uergente. Etenim quando uel pro-  
prio sui uigore, uel animi, corporis uel motu ac-  
cenditur, non alio magis fulgore coruscat, quàm  
ignitum, rutilumq; aurum purpureo mixtum  
amabili luce splendet. Quin iridis instar assu-  
mit uarios pulchro de corde colores. Galenus  
tertio de causis symptomatum, atram bilem san-  
guine splendidiorē dixit, & plane luceſcere:  
adeo ut sanguis sine huius commistione, obscoe-  
no, nigroq; colore præditus inueniatur. Iam si  
quis acrius expendat, & exacto magis iudicio  
delibret, solis candore clarius comperiet, quod  
spiritus ex his concorporatis propterea subti-  
liores euadūt, quia ipsius compagis spissior, den-  
siorq; materia est. Vnde spiramenta, per quæ spi-  
ritibus eluctandum est, angustiora stipantur,  
minusq; fatiscunt, & omnino crassulentis uiam  
pernegant. Quare necessum est, qui tenuiores  
exilient, & quum quodam ueluti labore exclu-  
dantur,



dantur, magis incalescunt. Calor autem tristes fuligines, si quas tenent, abstergens, claritatem inducit, & quum actuosus sit, pernicitatem addit, atq; in operas promptitudinem. Ipse etiam succus quia stabilis est, firmus, ac solidus, quicquid ex eo manat pro suo genere stabile, firmum, solidumq; consistit, ut non facile fatigetur, ac deficiat, sed integrum functionibus diutissime respondet. Itaq; animus tam obsequioso, ac fido satellitio fretus uehementer indagat, nec lassescit aliud ex alio queritans. In hac consecratione, & perpetua uigilantia, plane necessum est, ut inueniat, atq; comprehendat, comprehensa luculenter perspicit, perspecta recte diiudicat, iudicata fideliter retinet. Quis non hæc omnia ad insignem eruditionem adminicula censeret, aut potius pro lectilia, ac uehicula ad summum eruditionis culmen. Aristotelis igitur sententiam ualde probabilem fateri oportet, qui melancholicos ingenio præstare dixit, & clarissimos quosque artifices huius fuisse naturæ. Cæterum huiusmodi sanguis quum accenditur (mirabile dictu) quandam cum ætheris naturæ similitudinem habet, unde ex eo scaturiens spiritus cum supernis corporibus quædam ueluti familiaritatem, ac necessitudinem trahit: & quemadmodum hæc calore, luce, motu prædita operantur,

Animus  
quomodo  
spiritu utatur.

Melancholicus sanguis, est æthereus.



**Melancho-  
licis sese in-  
sinuant dæ-  
mones.**

**Diuino fu-  
rore perciti**

fic ille quoq; calidus, lucidus, agilis instat: adeo  
ut ex hoc consensu, dulciq; commercio huiusce  
sortis mortalibus gaudeant, ac concupiscant cœ-  
lestes dæmones uersari, ac sese (quod antiquitas  
credidit) nimis quàm lubentes immittunt, insi-  
nuantq; intimis horum penetralibus, atq; ibi  
confident, ac deliciantur, tanquam in regione il-  
la clarissimorum syderum uolubili: qui ubi sese  
commouerint, animam quoq; commouent, &  
mirabiliter afficiunt, coguntq; furere. O præ-  
clarum, atq; optabilem furorem. hunc sonat il-  
lud Ouidij: Est deus in nobis, agitate calescimus  
illo. furore quidem perciti supra seipsos efferun-  
tur, & quodammodo adorabiles dii efficiuntur,  
artium, quas nunquam didicere inuentores, le-  
gum sanctissimarum conditores, naturalium re-  
rum perscrutatores, diuinorum mysteriorum in-  
terpretes, poetæ, Prophetæ, Vates. Nihil tam  
illatebratum, quod non in lucem perspicaces e-  
ruant: nec quicquam tam sublime, quod celeres  
non assequantur, ut post, afflatu destituti, suas  
ipsi inuentiones uehementer obstupescant, neq;  
satis intelligant qua ui præstare potuerint, quæ  
tam clara, & speciosa monumenta ediderunt.  
Plato ait in Ione: pleriq; uates postquàm remis-  
sus est furoris impetus, quæ scripserunt, haud sa-  
tis intelligunt: quum rectè tamen de singulis ar-  
tibus



tibus furentes tractauerint. Quod singuli harum artifices legēdo confirmant. Hic prolixus, ac perinde amœnus se campus aperit. Sed pro loco satis, quamuis alia etiam ex his hactenus explicatis contemplabilia sese proferant. Aristoteles ait primo de Partibus animalium: Res namq; illas superiores, tametsi leuiter attingere possumus, tamen ob eius cognoscendi generis excellentiam amplius oblectamur, quàm quum hæc nobis iuncta omnia tenemus. Quemadmodū quamlibet partem minimam corporis nostrarum puellæ deliciarum uidisse gratius, ac iucundius est, quàm cæterorum hominum membra tota perspexisse, & contrectasse. De ipso affectu nunc dissertandum qui desipientia est, & mentis alienatio, sine febre, intra ineptas cogitationes magis consistens, quàm ad flagitia designanda efficax, cum mœsticia ac metu. Originem ducit ex uitiato sanguine: Etenim sanguis quum pelucidus est, atque serenus, alacritatis, gaudij, bonæq; spei fomes, ac pabulum est: obscurus, ater, & fœculentus affectiones his contrarias gignit, torporem, tristitiam, desperationem. Obscuratur autem, & grauis, turbidusq; redditur, quoties iners multa, atque impura bilis ipsi commiscetur, idq; uel ob adassans calidum, uel congelans frigidum. Non ab uno

Affectus melancholicus.

Cause.



Spiritus nō  
ex uno suc-  
corum ge-  
nerantur.

An ex opa-  
cis uapori-  
bus oria-  
tur melan-  
cholia.

aliquo succorum, ueluti cholera, aut pituita, spiritus animæ instrumenta suppeditantur, aut emanant, sed ex eo corpore, quod humores quatuor socio confluxu unum constituunt, et sanguinem uocamus. Hoc ergo corpus quum frigida, densa, ac tenebricosa bilis plurimum habebit, causa erit huius affectus. Quandoquidem spiritus dabit opacos, furuos, & inamœnos, ex quibus inamabiles & terrificæ cogitationes inundabunt. Quemadmodum externæ tenebræ omnibus ferè hominibus pauores inducunt, sic atræ bilis colos mentis sedem obtenebrans formidinem efficit. Ad hunc porrò affectum, an necessario cōcurrat temerata animalium spirituum substantia, an sola ipsum euaporatio crassæ, densæ que fuliginis ingerere queat, non paruo in dubio uersatur. Galenus in ea sententia depræhēditur, & consectaneos secum medicos trahit, qui eum acclamitāt, ex solis uaporibus nō nunquā oriri. Tertio de Affectis locis sic habet: sane melancholiæ accidētia simul cū dicta uētriculi dispositione scribere haud ita facile Diocli uidebatur. Id itaq; addere, ac simul qualis sit in huiusmodi affectibus uētriculi dispositio, manifesta interpretatione enarrare aggrediamur. Atq; uideatur quidē in ipso inflāmatio esse. Sanguis autē in parte inflāmata cōtentus, et crassior, et atræ bili magis conformis



cōformis efficitur. Itaq; quēadmodū elata ex uen-  
triculo ad oculos fuliginosa quadā, aut fumosa  
dispositione, aut crassis quoq; uaporibus, similia  
ut in suffusione symptomata cōtingūt: eadē ratio-  
ne sublata ad cerebrū ab atra bile euaporatio-  
ne, melācholica eueniunt in mente accidētia. Et  
libro secundo de Symptomatum causis: quod ue-  
ro atra bilis rationalis animæ arcem occupans,  
timorem, mœsticiam, & mortis expectationem  
inducat, nihil mirandum est, quum uideamus in  
rebus externis nihil magis, quā tenebras nos  
perterrefacere. Si igitur tenebris quippiam simi-  
le rationalis animæ parti circumfunditur, homi-  
nem semper timere necessum est, utpote qui sem-  
per timoris causam in corpore circumferat.  
Quod enim nobis extrinsecus accidit, quum am-  
biens nos aër uastiſſimus tenebris fuerit obscura-  
tus, id melancholicis ab intimo corpore uidetur  
erumpere, occupāte cerebrum, uel ipsamet atra  
bile, uel uapore quopiam melancholico. Hæc  
Galenus ex Hippocrate mutuasse uidetur, nēpe  
in libro de Atræ bilis agitatione sic habet: qui-  
dam diffidunt, mœsti q; sine ratione, & modo,  
nec dicere possunt sciunt ue quid sit, quod se mo-  
lestet. Mortem non pauci, & alia non timenda  
timent: præterea non nulli sunt qui contrā, mor-  
tem optent. Quum igitur bilis atra rationalis



animi principia præoccupat, mortis pauores, expectationes, & optationes fieri mirum, non est. Nam ex ijs, quæ sunt extra nostrum corpus nihil magis timemus, horremus ue, quàm tenebras. Quum ergo quid obscurum, tenebricosum uerationalis animi prætenditur, necesse est hominem usq; terreri, tanquam causam terroris corpus secum portet. Nam pueruli tanquam in magnis, & altis tenebris sint, perterrentur: perfecti uero & adulescentes, qui rudes adhuc sunt, nec his consueuerunt, tenebras etiam horrent. Sic et atræ bilis color tenebris est similis, quum cogitationis, & imaginationis locum obscurat, & inumbrat, pauorem adducit. Hanc opinionem planè irridet Auerrhous (philosophus quidem celebris) & aduersam fortiter tuetur. Cuius uerba sunt in tertio Colliget, expressio scilicet timoris fit in anima propter obscuritatem complexionis melancholicæ. Sed nigredo nō est causa huius, sicut dicunt medici, quia color nō est causa substantialis ad corrumpendas uirtutes animæ: sed hæc causa prouenit ab una specie malæ complexionis, sicut & aliæ ægritudines. Et tu scis, quia habitus animæ sequitur cōplexionem corporis in hac coniunctione: & qui dicunt, quod anima terretur propter humorem melancholicum nigrum, sicut terretur homo in obscuro, dicunt

Auerrhous  
Galenī opi  
nionem irri  
det.



ro, dicunt uerba cantionum: quia anima non uidet in corpore, ut possit dicere, quod sentiat terrorem nigredinis. Sed de natura istius humoris melancholici est, ut ipsum sequantur hæc accidentia, sicut de natura sanguinis est, ut ipsum sequatur gaudium. Et dicemus propter hoc, ut sanguis det lumen animæ, & hæc res manifesta est illi, qui aliquantulum de natura gustauit. Hippocrates quamuis in libro (quod diximus) de atrebilis agitatione Galenicæ opinionis & auctor sit, & assertor, tamen in sexto Epidemiarum aliter, & cum Auerrhoo (si acius ipsius dicta excutiantur) sentire depræhenditur. Quod & Galenum olfecisse liquido apparet, quum sic habeat tertio de Locis affectis: igitur crassi humores, qui in cerebri substantia abundant, interdum ei, ut instrumentali, interdum ei, ut similari nocent. In meatuum quidem obstructione, ut instrumentali: in temperaturæ uero alteratione, ut similari. Proinde totus hic sermo in fine sexti libri de Vulgaribus morbis perscriptus est. Melancholici magna ex parte comitali morbo afficiuntur, & contrà, morbo comitali laborantes efficiuntur melancholici. Atq; horum utrumlibet magis accidit, prout in hac, uel in illam partem infirmitas redit. Si enim in corpus, epileptici: si uero in mentem, melancholici redduntur. Sed hu-



ius sermonis pars non paruum contēplandi locum  
desyderat. Quippe quum anima sit, aut tempera  
mētum actiuarū qualitātū, aut ab ipsarum tempe  
ratura permutetur, bilem, quum cerebro ueluti  
parti instrumentali nocet, ad cerebri corpus con  
uerti ait, id quod in obstructionibus fieri con  
stat. Temperaturam uerò cerebro uti similari  
no cētem, ad mentem eam rapere dicit. Hoc pro  
blema, quoniam attestante Galenō non paruum  
contemplandi locum desyderat, & ne plus ope  
ræ in corollario, quàm in proposito sumam, qui  
bus & ocij, deorum benignitate, & ingenij, na  
turæ cōmoditate, plurimum est, lubens cōcedo.

**Affectus me  
lancholici  
tres species**

Ad affectum ipsum properamus, cuius tres  
constat esse species: prima, quando uniuersum in  
uenis omnibus sanguinem atra bilis uitiat. Alte  
ra, quum reliqui corporis sanguis innocuus est,  
sed is solus temeratur, qui in cerebro cōtinetur,  
quod ob proprium ipsius habitū usuuenire con  
suevit, nempe id ubi frigidius, sicciusq; fuerit,  
torpedinis in morem, quicquid influit, suarum  
qualitatum particeps facit, & sic succum affi  
cit, ut sui similis efficiatur, spiritus quoq; obscœ  
nos & inertes gignit. Quum uero ipsius consti  
tutio uehementius feruet, affluentem sanguinem  
adurit, & quod in eo est tenue liquidum ue ab  
sumit, relicta pars turpiter crassescit. Quales in  
iram



iram præcípites sunt, magisq; audaces, ac temerarij, ita ut alios percutiant, multa q; terribilia patrent, præsertim eo ipso tempore quo sanguis adassatur. Sed restincta flamma aut annorum accessione, aut sui ipsius efflagratione, certe ab incendio mærentes, tristes, ac meticulosi euadunt. Tertia species ex hypochondrijs male affectis oritur, etenim hæc per consensum illico cerebrum labefactant, graues halitus, dēfosq; fumos sursum in mentis regionem transmittunt. Nec id solum, sed portionē quoq; noxiæ materiæ. Communicant omnes in pauore, metu, trepidatione, angore, solitudine. A sonitu frondis uentulo agitatae diffugiunt, perpetuo lugent, plangunt, queritantur, amicos, & familiares auersantur, cunctos odiunt, solitudines captant, qualem Bellerophontem Homerus describit: Bellerophō  
melancholi

Postquam autē inuisus superis est factus, in agro cus.  
Errabat miser ipse suo, solusq;, dolorem  
Consumens animi, atq; hominum uestigia uitās.

Heraclitus Ephesius totus erat in lachrymis, Heraclitus  
miserias & calamitates hominum iugi planctu Ephesius  
seniculus deplorabat: solitudines amabat, impu- melancho-  
ro, sordidoq; uictu degebat. Melancholicum fuis- licus.  
se Theophrastus est opinatus, quod obscura, &  
confusanea conscripsisset, hydropicus factus  
interijt. Sunt qui uitam despuentes, mortem ex-



Phantasma  
ta melācho-  
licorum.

petant. Quosdam iterum alieno, atq; extraneo uidebis animo, utpote qui simul & mortem horreant, & tamen uitam sibi adimant, in se quā in alios potius iniurij. Inducibiles sunt huius stultitiæ, atq; insanix modi, uarijs, ac multiformibus imaginibus perturbantur. Alius testaceum uas, seu fictile factum se putauit, quapropter obuian-  
tibus de uia cedebat, ne coarctantium attritu in-  
frusta collideretur: alius gallos cantare audiēs, ut hi alarum plausu, sic latera brachijs quatiēs, animantium canorem exprimebat: alius metuebat, ne Atlas uniuersum terrarum orbem humeris suis sustinens defatigaretur, & onus ipsum defessus excuteret, cuius intolerabili ruina cuncti mortales opprimerentur: quidam sibi acephali, nec habere caput uidentur. Aduersum hoc phantasma Philotimus plumbeo pileo caput con-  
tegi iubebat, ut pondere admoniti resipiscerent. Alius nasum sibi instar bubuli pedis extare plorabat, quum nihil supra iustum modum excre-  
uisset. Plusculos uidi cibum ac potum pertinaciter recusantes, nisi uictus rationem præscripsissem, qui se grauiter egrotate somniabant, & re clamante me aut in hydropem, aut in tabem casuros se formidabant. Hos sola mentis trepidatio, & ineptus mortis horror uexabat. Non nulli criminis se reos imaginantur, & pauidi an-  
xijq; ue



xijq; uerentur, ne manus ipsis iniiciat prætor,  
et ad tribunalia supplicio affiendi pertrahan-  
tur. Alios tam misere affligit plena scrupulis cō-  
scientia, qui nodos in læui scirpo quæritantes  
culpam metuunt, ubi nulla subest, et diui-  
næ misericordiæ diffidentes se orco destinatos  
fæda lamentatione noctuq; , dieq; deplorant.

Iam hoc malum alios per interualla ca-  
pit, alios habet perpetuo. An uero uni-  
uersum corpus, an hypochondria, an solum *Signa spe-*  
cerebrum melancholicus succus occupet, non *cierum.*  
lubricis notis discerni potest. Quippe qui-  
bus in uniuerso corpore, et potissimum per adu-  
stionem exundat, macilēti, nigri, et hirsuti sunt,  
et laxioribus uenis. Interdum tamen fit, ut ru-  
fo colore homines affatim, atque post hos flauī,  
in hanc intemperaturam incidant, si quando et  
uigilijs, et multis laboribus, et solitudine, et  
tenui uictu fuerint educati. Accedit si hæmor-  
rhoides obstruantur, aut mulieribus menstrua  
non eant, aut melancholicis cibis usi sint. Ad  
hanc quoq; notitiam non parum confert anni  
tempus, ac præterita, præsensq; constitutio, et  
regio, et laborantis ætas. Sunt qui et per feбри-  
les morbos humorem hunc contraxerunt: qui-  
bus semel collectis, quo pleniorē adhuc habeas  
certitudinem, cubiti uenam secabis, præcipueq;



mediam. Quod si sanguis, qui effunditur, melan-  
cholicus non sit, actutum obliges, fluxumq; si-  
stas: si uero talis appareat, confirmatus auden-  
ter uacua. Porro ob affecta hypochondria uitiū  
quum exoritur, mox occurrunt symptomata,  
uentosæ spirationes, turbulenta murmura, cru-  
ditates acidæ, eructuationes olidæ, uenter durus  
& siccus. Quidam insueta mandendi cupiditate  
molestatur, nec minus torquentur immodica si-  
ti. Alimentum in uenulas ægre distribuitur, hy-  
pochondria ardent, & pondere quodam pre-  
muntur. Quandoque non nullis uehementes,  
acresq; dolores in dorsum usq; extenduntur: uo-  
mitus accidunt uel crudi cibi, uel pituitæ, uel hu-  
moris amari, sæpe adeo astringentis, ut ex con-  
tactu obstupefiant dētes: quæ sursum sunt, non  
nunquam inflammatione corripuntur, conuel-  
luntur, & infestantia quædam, ac uersantia cir-  
ca præcordia sentiunt. Quidam lieniosi fiunt,  
& deiectione, uomitu, crebrisq; ructibus ma-  
lum leuatur. Affectionem cerebro esse prima-  
riam liquido patebit ex ipsius cerebri, capitisq;  
constitutione, & hæc ferme continua molestat,  
nulla hora interquiescens, breues ijs, atq; inter-  
rupti somni sunt, somnia uident turbulenta, au-  
rium tinnitus patiuntur, uertiginibus uexantur,  
aliquibus caput plenum & infectum uidetur,  
non nullis



Non nullis uacuum, & inane, à cibo abstinere,  
oris salua (ex capite uidelicet illapsa) acris, in  
rem aliquam fixis, ac intentis oculis diutius con  
tuentur. Iam nulla, aut admodum modica indi  
cia sunt, quæ uniuerſi corporis uasa noxio suc  
co prægnantia arguāt, aut obleşa hypochondria  
teſtentur. Diximus de morbo, de morbi cauſa,  
de ſignis, poſt hæc de curatione dicturi ſumus,  
cuius uictus non minima pars cenſetur, qui om  
nino aduerſus atræ bili præſtituatur. In aëræ  
uerſentur calido, & humido, qui ſubſtantie pu  
ritate, cordis, cerebriq; ſpiritum nutriat, odoris  
ſuauiſſimate recreet, lucis candore ſerenet. Cibos fu  
giant, qui ſuapte natura melancholicū ſanguinem  
gignūt, qualis eſt bubula: cuius Galenus meminit  
tertio de Facultatibus alimētorum: Ipſa, inquit,  
alimentum non exiguum, nec diſcuſſu leue præ  
ſtat, ſed ſanguinem craſſiorem, quàm par eſt, gi  
gnit. Præterea ſi melancholicæ quiſpiam naturæ  
in eius cibo modum non ſeruet, affectu quopiam  
melancholio tandē corripietur: cuiuſmodi ſunt  
cancer, elephas, pſora, quartana febris, & mor  
bus, qui ſpeciali nomine melancholia uocatur.  
Hircina quoq; noxia eſt, & caprina, & taurina  
& arietina, & caro domeſtica, permacra, &  
quæ ex lepore eſt, ſed multo magis ex apris, &  
ceruis, & urſis, & ex animantibus ualſtorum

Dieta.



corporum, præsertim annosis, ex auibus etiam magnis, quæ magis ambulant, quàm uolant, olorina, anserina, gruina, pauonina, anatina, palumbina, & meleagridum, quæ sunt gallinæ indæ. Aquatiliū carnes, ut thunni, balenæ, uitulini marini, delphini, canis, omniumq; cetaceorum insalubres sunt. Ex oleribus brassica ferè sola huiusmodi sanguinem gignere solet, magisq; cyma eius. Quemadmodum & arborum germina, ubi uel muria, uel oxyhalme condiuntur. Leguminum fere omnium maxime lentes, mox panis furfuraceus, & ex uitiatīs seminibus factus. Vina quoq; crassa, et nigra, huic maleficio aptissima sunt, præsertim si quis abunde, ac crebro ea bibat. Aceti meminit Hippocrates tertio Acutorum in hunc modum: Acuta uis aceti (ut summam dicam) ijs magis conferre solet, quibus amara, quàm quibus atra bilis exuperat: quippe amara ab ipso dissoluitur, & agitur, ac in pituitam degenerat, atra uero bilis in massam attollitur, & multiplicatur. Nam acetum atram bilem parit. Edulijs uescantur euchymis, & nullum negocium exhibentibus uentriculo, hœdina, uitulina, ueruecina, pullastris, capis, perdiculis, phasianis, turture, gallinis deserti, turdo, merula, & minutis auiculis, nisi per ætatem siccificent. Piscibus præterea petrosi, ouis sorbilibus



bus, pulticulis saccharatis ex hordeo, ex lacte recens multo (nisi hypochondria doleant, & metus sit ne flatibus impleantur) ex iusculis carniū, atq; id genus sorbitionibus. Cibos cōdiant hoc puluere: ꝛ cinnamomi ꝛ. j. amygdalarum dulcium purgatarum numero. ix. seminis anisi, marathri, ana ꝛ. f. caryophyllorum, maceris, zedoariæ, zingiberis ana ꝛ. j. mentæ, melissæ, thymi, sampsuchi, seminis pæoniæ, citrei ana ꝛ. f. croci, cardamomi ana ꝛ. f. margaritarum ꝛ. j. hyacynthorum, rubinorum, granatorum ana ꝛ. f. ambræ grana. v. moschi granum unum, foliorum, seu bracteolarum auri numero. ix. sacchari rosati in tabulis ad pondus omniū, fiat puluis in usum dictum. Vinū bibant tenue, album, nec antiquum, nec nouum, nec resinatum. Ceruissiam mediocrem, claram, & defœcatam. Exercitia fugiant laboriosa, moderatis utantur, & multam uoluptatem asferentibus. In balneis frequentes sint, aquæ scilicet dulcis, & tanquam ad æstiuum solem calefactæ. Molliore somno, & longa quiete uehementer opus habent. Venus frigidis & siccis corporibus inimicissima est, & his tantum innoxia, qui calidi humidiq; sunt. Per interualla tamen assuetis haud erit inutilis. Sunt qui Melancholiam huius palestræ appetentissimi, idq; propter lici uenerē redundantes flatūs, præsertim ij, quibus adusta appetunt.



cholera negocium faceſſit. Paulus Ægineta libro primo ait: Neq; uenus utilitate caret, utpote quæ plenitudinem tollit, corpus auctum, leue, uirile reddit, & quod ad animum pertinet, rationis uim impeditam ſoluit, ingentes iras remittit. Idcirco melancholico aptiſſimum remedium eſt, ſi quicquam aliud, reducit autem ad modestiam uel quouis modo inſanientes: nec ſalubris ſolum eſt iam morbo correptis, ut ex Paulo liquet, & Auicenna teſtatur uiceſima phenertij, ſed cauet præterea ne quis in hunc omnino incidat, quod Galenus dixit ſexto de Affectis locis. Sunt non nulli, quos protinus à iuuentute concubitus imbecilliores facit. Alij niſi aſidue coeant, capitis grauitate moleſtantur, cibos faſtidiunt, ac febribus obnoxij fiunt, atq; ut deterior eſt ipsis appetētia, ita & concoctio minor. Hos arboribus immodice fructiferis Plato comparat. Equidem noui quosdam, quibus huiusmodi erat natura, qui præ pudore à libidinis uſu abſtinētes, torpidi, pigriq; facti ſunt. Non nulli & melancholicorum exemplo præter modum mœſti, ac timidi, cibi etiā tum cupiditate, tum concoctione uitiata. Quidam uxoris mortem lugens, & à concubitu, quo antea, creberrime uſus fuerat, abſtinens, cibi cupiditatem amiſit, atq; ne exiguum quidem cibum concoquere potuit.



tuit. Vbi uero seipsum cogendo plus cibiingere  
bat, protinus ad uomitum concitabantur. Mœ-  
stus etiam apparebat, non solum has ob causas,  
sed etiam ut melancholici, citra manifestam oc-  
casionem, modis omnibus consulentur, corrobo-  
rentur, in meliorem spem erigantur, gaudeant,  
latentur, exultent, psallant. Omnino animi re-  
missione opus est, atq; appulsione ad iocosa &  
ludicra spectacula, ad scenicas uoluptates, &  
quæ in triuijs exhibentur, oblectamenta. Aui-  
cenna inquit phen quarta primi: Scias, quod in-  
ter cætera optimorum est remedium, occursum  
rei gratæ, & iugiter uti his, quibus gaudio affi-  
citur. Imò fortassis iuuabit assidua consuetudo  
cum uiris præstantissimis, & cum his, quos re-  
ueretur. Prohibet enim ægrotum à rebus, quæ  
nocent ei. Iam his si nihil proficitur, non aliud  
superest, quam uti acriter increpentur, & dili-  
genter obseruentur. Curatio quæ medica-  
mentis perficitur, hoc in primis exigit, si corpus  
uniuersum plenitudine laborat, & obscuro quo-  
dam rubore persunditur, statim, & ab initio (ni-  
si decocto aliquo ante ipsam sectionem pro atte-  
nuatione utendum censuerit) à turgētibus uenis  
sanguis ducatur, atque ea primitus uulneretur,  
quæ est dextri cubiti media, nisi altera extrema-  
rū multo appareat torosior, qua ratione ipsam

Curatio.



concisionem postulare uidebitur. Sanguinis copia pro modo uirium, & qualitate cœli detrahatur. Illud quoq; contemplandum censeo, Cordis ne regio diffatione, aut humoris noxijs uacuatione indigeat, tum in sinistrum cubitum uulnus accidat. Quod si hæmorrhoides suppressæ nihil reddunt, nec muliebris fluxus apte decurrit, omni industria, atq; ingenio percurandum erit, ut hæc uasa superuacaneum reuomant. Iam nisi uotis responderint, quæ iuxta talum perlabitur, aut in magno pedis digito cernitur, feriat. Melancholicus sanguis (Auicēna inquit phen quarta primi) frequentem uenæ sectionem desyderat, quam statim alleuiatio sequitur. Vbi uero solum cerebrum uitiosum succum continebit, nulla huiusmodi detractio opus erit, nisi multi, & copiosi sanguinis sit is, quem curas. Deinde alius si astrictior fuerit, neq; diario officio satisfaciat, clystere molliatur, pro hoc modo: & decocti carnis uitulinæ, bagninæ, aut hœdinæ. ℞. j. sacchari rubri ℥. ij. cassiæ recenter euulsæ ℥. j. salis modicum. Alius: & mercurialis, uiolarinæ, altheæ, & maluæ ana. m. j. passutarum exemptis nucleis ℥. ij. glycyrrhizæ ℥. iij. seminis lini, anisi, marathri ana. p. j. furfuris. m. j. coquantur, adde excolato olei uiolarum, anethi ana ℥. j. f. diacatholici ℥. j. Alius: & boraginis, buglossi, f. miterre



miterræ ana. m. j. seminis fœniculi, anisi ana. p. j. caricarum numero. vj. folliculorum senæ ℥. j. coquantur in aqua lactis, & adde colaturæ syr-  
rupi uiolarum ℥. iij. butyri recentis sine sale ℥. ij. uitellum oui crudi unum. Aut oleum per se, ac nudum, sine adiecto infundatur. Post hæc abun-  
dans bilis commoda deiectione uacuetur, quam prius idoneis medicamentis concoquemus. Quip-  
pe quum crassa sit, & pigra, nec admodum tra-  
ctilis, nisi egregiè malassetur, & præmolli-  
atur ante adhibitam uim, minimè obsequunda-  
bit, atque id non prospicientes, nostra incuria ipsum malum exasperabimus, decurrente scili-  
cet liquido, ac tenui, quod in ea erat, reliquum fœculentius, & obscœnius efficitur. Et ob hanc ipsam rationem uigilanter obseruabimus, ne im-  
modice caloricis utamur, ne immodicus calor humori siccaneo siccitatem addat. Humectanti-  
bus autem liberaliter inniti decebit. Apozema paretur pro hac forma: R. florum boraginis, bu-  
glossi, uiolarum, cichorij ana. m. j. summitatis lupulorum, sumiterre, scolopendrij, scabiosæ, ana. m. f. radices buglossi, sparagi, fœniculi ana. ℥. f. glycyrrhizæ ℥. iij. seminis anisi, marathri ana. p. j. passularum mundatarum ℥. j. coquan-  
tur, & bibat huius decocti his quoq; die ℥. iij. Aliud: R. succi endiuizæ, buglossi ana. ℥. iij. succi.

Melancho-  
lia difficul-  
ter euacua-  
tur.



pomorum fragrantium ℥.ij. aquæ scabiosæ. ℥.  
 ꝑ. thymi, melissæ, hyssopi ana. ꝑ. j. radices pæo-  
 niæ, capparum, añ ℥.ij. coquantur, et per fiscum  
 transcoletur, colatura saccharo dulcoretur. Aut  
 conficiatur iuleb in hunc modum: ℞ aquæ bu-  
 glosi, fumariæ, melissæ ana. ℥. ꝑ. syrupi dina-  
 rij ℥.ij. scolopendrij, epithymi ana ℥. j. mellis an-  
 thosati ℥. j. Aut sumat syrupum è corticibus ci-  
 trei, è capnio, circio, radicibus, sine ulla aut de-  
 cocti, aut aquæ distillatæ commistione. Succus  
 iam ex parte aliqua concoctus leui pharmaco  
 subducatur. Veritati non congruit, ut intra pau-  
 culos dies uniuersa morbificæ materiæ moles  
 semel, ac tam repente subigatur. Quare nec sta-  
 tim præforti cathartico commouendam cense-  
 mus, sed sensim, ac paulatim per interualla,  
 prout concoctio succedit, uacuabimus. Confe-  
 rens potio: ℞ seminis anisi ℥. ij. seminis pæoniæ  
 ℥. ꝑ. contundantur, & bulliant in sero lactis, quū  
 ab igne tollitur, in eo etiamnum feruido mace-  
 rentur conseruæ boraginis, buglosi ana ℥. ꝑ.  
 pulueris folliculorum senæ ℥.ij. polypodij ℥. j.  
 rhabarbari, epithymi ana ℥. ꝑ. caryophyllorum  
 ℥. j. ellebori grana. iiij. expressum propinetur.  
 Aut decoctum exhibeatur pro hac forma: ℞ flo-  
 rum cordialium ana. ꝑ. j. radices buglosi, spara-  
 gi ana ℥. ꝑ. passularum mundatarum ℥. j. pruno-  
 rum nu-



rum numero .ix. folliculorum sene 3. vj. corticis myrobalanorum indarum 3. ij. seminis anisi, fœniculi ana 3. j. coquantur, & colaturam bibat cum unica recentis cassiæ. A siccatis myrobala **Myrobala-** nis perraro utor, quoniam quæ apud nos uene- **ni arefactæ** unt in pharmacopolijs pumicæ torridiores exi **inutiles.** stunt. Aut miles ueteranus gallinacei generis diu- tino cursu fatigetur, & betulaceis uirgis, donec spirat, uapulet. Exenteratus in aula fictili disco- quatur, adiectis thymo, citraria, betonica, bora- gine, circio, capnio, uolubili, filicula, sparago, mercuriali, polypodio, sena, & passulis, iuscu- lum id bibatur. Hippocrates ait, thymo & aloe purgato, amaraco, cunila, sero lactis, non eo, quod de caseo remansit, defluxitq; sed quod la- cte cocto supernatat, præsertim equino, quod in ollam nouam, dato, surculoq; ficulneo permisce- to, quumq; ter quaterq; ferbuerit, mulsum ace- tum superaspergito, & percolato, melleq; mi- sto propinato. Ab hac inanitione rursus ea re- uocentur, quæ coquunt, & noxiam materiam adaptant, quo plenius fusiussq; præter ullum in- commodum exhauriatur: & aquæ inulæ, cuscute ana. lb. f. syrupi epithymi 3. ij. è radicibus ab- sinthio ana 3. j. Aut & fumiterræ. m. j. capillo- rum ueneris, scabiosæ, boraginis, buglosi, lapa- thi ana. m. f. radicis dentis leonis, asparagi, bri-



tannicæ ana. ℥. j. radicis serpentariæ, inulæ, corticis tamaricis ana ʒ. iij. glycyrrhizæ ʒ. f. passularum purgatarum ʒ. j. radices aspergantur aceto perquam modico, & omnia deinde coquantur, decoctum bibat addito melle rosato. Purgabunt confectio hamech, trifera, hiera diacolocynthis, pilulæ indæ, fumiterræ, lapidis armeni. pro hac forma: ℞ diasenæ ʒ. iij. confectiois hamech ʒ. ij. diagridij grana. iij. cum diluto fumariæ fiat haustus. Aut ℞ diasenæ ʒ. vj. cum serobubulo sumatur. Aut ℞ diacatholici ʒ. f. pilularum è fumoterræ ʒ. j. ellebori grana. iij. Aut ℞ passularum enucleatarum ʒ. j. polypodij ʒ. vj. hyssopi, cunilæ ana. p. j. seminis anisi, marathri ana. p. f. coquantur, & in decocto macerentur, folliculorum senæ ʒ. iij. epithymi ʒ. ij. excolato adde hieralogodij ʒ. iij. Catapotia formentur in hunc modum: ℞ pilularum indarum ʒ. ij. è lapide armeno ʒ. j. fiant quinq; cum syrupo epithymi. Aut ℞ pilularum aggregatiuarum, ex elleboro ana ʒ. f. formentur quinq;. Valeschus à Tharāta puluerē Haly miris præconijs effert, cuius ly. uerba subijcere præstat: Posito, inquit, quod aliæ medicinæ non ualeant, ista ualet nutu dei misericordis, & est medicina coronata, quæ secretissime teneatur, & amplexetur, ut humanus intellectus quasi deperditus cum hac medicina restauretur: ℞



tur: & epithymi ℥. f. lapidis lazuli, agarici ana  
 3. ij. scammonij 3. j. caryophyllorum numero  
 xx. puluereſcant omnia, & ipſius pulueris ſcri-  
 pula quatuor ſingulis ſeptimanis aſſumat. Non  
 paucis cyaneus lapis in uenenorum cenſu ſuppu-  
 tatur, in ipſius igitur locum armenius ſubſtitua-  
 tur. Quod ſi hæmorrhoides pro conſuetudine  
 non fluant, commodis adminiculis concitentur.  
 Mulieribus uero ſi menſtrua proluuies non ex-  
 currit, aptis medicamentis proliciatur. Hippo-  
 crates ille omniſcius ait: Atra bile uexatis hæ-  
 morrhoides ſi ſuperueniant, bonum. Atq; ite-  
 rum: Infantibus ſi uarices uel hæmorrhoides  
 inciderint, infantiæ ſolutio fit. Galenus in com-  
 mētario de Atra bile ſic habet: Natura ſubinde  
 ſanguinem atro humore uitiatum in crurum ue-  
 nas reponit, ex quo diſtentæ, & ampliores fa-  
 ctæ, uaricoſæ redduntur, & culis ſpacio tempo-  
 ris in huiusmodi uenis nigreſcit. In quibus au-  
 tem ſanguinis, ſed non melancholici, copia in im-  
 becilliores uenas hic emergentes influens, eas  
 incumbendo dilatat, nihil tale accidit, ut in qui-  
 bus melancholicus ſanguis uarices gignit. Peri-  
 culum enim in his eſt, ne ſi uenas affectas incide-  
 ris, melancholia homo corripitur. Atque hoc  
 non raro fieri conſpeximus, non ſolum in uari-  
 cibus, uerum & hæmorrhoidibus, etiam ab hu-

Hæmor-  
 rhoides me-  
 lancholicis  
 utiles.



Caio Mario  
uarix exci-  
sa.

more tali cōstitutis. Caium Marium, qui septies  
consul fuit, ferunt sibi stantem extrahi passum  
uaricem, sed ex uno tantum crure, ex altero re-  
cusasse dicentem, medicinam esse morbo graui-  
orem. Solo tamen finis desiderio, nemo unquam  
salutem est consequutus. Balneis crebro utantur,  
& in natationibus tepentis aquæ frequētes sint.  
Quibus huiusmodi morbos & humido uictu, ac  
boni succi, nullo alio adhibito præsidio Galenus  
se persanasse testatur, ubi nondum in longum  
tempus fuissent protracti, nec altius radices pro-  
misissent. Caput ipsum deraso capillitio fouea-  
tur decocto hagnini capitis, aut uitulini. Aut hu-  
iusmodi paretur: ℞ maluæ, uiolaria, ungulæ ca-  
ballinæ, senæ ana. m. j. florum chamæmeli, meli-  
loti ana. m. f. seminis lini, anethi ana. p. j. f. ra-  
dicis buglosi, liliorum, althææ ana ℥. j. coquan-  
tur hæc in iusculo ueruecinæ carnis, aut hœdi-  
næ. Quod si uigiliæ infestant, adde folia, & ca-  
lices papaueris albi, & hyoscyamum, & nym-  
pheam. Hoc fomento singulis diebus bis aut ter  
caput totum perluatur, & deinde perungatur  
oleo uiolaceo, anethino, susino, butyro recenti,  
axungia uituli, anseris, gallinæ, medulla cruris  
cerui, æsypo, alijsq; id genus. Aut cæratum pro  
hac forma concinnetur: ℞ olei amygdalarum  
dulcium, olei lini ana ℥. j. olei uiolarum, sesami-  
ni ana



ni ana 3. f. axungiae anseris, gallinae, butyri insul-  
si, medullae cruris uituli ana 3. ij. croci 3. f. cae-  
rae albae quantum satis sit.

Cordis praeterea singularem rationem habe-  
re oportet. Quoniam etsi praecipua huius mor-  
bi sedes non sit, eo tamen nexu, ijsq; uinculis  
utrunq; alteri copulatur, ut fieri non queat, quin  
prospera cordis constitutio, secum comitem tra-  
hat eam, quae est cerebri. Saltem id usu uenit, si  
quod uitium alicunde cerebrum contraxit, ab  
ipsius cordis proba temperatura suppetias ex-  
pectat, atq; etiam adiutatur. Quod si cor male  
afficiatur, statim cerebrum quoq; uacillat. Aui-  
cenna (non tam aspernabilis author, si interpres non asper-  
contigisset idoneus, quam hodie petulans quo-  
rundam fastus efflat: Zeno quendam dicentem  
in multis sibi displicere Antisthenem, rogauit,  
num qua haberet Antisthenes, quae iuuarent, Il-  
le respondit se nescire: hic Zeno, & non te, in-  
quit, pudet, si quid ab Antisthene perperam, aut  
minus accurate dictum est, excerpere, ac memi-  
nisse. Si quid recte dictum, id ne animaduvertere  
quidem, nec tenere. Profecto idem morbus nunc  
plurimos habet, qui in aliorum lucubrationibus  
ea tantum deligunt, quae carpant, atq; traducant,  
benedictorum neq; ulla est gratia, neq; memo-  
ria. Galeni candorem imitari debebant, hic Ar-

Cor cere-  
bro com-  
municat.

Auicenna  
non asper-  
nandus.

Galenus can-  
dor.



chigenem non recta docentem sic corripit; ut ipsius authoritatem non solum non eleuet, sed plane commendet, & clara prædicatione excusabilem scribat: libro secundo de Compositione pharmacorum secundum locos ait: Archigenes, si quis alius, ediscere ita medicam speculationem conatus, merito commentarios insignes plurimos reliquit. Non tamen in omnibus, quæ tradidit irreprehensibilis mihi esse uidetur: sed quem admodum ipse à quibus uiris adiutus, præstantissimus euasit, horum multa coarguit, ita & ipsum par est aberrantem, à nobis, qui post eum nati sumus, repræhendi. Difficile enim hominem quum sit, non aberrare à multis, dum alia in totum ignorauerit, alia perperam iudicauerit, alia negligentius scripserit) Auicenna, inquam, prima phen tertij: Spiritus, ait, animalis continuus est spiritui uitali, et ex substantia ipsius. Nec est possibile, ut fiat melancholia absq; communitate cordis: imo fortassis magnitudo causæ in ipso erit ex corde, & propter hoc, necesse est ut consequatur cura cordis cū cura cerebri in hac ægritudine. Magnus quoq; Galenus in eadem sententia totus est, neq; philosophorum quisquam re-clamat. Quapropter quanta opera, atq; industria ualemus, cordis uoletudini prospiciamus. Sed tua interest, pro modo peccantis materiæ, pro lapsus



pro lapsus discrimine, pro habitus uarietate, medicamenta mutare. Hæc literis exactè mandari non possunt, propter numeros, ac proportiones in succorum confusionibus difformiter concurrentibus. Sexus præterea, ætas, uirtus, tempus, re-  
fecta. Nulla doctrina per-  
fecta.   
gio proprias contemplationes deponunt, ut ridiculus planè, ac ineptus cēseri debeat, quisquis id se assequuturum sperat, qui suis in schedis omne punctum absoluat. Quemadmodum impossibile est quenquam ex libris nauclerum euadere, aut militiæ ducem, aut alterius artis consummatum artificem. Sic nec aliquis quātumuis suæ professionis peritus necessarias sequelas, ut nullæ præterea desyderentur, in suis documentis absoluto sermone unquam tradiderit. Minus semper, quàm plena institutio exigit, propter humanam imbecillitatem authores proponunt. Quod Plato apertè testatur in Phædro, & Lucius Columella capite primo libri de Re rustica sic ait: Hos igitur Publi Siluine priusquam cum agricoltatione contrahas, aduocato in consilium. Nec tamen sic mente dispositus, uelut summam totius rei sententijs eorum consequuturus. Quippe eiusmodi scriptorum monimenta magis instruunt, quàm faciunt artificem. Vsus & experiētia dominatur in artibus, neq; est ulla disciplina, in qua non peccando discitur. Nam ubi quid



perperam perpetratum cesserit improspere, uita-  
tur, quod se fellerat, illuminatq; rectam uiam do-  
centis magisterium: quare nostra praecepta non  
consummare scientiam, sed adiutare promittūt.

Lucretius libro primo inquit:

Multaq; praeterea tibi possum commemorando  
Argumenta quidē dictis contradere nostris.

Verum animo satis haec uestigia certa sagaci  
Sunt, per quae possis cognoscere cetera tute.

Namq; canes ut montiu agae persaepe ferai  
Naribus inueniunt intactas fronde quietes.

Cum semel institerint uestigia certa uiui  
Sic aliud ex alio per tute ipse uidere,

Talibus in rebus poteris, caecasq; latebras  
Insinuare omnes, & uerū protrahere inde.

Quinetiam una in hora, uno in morbo medi-  
camentum feliciter operabitur, & in alia hora  
ipsum idem effatu dignum nihil efficiet. Qua-  
re auxilia mutanda sunt, & ingenio peruesti-  
gandum, quod literis reddi non potest. Cordi hu-  
iusmodi epithema applicetur: & aquae buglossi,  
melissae ana. ℥. f. succi pomorum fragrantium  
℥. ij. uini citrei, & malorum granatorum ana ℥.  
j. zedoariae, caryophyllorum, maceris, agallo-  
chi ana ℥. j. rosarum rubearum ℥. ij. omnium  
sandalorum, coralli rubei, utriusq; been, semi-  
nis maioranae, basiliconis ana ℥. j. ambrae gra-  
na. iij.



na . iij . camphoræ grana . iij . moschi granum  
 unum , croci grana . vj . Ab hac irrigatione indu-  
 catur tale linimentum : ꝛ olei rosarum ꝛ . j . olei  
 mentæ ꝛ . f . aceti rosacei ꝛ . ij . specierum ele-  
 ctuarij e gemmis ꝛ . iij . specierum diarhodi  
 abbatis ꝛ . j . camphoræ grana . iij . croci , am-  
 bræ ana grana . ij . Aut sacculus conficiatur  
 in hunc modum : ꝛ florum nenupharis , uiola-  
 rum , boraginis , buglosi , rosarum rubearum añ  
 p . j . melissæ , mentæ , rorismarini , maioranæ ana  
 p . f . omnium santalorum ana ꝛ . f . seminis endi-  
 uiæ , acetosæ , citrei ana ꝛ . j . seminis mari , cuni-  
 læ , basiliconis ana ꝛ . f . fiat sacculus . Malagma  
 pro hac forma apparetur : ꝛ succi pomorum fra-  
 grantium ꝛ . iij . succi mentæ , vini cretici ana ꝛ .  
 j . in his macerentur cortices citrei recentes , pin-  
 sitæ , ab aliquot horulis fiat fortis expressio , ꝛ  
 expresso adde olei rosarum ꝛ . ij . olei uiolarum ,  
 nymphææ ana ꝛ . f . ferueant ad consumptionem  
 succorum , ꝛ adde pulueris rosarum rubearum  
 ꝛ . iij , sandalorum , utriusq ; corallij , spodij ana  
 ꝛ . ij . melissæ , mentæ , thymi , sampsuchi ana ꝛ . j .  
 galliæ moschatæ ꝛ . f . camphoræ grana . vj . cæ-  
 ræ quantum satis sit , expandatur supra alutam ,  
 ꝛ ueletur serico rubro . Interim ijs utantur , quæ  
 lætitiā ꝛ alacritatem gignunt , pauorem ꝛ  
 ignauiam pellunt . Qualia habet plurima , ꝛ



**Auicenna** exquisitissima nobilis Auicēna in suo illo de Vi  
**de uiribus** ribus cordis commētariolo perquā lepido. Ex  
**cordis ele-** quorum censu prædicantur, conserua rosarum,  
**gāter scrip** uiolarum, nenupharis, boraginis, circij, cicho-  
**sit.** reæ, melissæ, calendulæ, anthos, cortex citrei  
 condita, radix helenij, calamus odoratus, myro-  
 balani, diarhodum, dianthos, diambra, diamar-  
 garitum, lætificans Rasis, exhilarans Galeni:  
 aut in hunc modum eclegma cōficiatur: Et aquæ  
 rosarum ℥. iij. succi pomorum fragrantium, ui-  
 ni granatorum dulcium ana ℥. j. sacchari ℥. iij.  
 conseruæ boraginis, buglossi ana ℥. j. bulliant  
 lento igne ad iustam crassitudinem, & adde cin-  
 namomi ℥. ij. margaritarum ℥. j. hyacynthorum,  
 smaragdorum, rubinorum añ ℥. f. utriusq; coral-  
 lij, spodij, rasuræ eboris, cornu unicornis, ossis  
 e corde cerui añ ℥. j. seminis acetosæ, citrei, pæo-  
 niæ, rosarum rubearum ana ℥. j. seminis maio-  
 ranæ, cardamomi, basiliconis, thymi, maceris, ca-  
 ryophyllorum, zedoariæ, croci, spicæ ana ℥. f.  
 amygdalarum purgatarum nume. x. pinearum  
 recentium & lotarum in hydromelle nume. xv.  
 seminum frigidorum mundatorum ana ℥. j. gal-  
 liæ moschatæ ℥. j. ambræ grana. iiij. bracteola-  
 rum auri. xv. myrobalanorum citrinarum, &  
 indarum confectarum, corticis citrei conditæ añ  
 ℥. j. omnia concorporentur in mortario mar-  
 moreo



moreo cum syrupo e menta. Postremum haud inutile fuerit Galeni consilium, factumq; laudasse, qui id malum prospicientes ne quotannis recursitet, prudenter sequamur. Hic commento quinquagesimo septimo libri sexti Aphorismorum Hippocratis, & in libro cui titulum fecit: quos purgare oportet, sic habet: exempli gratia, aliquis singulis annis incidit in melancholiā, nisi purgetur. Et res mira uisu, quomodo morbo inchoate statim homo praesentit primā eius generationem, et ego aduocatus purgo humores atros, & cessat protinus melancholia. Et huic homini ex purgatione ambo haec optima eueniūt, quod scilicet superfluitates expelluntur, & quod ex acritudine eorum, quae excernuntur, paulatim aperitur os uenae, quam uocant haemorrhoida, & per eam etiam excernitur pars aliqua sanguinis uitiosi. Caterum si flatibus distenta hypochondria, & obscenis succis praegnantia hunc morbum pariunt, confestim cogendus est ager, uti uomat, nec ullum remedium hac conturbatione salubrius adhibueris. Quare huiusmodi medicamentum propinetur: & decocti radicis raphani ℥.iiij. syrupi acetosi ℥.j. olei ℥.v. capiat ab epulatione tepidum, quod si procliuius est ad reiectionem detur impasto. Sunt (inquit Aristoteles libro primo de Partibus animalium)

Melancholici singulis annis purgandi.

Curatio melancholiae ex hypochondrijs.



alui fluentioris ea animantia, in quibus longio-  
 ra sunt crura. Sed propensiora ad uomitum,  
 quibus latius est pectus. Idq; tum in quadrupe-  
 dum genere, tum in auium, tum etiam hominum  
 ita esse, magna ex parte perpensum est. Aliud  
 efficacius: & ellebori in linteolo uindicti ℥. j. aut  
 ʒ. f. maceretur in decocto atriplicis, & excolati  
 uncijis quator adde oxymellis ʒ. j. dehinc utatur  
 syrupo acetoso composito cum decocto cicerum  
 rubeorum, aut coquantur in aqua pulegium, cen-  
 taurium, pimpinella, scolopendrium, capillus ue-  
 neris, politricum, radices apij, petroselini, dau-  
 ci, sparagi, rusci, glycyrrhiza, passulæ, semen a-  
 nisi, marathri, seseli, anethi, & decoctum hoc bi-  
 bat cum syrupo acetoso. Aceto non nullus hic  
 datur locus. Cui & obsonia licet intingere, atq;  
 ex eo cepulas edere, & rutam, & capparim, &  
 cretam marinam, & nasturtium, & tarcum, &  
 peganum. Clysteres subijciantur ex centauro,  
 anetho, pulegio, seseli, carthamo, polypodio, se-  
 na. Purgatiuum capiat diacatholicum, diasenam,  
 hieram picram, confectionem hamech, pilulas  
 indas, aggregatiuas. Aut pro hac forma: & dia-  
 catholici ʒ. vj. diasenæ ʒ. iij. scammonij grana  
 iij. Aut & hieræ picræ, confectionis hamech añ  
 ʒ. iij. mellis rosati ʒ. f. aquæ capnij ʒ. iij. sumat.  
 Aut & succi fumiterre ʒ. j. cassiæ recens euul-  
 se ʒ. f.



ſe ʒ. ʒ. pulueris ſenæ ʒ. j. ellebori grana. iij. ſeri  
bubuli ʒ. iij. Aut decoctum paretur pro hoc mo-  
do: ʒ. hyſſopi, thymbræ, thymi, centaurij ana. p.  
j. ſeminis aniſi, marathri, carei ana. p. ʒ. paſſula-  
rum mūdatarum ʒ. j. dactylorum purgatorum  
numero. iij. prunorum numero. vj. glycyrrhi-  
zæ ʒ. iij. coquantur in aqua abſinthij, cuſcutæ,  
& lupulorum, quum ab igne tollitur, in eo ad-  
huc ſeruido macerentur folliculorum ſenæ ʒ. vj.  
corticis myrobalanorum nigrarum ʒ. ij. epithy-  
mi ʒ. j. ellebori grana. vj. excolato adde ſyrupi  
ē fumo terræ ʒ. j. A purgatione abſinthij cremo-  
rem ſæpius ſorbeat: etenim uentris tormenta, ac  
flatuoſas diſpoſitiones diſſipat, lotium cit, &  
concoctionem mirificè adiuuat. In hunc præte-  
rea uſum aceto incoquito cuminum, pulegium,  
rutam, peganum, & uentriculum ipſum ſueto.  
Anethum etiam, & chamæmelum, ſerpillum,  
thymum, uiticis ſemen, lauri frondes, eiꝯq; bac-  
cas oleo & aceto in patella frigito, hypochon-  
drijs admota dolores ſopiunt. Aut ſacculus ap-  
plicetur pro hoc modo: ʒ. mentæ, abſinthij, me-  
liſſæ, maioranæ, pulegij ana. p. j. florum chamæ-  
meli, meliloti, ſtichadis ana. p. ʒ. ſeminis aniſi, ca-  
rei, anethi, ameos, uiticis ana ʒ. ʒ. baccarum lau-  
ri, cumini ana ʒ. j. ſpicæ ʒ. j. fiat ſacculus. Si in-  
flammatio offenſam gignit, uena iuxta talum fo-



diatur, cucurbitulae defigantur, calores compri-  
mantur, & ijs, quae anodyna dicimus, dolores  
sopiantur.

CAPVT DECIMVM NO-  
num de Amantibus.

**A** Morem inter affectus cerebri annume-  
rant medici, qui plerunq; tragico luctu  
in maniam, aut melancholiā definit. Mirabiliter  
mortalium pectora afficit. Quod hi sermone  
credibili denarrare queunt, qui eius iugum ali-  
quandiu pertulerunt. Neq; uana sunt testimo-  
nia, quae ueridici uates passim deprædicant: &  
nos nō pauca de eo diximus in Commentario de  
Arcenda sterilitate, et progignendis liberis. Plau-  
tinus adolescens. lactor, inquit, crucior, agitor,  
stimulor, uersor in: amoris rota miser, exanimor,  
feror, distrahor, diripior, ubi sum, ibi non sum,  
ubi nō sum ibi est animus. Atq; iterū in Cistella:  
Nanq; ecastor Amor & melle, & felle est fœ-  
cundissimus,  
Gustum dat dulcem & amarum, ad satietatem  
usq; aggerit,  
Nam amorem hæc cuncta uitia sectari solent,  
Cura, ægritudo, dolor, nimiaq; elegantia,  
(Hæc non illum modo, qui amat, sed quemcun-  
que attigit



que attigit

Magno atq; solido mulctat infortunio,  
Nec pol profecto quisquam sine grandi malo  
Præterquàm res patitur, studet elegantia)  
Sed amor accedūt etiā ultra hæc, quæ diximus,  
Insomnia, ærumna, error, & terror, & fuga,  
Incogitantia, excors, immodestia,  
Petulantia, cupiditas, & malevolentia,  
Inhæret etiam auuiditas, desidia, iniuria,  
Inopia, contumelia, & dispendium.

Prima rudimenta affectus hic ex uenustioris  
formæ conspectu trahit: quo modo Anchisen ca- *Anchises ca-*  
ptum in hymno Veneri dicato Homerus scripsit, *ptus amore*  
quū ante ipsum staret Iouis filia Venus intactæ  
uirgini magnitudine, ac forma haud dissimilis:  
quā uidēs Anchises perpēdebat, ac admirabatur  
formam, proceritatem, et stupendas uestes. Erat  
enim induta peplo ignis radijs splēdidior, habe-  
bat quoq; flexiles helicas, ac torques fulgidos,  
tenerum collum ambiebant monialia perpul-  
chra, aurea, uariegate: ut luna autem, sic molle  
circum pectus (uisu mirabile) intermicabant.  
Itaq; huiusmodi formæ exuuiæ, uisu semel acce- *Amoris ru-*  
ptæ, intimis præcordijs illabuntur, atq; hæc cir- *dimenta.*  
cum, ut sunt tenues, atq; uolatiles perpetua in-  
quietudine uagantur, & in memoriam assidue  
transcursant, quæ lasciuienti animo satis esse po-



Spiritus  
quid.

terant, & abunde magnum uideri debebat hisce delicijs tacito frui, ac intus sibi sine inuidia carere: nisi & uisuius spiritus instrumentum animæ, oculusq; petulcus suas oblectationes quærent: quæ quidem nullæ constant, nec blandientes pruriunt, nisi sola præsentia expetita figuræ: ea enim quum abstrahitur, simul & amouetur pabulum ignis, quo in ipso spiritu, oculoq; alibilis uiuebat. Quapropter nouum rursus desiderium accenditur, & corpus illud intueri concupiscunt, à quo primitus simulachrum manauit: neq; conquiescunt, donec pro nutu facta sit tangendi copia. Tria profecto in nobis (quod eleganter Marsilius Ficinus in Platonico conuiuio) esse uidentur, ac omnino sunt, Anima, Spiritus, atq; Corpus: Anima & Corpus natura longe inter se diuersa & (quod dicitur) ex diametro distantia, spiritu medio copulantur. Qui uapor quidam est tenuissimus, & perlucidus, per cordis calorem ex amabilissima parte sanguinis genitus, inde per omnium membrorum lacinijs diffusus, animæ uires accipit, nutrit, uehitq;. Idem per organa sensuum imagines, & figuras corporum extrinsecus obiectorum suscipit: quæ in anima propterea figi non possunt, quia incorporea substantia existit. Quæ corporibus præstantior quum sit, nec mutuan habean



habeant congruentiam, ab illis informari nequit, nec per imaginum occurrentium impressionem pingi, sed anima suo spiritui præsens abstractas corporum formas in eo, tanquam in nitido, fidoq; speculo collucentes facile contuetur, perq; illas de corporibus obiectis indicat. Et est hæc eius sensus functio quæ nos communem dicimus, & Aristoteles centro punctoq; circuli respondere uoluit. Nimirum ut ad ipsum centrum, punctumq; medium, ceu ad finem, ac terminum omnibus unum & eundem cunctæ ab omni circumferentia deductæ lineæ colliguntur: sic ad hunc sensum nobis internum externorum sensuum recepta, tanquam ad communem iudicem, atq; censorem undequaq; perferuntur. Neq; gradus hic sistitur, sed hunc proximè sequitur imaginatrix, quæ similes illis imaginulas, multo etiam puriores, & nulli materiæ subiectas sua ui in se ipsa concipit, retinet, asseruat: ut dilapsis ijs, quæ sensus ciebant, illorum tamen uestigia in nobis hæreant, & demorentur. Quam conceptionem, phantasiâ & imaginationem uocamus: per has quidem acies, et inscrutabiles apprehensiones, suprema illa uis, ac regalis potestas (quam cogitatuam, rationatricem, seu intelligentem appellamus) concitatur, & expergiscit ad speculandas uniuersalium re-

Sensus communis centro circuli respondet.

Munus imaginatricis potentia.



**Munus me-  
moratiue.**

**Laodomie  
amantis in-  
genium.**

rum ideas, quas in se afflatu cœlestis numinis cō-  
tinet. Sic unum quidem hominem sensu cernit, et  
inaginatione concipit: intellectu uero rationem,  
ac diffinitionem omnibus hominibus commu-  
nem per innatam humanitatis ideam contempla-  
tur, & ex congruentibus indiuiduis speciem eli-  
cit. Hæc autem contemplata memoratrix exci-  
pit, eaq; ceu fidiſſima tutrix ſeruat, ac condit.  
Meditatio quidem nouam ac recentem memo-  
riam aboleſcētis loco reſtituit. Itaq; animo ſatis  
eſſet, amatum ſemel uidiſſe, & idolum formoſi  
hominis acceptum, memoriaq; collocatum. Ocu-  
lo tamen, ac uiſiuo ſpiritu perpetua corporis  
præſentia opus eſt, ut ſeſe expleant, & continua  
illuſtratione caleant, luceant, radient. Quando  
quidem ueluti terſa ſpecula exiſtunt, quæ obie-  
cti corporis deſluuia excipiunt, & eo diſceden-  
te dimittunt. Igitur iſti propter egeſtatem ſuam,  
& celerem fugam accepti ſimulachri, non ceſ-  
ſant pro caces oblectātis figuræ præſentiam exi-  
gere. Animus quoq; tam importunè laceſſitus  
plurimum his obſequitur, & eandem cogitur  
affectare. Affectus hic amor eſt. Laodomia Pro-  
teſilaum, quum iſ in militiam proficiſceretur, in  
tabula ad uiuum graphidis beneficio ductum cu-  
rauit, ut iconiam imaginem quotidie conſpica-  
ta, abſentis coniugis deſyderio minus torquere-  
tur. De-



tur. Debutadis Sycionij filia, quā sponsi amore  
flagraret, & hic ab ea se aliquantisper diuellere  
statuisset, ne peregrinantis recordatione conta-  
besceret, umbram (ô fœmineum ingenium) ex  
adamati facie ad lucernam in pariete lineis cir-  
cumscripsit, sumpto ex igne carbone.

Amorem inter dæmones Plato reposuit, cu-  
ius genesim in hunc modum explicat: quando na-  
ta est Venus parata conuiuio discubuerunt dij:  
quā cœnati essent, Penia (ea est paupertas) men-  
dicatura cibum, utpote epnlis illic abundanti-  
bus, uenit, & circa fores obuersabatur: Porus  
quidem (is est affluentia deus) Consilij filius ne-  
tare ebrius (uinum namq; nondum erat) Iouis  
hortum ingressus est, & somno grauatus dormie-  
bat. Penia uero inopia compulsa, quo pacto fi-  
lium, quasi quibusdam insidijs ex Poro concipe-  
ret, excogitauit. Quare iuxta illum accubuit,  
Amoremq; concepit. Vnde natus est Amor, secta-  
tor, cultorq; Veneris, propterea q; in Veneris  
natalibusest genitus. Quinetiam natura, pulchri  
desyderio capitur, quā Venus ipsa sit pulchra:  
Quoniam uero Pori & Peniæ filius est Amor,  
huiusmodi sortem nactus est. Principio aridus  
est, et squalidus, nudis pedibus, semper humi uo-  
lans, sine domicilio sine stramentis, & tegmine  
ullo, ad fores in uia sub dio dormiens, naturamq;

Amor in-  
ter dæmo-  
nes.

Amoris na-  
tales.

Amoris cō-  
ditiones.



matris seruans, semper egenus. Secundum uero patris stirpem pulchris ac bonis insidiatur, uiribus audax, et uehemens, sagaxque uenator, noua semper machinamenta contexens, prudentiae studio sus, facundus, per omnem uitam philosophans, incantator, fascinatorque potens, ueneficus, atque sophista. Neque immortalis omnino secundum naturam, neque mortalis: sed interdum eodem die pullulat, atque uiuit, quoties exuberat, interdum deficit, atque iterum reuiuiscit, ob patris naturam.

**Amor duplex.**

Hec Plato. Ceterum neminem ingenij tam retusi existimo, qui non perspiciat hominem ab ipso architecto ex duabus naturis fabricatum, ratione uidelicet, ac sensu: et utrique sua dedisse pabula, fomenta, iuuantia, quibus alerentur, atque proficerent: addidisse praeterea quosdam stimulos, et proleptilia quaedam insertasse ad haec ipsa cognoscenda, et persequenda. Quod quum ita sit, ueritatem hanc adumbrantes philosophi geminum finxerunt amorem, et eum qui rationi adesset, alterumque sensui assistentem. Ille coelestis ueneris sine matre procreatae indiuiduus comes existit, et ad diuinae lucis contemplationem, ac puram, castamque uitam semper attollit, de quo impraesentiarum nullus a nobis sermo proponetur. Hic Veneris est ex Ioue et Dione procreatae pedissequus, nec amplexu quidem indignus,



gnus, quū intra modū se cōtinet. Sed ubi procax  
petulāsq; proiectis habenis, ac deuorato pudore  
exorbitat, infra hominis speciē, ipsum hominem  
deijcit, et ad ferinas, dānatasq; cupiditates impel-  
lit. Quanquā affectui huic tam perditelasciuient  
ti magis congruat, & adaptari debeat furoris  
illud, aut insanīe uocabulum, quā amoris no-  
men magnis, clarisq; philosophis sacrosanctum.  
Eo tamen, hoc in loco inuidiam declinantes ute-  
mur, quo medici quoq; omnes usi sunt. Nec Pla-  
to in Phædro aliud usurpauit: Scire, inquit,  
oportet duas in unoquoq; nostrū ideas esse do-  
minantes, atq; ducentes, quas sequimur, quocūq;  
ducunt: altera quidem est innata nobis uolupta-  
tum cupiditas: altera uero acquisita opinio, opti-  
mi affectatrix. Hæ autem quandoq; in nobis cō-  
sentiunt, quādoq; in seditione ac discordia sunt,  
& modo hæc, modo altera peruincit. Quando  
igitur opinio ad id, quod optimum est, ratione  
ducit, ac superat. Hæc ipsa uiuendi potestas, tem-  
perantia uocatur. Quando uero cupiditas absq;  
ratione ad uoluptates trahit, nobisq; imperat,  
imperium hoc libido uocatur. Libido autem  
quum multiformis sit, multas utiq; appellatio-  
nes habet, & harum formarum quæ maxime in  
aliquo exuperat, sua illum appellatione nomina-  
tum reddit. Nec ullum suis decorum, aut dignum



tribuit cognomen. Circa cibos enim superatrix rationis, & aliarum cupiditatum cupiditas, ingluuius uocatur, & eum, qui hanc habet, hac ipsa appellatione nuncupatum reddit. Rursus quæ circa ebrietatem tyrannidem exercet, & eum, quem possidet, hac ducit, patet, quod habebit cognomen. Atq; alia horum germana, & germanarum cupiditatum nomina, ubi aliqua maxime dominatur, quomodo ponenda sint, manifestum est. Nam cupiditas absq; ratione, quæ superat opinionem ad recta tendentem, rapitq; ad uoluptatem formæ, & à cognatis cupiditatibus circa corporis formam uehementer corroborata peruincit, & superat. Eros (hoc est amor) uocatur. Hæc Plato, magnus sapientiæ antistes. Eros igitur procax petulansq; demon inter mortales uersatur, et singulis sese insinuat, neminemq; auersatur. Non omnes tamen pari ardore, ac ignitis æquè spiculis incēdit. Sed alios, atq; alios numinis sui cōsortes magis, magisq; facit. Haud ignauus censor deligit, quos ad sui cultum promptiores fore animaduertit, eosq; imprimis adortur, in quibus splendida bilis (æthereus humor) dominantur. Deinde eos aggreditur, in quibus succus purpureus (humor aëreus) regnat. Ab his impetit illos, in quibus liquida pituita (aquæ rationem tenens) superfluit. Postremum ut per omnia ele-

Eros nemi-  
nem auer-  
satur.



nia elementa beneficus uagetur, ijs munificum se præbet, quos atra bilis (terreus humor) firmat. Iam quæ stipēdia suo satellitio è plenò copię cornu largiatur, paucis demonstremus. Profecto quos semel sibi in militiam ascripsit, & in misera seruitutis iugum uiolentus pertraxit, recta in certum uitæ discrimen adigit. Nimirum exuccos, atque macilentos efficit, squalidos & aspernabiles reddit, elumbes ac impotentes dimittit. Vti examines tandem, ac deformes potius laruæ quàm homines aspectantibus appareant. Quis non meridiana luce conspectius uidet, omnino esse æquum, ut ea tandem omnia funditus retorrescant, quibus proprius humor perpetuo succu exorbetur, neq; aliunde alius in extracti locum suppediatur. Natura quidem imbecillior est, quàm quæ in duas partes restibilis sufficiat, aut quæ geminis simul functionibus par esse queat. Sed quum in unam partem pronior incumbit, necessum est in alteram obtorpeat. Quando igitur tota amantis intentio efflictim uersatur in amati prosequutione, consentaneum est & illuc uniuersum naturalis dispositionis robur transferri. Est autem huiusmodi robur in spiritu, sanguinisq; calore. Quibus uenterculus destitutus (utpote distractis, peregreq; uagentibus) cibum negligenter appetit, & si quis ingeritur,

Amoris stipēdia.



Siccitas ad  
uersa est cre  
mento.

hunc ipsum infelicitè concoquit, & minima  
pars concocti hepar, sanguinis officinam subit,  
& pars maxima in purgamenta secedit. Iam nec  
hepar suo satis officio fungitur, nec quantulam  
accepit particulam in sanguinem prorsus con-  
uertit, ob eandem explicatam causam (roboris  
scilicet distractionem). Ergo membra egestatè,  
ac penuria alibilis succi emacrescunt, squalent,  
adarescunt. Quemadmodum hoc ipso Maio pro-  
pter imbris paucitatem, quicquid in hortulo no-  
stro à factò seminio herbescit, caputq; attollit,  
nequaquam roborescit, aliùs uè assurgit, sed exi-  
le, tenue, gracileq; languescit. Præterea quanto  
affectus animi flagrantiores æstuant, tanto plu-  
ribus egent hi spiritibus, qui addurent, ac suffi-  
ciant designato operi. Qui quum sint turba fu-  
gax, & uolatilis, ocyssime disparent, assiduoq;  
labore soluti dissipantur. Quare subans anima  
si exorsam telam detexere uolet, nec ab inchoa-  
to studio, aut fatigata, aut restituta resilit, neces-  
sum erit subsidiarios milites et nouos iterum spi-  
ritus, atq; iterum nouos præsto & accinctos ac-  
currere. Qui cum in cordis regia, uitæ sede, ex  
limpidissima sanguinis parte fabricantur, pro-  
fecto opus erit inexhausto ac perpetuo fonte, ex  
quo perpetim scaturiant recentes in defuncto-  
rum locum. Et quum ex his crebris, longisq; ema-  
nationibus



nationibus subtiliores, & lucidiores sanguinis partes tandem absumuntur, nemo non uidet quàm pars reliqua cœnum contrahat, & crassa, & lutulenta, & inamœna euadat. Quumq; pro succis (attestante Galeno) intus cubantibus colores, habitusq; corporis existant: non mirum, si decolores amantes appareant. Ex his ipsis minime operosum fuerit colligere, cur sæpenumero merceant, suspirent, gemant, lamententur, plorent, eiulent, uagentur, turbentur, nusquam consistant, non conquiescant, aliena, ac male coherentia loquantur, desipiant, delirent, insaniant, seipsos confodiant, iugulent, interimant. Quippe hæc omnia ex atra bile sobolescunt, quam manifesta ratione in his ex crescere docuimus, Hac ergo perciti luctuosas tragœdias ædunt.

Curatio.

Huius tam magni & poenitendi affectus per Iouem haud leuis, facilisq; curatio existit, non negligenter tractandus, quia hominem in extremum discrimen coniicit. Venenum est tam pellex, & illici dulcore tinctum, ut melleum fel dici queat. Neq; is, quem inescavit (quod non modicam difficultatem addit) pestilentem amarorem sentit. Optimum sane remedium, & longè efficax Optimum  
cissimum in mali fuga consistit. Qui ambulat in fuga re-  
cta picem, inquinabitur ab ea. Mulierum ergo medium.  
consortia, præcipuè lasciuientium, uitare oportet.



tet, memores uerbi sapientis: qui amat pericu-  
lum peribit in illo, Lucretius ait libro quarto:  
At qui in amore mala hæc proprio, summæque  
secundo

Inueniuntur, in aduerso uero, atq; inopi sunt  
Pendere, quæ possis oculorum lumine aperto  
Innumerabilia, ut melius uigilare sit ante  
Qua docui ratione, cauereq; ne inliciaris  
Nam uitare plagas in amoris ne iaciamur,  
Non ita difficile est, quàm captum retibus ipsis  
Exire, & ualidos Veneris perrumpere nodos.

Quod si quem minus prouidum, fortem ue  
insanus amor corripuerit, & is sentiat per inti-  
mas medullas incendium grassari, ac formidan-  
dum sit, nisi protinus succurratur, ne ludibrium  
populo fiat, aut grauiorem aliquem morbum  
contrahat, nullum præsidium uel Æsculapius  
ipse commodius attulerit, quàm ut amanti cedat  
amatum et pariter torulo bini iungantur in uno,  
et pulchro detur Æneæ Lauinia coniunx. Nem-  
pe istæc copulatio, in fluorem resoluta tentigi-  
ne, ardorem mirabiliter restinguit, & morbum,  
si quis oriatur, repente comprimit. Antigonus  
rex cum accepisset filium lecto affixum agrota-  
re, ad cum uisendum paternæ charitatis cæstro  
percitus accessit. Quumq; ante fores cubiculi  
peruenisset, formosissimum scortum (cuius amo-  
re fi-

Antigoni se-  
stua filij in  
crepatio.



re filius tenebatur) offendit, tum ingressus Antigonus postquam decumbentem salutauerat, et iussisset bona spe, fortiq; animo esset, brachium corripiciens arteriarum pulsus scrutabatur. At filius meliusculum se habere ait, quandoquidem paulo ante febris discessisset. Hic molliter arri-  
dens rex, Verum, inquit, ais o fili, ego enim eam pro foribus cubiculi inueni, festiue significabat se patrem intelligere, quid morbi filium affligeret, et quo remedio alleuiatus fuisset. Lucretius  
seipsum. cō-  
fecit. Lucretius Epicureus philosophus, omnium amatorculo-  
rum infelicissimus (hic amore primum, deinde in  
sania uexatus mortem sibi consciuit) nimisquam  
eleganter cecinit libro quarto:  
Sed leuiter poenas frangit Venus inter amorem,  
Blandaq; refrenat morsus admixta uoluptas,  
Namq; in eo spes est, unde est ardoris origo,  
Restingui quoq; posse ab eodē corpore flammā,  
Nam cibus, atq; humor mēbris absumitur intus,  
Quæ quoniam certas possunt obsidere partes,  
Hoc facile expletur laticum, frugumq; cupido,  
Ex hominis uero facie, pulchroq; colore,  
Nil datur in corpus præter simulachra fruēdū,  
Tenuia, quæ uento raptat spes sæpe misella,  
Ut bibere in somno sitiens qui quærit, et humor  
Non datur, ardorē qui mēbris stinguere possit,  
Sed laticum simulachra petit, frustra q; laborat,



In medioq; sitit torrenti flumine potans,  
 Sic in amore Venus simulachris ludit amantes,  
 Nec satiare queunt spectando corpora coram,  
 Nec manibus quicquā teneris abradere mēbris  
 Possunt, errantes incerti corpore toto.  
 Deniq; cum membris conlatis flore fruuntur  
 Ætatis, iam tum præagit gaudia corpus.  
 Ast in eo' st, Venus, ut muliebria conserat arua,  
 Affigunt auide corpus, iunguntq; salius  
 Oris, & inspirant pressantes dentibus ora.

Demetrii fi-  
 lium seruat  
 Erasistratus.

Nec alio ingenio seruare potuit Erasistratus  
 Antiochum Demetrii filium: quippe quum patri  
 mentem filij indicasset, qua mori consluerat, si  
 mulq; fassus esset huius offensionis causam esse  
 amorem: Demetrius, qui adolescētē unice ama-  
 bat, per omnia multis cum lachrymis cœpit ob-  
 testari, ut illius incolumitati cōsuleretur. Quum  
 Erasistratus indicasset immedicabile malum esse,  
 quod in ipsius uxorem deperiret. Hoc audito De-  
 metrius multo uehementius cœpit obtestari, ut  
 ob salutem filij cederet illi suam coniugem. Ista,  
 inquit, ô pater tibi facile dicuntur, sed aliud di-  
 ceres, si tuam coniugem Stratonicen adamaret.  
 Hic quum rex comprecaretur, ut liceret amo-  
 rem filij cōmutare, et à medici coniuge in suam  
 transferre, nihil se non facturum clamabat, si  
 modo liceret seruare filium. Erasistratus patris  
 dextram



dextrā amplexus: Nihil est, inquit, ô rex, in quo iam Erasistrato indigeas: etenim quum pater sis, & maritus, & rex, optimus eris tuæ familiæ medicus: nō enim in coniugem meam, sed in Stratonicen tuam Antiochus deperit. Post hæc Demetrius edixit, ut Antiochus rex, Stratonice, quam filio cessit, regina nominaretur. Et tu uide præsentaneum insolentis amoris remedium. Iam ut illud obiter annotem (si te huius sermonis nō tædet, qui & utilis est, nec amœnitate caret) quo pacto affectus hic Erasistrato innotuerit. Galenus narrat Prædictionum Hippocratis libro primo, commento decimo, in hunc modum: non Erasistratus uidens coruos, aut cornices uolantes depræhendit adolescentis amorem, nec (ut quidam dixerunt) amatorum pulsantes sensit arterias adolescentis: nullus enim pulsus proprius amoris est, sed quemadmodum apparuit interdum etiam mihi iniicienti manum uolæ ægri, muliere uero quadam uisa domi, statim iniquus pulsus, atq; inordinatus euasit: paulo uero post ad habitum naturalem simul recedente muliere uisa, redijt. Ita enim mutatus pulsus communem quendam significat perturbationis affectum in animo fuisse ægotantis. Perturbationem uero talem interstingui conueniet ex ijs, quæ dicuntur ab eo, pariter & uidentur. Etenim rursus di-

Erasistrati  
industria.



Amor in  
plures di-  
stribuendus

Etis quibusdam pulsus uertitur ad iniquitatem,  
perturbato agro, ob ea quæ audiuit. Sed non o-  
mnibus Iupiter idem, nec expectationi semper  
sors prospera fauet, ut pro uotis in nostros cas-  
ses præda petita cadat. Quare proximum fue-  
rit hunc affectum (si fieri queat) in aliam trans-  
ferre, qua cum prædulces liceat transigere no-  
ctes, aut pluribus sese insinuet. Solet profecto a-  
moris distributio, et in plussculas secta propen-  
sio minus hominem urere, nec tantis curis confi-  
cere. Quãdoquidem ad hunc modum amantibus  
hoc plerumq; usuuenit, si à ferocula quapiam in-  
clementius accipiantur, à benigniore, quod se-  
ctantur, impetrant. Quibus si incendium lympi-  
disimi fontis aqua reslinguere non datur, incom-  
modum tamen uitant infusa turbulentiore. Ho-  
ratiu8 habet:

Num tibi quum fauces urit sitis, aurea quæris  
Pocula? Num esuriens fastidis omnia? præter  
Pauonem, rhombumq; : tument tibi quum in-  
guina, num si  
Ancilla, aut uerna præsto est puer impetus in  
quem  
Continuo fiat, malis tentigine rumpi  
Non ego, namq; placabilem amo uenerem, faci-  
lemque,  
Quæ neq; cūcletur (postq̃ est mihi iussa uenire)  
In saltu



In saltu uenatores quum grandem uastamq;  
feram persequuntur, & magno studio anhelan- Compara-  
tes incumbunt, qui eam suis uenabulis transfo- tiones non  
diant: hæc si astu, aut celeritate periculo se sub- inelegantes  
trahat, & coruos deludat hiantes, si in minorem  
incidunt, ne dulci omnino laboris precio fru-  
strentur, in hanc protinus excurrentes tela ob-  
uertunt, cuius cæde cupiditas prædæ mollitur.  
In pisculento pelago, qui capturæ retia oppan-  
dunt, si thunnos nequeunt, aut xiphias, sturio-  
nēs ue irretire, rhombos, mullos, lupos auferen-  
tes haud inanem fuisse operam gloriantur. In  
hac est sententia Ouidius artis amandi doctor,  
qui sic habet:

Hortor & ut pariter binas habeatis amicas,

Fortior est, plures si quis habere potest.

Secta bipartito quum mens discurret utroq;

Alterius uires subtrahit alter amor.

Pasiphaes Minos in Prognide perdidit ignes,

Cessit ab Idea coniuge uicta prior.

Amphilochi frater ne Phagida semper amaret,

Callirhoe fecit parte recepta tori.

Et Paris Oenonem summos tenuisset in annos,

Si non Oebalia pellice lesa foret.

Coniugis Odrysio placuisset forma tyranno,

Sed melior clausæ forma sororis erat.

Quid moror exemplis, quorū me turba fatigat,



Successore nouo uincitur omnis amor.

**Amantium  
morbus ut  
pruritus sol-  
uitur.**

Quod si rem lubet acu tangere, iusta q; trutina librare, comperies hunc morbum haud aliter solui quam pruritum, cuius & quidam modus, species q; uidetur. Aristoteles Problemate decimoquinto, tomi quarti, inquit: Prurigo secessio est humoris spirituosius contra naturam inclusi: genituram uero secessionem humoris huiusmodi esse ad rem naturalem constat. Quum igitur uoluptas similis in libidine, atq; in prurigine sit, efficitur pariter, ut uniuersum corpus gestiat. Cuius porro ardoris, quem prurigo excitat, molestia non cessat hominem infestare, nisi tabidus sanguis, qui uredinem, & scalpendi necessitatem gignit, uel per fossa uena, uel ad motis cucurbitulis uacuetur. Sic amantium illa inquietudo, & rabiosa in uenereos coitus tentigo non soluitur, neq; consilescit, donec turgens e uenis sanies excernatur. Excretio quidem aut lenit, aut prorsus

**Soporati  
non nun-  
quam uene-  
rem som-  
niant.**

tollit aegritudinem. Non nullis accidere consueuit, quum ipsis soporatis illa nimium adamatæ Veneris umbra sese insinuant, ac sensibus inter- nis obuersatur, ut non aliter, nec minore quidem ardore afficiantur, quam si ipsum corpusculum concupitæ nymphulæ completerentur. Ex qua plerunq; agitatione riuulos suos genitalia laxant, & humorem petulum euomunt, à qua sta-  
tim



tim excretionē feruor cōmitescit. Huius rei fidē  
facit q̄ adolescens quidā in Ægypto Theogni- Theognidē  
dem amicam efflictim deperibat. Illa quū ab ho- amabat ad  
mine (quem sui amore irretitum uidebat) multū lescens.

auri quotidie peteret: forte euenit, quum adole-  
scenti uisum in somnio esset, cum ea muliere cō-  
misceri, omnis illa cupiditas, qua antea uexaba-  
tur, extincta penitus euanuit. Quod quidem ubi  
animaduertit Teognides, ob libidinem eius ex-  
pletam, ab illo præsensem mercedem poposcit.

Quam quū pertinaciter negaret, nec uellet an-  
numerare, adolescentem in iudicium traxit. Au- Bocchoris  
dita controuersia Bocchores iudex, subito ius- iudicium.  
sit hominem numerati auri, quantum illa popo-  
scerat, in uase quodam afferre, atq; deinde suis  
manibus spectante muliere aurum hinc inde uer-  
sari. Debere enim censuit, quemadmodum ado-  
lescens concupitæ rei opinionem habuerat, sic  
mulierem exoptati auri fulgorem, imaginemq;  
referre. Hoc iudicium Bocchoris, quum plures  
comprobassent, ut iniustum atq; iniquum ea ra-  
tione damnassee Lamiam Demetrii scortum per- Lamia De-  
hibent. Quia quum somnium illud adolescentis metrii scor-  
desyderium suslulisset, non tamen auri ful- tum.  
gor Theognidis cupiditatem restinxerat. Profe-  
cto Lamiae Aristoteles adslipulari uidetur, qui  
nono Æthicorum sic habet: Est enim simile, ac



si nihil fieret, cum non id assequitur, quod affectat. Quale fecit, & qui cytharedo pollicebatur, quanto melius cantaret, tanto se plura daturum. Postridie uero reposcenti promissa, uoluptatem reddidisse dixit pro uoluptate. Si igitur uterq; hoc affectaret, satis utiq; haberet, sin uero ille uoluptatem, hic lucrum affectabat, & alter habet, & alter non habet, non bene sese habet ipsa societas. Primū ergo in fuga remedium consistit, & obfirmandus est animus contra huius insanie funestas illecebras, neq; lasciuia ditis, factis uē impudicis dandus est locus. Zeno-  
 Aum, & re simul & Cleantes quum assiderent Cheremoni-  
 sponsum. dae, senties ille affectum amoris, surrexit. Id  
 admirante Cleanthe, Eriam inquit, à bonis medi-  
 cis audio, aduersus inflationes optimum reme-  
 dium esse quietem. Sic surgens periculo se sub-  
 duxit. Deinde, si malum quempiam corripiat  
 amato iungatur, aut ne altius radices figat, co-  
 gatq; insanire, multifarijs grauibusq; curis im-  
 plicetur, in metu & labore frequens sit, ocia fu-  
 giat, exercitia sectetur. Queritur Ægysthus  
 quare sit factus adulter, in promptu causa est,  
 desidiosus erat. Homerus in hymno Veneri di-  
 cato: Tres, inquit sunt deæ, quarū animum fle-  
 scere, suaq; fraude conuellere haud quaquam po-  
 tis est, nempe Cesium, Mineruam, Iouis filiam.

Non



Non enim illi aureæ Veneris placuere opera, sed bella semper, ac Martis opera grata sunt, præliaq; & pugnae, ac res tractare splendidas. Neq; unquam uenatoriam, atq; aureo insignem arcu Dianam in in amore domat, ridens Venus, ete- Diana.  
nim hanc iuuat arcus, montesq; ferarum cæde inficere, & cytharæ, choreæq; atq; sublati clamores, & opaca nemora. Nec unquam ueneran- Vestæ.  
dæ nymphae Vestæ opera Veneris accepta fuisse. Magnum enim iurauit iusiurandum, quod sane perfectum est, Iouis patris caput tangens, ut perpetua uirginitate frueretur diua dearum. Harum seducere animum non potest, ac in suam transdare sententiam Venus. Verum inter alios nemo est, qui Venerem fugere queat, neq; deorum, neq; hominum. Itaq; animus sic componendus est, ut nullis artibus uincatur, & in uarias curas distrahendus, ne occasio uictoriæ detur. Si quisquam læsus fuerit, nunquam solus sit, inter eos uersetur, quos obseruat, ueneratur, colit, & offendere metuit. Hi salutaria suggerant, & recta admoneant: subinde obiurgent, increpent, probrisq; absterreat. & eum esse paterni fundi calamitatem impingant. Adamatam uel ueris, si sunt, uel commentitis, si profuturæ credantur, contumelijs onerent. Auicenna ait. Et ex eis, quæ ad illud iuuant, est, ut narrent uetu-



la formas eius, quod diligitur, cum similitudini-  
bus foetidis, & assimilent membra faciei cum  
narrationibus horribilibus. Hæc enim sunt ipsa-  
rum opera, & sunt prudentiores in hoc uiris,  
nisi mollibus, his profecto inest ars non breuior  
arte uetularum. Balneis, & sudationibus cre-  
bro utatur, sanguinem sæpe minuat, Vinum fu-  
giat. Vetus est cantio: Sine Cerere, et Baccho fri-  
get Venus. Ebrietas quidem ijs incommoda non  
est, sed inimica uinositas, de qua Ouidius belle  
secinit:

Quid tibi præcipiam de Bacchi munere quæris  
Spe breuius monitus experiere meos.

Vina parât animos Veneri, nisi plurima sumas,  
Et stupeant multo corda sepulta mero.

Aut nullas ebrietas, aut tanta sit, ut tibi curas  
Eripiat, si qua est inter utrumq; nocet.

Cibus esto bene alibilis, sed parcus. Auerantur  
bulbos, erucam, fabas (quibus abstinebant sacer-  
dotes Ægyptij, ut caste uiuerent) salē quoq; et  
quicquid uenas flatu distendit, & quicquid san-  
guinem incendit. Apollo quum grande conui-  
uium Iunoni nouercæ in domo patris Iouis ap-  
parasset, & ipsa auide comedisset lactucas agre-  
stes, factum est, ut uiscera eius commouerentur,  
& ex illis conciperet, quum usq; in id temporis  
sterilis extitisset, peperitq; Heben. Quæ ob for-  
ma spe-

Apollinis  
conuiuium.



mæ speciem ab Ioue constituta est pincerna. Sed  
 heus ferme tacitus præterijssim remedia, quæ  
 Crates Thebanus amantibus præscripsit in hūc Crates The  
 modum: amori medetur fames, sin aliter tēpus, banus quæ  
 quod si nec his uincitur, laqueus. Nulli dubium remedia  
 est, quin luxus alat amorem. Sapientis dictum scripserit  
 est, præstat ire in domū luctus, quàm in domum amantibus.  
 conuiuij. Porro tempus aut omnia tollit, aut cer  
 tè mitigat. Inde illud natum est: Dies ægritudi  
 nem adimit. Quæ remedia si nihil prosunt, &  
 immedibile appareat malum, superest restis, ut  
 ipsum suspendio finias. Iphis puer liberali admo  
 dum specie, quum Anaxaretē puellam incredi  
 bili amore prosequeretur, neq; eam in obsequi  
 um flectere posset, laqueo collum implicuit, atq;  
 onus infelix elisa fauce pependit. Vetusissimi  
 poetæ aiunt Leucatū æditam, præruptamq; pe  
 tram in Leucadia esse, in qua Apollinis fanum  
 cernitur. Illic etiam præcipitem saltum esse di  
 cunt, qui ad sedandos amores plurimum ualet,  
 ex quo Cephalum primū saltasse tradunt, quum  
 amore Ptarolæ Degeneti filiæ impatienter arde  
 ret. Menandro autem Gethæ uidetur, quod Sa  
 pho Lesbia Phaonis desyderio perculsa omniū  
 prima defilierit, cuius hi sunt uersus:  
 Præruptam nacta in transitu petram  
 Cupidinis æstro percita, è summo præceps ruit

Iphis puer  
 se suspendit

Cephalus  
 ex præru  
 pto saxose  
 dedit.



**Cacodæmo-  
nes sese uo-  
luptarijs in-  
sinuant.**

Ex animi tui sententia rex imperioſe.  
Incredibile eſt, quàm familiares ſeſe inſinuēt uoluptarijs cacodæmones. Ipſorum corpora haud aliter inuolant atq; euolant, quàm ſoleant apiculæ aluearia. Dæmonibus (inquit Porphyrius in libro, quem de Oraculis inſcripſit) prauis reſerta ſunt corpora hominum, illorum præcipuè, qui delicatis uſcuntur edulijs. Veſcentibus enim nobis aduolitant, in hærentq; corpori. Hanc ob rem ieiunium, pudicitiaq; impendio probantur. Nō quod iſtis deus bonus placetur, ſed quod faceſſant illi, qui ut ſanguine, & immundicia, quibus gaudent, fruuntur, corporibus utentium ſeſe inſinuant. Compertum enim eſt, quod uehemens fluxarum rerum libido, & appetentis ſpiritus impotentia, non aliunde, quàm iſtorum præſentia maxime accreſcit. Proinde ſi quando plus nimio inflammatur cupiditas, & uoluptatis ardor, adeouſq; exagitat animum, ut cogitatus omnis ad externa uagetur, tunc dæmones tales præſto ad eſſe intelligas. Horum enim præſentia ſpiritus appetitiuus in corpore noſtro multiplicatur. Porro genus hoc dæmoniorum (iuxta ſeruatoris uerbum) non eiſcitur, niſi precatione & ieiunio. Igitur oremus, & ieiunemus, ne nos corripiat, & obſideat Sathan.

Caput



## CAPVT VIGESIMVM

## de Ebrietate.

**D**E ebrietate nullus mihi futurus erat sermo, quum ad eam curandam nemo medicus hodie accersatur. Authores tamen aliquot non in celebres, quin Hippocratem ipsum huius uitij in suis Commentarijs meminisse comperio, & Galenus in eo, qui est de Remedijs, facile parabi ibus dignatus est mederi doloribus capitis ex temulentia obortis. Quare nos quoq; huic rei temporis dragmulam succidemus. Nec hoc in loco ebriosos (quod alibi fecimus, neq; a quoquam, quamuis deserto satis fieri potest) destomachabor, sed aperiam paucis, & salutaria quaedam conferam ad commitigandos fluctus intra uiscera tumultuatis uini, si quis id forte incauius, aut etiam insolentius ingurgitauit. Neque statim omnes æquè tentantur, sed alijs alij Ebrietas nē celerius. Plato in Cōuiuio Alcibiadē sic loquen ex æquo otem facit: ego bibēdi principē, donec satis biberi mnes corri tis, me uobis propino, ferri iube Agatho, si quod pit. est amplum poculum. Sed nil opus est, imo feras huc, uas illud, quod plures quàm octo pateras capere uidetur. Quū uas impleuisset, prior ipse bibit. Socrati deinde infundi iussit, & ait: Socrates bi aduersus Socratem, ô conuiuæ hoc dolo nihil bax. promoueo



Qui facile  
à uino supe-  
rantur.

Ebrietatem  
concomi-  
tantia.

promoueo, quantumcunq; quis iusserit, ebibet, nec ebrium unquam uidebitis. Socrates quum in sudisset puer, bibit. Superantur autem à uaporibus uini facile, quibus cerebrum est imbecillum & uenter æstuosus, quiq; rarius poculares concertationes celebrant. Aristoteles author est, senes maximè, mulieres minimè temulentia tentari. Cuius rationem naturarum contrarietatem existimare licet. Nimirum foemina quum humectissimo sit corpore, (quod & lenitas, splendorq; cutis, mollities, raritasq; corporis docent, nec minus menstruae purgationes humoris exundantiam ostendunt) Vinum ergo in hunc fluuium, oceanum uè cadens, uim suam ac potestatem edomitum exuit, fit quoq; dilutius, nec facile cerebrum ferit. Contra senibus corpus est aridum, ac siccum, (quod asperitas, & squalor & durities cutis, artuumq; difficilis inflexus commonstrant) quare celerius à uini feruore corripuntur. Non est alius præter hunc affectus, qui tot, tantaq; symptomata effundit, nullum in hoc membrum sibi constat, cuncta ab officio recidunt. Caput foedis exhalationibus dirumpitur, cerebrum uertigine tentatur, oculi torquentur, aures undoso spiritu crepant, lingua uacillat, sermo futilis, oris halitus teter, stomachus subuertitur, & reijcit putridam saburram, cordis



ram, cordis palpitatio, manuum inepta, & insana gesticulatio, pedum incertus lubricusque gressus, inquietas nocturna, turpes ronchi, furiales somni, mentis excessus, & (quod dicere pudeat) alui, ac uesticæ spurcissima solutio, ut in hac eluue (quemadmodum in cœno lutulentæ sues) persæpe uolutantur. Adde subitariam non nunquam mortem (quod est luctuosissimum) pulmones obstruente potu, incidere. Auicenna inquit phen tertia primi: Vehemens repletio in qualibet dispositione est pernecabilis, siue ex comestione, siue ex potu. Quot namque homines superfluè se repleuerunt, & suffocati sunt. En candide lector, æquitatem tuam appello, si in plusculos dies hic tam bellus & amœnus habitus porrigeretur, quis de furore, aut hoc etiam nequiore morbo dubitauerit. Quis non mallet perpetuo abstemius undam potitare, quàm ad eum modum uino madere? Profecto illud præstaret, nisi parum mentis quis habeat. Omnino insanus delirat, qui in alia est sententia, & flagitium tam inhumanum non uitat. Aetius uir in medicina celebris, inter manias ebrietatem annumerat. Mania, ait sine febris efficitur, plurimo sanguine incorrupto ad cerebrum fluente, interdum temperato, & exundantia tantum lædente, ut in ebris solet. Cambyses regem nimis u-

Cambyses  
rex quid de  
signauerit  
ebrius.



no deditum quū admoneret ex charissimis unus,  
 ut parcius biberet, turpem esse dicens ebrieta-  
 tem in rege, quem oculi hominum, auresq; se-  
 querentur. Ad hoc ille, Vt scias, inquit, quemad-  
 modum nunquam excidam mihi, approbabo  
 iam, & oculos post uinum in officio, & manus  
 permanere commonstrabo: bibit deinde libera-  
 lius quā alias capacioribus cyphis. Et iam gra-  
 uis, & uinolentus, ac uiolentus obiurgatoris sui  
 filium procedere ultra limen iubet, alleuataq; si-  
 nistra supra caput, staret. Tunc intendit arcum,  
 & ipsum cor adolescentis (id enim se petere di-  
 xerat) figit, recisoq; pectore hærens in ipso spi-  
 culum ostendit, ac respiciens patrem, an satis  
 certam haberet manum, interrogauit. Quæso  
 te candide lector, nū hoc clarū et insigne facinus  
 longe superet omnē uel atrocissimæ maniae ne-  
 quitiam. Lacedæmonij uiri sancti, quum uernas,  
 mancipia uē inebriari contigisset, illos extrahi  
 iuebant, & temulentos mensis sisti, in quibus  
 ipsi patres cum liberis suis discumbebant: uti te-  
 nera, & incorrupta ætas à simili ingluuie ab-  
 sterreretur, quando horrenda hæc, & prodigio-  
 sa spectra tam poenitendis modis delirare con-  
 spicerent. Magna profecto uirorum sapientia,  
 qui exemplis uiuis primam iuuentutem erudi-  
 rent. Dicibile non est, quantam potestatem ha-  
 beat præ-

Lacedæmo-  
 niorū mos.

Viua exem-  
 pla quid  
 possint.



beat præsens obiectio eius flagitij, quod odio, et detestatione dignum existimatur. Efficacius, dico, permouent, ad nefarij sceleris fugam huiusmodi exempla, quàm sine his nudæ, quâ tumuis elaboratæ uituperationes. In anniuersarijs olim, & solennibus pompis cum cæteris ridiculis, et formidolosus imaginibus Manduci effigies ire solet, grandibus inflatisq; buccis ac late dehiscens, ingentem quoq; dentibus sonitum crepans. Quo pueri tam fœdam, & inamabilem speciem contuentes ab ipsa crapula abstraherentur. Nec Galenus aliter in iræ (teterrimi uitij) odium peruenit. Is in libro de Propriorum affectuum agnitione, & remedio sic habet: Ego sane adolescens adhuc, quum hominem conspexissem ad fores aperiēdas festinantem, postquàm res sibi parum cōmodè succederet, clauem morderē, in ianuam pedibus insultare, dijs conuicia dicere, oculos insaniētis instar, truces, ferinosq; ostendere, & spumam, ferē sicut apri, ex ore emittere, ita cœpi iracundiam odio prosequi, ut postea nunquam uisus sim propter ipsam impatienter dolere. Felix quem faciunt aliena pericula cautum. Sed ad curationem propero, aut ad hanc priorem, ac potiore præmunitionem. Non nulla ab rerum naturæ peritioribus produntur, quæ abstrusa ui, & cæca proprietate Vini odium gignentia.

Manduci effigies.

Galenus iram auersabatur.

Vini odium gignentia.



Oua no-  
ctuae gene-  
rant uini  
odium.

Prasica ad  
uersusebrie  
tatem

mortalibus uini odium gignunt, et efficiunt, ne  
ipsius cupiditate moueantur, sed auerſentur, ac  
fugiant. Sunt et alia, quae admiranda facultate  
pollent, cauentq; ne etiam liberaliter haustum,  
quicquam offēdat. Quaedam uero non occul-  
ta, sed manifestaria qualitate temulentiam abor-  
cent, aut ne ualidius hominem corripiat, obſi-  
ſtunt. Ex primo genere illud est, quod Iarcas in-  
dus apud Philostratum narrat: Vino, ait, absti-  
nendum est pueris uestris, ita ut ne ipsum qui-  
dem concupiscant. Si qui igitur posthac nascentur  
filiij, obseruare oportet, ubi noctua nidi m fa-  
ciat, et illius oua mediocriter elixata infanti  
comedenda praebere. Vinum oderit, et mode-  
stius deget. Clitorio etiam quicunq; sitim e fon-  
te leuarit, uina fugit, gaudetq; meris abstemius  
undis. Hoc ferunt Melampodem clarissimū me-  
dicum consanasse Praeti filias, et ad sobrieta-  
tem temperantiamq; reuocasse. Itidē prestare tra-  
dunt uinū, in quo anguilla sunt enecata, si biba-  
tur. Democritus sanie dixit, uini, desideria abo-  
leri, quae putatis uitibus emanans, in scio temus  
lento potui fuerit adiecta. Ex secundo genere  
brasica perhibetur, de qua nouum extat Cato-  
nis testimonium: Si uoles, inquit, in conuiui-  
o multum bibere, cenareq; libenter, ante cenam  
eslo crudam, quantum uoles, ex aceto, et ubi  
cornauē-



cœnaueris, comesto alia quinq; folia, reddent te quasi nihil ederis, biberisq; bibesq; quantum uoles. Quis quæso non rideat tam facetum commentum? Alij efficacem contendunt, si elixa comedatur: sunt qui syrupum conficiant e succo candidarum, & granatorum, & aceto. Auicenna ait phen ter ia primi: Syrupus ebrietatem tardans: succi alborum caulium pars una succi granatorum acrium pars una, aceti pars media, ferueant ebullitionibus aliquot, & sumatur uncia una ante classicum poculare. Theophrastus brassicæ historiam texens, libro quarto inquit: Quædam non necant, sed succi, odorisq; uiribus reddunt deteriora, ut brassica, & laurus uitæ offendunt, olfacere quippe eam, & attrahere dicunt. Quamobrem germen quum illis propinquum fuerit, recedere atq; auerti, utpote inimicum fugiens odorem. Androcides exemplo hoc usus est, de medela contra uinum confecta ex brassica uidelicet, temulentiam posse propulsare. Quippe quum uitis etiam uiua odorem brassicæ fugiat. Hori præterea Assyriorum regis inuentum dicitur, si hirundinis rostri cinis cum myrrha uino (quod bibitur) inspergatur, securitatem præstat. Qui crocum etiam ante cōgressum biberint, non sentiunt ebrietatem. Acini ederacei succum croci habentes, quum

Assyriorū  
regis inuen-  
tum.



*Oleum ar-  
cet ebrieta-  
tem.*

*Amygdala  
amara con-  
tra ebrieta-  
tem ualent.*

præsumuntur, tutos seruant. Est in Syria oleum,  
quod elæomeli uocatur, ex ipsis oleis manans,  
sapore melleo, ex quo in potoriam palestram de-  
scensuri cyathum præbunt. Quanquam &  
hoc, & quod de croco dixi ad tertium genus re-  
ferri posset, in quo supputatur pingua, oleosa,  
& quæ in superno uentriculi ostiolo superna-  
tantia, ueluti sepimenta impediunt, ne halitus  
noxij undatim ferantur in cerebrum. Aristote-  
les ultimo Problemate tomi tertij: Cur, inquit,  
oleum ad arcendam uinolentiam ualet, sorbi-  
tumq; præstat facultatem bibendi? An quod uri-  
nam ciere potest, & uino hausto uiam facit?  
Amygdala amara ebrietatem prohibere credun-  
tur. Plutarchus narrat quendam medicum apud  
Drusum Tiberij Caesaris filium comessari soli-  
tum, qui omnes bibendi certamine prouocabat,  
& nemini cedebat in uini potu. Is tandem de-  
præhensus est antequam biberet, quina sena ué  
amara comesse amygdala, quominus temulentia  
tentaretur. Porro quum deuorare uetissent, ne  
pauillulum quidem in huiusmodi potationibus  
resistebat. Amaritudinis sane uis humorem re-  
siccat, & depascit. Capparis præterea, & len-  
tes, & olea, absinthium, pecudum pulmones as-  
si, panis bis coctus, halec salitum: in summâ quic-  
quid alligat, reprimit, reslinguit, assiccat, absu-  
mit tristitia



tristia effervescentis meri eiacula menta, mirifice conducit. Hippocrates ait libro quarto (si modo ipsius sit) de Victus ratione in morbis acutis: Allium flatum efficit, pectus calefacit, caput grauat, fastidium parit, dolorem qui antea infestare solebat, irritat, urinam ciet, atq; hæc est eius utilitas. Sed tum maxime succurrit, ubi quis uel potationi, uel ebrietati indulgere proposuerit. Præ cunctis uero saluberrimum in fuga consilium existit, ut huiusmodi potus sapientes uitemus, qui nimium ingesti hominem demerant, & cerebrum, principem illam corporis partem, in qua luxuriatur anima, & præcipuas suas, maximeq; diuinas functiones exercet, turpiter labefactant. Sic habet ille (qui præcellenter omnia) in libro de Sacro morbo: Sciât homines solo cerebro nobis uoluptates, gaudia, risus ludi fieri, doloresq; molestiæ, curæ, luctus, quo maxime sapimus, scimus, cogitamus, uidemus, audimus turpia, honesta, mala, bona, suauia, non suauia dignoscimus. Quædã lege discernentes, quædam utilitate sentimus, quo uoluptates, non uoluptates temporibus dignoscimus, quo hæc nobis placent, hæc non, quo furore agimur, desipimus, timemus, metuemus, quædã per noctem, et somnia quædã per diem, non opportunè erramus, curamusq; non curanda. Quædam earum rerum,

Cerebri  
præcellen-  
tia.



quæ consistunt, ignoratione quædam desuetudine, & imperitia. Quæ omnia cerebro, quum non ualet, patimur. Sed quum suapte natura magis calefcit, frigescit, humescit, siccescit, uel quid aliud præter naturam, & consuetum patitur.

*Curatio.* Præ humiditate quidem furore citamur, & insanimus. Cæterum præsentem ebrietatem le-

uat uomitio, & eorū quæ nequiter ingesta sunt, obscœna refusio. Aquam potitæt. Ab hac enim ueluti contraria curatione auxiliij ratio quæritur. Acetum quoq; abunde potum ad sobrietatem reducit. Nec illud latere debet, defecatum uinum, & à suis fecibus defūsum uiribus esse ualidius, sed ad sui conseruationem imbecillius.

*Vinum defœcatū magis inebriat*

Quod tam bibentem facile permouet, quàm ipsum si quis diutius uolet asseruare, facile mutatur. Cuius sane ratio talis apparet. Quanto liquidius depurgata fece uinum efficitur, tanto redditur fugacius, & in omnes bibentis uenas penetrabilius: quo fit, ut omnem sanguinem celerius, magisq; incendat, ac mentem excutiat. Sed propterea promptius mutatur, nec genuinam uim retinet ac in uappam ocysus concedit, quia nullo firmamento nixum undiq; & ex occasione quamlibet leui ad iniuriam patet. Fex enim sustinendo uino, & alendo radix est, et stabilimentum, nec ab re uini mater nobis uer-

naculo



naculo sermone dicitur, quasi nutrix, & altrix  
 ipsius sit, si ueterefcere debeat. Ebrij cornu cer-  
 uinum, aut uerbenacæ rectæ semen, aut centau-  
 rij minoris decoctum bibant. Viriles ipsis globu-  
 li linteo inuoluantur ex aceto & rosacea madi-  
 do. In silenti cubiculo dormiant. Hieram bibāt  
 cum succo granatorum, & scammonia. Ciben-  
 tur lentibus, brassicis, pullastris, pipionibus, la-  
 cturicis, intybo, spinachijs, uuis acerbis, baccis  
 oxyachantæ (quas uulgo dicimus steke besijen,  
 aut doren appelen) & id genus alijs refrigeran-  
 tibus. Galenus ait: uinum suæ substantiæ copia  
 neruis conuulsionem adfert, rursus autem quali-  
 tate sua sanat eam, quam fecit dispositionem, ner-  
 uos calefaciendo, atq; exiccando, & si hoc ali-  
 quando facere nequeat, mortem subsequi neces-  
 se est. Ex quo eulogio Salernitanum illud desum-  
 ptum reor. Si tibi serotina nocet potatio, uina  
 hora matutina rebibas, & erit medicina. Atq;  
 hoc ipsum est, quod populariter dicitur: ex eo-  
 dem criniculo petendum pharmacum. Fugiant  
 lac, lactaria, saccharata, mellita, & bellaria quæ  
 uis. Sales Manethonis regi Ptolomeo oblatis bo-  
 nam cōcoctionem faciunt, corpus corroborant,  
 amabilem colorem conciliat, caput singulariter  
 confirmant, & aduersus temulentiam potenter  
 muniunt, in hunc modum conficiuntur: R semi-

Populare  
 dictum.



nis pastinacæ, ameos ana ꝑ. j. hyssopi, thymi añ  
 3. iiij. origani, pulegij, cymini, silphij, costi añ 3.  
 ij. salis tosti ꝑ. iiij. Quibus non fuerit inutile ad-  
 didisse seminis brassicæ, napi ana 3. iiij. Capiti  
 infundatur oxyrhodinum, & mox ab hoc adhi-  
 be chamæmelinum, & susinum. Deinde perlua-  
 tur formentis discutientibus, in solium quoq; de-  
 scendant, ac sensum commoueantur. Ipsa proti-  
 nus tormenta auferunt folia brassicæ in cali-  
 dam demersa, & fronti alligata, aut corolla  
 neclatur ex binis polygonijs ramulis, aut ex  
 recentibus rosis, ex callitricho ex uerbena-  
 ca, cichorio, plantagine, ex floribus & te-  
 neris caliculis uiticis: polygomo leuigato ex  
 lactis cremore caput sub uesteram inungito,  
 ac superposito leporis pellem, sicq; in crasti-  
 num finito. Hippocrates libro secundo de  
 Morbis, sic habet: Si quis temulentia repete mu-  
 tescat, quem si statim febris corripiat, sanescit:  
 sin minus, tercianarius perit. Quum sic haben-  
 tem nãcisceris, multa calida lauato, capiti spon-  
 gias aqua calida tinctis dato, cepam purgatam  
 naribus admoueto. Qui si oculos retendat, ape-  
 riât ue, loquatur, resipiscant, non delirat, sopo-  
 ratus eo die iacet, postero sanescit. Et sequi-  
 tur: si stans bilem uomat, furit, quintoq; die ple-  
 runq; perit, nisi dormiat. Cui hæc facito, multa  
 calida do-



calida donec resipiscat, lauato: deinde multo oleo linito, mollibusq; stratis reclinato, plurimis stragulis tegito lumē, nec qui loquatur, sit: nam plerunq; post balneū dormitur, quod si faciat, sanescit. Si resipiscat, tres primos dies, quatuor uel milium tenue, ptisanæ uel succum sorbeto, dulcēq; uinum potato, deinde cibus mollibus, paucisq; primum utitor. Libro tertio sic habet: Quum grauis capitis dolor derепente per exordia mutum facit, praesertim cum temulētia fiat, septimanus hic perit, quod minus temulētis euenit, uti muti pereant. Qui si primo, secundo, tertio uel die loquantur, sanescunt, quod ferē temulenti faciunt, et neutri pereunt. Quos ualde sternuere facito, cumq; his, quæ ualde bilem agunt subluito. Qui si resipiscant, sentiānt uel, tapsiæ succum cum multa aqua calida liquefactum dato, uti quā primum uomat, septem postea dies emaciato, uinumq; ne dato, sanguinem de lingua, si uena reperiatur, mittito.

CAPVT VIGESIMVM  
primum de Vertigine.

**V**ertigines proximæ sunt morbis comitibus, et ijs quos apoplexias nominant. Vertiginosis accidit, ut omnia circumagi exi- Signa.



Causa.

stiment, & se quadam rotatione corripi. Quem admodum ebrijs, & multo uino madentibus usu uenit. Vt non nunquam, si uehemens fuerit impressio, in terram concidant: aut quum est minor, in parietē, aut fulcrum aliud forte fortuna obiectum procinent, quo se in pedes sustineant. Nasceitur hic affectus ex uaporibus ac fumis in capitis specu ex imbecilli calore generatis, aut ex ijs aliunde in id subeuntibus, qui spiritibus uisui suis cōmisti, quū ab aliquo uel extrinseco uel intrinseco agitantur, & commouentur, agitati, ac cōmoti digestionē quæretes horsum uorsum trāscursant, & in gyrum uoluūtur, secum trahentes consortij lege animales spiritus, quibus infusi sunt. Quamobrem & uisus fallitur, & sensus communis turbatur, iudicantes mutare loca, quæ foris immota conquiescunt. Atq; id accidit, quia ipsi net spiritus uehicularum specierum uisibilibus uacillant, tremunt, discurrunt. Iam hi uapores, & opacæ nebulae quando feruntur supra oscula opticorum neruorum, quos neq; incidētes plane obturāt, oboriuntur nō tenebræ, sed tonebricosæ lucis obscuritates. Quū uero obiter obnubūt neruos motui obseruiētes, nō tamen pressius illabuntur, sed prætermeant ueluti titubantes, momentanea ruina, aut quædam in hanc deuergentia superuenit. Halitus hi aut ex san-



ex sanguinis copia prodeunt, aut ex humoris frigidi, ac lenti exuberantia, aut ex alterutra cholera quum superfluit. Affectus ipse quando proprius est, tum in membranulis, & in cerebri uasis noxia materia continetur, quando ex consensu est, tum (quod nemo nescit) aliunde ad reptat. Archigenes libro primo de Longarū affectionum notitia (attestante Galeno) dixit aurium sonos, & capitis dolor em, grauitatemq; præcedere, ubi ex primario cerebri uitio uertigo dependet, item olfactus, atq; alterius cuiusq; sensus oblesionem. Eos sensus significare uolens, qui à capite initium sumunt. Vbi uero ab ore uentriculi oritur, (hic enim præ alijs tristius uaporat) rosionem stomachi (quam cardiogmon Græci uocant) simul et nauseam præsentunt, et circa ciborum concoctiones, oculos etiam hebetudines occupant, & tinnitus aures, & quum à somno, aut ubi cruditate quapiam præcedente ex sede repente consurrexerint, inspeclantibus cuncta conuerti uidentur. Cæterum agitantur, & commouentur, quum ob aliquam causam caput incisitur, ueluti sub Sole æstuentes, aut quum quempiam se crebro circumuertentem aspeclant, aut celerim rotam circumuolui, aut uersatiles turbines in pilli, aut pernices nubes prouolare, aut contortos aqua-

Cause pro  
catartice.



rum uortices protolli, aut aliud quippiam concitatus rapi, & in gyrum, circulum ue torqueri contuentur. Siquidem animalis spiritus has circumuolutiones celeri motu in apprehensione sequitur, & ob celeritatem in tenuibus angustisq; cerebri canaliculis turbantur, raptantur, tumultuantur, & ipsi sibi festinantes occurrant. Vnde facultas corporis gubernatrix concutitur, & consternatur, atq; incidit uacillatio. Etiam laborem hunc calor excipit, calor autem in humore uapores excitat. Nec minus improspere cedit, quum properanter semet circumagunt, quum caput in terram proclinant, quum e sublimi specula in profundum despiciunt, quum in tergum uiolentius percutiuntur, quum temerarie caluarie illapsu priores cerebri uentriculi pregrauantur, quum ualido tubarum clangore, quum horrendo intonantis coeli fragore, quum inexpectato bellici tormenti excussu per-

**Cause.** terrentur. Vertiginosos in ipsa statim accessione medicamentis, quæ odore permouent, suisq; defluuijs caliginosos spiritus discutiunt, excitare conuenit, item frictiones adhibere, & musculorum capita in partibus extremis diligenter funiculis iniectis uincire. Mox ab ipso paroxysmo, aut si morbus percurandus est, sanguis mitatur: si copiosus, exuberat. Id palam innotescit, ex floru-



ex florulento corporis habitu, ex rubore faciei,  
ex arteriarum in temporibus pulsu, ex calore  
frontis, ex uenarum tumore, ex dulci oris sali-  
ua. His igitur confestim (si nec ætas, regio, tem-  
pus, uirtus reclamabunt) cephalica fodiatur. Et  
quia morbus ipse diuturnus est, nec ulla indiget  
festinatione, non erit alienum per interualla se-  
ctionem partiri, præsertim quum propter capi-  
tis imbecillitatem, non licebit iustam & ma-  
gnam satis copiam uniuersim, atque uno ductu  
extrahere. Quod si hæmorrhoides cōsuetis ita  
purgari nihil reddunt, nec muliebris uacuatio  
in menses apte decurrit, omni ingenio adniten-  
dum erit, ut hæ uenulæ resoluantur, aut phlebo-  
tomia primitus in pedes cadat. Postea ex nariū  
epistomijs sanguis ducatur, quod in morbo hoc  
singulare præsidium existimamus, aut frontis ue-  
na aperiatur. Galenus ait: Non nulli ab arteria-  
rum sectione auxilium petierunt, arterias pone  
aures ad tantam scilicet altitudinem secantes, ut  
inter duas partes cicatrix induceretur. Sed  
constat, non omnes huius auxiliij beneficio  
fuisse curatos, etenim aliæ arteriæ ijs maiores  
ad cerebri sustentamentum per retiformem uo-  
catam membranam ascendunt, per quas huius-  
modi affectionem fieri consentaneum est, elato  
per ipsas calido uaporosq; spiritu. Postea cu-



curbitulae cruribus, natibus, interscapilio, atque etiam occipitio cum scarificatione affigantur. Sincipiti oxyrhodinum infundatur, aut in spongia, aut in succida lana. Aluus clystere molliatur, neque insalubre fuerit eam leuiculo pharmaco deiecisse. Pedes fricentur et abluantur decocto florum chamæmeli, meliloti, rosarum: nariibus algifica subiiciantur, cum non nulla digerendi facultate præditis. Cibus sit facilis concoctio nis, neque multus, neque sanguinis multum gignens: stypticis et assiccantibus condiatur, succo granatorum, arantiarum, citrei, coto neorum, omphacio. Fugiant lac, caseum, oua frigida, iuglandes, castaneas, cepas, raphanum, sinapi.

Curatio ex  
pituita.

Si ex pituita infesti uapores exundent, cuius indicia sunt, mollis corporis habitus, et ipsius ad motum pigrities, capitis ponderositas, aurium tinnitus, et fragor quidam in ipsis, ceu aquarum uiolenter decurrentium sonitus, faciei color albus, oris multa saliuæ, narium muccus, oculorum lippitudo, somni prolixitas, et in eo imbrium, flatuum, ac tempestatum formidines. His ab initio decoctum centaurij, et sylvestris cucurbitæ subiiciatur. Nec eorum mihi sententia admodum placet, qui in principio suadent clysteres minime acres infundere. Quippe lentissimi omnes, crassique et frigidi humores ab ijs, quæ calefaciunt

Humores  
frigidi flatu-  
lenti.



calefaciunt, nisi etiam ualenter digerant, liquan-  
tur, ac in flatum mutantur. Mox propinandus  
est syrupus aut calamynthæ, aut marrubij, sti-  
chadis, è radicibus, hyssopo, oxymel scylliti-  
cum. Aut paretur aposema pro hac forma: R  
hyssopi, thymi, samsuchi, betonicæ ana. p. j. ra-  
dicis inulæ, acori, pæoniæ ana 3. iij. seminis ani-  
si, fœniculi, carei, seseli ana 3. j. centaurij, absin-  
thij romani, rutæ, stichadis ana. p. f. mellis an-  
thosati 3. iij. coquantur, & huius decocti sumat  
bis quoq; die uncias quatuor, aut quinq;. Post  
coctionem catharticum exhibeatur, & glutiat  
pilulas coccias, aut fœtidas agarici, sarcocolæ,  
ueratri, in hunc modum: R pilularum aggrega-  
tiuarum 3. j. trochiscorum alandal grana. iij.  
fiant quinq;. Aut R pilularum è hiera 3. ij. aga-  
rici trochiscati 3. j. diagridij grana. iij. formen-  
tur septem. Aut R pilularum elephanginarum,  
ellebori ana 3. f. salis gemmæ grana. ij. Compo-  
sitio alia insignis efficacitæ, & potens hunc af-  
fectum radicitus tollere, caput ualidum efficiens,  
& sensus omnes mirifice corroborans: R nucis  
myristicæ, cubearum, caryophyllorum, xiloa-  
loes, masticis ana 3. j. cardamomi, spicæ, seminis  
maioranæ, rutæ, pæoniæ, seseli, zingiberis, asa-  
ri, piperis ana 3. f. agarici electi 3. iij. colocyn-  
thidis 3. iij. myrobalanorum chebularum confe-



Etarū 3. ij. sagapeni, ellebori añ 3. j. salis gēma,  
 nitri ana 3. f. aloes hepaticæ ex succo brassicæ  
 duplū totius, aggregentur, cum benedicta laxati  
 ua in formam pilæ, & seruetur usui. Auicenna  
 inquit phē prima tertij, Solutiua facilia ad pur  
 gandum caput sunt assaieret, ex quibus sumitur  
 pilula magna, ut paruum pondus operationem  
 efficiat sufficientem cum mora, & non noceat  
 propter paruitatem suam iteratio, & dormia  
 tur supra ipsam, ne destruant motus & uigilie  
 operationem eius. Si catapotia horreat, exhibea  
 tur uncia semis hieræ picræ cum decocto absin  
 thij, aut tantundem hieralogodij cum aqua mar  
 rubij, aut diaphœnicum, diaturbit, diacarthā  
 mum, pro hac forma: & diaphœnici, electuarij  
 indi ana 3. iij. diagridij grana. iij. Aut & benedi  
 ctæ laxatiuæ 3. f. elaterij granum unum, aut duo  
 cum aqua, seu decocto betonicæ. Ab hac purga  
 tione sub crepusculum diei, ubi cibus erit con  
 coctus, & prope ut digeratur, accipiat drach  
 mam Mithridati, aut theriacis, aut duas drach  
 mas conseruæ anthos, melissæ, stichadis, acoris  
 aut diamoschi, diambrae, dia calamynthæ, dios  
 politici, cuius descriptio est apud Galenum li  
 bro quarto de Tuenda sanitate: & cymini, pipe  
 ris, rutæ, ana 3. j. nitri 3. f. excipiantur cum mel  
 le despumato, inula ex melle magnifice condu  
 cit myo



cit, myrobalanus condita, nux moschata, calamus odoratus, zingiber, diatrium pipereum, diacarpesium. Aut pro hac forma cōficiatur eclegma: & conseruæ acori ℥. j. conseruæ anthos, stichadis ana ℥. f. corticis citrei conditæ 3. vj. zingiberis uiridis, inulæ conditæ ana 3. iij. specierum diambre, diacinnamomi ana 3. j. cum syrupo calaminthæ concorporentur. Aliquando (inquit Galenus libro secundo de Cōpositione pharmacorum secundum locos) adeo uehementer in angustijs meatuum flatus uaporosus infarcitur, atq; eo adhuc magis uiscosus, ac crassus humor, ut multo tempore opus sit ad curationem: etenim quæ sic infarta sunt attenuare oportet, meatusq; dilatare, per quos excernantur. Sincipiti ergo infricetur oleum laurinum, costinum, rutaceum. Conferunt aspergines ex decocto maioranæ, pulegij, uerbenacæ, chamæmeli, fertulæ campanæ, senæ. Aut sacculus concinnetur pro hoc modo: & florū chamæmeli, meliloti, anthos, stichadis añ. p. j. betonicæ maioranæ, frondium lauri ana. p. f. milij tosti, fursuris macris, xiloaloes, cinnamomi ana 3. j. ladani, styra-cis, benzoi ana 3. j. conterantur, & fiat sacculus intersutus. Auribus indatur oleum castorei, spicæ, roris marini, rutæ. Sternutamenta conciten-



tur cum semine oximi olfactim per nares attracto, nec minoris est efficaciae ipsa herba. Odo-  
rent nigellam, peganum, mentam, thymum, cu-  
nilam. Naribus injiciatur succus anagallidis, ci-  
claminis, betae, aut elaterium ex lacte. Mastigent  
pyrethrum, taricum, agaricum, struthium, &  
alia quae salivam movent. Aut & agarici 3. ij. py-  
rethri, staphisagriae, struthij, zingiberis, masti-  
ches ana 3. j. cum oxymelle scyllitico, aut enu-  
cleatis passulis aggregentur in formam cicerum,  
& mastigentur, à masticatione, aut inter masti-  
candum pituita liquefacta diligenter expuatur.  
In hunc usum utilis est & hic gargarismus: &  
hyssopi, cunilae bubulae, rutae, ana. m. f. glycyrr-  
hizae 3. ij. passularum mundatarum 3. j. radi-  
cis iridis recens eruta, paeoniae, pyrethri ana 3.  
j. sinapi, staphisagriae, zingiberis ana 3. f. masti-  
ches 3. ij. coquantur, & decocto adde mellis ro-  
sati 3. iij. Aut & pyrethri 3. ij. sinapi 3. j. f. semi-  
nis paeoniae 3. j. radicis acori 3. iij. contundan-  
tur, et ferueant in duabus, tribus uel libris aquae,  
& adde colaturae syrupi è prasio 3. iij. oxymel-  
lis scyllini 3. j. In aëre uersentur calido & luci-  
do, loca fugiant humida, uliginosa, subterranea,  
frigida, obscura. Hausrinos flatu meminerint  
inimicos, lunares quoque radios, ac phœbeos, diur-  
num somnum, omnemque prolixum, exercitia la-  
boriosa.

Dieta.



boriosa, potissimum in quibus caput in terram proclinatur. Galenus ait libro quinto de Tuēda sanitate: quos ex leui causa uertigines (scotomata Græci uocant) comitiales morbi, grauis ophthalmia, uel auriū dolores male habent ijs, inclinato capite, dorso uē, aut humi uolutatis exercitari non expedit. Imò tum ambulatione sæpe, tum cursu mediocri, tum gestatione in uehiculis citra fatigationem uti. Cibus nullum negocium exhibeat stomacho, calidum præbeat sanguinem, celeriter digeratur, nusquam obhæreat. Ex olerum genere uitent lactucas, spinachium, atriplicem, portulacam, intybum. Ex fructibus cerasea, mora, persica, melones, cucumeres, citrulos, cucurbitas. Vinum bibant tenue, non resinatum, non fumosum. Potus parari potest in hunc modum commodissimus: R. mentæ, maioranæ ana. p. j. radicis iridis, calami, zingiberis, nucis moschatæ ana ʒ. j. seminis anisi, fœniculi, carei ana. p. f. glycyrrhizæ ʒ. iij. mellis electi ʒ. v. bulliant in aquæ libris octo secundum artem, & excolato utatur. Si cholera maleficium gignat, & ex ea infestæ fuligines consurgant: quod non obscuris notis colligere licebit, siquidem ijs & gracilentum est corpus, & hirtum, & ad motiones impigrū, frons calida, nares aridæ, spiritus oris feruidus, salina amara, multum uigilant, in

Curatio ex  
bile.



cendia, fulmina, & tempestuosas contentiones  
 somniant, animo sunt præfenti, ac intrepido.  
 Quibus nisi admodum pauci sanguinis sint, ex  
 re fuerit externam secuisse in flexura brachij.  
 Ab hac sectione scapulis, & occipitio cucurbi-  
 tula affigantur. Alius si astrictior erit, clysteri-  
 bus eluatur, aut balanis irritetur. Deinde syru-  
 pis, et potionibus concoctio procuretur, in hunc  
 modum: & syrupi uiolarum ℥. iij. acetosi sim-  
 plicis ℥. j. Aut & syrupi nenupharis, rosarum  
 ana ℥. ij. aut iuleb apparetur: & aquæ acetosæ,  
 farfaræ ana. ℥. f. conseruæ florum intybi ℥. ij.  
 conseruæ buglossi ℥. j. à modica ebullitione fri-  
 gescitum coletur. Aut & hordei. m. j. endiuie,  
 lactucæ ana. m. f. petroselini. p. j. coquantur in  
 aqua, & adde colaturæ syrupi cichoreæ ℥. iij.  
 papaueris ℥. j. Vbi ex lotio, & non nulla remis-  
 sione symptomatum concoctio significabitur,  
 purgatiuum pharmacum propinetur: quale est  
 rhabarbarum, manna, cassia, myrobalani, pru-  
 na, capnium, aqua lactis, diaprunum simplex,  
 diaphœnicum, oxyphœnicum, electuarium è  
 succo rosarum, è psyllio. Aut in hunc modum:  
 & fumiterræ. m. j. florum uiolarum. m. f. hor-  
 dei ℥. j. glycyrrhizæ ℥. iij. passularum mundata-  
 rum ℥. j. prunorum numero. x. fiat decoctio, in  
 huius decocti uncijis quinq; macerentur tamar-  
 Indorum



Indorū ʒ. ʒ. rhabarbari ʒ. j. agarici ʒ. ʒ. spicæ,  
 zingiberis añ grana. v. expressum propinetur,  
 aut adde diaprūni simplicis ʒ. ʒ. capiti infunda-  
 tur oxyrhodinum, & mox chamæmelinum, ane-  
 thinum. Naribus trahant oleum uiolaceum cum  
 succo lactucæ, aut lacte fœmineo. Gargarissent  
 aquā solani, seu tribuli cum succo granatorum.  
 Pedes lauēt decocto salicis, maluæ, pampinorū.  
 Vitent cibos calorificos, uehementes labores,  
 æstū solis, balneū, uinum, uenerē, fumū, ignem,  
 graues, acresq; odores. Si atra bilis uitium pa-  
 riat, non erit caput sine manifesta grauitate,  
 frons tensa, oculi sicci, exiles arteriarum pul-  
 sus, multæ uigiliæ, imaginationes laruarum, &  
 simulachrorum terribilium, cogitationes cor-  
 ruptæ. His in primis offerantur syrūpi è fumo-  
 terræ, boragine, circio, bizanjijs, epithymo,  
 aspleno. Deinde uacuentur cum diasena, & elle-  
 bori pilulis. Caput perfundatur oleo rosaceo,  
 & chamæmelino, anethino, susino. Sumant con-  
 seruam anthos, melissæ, mithridatum, theria-  
 cam, fugiant melancholicos cibos, et tristes ani-  
 mi affectiones. Vinum bibant dilutum, aut hy-  
 dromel. Si ex uentriculo affectus prodit, quod  
 quidem persæpe contingit. Nempe Galenus ha-  
 bet quarto libro Aphorismorum Hippocratis  
 commento decimo septimo: Vertigo est, quando

Curatio ex  
 atra bile.

Curatio ex  
 uentriculo  
 prodeuntis



simul uidentur circumuolui, hoc est, circumstati-  
 tia moueri, quæcunq; conspiciamus, & sensus ui-  
 sus repente destruitur, quum uideantur tenebræ  
 circumfusæ. Fit autem hoc, ore uentriculi à ma-  
 lis humoribus morso. Nam propter neruorum  
 magnitudinem, qui ad ipsum à cerebro ueniūt,  
 hac parte patiente, animæ opera detrimentum  
 patiuntur. Vomitus (si quid aliud) ijs cum pri-  
 mis confert, quem pulchre concitant, semen ane-  
 thi, genistæ, atriplicis, raphanus, scylla, uera-  
 trum, mel, oleum, butyrum, aqua egelida, seu te-  
 pida. Id tamen remedij maiori cum emolumen-  
 to ijs adhibetur, qui ex consuetudine facile uo-  
 munt. Humor si uiscidus est, tenuetur, & incida-  
 tur, syrupo è marrubio, hyssopo, è radicibus,  
 melle rosato, oxymelle scyllitico. Deinde pila-  
 las uorent coccias, aggregatiuas, elephanginas,  
 agarici. Aut bibant diaphoenicum, diacartham-  
 mum, benedictum, hieras. Caput diligenter cor-  
 roboretur, ne obnoxium iniuriæ statim afficia-  
 tur. Pedes fricentur, ac lauētur decocto saluiæ,  
 roris marini, lauri, ederæ, ebuli. Stomachus un-  
 gatur nardino, mastichino, mentæ, absinthij.  
 Aut apparetur scutum: & olei cotoneorum, men-  
 tæ añ ʒ. f. emplastri stomachalis ʒ. j. specierum  
 aromatici rosati, diagalangæ añ ʒ. f. galliæ mos-  
 chatæ ʒ. j. cum cæra extendatur supra alutam.

Ab epula-



Ab epulatione sumat diacydoniten cum speciebus. Si bilis in uentriculo ebullit, necessaria est, nedum utilis reiectio. Hippocrates ait: Si quis febrem non habens abstineat à cibo, & cordis morsum, seu uertiginem patitur, & oris amaritudinem sentit, purgatione indigere per superiora significat. Iam ne in uentriculum humor is plurimum confluat, tempestiuus cibum exhibere oportet, malum hoc mirifice exasperat inedia. Conducunt acida, atq; acetosa, succus granatorum limonum, aratiarum, citrangelorum, ribes, uuae acerbæ. Auicenna inquit phen prima tertij: Quum corpus cerebri uis confortare, & prohibere humores cholericos ne à stomacho ad caput ascendant, & ab eis, quæ sequuntur ipsum. Oportet tu ipsum cibes fructibus acetosis, & granatis acetosis, & pomis, & pyris, & agresta, & proprie post cibum. Crebro utantur conserua rosarum, florum cichoreæ, ceraseorum nenupharis & diarhodo Abbatis. Purgentur cassia, manna, rhabarbaro, capnio, diapruno, oxyphœnico. Si quod aliud membrum noxam afflat, hepar, lien, loci, aut uermium copia, primigenium uitium, primitus tollatur, deinde capiti succurrendum.



CAPVT VIGESIMVM SE-  
cundum de notitia Comitialis.

Comitialis  
multis no-  
minibus ap-  
pellatur.

Sacer mor-  
bus.

**M**ultis nominibus hunc morbum multi me-  
dici appellauerunt, et suam cuique appel-  
lationi causam dederunt. Non nulli sacrum dixe-  
runt, quod quid diuinius sacratiusque; ceteris ha-  
beat. Quibus non sine stomacho Hippocrates in-  
sensus aperte reclamationat: Mihi, inquit, hi homines  
qui hoc malum primi consecrauerunt, fuisse uiden-  
tur, quales nunc sunt circulatores, expiatores, ex-  
cantatores, ostentatores, arrogantes, talesque; ho-  
mines, qui se sanctos, religiososque; admodum fin-  
gunt. Siquidem mandabatur istis, marinis piscibus, mu-  
lo, melanuro, mugilli, anguilla, tamquam incommodis  
abstinerent. Carnibus uero caprae, cerui, porci,  
suis, auibusque; his, pullastris, colubis, turturibus,  
auritis. Holeribus autem meta, cepa, allio, nihil e-  
nim acre non ualenti conducit. Vestimentum praeter-  
erea nigrum ne uestirent, nec in caprino corio cu-  
barent, nec pedem gestarent, super alterum, manum  
ue supra alteram. Quae cuncta diuino praetextu  
proponebant. Dicebant praeterea, si capras imi-  
tentur, balent, mugiant ue, uel in dexteram con-  
uellantur, Matrem deorum esse causam. Si uero  
grauius, contentiusque; clament, equo comparan-  
tur, Neptunumque; auctorem esse uolunt. Sin autem  
quid ole



quid oleti compareat (quod saepe morbi ui plerisq; cadit) nullum tortuosum nomen ponitur. Si uero tenuius, crebriusq; gallinae modo demittant, Apollo Nomios auctor est, Si spumam ore mittant, calcibusq; terram feriant, Mars causam habent. Si qua somnia, terrores, metus, ceteraq; talia per noctem in cubili patiantur, siue ex eo fugiant, & exilient, Hecates insidias, & heroum insultationes dicunt esse. Quum hic morbus pituitosis fiat, & non biliosis, qui si diuinior, sanctiorq; ceteris esset, omnes aequo modo corriperet, nec pituita, bilis ue discrimen faceret. Hac ueteris medicinae parens Hippocrates. Ast alij malum hoc existimant sacrum, quod in capite nascatur, domicilio ac sede diuinae mentis. Nec desunt, qui hanc appellationem in affectus magnitudinem reijciant: Quemadmodum Homero, piscis sacer dicitur, & Vergilio Auri sacra fames, medicis quoq; sacer ignis, & in posteriori homine os sacrum, quod sub spina magnum incipit, qua parte uertebrae finiunt. Hippocrates etiam aphorismo nono particulae sextae Epidemiarum ait, à quartana correpti, magno morbo non capiuntur. Alij praeterea dictus est comitalis, quoniam ijs interdum accideret, quibus in comitijs suffragia negabantur, pudore, simul & indignatione consternatis. Ant

Homero pi  
scis sacer.



quòd comitia uitiare uideretur, ea nimirum intermittebantur, quo die aliquis concidisset, Sere-  
renus cecinit:

Est morbi species subiti, cui nomen ab illo est,  
Quod fieri nobis suffragia iusta recusant.  
Sæpe etenim membris acri languore caducis  
Consilium populi labes horrenda diremit.

**Herculeus  
morbus.**

Sunt qui Herculeum nominent, aut eo quia  
uexatus est Hercules, attestante Aristotele in  
Problematis: aut quod inuictus sit, & difficul-

**Pedicus.**

ter superabilis, qualem fuisse Herculem prædi-  
cant. Puerorum affectio, pedicus uè ob id nun-

**Epilepsia.**

cupatur, quia pueros: utpote imbecilles, plæ-  
runq; capiat, Epilepsiam Græci dicunt, quod

**Lunaticus.**

sensus capitis, & præcipuas animi functiones  
intercipiat. Lunaticus non nullis scribitur, quo-  
niam interlunio natis frequenter incidit. Sere-  
nus habet:

Hunc quoq; commemorant dubiæ per tempora  
lunæ,

Conceptum talem, quem sæpe ruina profudit.  
Sed hæc tam curiosa nomēclatura, etsi non om-  
nino superuacua uideri possit, parum tamen  
in rem conducit, ea neminem seruauit unquam.

**Quid Co-  
mitialis.**

Præstat ergo ipsum malum succisis infrugiferis  
pressius scrutari, ac diffinire, quod subita sit to-  
tius corporis conuulsio, qua homo instar macæ  
te pecudis,



tæ pecudis, in terram sternitur, quamq; ualida  
 sequitur noxa sensus, atq; intellectus, quorum  
 omnium color est reditus. Neq; potest diutile ip-  
 sius materia in maleficio propterea hærere, quia  
 in principe membro, & primaria uitæ regione  
 confictus committitur, ut necessum sit eam pro-  
 tinus uictam exturbari, aut uincentem ipsam  
 properiter interimere. Verum interposito tem-  
 pore atq; eo non nunquam breuiore, interdum  
 etiam longiore recurrit. Et proprium hoc ex  
 obseruatione is morbus habet, quum humidior  
 est materia, tum increfcente luna, quum uero fri-  
 gidior, tum ea inclinante recrudescit.

Huius mali tres differentias Galenus consti-  
 tuit. Aut enim statim nascitur in ipso cerebro,  
 & ipsi proprium ascribitur. Aut aduentitium  
 est, & ab ore uentriculi (quid stomachum Græ-  
 ci uocant) lege consortij superuenit: tertium ge-  
 nus, quum ab externa aliqua corporis parte, cui  
 noxium quid transferibile insidet, originem tra-  
 hit. Tale inquit Galenus primum uidi in puero,  
 qui tertiumdecimū ætatis annū agebat. Quum  
 equidem adolescens etiamdū, cum optimis eius  
 tempestatis medicis conuenissem ad idoneam ip-  
 sius curationem inueniendam: audiui tum nar-  
 rante puero dispositionē ipsam à crure initium  
 capere, mox illinc recta ascendere per femur, et

Tres spe-  
 cies comi-  
 tialis.



imminentes illi lumbos, ac per latera ad ceruicem, donec ad cerebrū perueniret, quod quum primum tangeret, ipsum haud quaquam sibi constare. Interrogantibus autem medicis, quale esset id, quod ferebatur ad caput, nihil habuit puer, quod responderet. Alius deinceps adulescens compos mentis (quippe qui satis poterat & sentire quod fiebat, & alteri enarrare) dicebat ueluti frigidam quandā auram esse, id quod ascēdebat. Vnde ex duobus alterum Pelopi præceptorī placuit, aut quod qualitas quædam alteratis per communicationem partibus, aut spiritalis quædam substantia trāsmitteretur. Neque mirandum esse dicebat, tam ualidam uim esse humori, qui in affecta parte præter naturam genitus esset, ut perniciosarum ferarum uenenis posset comparari. Cæterum differētis ipsis hoc accidit commune, quod in unaqualibet ipsum cerebrum offendatur. Quocirca quanto nixu ualet, offensionis materiam proturbat, instar uentriculi sese ad reiectionem commouentis, quum uel à ciborum mole grauatur, aut ab eorum prauitate eroditur.

*Cause.* Cause morbi multiplices sunt, quem non nunquam multa sanguinis copia gignit, sæpe exundantia phlegmatis, nec rarenter melancholici succi multitudo, & est, quando ab humore pernicioſa



niciosa qualitate prædito excitetur. Hippocrates ait in libro de Flatibus (uideor mihi operæ-  
precium facit, si non tantum nuda annota-  
tione locos indicem, quibus grauis quispiam au-  
ctor id agit, quod nos tractamus, sed ipsius etiam  
uerba, & quomodo sententias dixit, plenius de-  
narrem) Sacrum morbum, comitalem uel sic fie-  
ri dico: quum spiritus multus per corpus totum  
& sanguinem currit, & miscetur multifariam,  
uenæ sepiuntur, & obturantur: quumq; spiri-  
tus multus, aer uel crassas uenas, multiq; sangui-  
nis perripit, & petiuit, illicq; remansit, sanguis  
prodire, & discurrere prohibetur. Hac qui-  
dem permanat, hac uero languide, ac tarde pro-  
dit, hac celerius. Dissimili iam uia per corpus fa-  
cta, dissimilitudines iam multæ fiunt. Corpus  
enim undiq; totum contrahitur, & afficitur,  
partesq; corporis sanguine huic turbæ, & com-  
motioni subministrante perturbantur, sangui-  
nisq; diuersatione, corporis undiq; diuersatio-  
nes fiunt, temporeq; hoc sine rerum omnium sen-  
su sunt, surdi eorum, quæ dicuntur, cæci eo-  
rum, quæ fiunt, doloresq; nullos sentiunt.

A cholera uero hic affectus rarissime gigni- **Cholera co**  
tur, qui à pituita plurimum, quod uidere est in **mitialem ra**  
animantibus huic è natura uehementer obno- **ro gignit.**  
xijs, in ouibus dico, & capellis: nam si quis ea-



Comitialis  
ab attonito  
differentia

Cerebrum  
ne sentiat.

rum capita diffecet, humidum cerebrum, et mucosum, olidumq; comperiet. Cum attonito magnam habet similitudinem, si causam libeat, ipsiusq; causæ operationem expendere. Hoc interest, quod in apoplexi maior est, magisq; pertinax obstipatio. In omni etiam epilepsia (quod in attonito non fit) cerebrum se contrahit, ac totum corpus conuellitur aut leuiter, aut acriter, prout morbi omnes maioris & minoris rationem suscipiunt. Ipsam porro contractionem non efficit obstructio, sed tristis sensus pestilentis obiecti. Quale (id undecumq; obrepat) quum membranulas, sensilesq; particulas cerebri, & ipsum quoq; cerebrū pungit, stimulat, lancinat, protinus percussum contrahitur, sese colligit, et nerui omnes in stirpem reflectuntur, hæc reflectior miram corpori concussionem parit, qua concussione animans in terram sternitur. Hic quis fortassis rogauerit: an cerebrum per se sentiat? Difficilis est huius quæstionis enucleatio, propter auctorum, qui eam pertractant, dissensionem. Galenus in ea deprehenditur hæresi, quod quum omnis sensus principium sit, æquum esse ut eo minime careat. Quippe quod cæteris in causa est, ut sint talia, maxime tale esse, est necessarium. Quasi aliud alij aut potestatem, aut naturam, aut actionem, aut qualitatem eam communicare



municare seu infundere queat, quam ipsum non dum receperit. Neruis præterea simillimum est, aut potius quia nerui cerebro assimiles sunt, organa seu instrumenta sensuum designantur. Eiusdem enim cum illo substantiæ sunt, siccitate uero & crassitudine tantum discrepant. Quemadmodum fila ex appenso in colu lino quæ nentur, ipsius lini substantia sunt, octauo de Vsu partium habetur, Omnes sensus recipit, omnes phantasias phantasiatur, omnes intelligentias intelligit. Quod enim facile alterascit, in omnibus huiusmodi operationibus, et passionibus idoneum est maxime, facilius autem alteratur, quod mollius est, quam quod durius. Et libro de Plenitudine ait: Ex ossibus quædam sensu carere uidentur, ad hæc adeps, & quædam glandulæ, præterea medullæ omnes ex insensibilium numero censentur. Cerebrum tamen, & spinalis medulla quibusdam auctoribus sensu fruuntur. Locis tamen aliquot alijs aliter pronunciare uidetur, ut in libello de Virtutibus, nostrum corpus dispensantibus, & quarto de Accidente. Aristoteles item tertio de Historia animalium, capite decimonono, & libro secundo de Partibus, tactum non sentire contendit. Iam agitatio hæc seu conuulsio in sternutatione quoque accidit, sed minor multo propter imbecillitatem irritantis mate-



*ria, quæ, opinor, si & leuiori apoplexi accederet, non aliter fortassis & ipsa solueretur. Morbus, ait Galenus, comitalis proximus quodammodo est morbo, quem apoplexiam uocant, quum idem locus in utroq; patiatur, & idem humor in causa sit. Verum apoplexia ob omnimodam carentiam illius potentia, quæ ad nervos defluit, morbus autem comitalis propter motum uitiosum generatur, frigidus autem & crassus ambobus humor est. Vitiosus hic motus non nunquam tam uehemens est & uiolentus, qui per se, sine accessione crassioris materia ob stipationem facere queat, nimirum astringens, & coarctans itinera spirituum, tum casus omnino momentaneus sequitur, & à ruina celerior est erectio, quàm si uiscidus succus interuenisset. Quod spuma plerisq; circa os ebulliat, est æstus pituitæ ex cerebro cadentis, ob iustā ualidamq; expultricis facultatis indignationem.*

*Signa specierum.*

*Cæterum quibus primogenio affectu cerebrum labefactatur, ijs caput graui pondere premitur, perpetuò dolent, uertigine tentantur, facies obscuratur, oculi tenebescunt, olfactus hebetatur, auditus obtunditur, sermonis plectrum titubat, cogitationes turbantur, mæstitia, pa-uor, obliuiscencia, grauis sopor, uana & terrificasomnia, in iram procliuitas, & animus minime*



nime sui arbitrij. Nec aliunde aduersum quid in ferri sentiunt. Quibus stomachus morbum parit, ipsius palpitatio præcedit, tristis quoque sensus, tumultus, erosio, subuersio, & præsertim quum epulatio differtur, tum in hanc regionem cholera, prauique succi celerius influunt. Galenus cuiusdam Grammatici meminit, qui quum diutius ieiunaret, in comitalem incidebat, & promptius, si dolor interim, ira uel intercideret. Cuius corporis habitum contemplant, & de hac ipsa re sciscitanti, stomachum assidue bili urgeri est fassus. In hoc euentu, quam primum inuadit, ægri concidunt, & conuellantur, atque impotens quædam uox (attestante Paulo) interdum eliditur, ob angorem uidelicet uicini cordis. Quum hypochondria offendunt, iij ructus acidos eiaculantur, crudis flatibus distenduntur, intestina murmurant, à sumpto cibo interscapilium dolent, uomitione fatigantur, in cocta reijciunt. In ipsa exacerbatione, uentris onera egerunt, lotium exturbant, è seminarijs uasis genituram excernunt, & hæc propter laborem musculorum circum hypochondria cubantium. Si ab hepate, liene, utero, membrorum uel aliquo originem trahit, non erit difficile idoneis signis colligere, quodnam id sit. Proprias enim uoletudinis sue notas singulatim

Grammaticus epilepticus.



Signa pre-  
sentis mor-  
bi.

quodq; membrum ædit. Si à uermibus, si à putri  
ac pestilente succo alicubi delitescēte, si ex acri  
dolore, si ex percussione, aut alijs id genus occa-  
sionibus aduenerit, non admodum obscura fue-  
rit inuestigatio, ut opus non sit hic longos logos  
attexere. Præsens quidem malum (undecunq;  
assiliat) aperte declarant conuulsiones, ronchi,  
uociferationes, tremores, in gyrum circūactus,  
in terram ruina, sensuum sublatio, oris spuma,  
lotij, stercoris, aut genituræ inuita excretio. Ga-  
lenus in eo, qui est ad introducendos in agnitio-  
nem pulsuum, inquit: Quādiu mediocriter dun-  
taxat turbatur, neq; adhuc natura affectui ma-  
gnopere succubuerit, tantisper nullam pulsus  
mutationem in magnitudine ac uehementia, ce-  
leritate, frequentia, ac duritie inuenias comme-  
morabilem, sed solum uelut tensa est in utranq;  
partem arteria. Quod si affectus fuerit ualidus,  
sic ut uires aggrauet, inæqualitatem quandam  
asciscit, ac tensionem fortem, longiorq; fit, lan-  
guidior, et rarior. Sin uires admodum presserit,  
pulsus efficiet languidos, frequentes, ac celeres.  
Lucretius admodum graphicè hunc morbum  
descripsit libro tertio:

Quin etiam subito ui morbi sæpe coactus  
Ante oculos aliquis nostros (ut fulminis ictu)  
Cōcidit, et spumas agit, ingemit, et tremit artus,  
Desipit



Desipit, extentat nervos, torquetur, anhelat,  
 Inconstanter & in iactando membra fatigat,  
 Nimirum quia uis morbi distracta per artus  
 Turbat agens animā, spumāti ut in æquore salso  
 Ventorum ualidis feruescunt uiribus undæ.

CAPVT VIGESIMVM TER-  
 tium de retegētibz Comitiale.

**M**irum est in rebus naturæ ea esse, quibus  
 luculenter deprehendere licet, si quis-  
 piam huic morbo obnoxius degat, aut si quam  
 curam sanationi impendit, num operam luserit,  
 suaq; spe frustratus, necdum sit assecutus, quod  
 optabat. Quippe qui naturalium rerum peritio-  
 res habentur, in suis literis decantant, idq; ob-  
 seruatum perhibent: quum quis caprina pelle Caprina  
 contegitur, & aqua marina conspergitur, si co pellis comi  
 mitiali tenetur, euestigio concidit, ac se pro- tiale dete  
 dit. Idem ijs quoque euenit, qui caprinum ie- git.  
 cur assatum edunt, aut quibus nares huius  
 nidor perculerit, aut succensi cornu suffitus.  
 Certum est, neque ambiguis testimonijs asse-  
 ueratum, hoc pecu nunquam febris care-  
 re, & sacro morbo turpiter laborare. Quam  
 obrem alienum non fuerit, si & hanc lucem  
 ijs impartiat, qui ipsius aliquid in aliquem



usum trahunt. Hircinum quoq; hepar nota eadem insignitur. Gagates lapis ab igne statim naribus subiectus conuulsionem concitat. Nec aliter naphtha quum olfactatur. Sulphur igni iniectum comitialis depræhendit. Sunt qui mirram huic maleficio opportunam rentur. Dioscorides eam calefacere, astringere, glutinare, siccare, & profundiore somno sopire scripsit.

**Apium** Apium quadam abdita ui, & singulari facultate paroxysmum exciere non uno in loco Aui-  
**an comitia** cenna testatur, & Alexander affirmat. Id ta-  
**lem excitet** men Galenus (cui primas deferimus) non usq; horruit. Consultus enim à parente epileptici pueri, qua cura uteretur ad profligandum morbum, respondit, ante prandium aliquid subducentium uentrem olerum assumat. Ex hoc genere sunt malua, blitum, brassica, sed non nisi modice gustentur. Similiter & porro, & apio, & smyrnio non nunquam uti conducit. Plinius libro uigesimo, capite undecimo sic habet: Non aliud erutum terra in maiore sententiarum uarietate est: distinguitur sexu. Chrysippus sceminam esse dicit crispioribus folijs & duris, crasso caule, sapore acri, & feruido. Dionysius nigriorem breuioris radice uermiculos gignentem. Ambo neutrum ad cibos admittendum, imo omnino nefas: nam id defunctorum feralibus epulis dica



lis dicatum esse, uisus quoq; claritati inimicum,  
caule foeminae uermiculos gigni. Ideoq; eos,  
qui ederint, sterilefcere, mares, foeminasq;. In  
puerperio uero ab eo cibo comitiales fieri, qui  
ubera hauriunt, innocentiozem tamen esse ma-  
rem. Iam & capitis lotio, & uapor calentis  
aquæ, si quid huius uitij intus illatebratur, in lu-  
cem protrahunt.

Nocturnūq; recēs extinctum lumen, ubi acreis  
Nidore offendit nares, consopit ibidem

Concidere et primos qui morbos mittere sueuit.

Comitialem scienter ac docte poeta Lucre- Primus  
tius libro sexto primum appellat, quod scilicet morbus.  
primam ætatem, quæ est infantilis, sæpius oppu-  
gnet. Ex terroze præteza ingentis uociferatio-  
nis, ex stridore serræ, mugitu boum, excussu tor-  
mentorū, fragore tonantis cœli, ex ictu fulgu-  
ris, ex despectu præcipitis loci, ex inclinatione  
uerticis in terram, ex labore mox epulationem  
consequente, ex æstu solis, ex lunæ radijs, ex  
Venere, ex aquilonibus, ex austris, hæc quidem  
omnia epilepsiam degunt.

Cæterum in ipsa accefsione, quæ membra tor- Curatio pæ-  
quentur, ac rigore contracta circumuersantur, roxismi.  
ab ijs continuo, qui spectaculo adsunt, eximia di-  
ligentia dirigi debent, & in rectum extendi. At  
que id quo promptius minoriq; negotio succe-



Pegani fa-  
cultas.

Valefcus.

dat, ea pingui aliquo perungantur. Deinde ef-  
fracto ore, & diductis maxillis digitus linteolo  
obuinctus ad extrahendam pituitam intromitta-  
tur, & penna irino oleo, seu narcifino illita  
uomitibus concitetur, si commodè fieri queat.  
Dentes, lingua, fauces, totumq; oris cœlum con-  
fricentur theriaca, mithridato, confectione ana-  
cardina, & glutiat oxymel cum caftoreo & af-  
fa. Ex ijs uero, quæ olfactu ſenſus expergifcunt,  
torporemq; diſcutiunt, ſunt ruta, eruca, pæo-  
nia, thymus, peucedanum, ſagapenum, galba-  
num, peganum. Cuius poſt aliorum ueridica te-  
ſtimonia, admiradā potēſtatem nec uanus præ-  
co perlibenter efferō. Quippe qui de periculo  
uotis promptiſſimè reſpondere comperi. Nec  
profligando tantum paroxyſmo conducit, quin  
& morbum ipſum potenter tollit. Quæ nari-  
bus inſufflantur, ſunt colocynthis, elaterium, ni-  
gella, elleborus, piper, ſtruthium. Non nulli in  
aurem religioſuli aſſibilant hunc uerſiculum:  
Gaſpar fert mirrham, thus Melchior, Balthaſar  
aurum. Alij admurmurant: purget, & mundet,  
& muniat uos titulus triumphalis, Ieſus Naſa-  
renus crucifixus rex Iudæorū. Valeſchi à Tha-  
ranta præſtat ſubiſcere uerba, qui ſic habet: In  
paroxyſmo dicat aliquis in aure eius ter, pur-  
get, & mundet, et muniat uos titulus triumphā-  
lis Ieſus



lis Iesus Nasareus crucifixus rex Iudeorum. Et statim surget iussu Dei. Vel dicatur iste uersus: Gaspar fert mirram, tus Melchior, Balthasar aurum. Hæc tria qui secum portabit nomina regum, Soluitur à morbo, Domini pietate caduco. Et his in aure ter dictis surget statim. Experta sunt per me, & per multos, & scribantur in charta uirginea, & in collo portentur. Fiat etiam consilium Gordonij, quod ponit de Euangelio, quod cantatur in tempore uindemiarum post festum crucis, hæc Valescus. Quæ ridicula planè, & inepta mihi fabulamenta prorsus uidentur. Quis quæso sanæ mentis anilibus his, et fatuis sermunculis assentiatur, qui nulla ratione consistunt, sed apertæ uanitatis, & damnatæ superstitionis Christianis uiris exhibantur? Beatus Augustinus in euangelium Iohannis tractatu septimo sic habet: Illi qui seducunt per ligaturas, per preces, & per machinamenta inimici, suis preces miscent nomen Christi, ut lateat ipsa seductio. Et libro secundo de Doctrina, capite decimonono, & uigesimo: Ad genus superstitiosæ doctrinæ pertinent omnes ligaturæ, atque remedia, quæ medicorum quoque disciplina cōdemnat, siue in præcantationibus, siue in quibusdam notis, (quas catharafteres uocant) siue in quibusdam rebus suspendendis, atque

Aniles nugæ confutat auctor.



ligandis, uel etiam saltandis quodammodo, non ad temperationem corporum, sed ad quasdam significationes, aut occultas, aut etiā manifestas. Quibus adiunguntur milia inanissimarum observationum, ut quum dicitur singultienti, ut dextera manu sinistrum pollicem teneas, aut ut ad lectum redeas si te calcians sternutaueris. Profecto admirandum non est, minusq; diuinum si post certa aliquot uerbula, bis ac ter repetita epileptici resurgant. Primum non confestim, & euestigio parati assistunt, qui ad aurem accidāt, & insufflent præpotentem illum oris spiritum. Deinde in ea tēporis mora, quæ satis sit tot uersuum prolationi, natura ipsum affectum discū-

**Pericles in cantationibus auscultauit.**

**Iulius carmine itineris securitatem inuocauit.**

**Cleomenes egrotās expiatoribus se dedit.**

tit, ut ipsa restitutio non uerborum inanium, sed uincens naturæ opus existat. Attamen uiros aliquot acres (sed à cultu ueri dei alienos) has ineptias non horruisse comperio. Pericles summa fortitudine, & eloquentia uir, quum grauius egrotaret, & ab inimicis inuiseretur, quasdam ijs à collo sibi pendere muliebres incantationes ostendit, quo tutius ac celerius reualefceret. Iulium Cæsarem dictatorem ferūt post ancipitem uehiculi casum, semper ut primum currum conscenderet, carmine ter repetito itineris securitatem impetrasse. Cleomenes Alexandridæ filius diutino morbo uexatus, expiatoribus ac diuinis



ac diuinis auscultauit. Cato quoq; grauis admodum auctor luxatis membris carmen auxiliari prodidit. Sed uero propius accedit, imò à magnis philosophis cōfessum, quòd morbidum corpus non nunquam reficitur, atque alteratur ex appensa aliqua materia, cuius defluuia inspirantes haurimus. Quæ quum aqualia non sint, in uisceribus excepta operantur, qualiter ea nata sunt operari, à quibus defluerunt. Picturis uero, uocibus, ac sibilis nihil deceditur, quod suppetias adferre queat, nisi quis dæmon operam suam intermisceat. Antoninus Caracallus imperator (attestante Spartiano) eos damnari iussit, qui remedia quartanis, tertianisq; annexa gererent. Et Galenus nostræ familiæ columen libro decimo de Facultatibus simplicium medicamentorum: Substantia est, ait, quæ suspenditur, non uoces, ut quidam facere præstigatorum assolent. Theophrastus quoq; libro nono de historia plantarū: Oenotheræ, inquit, radix data è uino mitiores, hilarioresq; mores reddit. Nec id absurdū appareat, sit enim quasi recreatio quædā ex uiribus, quas radix ipsa uinaceis habet. Sed potius absurda illa putentur, quæ alligata, & ueneficiorum aduersantia uocitātur, et tum corporibus, tum domibus unicè opitulari creduntur. Sunt præterea asseruantes, quum quis cor-

Ex appensa materia corpus alteratur,

Caracallus uetuit annexa remedia



reptus concidit, statim illi magnus pedis digitus  
 ensiculo pungatur, & cruore ex uulnuscule de-  
 lachrymante frons, atq; labia inungantur, pro-  
 tinusq; consurget. Xenocrates in hirundinum  
 pullis binos calculos reperiri dixit. Alter rufus,  
 & hic collapsum in pedes reuocat: alter candi-  
 dus, qui in pelle adalligatus ac gestatus morbum  
 finit. Lapis Iaspis capnostes nuncupatus, à col-  
 lo gestetur. Iaspis alius calamo similis annulo  
 inclusus. Idem præstat chrysolithos, corallium,  
 pæoniæ, & solani radix. Pythagoras dixit non  
 corripere in manu habentes anisum. Ioannes Agri-  
 cola in libro, quem de Herbis inscripsit, cuius-

**Aqua ceraso-  
 rum.**

dam aquæ meminit ex cerasis, ipsius uerba su-  
 biiciam: Ex cerasis distillata aqua certissimum  
 statim adfert remedium, quàmprimum in os epi-  
 leptici iam paroxysmo correpti inditur. Vnde  
 ilico reuiuiscit, & eodem temporis puncto sur-  
 git liberatus, neq; ullo spasmo amplius conuelli-  
 tur, donec per clementiam noua materia aucta,  
 ut fieri solet, alius paroxysmus oriatur. Elicitur  
 hac arte: in uas extillationi accommodum im-  
 ponuntur cerasa non multo ante decerpta, ad-  
 huc succi plena, fiat humoris intra cerasa con-  
 tenti ex igne mediocri eliquatio, quem diligen-  
 ter ut rem preciosam, atq; ære multo uix redi-  
 mendam, curalis asseruandum, de quo in os epi-  
 leptici



leptici paroxysmo laborantis coëffundas drachmas quatuor, aut plures, & statim inhibebis impetum uiolenti morbi. Considerabis tamen ex tribus cerasorum generibus, ea esse ad hanc distillationem eligenda, quæ Germanis priuatim cerasa, hoc est, kyrshem appellantur, dulcia quidem illa, plusquam alia duo genera, quorum alterum magis rubrum, alterum magis nigrum. Hæc Agricola. Plinio libro decimoquinto, capitæ uigesimoquinto tradit, Apronia cerasa maximè rubere, nigerrima esse Aëlia. Lusitanis colorem esse è nigro, rubenti, ac uiridi. Aquulam hanc qui uolet, experietur.

#### CAPVT VIGESIMVM quartum de morbo Infantili.

**I**N pueris promptissime hic morbus uenit, eosq; lactentes potissimum inuadit, non minime propter usum lactis, magisq; quoties id crassum fuerit, aut etiam coagulatum, tum propter immoderatas uigilias, ob immodicum fletum, ob acres in dentitione dolores, ob cerebri debilitatem, ob neruosi generis mollitiæ, et quia plurimo, ac inopportuno alimento utuntur. Nihil aliud uiuere existimant, quàm edere, nec præter esitandi uoluptatem quicquam sequuntur.



Caligula e-  
pilepticus.

Quapropter pedicus, seu infantilis morbus ap-  
pellatur. Quo Caligulam in primis unguiculis  
correptum historia testatur. Hippocrates ait:  
Morbus hic in matris locellis existenti princi-  
pium sumit: Cerebrum enim, priusquam æda-  
tur, (sicuti cætera membra) purgatur, floret,  
crescit. Quod bene, modiceq; purgabitur, nec  
plus, nec minus quàm oporteat, defluat, caput  
sanissimum hic habebit. Si uero plusquam opor-  
tet, cerebrum deliquet, morbosum: Si uero non  
purgetur, sed in cerebrum relabatur, pituitosus  
erit necessario. Quibus autem pueris pustulæ,  
ulcerâ ue per caput, aures, corpus ue pullulant  
saliuosa, mucosaq; sint, melius æstate proceden-  
te degent. Pituita enim hæc emittitur, & purga-  
tur, quæ in matris locellis debuit. Qui sic pur-  
gantur, morbo hoc fere non corripiuntur. Qui  
uero puri, mundi, nitidi ue sunt, quibusq; nul-  
lum ulcus, nec saliuæ, mucus ue prodit, neq; in  
matris locellis hæc purgatio facta fuit, pericu-  
lum est, ne hi hoc morbo corripiantur, & plæ-  
runq; pereunt, si multa pituita superfluat, &  
huda. Tenuēs enim uenulæ, paruaq; eam præ-  
copia, atque crassitudine non capiunt. Quare  
sanguis refrigeratus in unum cogitur, ac peri-  
mit. Sed si pusilla, paucaq; sit, per utraq; uenas  
defluit. Et tum aphorismus locū habet: In mor-  
bis mi-



bis minus periclitantur egrotantes, quorum naturæ, aut ætati, aut tempori magis congruit, quàm quibus nihil istorum. Curationis ratio eo nomine difficilior uidetur, quoniam recens æditorum, & adhuc in cunis uagientium pharmacis ac medicamentis minus opportuna sunt. Dieta. Quare si sanari debeant, nullo remedio commodiore iuueris, quàm qui industriam omnem, atq; operam ad ipsius nutriculae curationem conuertat. Huic igitur eam uictitandi formam præscribemus, quæ & ipsa prosperè ualeat, & salubre lac puellulo præbere queat. Non rarenter ex usu nobis compertum, & omnino rationi consentaneum est, quod aduersa lactantis ualetudo corrumpat, temeretq; eam, quæ bona lactentis erat. Ut parui momenti censendum nequaquam sit, ad hanc functionem sanam, atq; integram deligere, et exquisito uictu præstare, ne in uitiū cadat. In primis summa cura adniti oportet, ut eius lac, quam infantes bibituri sunt, egregie sit temperatum. Quale certè erit, si sanguis eius, quàm optimus sit. Porro is talis est, qui nec flaua abundat bile, nec atra, nec pituitosus est, nec serosus, nec aquoso liquore permixtus. Nascitur autem huiusmodi sanguis à cibo boni succi, tum iusto tempore, modoq; assumptis. Præterea portione tempestiua modiceq; sumpta, de quibus in



eo libro, cui titulū fecimus de Tuenda sanitate,  
 abunde diximus. Sed ut in pauca contraham,  
 quæ & hic locus postulat: altricula eos cibos fu-  
 giat, qui glutinosum, crassum gelidumq; humo-  
 rem generant. In quorum censu & bubula est,  
 & suilla, & agnina, auisq; in aqua degens, &  
 grandis omnis, pavo, grus, cygnus. Conducunt  
 ueruecina, uitulina, hœdina, & gallinaceum ge-  
 nus, præsertim in temperatura aridiore. Confe-  
 runt cāpestres, et montanæ uolucres, phasiani,  
 perdices, merulæ, turdi, turtures, galeritæ, galli-  
 nages, præsertim in humecta cōstitutione. Ga-  
 lenus aittomo tertio Artis parue: Cuius propo-  
 situm fuerit in eodē, quo acceperit, corporis ser-  
 uare temperaturam, similia similibus afferet:  
 quod si permutare, atq; ad melius traducere sta-  
 tuerit, alterum est hic salubrium causarum ge-  
 nns, his quidem quas diximus, contrarium. Mo-  
 dis omnibus officiunt caro uetus, permacra, sali-  
 ta, infumata. Meminerint ingluuiem substringe-  
 re citra saturitatem, neq; cum fame collucten-  
 tur. Tantum edant, quantum stomachus facile  
 concoquit. Pisces nocent magni, & præpin-  
 gues, & qui in turbidis aquis, ac cœnosis de-  
 gunt. Innocentiores sunt boca, solea, asellus, me-  
 nulæ, molitor, passerres, lucius, gobio, perca.  
 Quibus uertigines molestæ sunt, & mens uacil-  
 lat, co-



lat, cochleæ salutare creduntur. Ostreas, cham-  
mas, mitulos, leunculos raro attingant. Ex ole-  
rum genere spinachijs, atriplici, malua, lactuca,  
portulaca non utantur. Beta, fœniculum, ani-  
sum, origanum, rosmarinus, eruca, tarcum,  
hyssopus commendantur ijs, quibus densum, fri-  
gidumq; lac fuerit. Rapum cum porris Trallia-  
nus conferre putat. Galenus ait, absteineat à ra-  
pis, & cunctis quæ comestibilem radicem ha-  
bent: Crassi enim, & digestu omnino difficilis  
succus sunt, præter ea quæ calorem atq; acrimo-  
niam sapiunt, ut raphani. His ex interuallo uti  
conducit. Allium quoq; sumptum iuuat. Ex fru-  
ctibus, assiccatae ficus, amygdala, pistacea (nisi  
uestutas ea uitiet) utilitate non carent, Cappa-  
rim comesse licet, iuglandes non edant, nec me-  
lones, cucurbitas, fungos, bulbos. Offendunt ue-  
tus caseus, lactaria, bellaria. Alexander ait, pari-  
modo interdicienda sunt legumina, præcipue len-  
ticulæ. Ceruissiam bibant mediocrem, aut dilu-  
tum uinum. Meracius sanguinem incendit, & la-  
ctentibus conuulsionem adfert, magisq; nigrum,  
quàm album. Nutriculis nihil æquè incommo-  
dat, ac profluuium alui, peruigilium, multa su-  
datio, immodicus labor, sollicitudo, luctus, ango-  
res. Venereum congressum prorsus auersentur:  
is uehementer succum uitiat, & à bonitate lac

A



Lactis boni  
significatio

deducit. Optimi lactis significatio olfactu, gustu, & visu depræhenditur, quibus uini quoque probitatem exploramus. Præter hæc minime obfuerit, si qua collecta erit redundantia, quam concoquere nequeat tempestiua ciborum parcitas, aut discutere suauius exercitatio, ut eam leui cathartico uacuemus. In quem usum simplicia medicamenta bibant, aut composita corpus non insigniter commouentia. Ex quorum classe sunt cassia, manna, pruna, mercurialis, capnium, myrobalani, rhabarbarum, agaricum, sena, diaprunum, diacatholicum, diaphœnicum, & alia alibi sæpe relata. Postea sumant mithridatum, theriacam, conseruam anthos, inulæ, acori, melissæ, diambra, diamoschum, diacarpe-sium, diacastoreum, oxymel scyllinum, aut aliud aliæ pro constitutionum differentia. Quod ad infantulos ipsos attinet, nimia fartura somno lentos facit, & morbis plerisque alijs nedum comitiali obnoxios reddit: Nimirum si modus non seruetur, teneræ uires fatiscunt, & flatuosa cruditas oritur. Quare nō plus lactis sugant, quàm ob ætatulam imbecillis uentriculus bene suffert, ac prompte potest conficere. Si amplius ingurgitant, in perniciem uitiatum cedit. In eo euentu ex.re admodum fuerit, digito linguam comprimere, aut pennam oleo litam in gulam demittere, quo

Pueros som-  
nolentos fa-  
cit plenior  
suctio.



re, quo reijciant congestæ pituitæ copiam: id ni  
 si fiat, metus imminet, ne omne lac his purga-  
 mentis commistum uitietur. Cuius tum fuligino-  
 sus uapor diro morsu molliculum cerebrum lan-  
 cinabit. Quapropter haud inscite faciunt, qui  
 recens in lucem æditos tris, quatuor uē dies ci- Cibatio re-  
 bant oleo amygdalino, butyro, & saccharo in cens ædito  
 eclegma subactis, aut mel lingendum præbent, rum.  
 quod uentriculi illuuiem, & sordeculas in utero  
 contractas pulchrè abstergit. Sunt qui eximium  
 præsidium aduersus pedicum prædicent, si uul-  
 pino cerebro fauces puerulis subinde fricentur.  
 Non nulli capræ cerebrum in eum usum præse-  
 runt, sed (quod uanum est) traiectum per argen-  
 teum annulum. Alij syrupum e cichorea propi-  
 nant. Nec desunt, qui semen lini, & urticæ cum  
 melle subigunt, & lingendum offerunt. Id effi-  
 caciùs reddetur adiectis aliquot pæoniæ granu-  
 lis. Non pauci cardamomum præmansum oscu-  
 lo indunt, quod in asteris flosculis (herba est in  
 sepibus frequens) purpurescit (attestante Dios-  
 coride) comitialibus infantibus prodesse credi-  
 tur. Eadem facultate pollere nigræ uiolæ flores  
 præter Dioscoridem, Plinius, Macer, Serapion  
 scripserunt. Haud mediocrē attulisse opē experi-  
 mento certo compertum est, si radix pæoniæ re-  
 cens eruta his à collo suspendatur. Idem quoq;



Spartiatarum mos.

præstant pyrethrum, peganum, tarcum, ruta, corallium, sapphirus. Ipse cunæ coronentur thymo, calamynthe, sampsucho, & pedum plantule castoreo perungantur. Hippocrates in eo, quem de Salubri dieta inscripsit: Infantes, ait, diu calida sunt lauandi, ijsq; uinum dilutum est exhibendum, quod prorsus tamen frigidum non sit. Idq; offerendum, quod uentrem minimè attollit, & flatum cieat. Atq; hæc facienda sunt, quominus tentent conuulsiones, ipsiq; crescant, & melioris coloris fiant. Spartiatis olim is mos fuit, ut iamiam æditos uino abluerent, quo periculum facerent habitudinis ipsorum, & quænam spes esset futuri roboris. Siquidem affusum merum acribus fumis sensuum organa implet, neruorumq; uigorem debilitat, ut statim sacro morbo corripiantur, qui hoc genus minus bene constitutum habent. Cæterum lauare tenellulum oportet, uacuo, & inani uentriculo, neque dum inconfectum lac adhuc obhærescit. Discrimini coniunctum est, & quidem magno, si pleno uentre infrices, lauesq;. Commodissimum porro tempus fuerit, post profundissimum somnum, & altam quietem. Sub id tempus planè digestum offendes, quod multo antè sumpserat. Caput uero non lauabis, neq; fines turbidum halitum feruentis aquæ per nares, ac cætera spiramenta



menta in huiusmodi cerebellum peruenire. Sed corpus reliquum in solio demergere licebit, & clementer defricare. Nunc & diligens cura rei, quam sum dicturus, impendatur. Ne scilicet delicatus pusio pauore aliquo repentino exterreatur, aut instrumenta sensuum terribile quid subitaneo impulsu conquasset. Quod solent efficere incondita hominis uociferatio, aut obscœnus animantis mugitus, seu grauis cœli tonantis fragor, uel perstrepens clangentium tubarum sonitus. Ioannes Mattheus à Gradi in capite de Phrenitide supra nonum Almanforis, filium suum epilepsia correptum scripsit ex inopinato huiusmodi tubarum increpitu, post occubuisse intra decem horas. Curandum præterea ne insomnijs, ac peruigilijs uexetur. Nec soporiferis iterum somnus statim conciliandus, sed adulabili cantu, & leni succussione grabatuli, aut crepitaculis tinnientibus, aut aquæ illisu guttatim in peluim stillantis aduocetur. Quippe quum hæc audiunt, nouæ rei insuetudine ueluti obstupescunt, ac sese colligunt, colligendo admirantur, admiratio quum motus quidam sit, calefacit, calor in humido euaporationem facit, euaporatio somnum gignit. Iam si per ætatem dulcis pusio gradi non queat, in ulnis ipsum nutricula gestet, & à calore, frigore, uento, & imbre probe

Pueri ex-  
terrendi nō  
sunt.

Ioannis Ma-  
thei à Gra-  
di filius epi-  
lepsia mor-  
tuus.

Somnum al-  
luit suauis  
modulatio.



communiat. Haftenus quæ dicta sunt ad primos omnino unguiculos, & adhuc à matre rubentes pertinent.

Comitalis  
cum ætatis  
mutatione  
sanatur.

Quamuis eorum non nulla maioribus quoque annis obseruanda monemus. Antiquus magister, ut minime uanam nobis sanationis spem inierit, ita & rectæ curationis rationem in ætatis mutatione docuit: Quicumq;, ait, morbo comitali laborant, mutatione maxime ætatis, & temporum, & locorum, & uictuum liberantur. Et alio loco: Quibuscunq; morbi comitiales ante pubertatem fiunt, mutationem accipiunt. Quibuscunq; uigesimo quinto, commoriuntur. Siquidem crassi, frigidi, ac pituitosi succi plerunq; hos efficiunt. Natiuus calor à pueritia cum ætatis acceſſione, donec in summum uigorem conscenderit, quotidie augetur, forteſcit, intenditur, qui tandem potis fiat frigidum morbum ab incunabilis contractum ſoluere, ac discutere. Quod ſi ſecus eueniat, & morbus ipſe in accremento caloris non diſſipatur, ſed difficilis, ac contumax obhæret, caditq; in uetustatem, nulla deinceps ſalutis ſpes relinquitur, ſed in mortem comitatur. Quare ſi quemquam anno uigesimo quinto corripiat, ex ætatis mutatione nullum auxilium expectatur. Quandoquidem ab eo anno calori naturæ nihil accedit, cu-



dit, cuius acceſſione euictionem ſperemus. Galenus ait Prædictionum libro tertio, commento trigeſimo: Primus terminus conuerſionis ad habitum frigidiorē trigeſimus eſt annus, nouiſſimus uerò trigeſimus quintus. Ab anno ergo uigeſimo quinto nihil caloris accedit, & poſt trigeſimum plurimis imminuitur, & fit habitus frigidior. Quibus tardiſſimè frigefcit, eſt annus trigeſimus quintus. Verum puerulis pedico laborantibus circa pubertatem natura promptè opitulatur. Quippe qui ex augmento ætatis potens, ualidusq; calor increuit, noxium ſuccum attenuat, concoquit, digerit. Neq; eſt unus omnium certiſſimus terminus pubertatis, propter caliditatem & frigiditatem temperaturæ. Calidi enim citius, frigidi uero tardius pubeſcunt. Galenus ait tomo quinto Aphoriſmorum, commento ſeptimo: Vnde liquet, quod pubertatis tempus uſq; ad uigeſimum quintum annum extendi arbitratur, ſumens initium in ſecunda ſeptimana. Et paulo poſt: Tempus autem pubertatis eſt, poſt quartumdecimum annum, uſq; ad uigeſimum quintum. Hac itaq; ratione uia nobis præditur probæ curationis, niſi ſuccluſis oculis, Andabatarum ritu, pugnare uelimus. Conſtat enim ex prægreſſis calorem glutinoſam, frigidamq; huius affectus materiam uincere ac ſu-

Annus trigeſimus gradus eſt in habitum frigidiorē.



perare. Quocirca pro uiribus annitendum erit,  
 ut res omnes, quas medici nō naturales uocant,  
 non solum à frigefactione declinent, sed euiden-  
 ter, ac strenue calefactent. Ex quarum censu, lo-  
 ca, tempora, & uictus perhibentur. Quare non  
 ab re senex alibi dixit, Febrem superuenire con-  
 uulsionem melius est, quàm feбри conuulsionem.  
 Atq; iterum illud: Naturarum hæ quidem ad  
 æstatem, hæ uero ad hyemem bene aut male se  
 habent. Post hæc si ferant anni, ut purgatiuo  
 pharmaco redundantia uacuetur, id maxime  
 tentandum erit sub uernum tempus, quo morbus  
 hic potissimum commouetur. Hippocrates ait:  
 Vere etenim furores, et atræ biles, & morbi co-  
 mitiales. Sed syrupum aliquem præparandæ ma-  
 teriæ præmittere oportet. Qualis est, è marru-  
 bio, calamyntha, hyssopo, stichade, è radicibus,  
 oxymel scyllinum. Deinde exhibeantur pilulæ  
 elephanginæ, aut hieræ, et saccharo uestiantur,  
 aut puluere glycyrrhizæ, ne amaritudine per-  
 cutiantur. Lucretius inquit:

Nos ueluti pueris absinthia tetra medentes  
 Quū dare conamur, prius oras pocula circum  
 Inficimus mellis dulci, flatuoq; liquore,  
 Vt puerorum ætas improuida ludificetur,  
 Labrorum tenuis, interea perpotet amarum  
 Absinthij laticem, deceptaq; non capiatur,  
 Sed po-



Sed potius tali facto recreata ualeſcat.

Conficiatur huiusmodi ſyrupus: & ſaluia, ro-  
riſmarini, betonica ana. p. j. radicis pæoniae 3.  
iij. radicis acori, inulae, ana 3. ij. carpeſij, xiloa-  
loes, nucis myrſticae ana 3. j. radicis filiculæ 3.  
vj. coquantur, & in decocto macerentur aga-  
rici 3. iij. rhabbari 3. iij. pulueris folliculorū  
ſenæ 3. j. epithymi 3. vj. à maceratione diſtrin-  
gatur per colum, & adde mellis roſati quantum  
ſatis ſit, cuius cochlearia duo accipiat. Aut & ſy-  
rupi è cichorea 3. iij. mellis roſati 3. ij. ſpecie-  
rum hieræ ſimplicis 3. f. capiat ex interuallo co-  
chlear ieiuuus. Puluis quo ſæpenumero utor: &  
turbith 3. iij. agarici 3. ij. rhabbari 3. j. zin-  
giberis, cinnamomi, nucis moſchatae, ſeminis  
pæoniae, caryophyllorum ana grana. vj. galan-  
ge 3. f. capiat 3. f. aut 3. ij. pro modo ſumentis.  
Ab aliquantula purgatione, grauioſem enim  
non ſuſtinent, quotidie os colluant, decocto pu-  
legij, thymi, roriſmarini, & mandant calamum  
confectum aut inulam, aut zingiber conditum,  
pyrethrum, myrobalanum chebulum. Sed præ-  
ſtat Galeni medicamentum laudare, quod in hūc  
modum narrat: Pharmacō ſcillæ poſt uacuatio-  
nem quotidie filius utatur. Et ſane niſi uehemen-  
ter grauis, induratusq; ſit morbus ille. ſpero me  
quadraginta dierum ſpacio illum perfectē hoc

Pharmacō  
Galenī ex  
ſcilla.

A 3



pharmaco sanaturum. Sic etenim innumeros ipse pueros curavi nullo usus ueratro. Post purgationem uero priusquam hoc pharmaco utatur, bibere semel, atque iterum absinthium debet. Scyllitici pharmaci præparatio talis est: Melitera uasa (sic enim Græci ea, quæ melle sunt euacuata uocant) apparans, scyllam inijcio, manibus antea tenuiter contritam, deinde angusto cooperiens operculo, & extrinsecus toti pellem uasi circumdans, diligenterq; obturans in locum meridiem uersus spectantem repono, bene tamen à septentrionalibus uentis munio, tegoq; ne perflatur. Illud autem circa id anni tempus facio, circa quod canem oriri à Græcis omnibus est receptum. His igitur diebus paulatim situm aliquando uarians, alia, aliaq; parte uas soli obuerto, ut undiquaq; similiter incalescat. Post id uero tempus aperiens, in uase scyllæ substantiam coctæ similem inuenio, effluentem præterea humorem ex ea excipiens optimo melle edulco. Eius autem deinde cochleare plenum quotidie indigentibus præbeo, pueris quidem paruum, adultis uero magnum. Superstitem scyllæ materiam diligenter tundens melle etiam subigo, & huius similiter cochleare trado. Habet autem hæc alterum à priore gradum. Qui uero scyllam aqua coquentes subigunt, omnem eius uim solunt.



Soluunt. Quemadmodum qui aceto tantum præparant, forte quidem efficiunt pharmacum, sed nervis non innoxium.

CAPVT VIGESIMVM-  
quintum de curandis Epilepticis.

**H**is morbus quia pertinax est, & difficulter superabilis, nō iniqua ratione nomen ab ipso Hercule sumit, diciturq; Herculeus. Hippocrates ait libro secūdo Prædictorū: Sacro comitiali ūe morbo correpti difficillime liberātur, præsertim quibus de pueritia ad uirilitatē usq; creuerit una, deinde quibus in adolescētia uigenti corpore ualido, et ætate fiet, fueritq; de uigintiquinq; annis usq; ad quadragintaquinq;. Post hos, quibus malum hoc, qua parte corporis incipiat, nō præsignauerit. Quare enixius elaborandum, et omnis mouendus lapis donec superiores uincamus, et ab anima nostra tam infestū hostem **Comitalis** procul arceamus. Profecto ipsius apprehensio, **apprehen** quū in corpus incidit alioqui incolume, nec usq; **sio nō usq;** imbecillum, magnopere formidabilis nō est, nec **formidabi-** hominem protinus ē medio tollit, aut transmittit **lis.** in lōinquam regionē. Sed hoc habet eximium nimisq; terrificū, quod inopinato nihil suspicantem, aut præsentientem inuadit: Vt si quis solus



(quod euenit) foculo assideat, in eum occupatus nemine succurrente corruat, aut si in ripis fluminis incommitatus obambulet, incogitans in aquas concidat, ac suffocetur. Quamobrem consentaneum nullus inficiabitur (nisi is, quem subitanea, ac miserabilis mors non exterreret) quin diligentia quauis, omniq; opera annitendum erit, ut ab importuno morbo liberemur.

**Dieta.**

Crudititas in primis fugienda est, crudos enim ac pituitosos succos gignit. Quod si qua huius uitij significatio apparebit, confestim epulationi non nihil subtrahere oportet, & ingluuiem substringere citra saturitatem. Expedit naturæ non plus tribuere, quàm prompte conficere queat. Sufferunt hi uictum, si modo ulli alij, frugalem. Neq; inutile fuerit longi piperis aliquid in cibo dare, atq; utilius diospolitico uti. Cuius cõpositio apud Galenum est in libro de Tuenda ualitudine, ex paribus omnibus, ruta modicè arefacta, pipere, cumino, & nitro. Sunt qui perhibeant Cæsare comitali (quo correptus primum Cordubæ cecidisse dicitur) per sobrietatē remedium adhibuisse, ut uictus parsimonia, & durissimis laboribus, uigilijsq; euaserit. Nihil funestius, quàm concoquentem stomachum merenda turbare. Quod permulti cum suo malo ridiculum, nugaxq; putant. Cassandræ uaticinatio

**Cæsar epilepticus.**

**Cassandræ uaticinatio inutilis.**



patriæ propterea nihil profuit, quia contemnebatur. Et ad Hebræos illud est Apostoli. Non profuit illis audisse sermonem, quod is non esset cum fide coniunctus ijs, qui audierant. Sic multi quoq; medicis præceptis non obtemperantes, eaq; pro fabulis anilibus surda aure auersantes in pœnitendos laqueos corruunt. Hora cibationi apta ex consuetudine ducitur, quumq; inanis allatrat uenter. Cum quo nec temere colluctandum censeo. Fames enim & mora, bilem in nasum concitant. Hippocrates ait in libro cui titulum fecit de Prisca medicina: Si prandere quis consuevit, & non prandeat, quum primum hora transit, protinus uehemens debilitas, tremor, animi defectus, lutei fiunt oculi, lotiũ crassum, calidum, feruens, os amarescit, intestina lancinantur, hypochondria suspenduntur, percitur ira, difficulter spirat, languidus efficitur. Carnes uitent bubulas, suinas, ouillas, hagninas, hyrcinas, ceruinas, ursinas, Auicēna caprinas non inutiles putat. Quũ tamẽ id animãs hoc morbo sæpius tentari cõpertum sit, Galenus prauum esse succi dixit. & Hippocrates sic habet libro quarto de Ratione uictus in morbis acutis: Caprinæ carnes magis conducere uiderentur, nisi omnia bubularum carniũ uitia haberent. Nam & concoctu difficiles sunt, & flatum magis susci-



Heliogaba-  
li cibus ad-  
uersus comi-  
talem.

tant, et ructum, bilemque pariunt. Conferunt uer-  
uecina, et quæ est iunicum, hœdina. Campestris  
aues, et montanæ, magis quam altilis, et co-  
hortales. Quæ in aquis degunt, et uastæ ma-  
gis ambulant, quam uolant, insalubres reiiciantur.  
Heliogabalus esitare solebat calcanea Cam-  
melorum, et cristas uiuis gallinaceis demptas,  
linguas pauonum, et lusciniarum, quod qui ede-  
ret, epilepsia tutus crederetur. Pisces præterea  
grâdes, aut præpingues, aut ex magnarum ciuita-  
tum fluuijs, aut stagnis, inertibusque aquis ductos  
nequaquam attingat. Ceruisiâ bibant nec præte-  
nuë, nec præpotetë. Hæc crassius uaporibus cere-  
brum opplet, illa flatum, ac cruditatē gignit. Vinum  
iis (nisi aliquid consuetudini dandum sit) inimi-  
cum esse constat, præsertim nouum, ac resina-  
tum. Paulus inquit, ægrotos diu aquam bibere  
oportet. Aëtius ait, expedit ægros intra longam  
aquæ potionem exerceri. Commodius quidem  
existimo, si uinum afferre ueremur uti in hac no-  
stra regione propter penuriam, et egestatem sa-  
lubris aquæ, et quia nullam bibere assueuimus,  
hydromel potent, potissimum si piperis non ni-  
hil indatur. Ab epulatione sumant huius trage-  
matis cochleare, nec superbibant: et panis bis co-  
cti ʒ. ij. cinnamomi ʒ. j. (Galenus ait libro primo  
de Antidotis: Sermoni de optimo cinnamomo ha-  
bito

Galenus cin-  
namomum



bito, aliquid necessarium cogito adijcere, ut sit odoratissimum, indicibilem quādam odoris gratiam super alia omnia referat, gustanti calidum admodum percipiatur, non tamen ut molesto rodat, colore autem tale, ueluti si quis lactis colorem giluo admiscuerit cum modico cæruleo nuncupato) seminis anisi, fœniculi, coriandri præparati ana ʒ. ʒ. mentæ, sampsuchi, thymi, roris marini, betonicæ, ana ʒ. ʒ. macis, nucis moschatae, cariophyllorum, cardamomi, seminis pæoniæ, maioranæ, rutæ siccae ana ʒ. ʒ. puluereſcant in usum dictum. Quibus uero impendijs facultas par nō est, à pastu sumant buccam panis bis cocti, aut morsulum aromatici rosati, aut diacotonei. Postquam exempta fames epulis, & mensa remota est, non statim saturi, tanquam fuste abacti, ad cubiculum deproperent. Periculosum est, & in hanc nassam cum primis hominem compellit, cibus nondum in imum uentrem delapsis sese componere somno. Validum exercitium, si plenum est corpus, nemo nescit officere. Neq; expedit ijs inclinato capite, dorso uē, aut humi uolutatis excitari. Caput quoq; cōfricandum erit, nisi post aliarum partium fricationes. Nullo pacto (ait Galenus libro de Venæ sectione aduersus Erasistratum) epilepticum quempiam balneis euacuare attentabimus: id quod tu quoq; Eras



strate cauendum rectè putas. Sanguis scilicet in calido lauacro in uapores resoluitur, ac in spiritus redigitur, proptereaq; ad motum incitatur, & in tumorem attollitur. Ad hæc corpora calidis lotionibus mollia, debiliaq; efficiuntur.

**Curatio.** Curadi ratio multiplex est, pro insalubrium causarum uarietate. Nam si quis non graui usq; uertigine tentatur, nec etiam uehementius conuelletur, neq; profundus stupor sensus occupat, sed mox euanescente fumo consurgit, atq; omnium meminisse potest, quæ gesta sunt, ingens erit fiducia ipsum malum per alimenta commoda, & probam uictus obseruationem superari posse. Quod si maior sit offensio, atque acrior, quàm quæ dieta tolli queat, protinus contemplandum erit, num facies multo rubore perfundatur, num auditus hebescat, oculorum uenæ promineant, arteriæ temporum fortius pulsent, num quæ secundum collum (Græcis carotides, latinis dictæ soporariæ) pleniores tumeant, oris salina dulcescat, cor angatur, num cruētū quid apprehensum ex ore elidatur, aut membra sudore laxentur. Hæc profecto calidi sanguinis abundantiam testantur. Quibus phlebotomia apprimè conducit ex uena iuxta talum procurrente, aut in magnum pedis digitum. Deinde ex cephalicis, & ijs quæ sub lingua, aut in naribus ipsis conspectio



conspetiores apparebunt. Attamen quies non  
nulla interueniat, nec uno, altero ue die omnes  
sine maiori intercapedine fodiantur. Sanguinis  
tantum detrahatur, quantum natura bene fert,  
& in aucta moles exigit. Aut quid aliud agen-  
dum, quod tantundem ualeat. Sanè tantundem  
possunt hæc, quibus præter consuetudinem hæ-  
morrhoides restrictæ cubant, si has in fluorem  
concitaueris. Mulieri menstrua purgatio si con-  
sistat, ut ea proturbetur. Galenus ait libro de cu-  
randi ratione per sanguinis missionem, Menses **Muliebrem**  
abunde prouocant, & nepita, & pulegium, ex- **fluxum con-**  
hibebis ea in melicrato cocta, sed antea contusa, **citantia.**  
arida, cribroq; subtili discreta, ac rursus trita,  
usq; dum pollinem tenuitate referant, ita deniq;  
melicrato inspergi. Atque hæc quidem medica-  
menta mitia sunt. Valentiora sunt sabina, & di-  
ctamum, optimum est ubi cinnamomum accepe-  
rit. Sed hæc, quo tempore oportet, propinanda  
memineris, quando scilicet menstrua proluuies  
in expectatione futura est. Iam si uotis non suc-  
cesserit, nemo ignorat uenas pedis percutien-  
das. Postea & malleolos scalpello incidere ex-  
pedit, & hypochondrijs cucurbitulas affigere,  
& tandem occipitio. Aluus deijciatur clysmate,  
aut balanis, quod subsidium crebriter tentan-  
dum erit. Clyster: R boraginis, circij, fumiter-

B



*ra*, *mercurialis* ana. m. j. *saturegia*, *thymi*, *hys-*  
*sopi*, *betonica* ana. p. j. *seminis anisi*, *sceniculi*,  
*paonia* ana 3. j. *seminis cartami* 3. iiij. *passula-*  
*rum mundatarum*, *polypodij quercini* ana 3. j.  
 coquantur, & excolato adde *diacatholici* 3. j.  
*olei camomillae* 3. ij. *mellis rosati* 3. j. *salis* 3. ij.  
 infundatur. Deinde æstuosi sanguinis feruor as-  
 ficientibus & refrigerantibus medicamentis com-  
 primatur, & huiusmodi syrupus concinnetur:  
 & *succi fumiterræ*, *sarfaræ*, *plantaginis* ana lb.  
 j. *succi boraginis*, *buglosi*, *uini malorum gra-*  
*natorum* ana lb. f. in his succis macerentur per  
 noctem & diem *radicis inulæ*, *paonia*, *britan-*  
*nica*, ana 3. f. *rosarum rubearum*, *florum nym-*  
*pheæ*, *cichoreæ* ana. m. j. *florum anthos*, *sticha-*  
*dis* ana. p. j. *omnium sandalorum*, *spodij*, *terræ*  
*sigillatæ* ana 3. f. ab ipsa maceratione coquan-  
 tur, & decoctum cum saccharo rosato syrupife-  
 tur. Solutium pharmacum offeratur, quale est  
*diacatholicum*, *diaphœnicum*, *diaprunum*, *ele-*  
*ctuarium lenitium*, *pilulæ è hiera*, *fumoterræ*,  
*rhabarbaro*, sine quibus esse nolo. Purgationi  
 succedat fricatio, initium sumentes à thorace,  
 brachijs, spina, & tum ad crura, postremum ue-  
 ro ad caput perueniemus. Prima fricatio esto len-  
 ta, levisq; secunda concitior, duriorq; donec  
 corpus plane concalescat, & floridum efficiat-  
 tur. Hip-



tur. Hippocrates ait in libro de Ventosis flatibus: Quando autem, qui hoc morbo corripuntur, molestia hac liberantur, dicam. Cum laboribus corpus exercitatum, & uexatum calefit, sanguis etiam calefit, qui calefactus spiritus calefacit, qui calefacti dissoluuntur, sanguinisque statum, consistentiam ue dissoluunt, qui partim cum sanguine, partim cum pituita profiliunt, spumaque non amplius feruente, sanguineque consistente, quieteque, & tranquillitate facta in corpore morbus cessat, & sedatur. Interdum assumat conseruam rosarum, nenupharis, cichoreæ, capillorum Veneris, calendulæ, melissæ: aut eclegma conficiatur in hunc modum: R. conseruæ rosarum, & florum cichoreæ ana ℥. j. myrobalanorum flauorum conditorum ʒ. vj corticis citrei, & rantiarum conditarum ana ℥. f. conseruæ anthos, stichadis ana ʒ. ij. specierum diarhodi abbatis, diamargariti frigidi ana ʒ. j. seminis pæoniæ grana, xv. cum syrupo è menta concorporentur. Si pituita morbum gignit, hisce in dicijs non obscure colligitur, facies albet, oculi fluunt, nares mucco scatent, saliuæ in ore multa, caput pondere premitur, uita sedentaria, uictus plenior, isque frigida ac humida materiæ, lotium quid liquato uitro assimile habet, regio algida, tempus hybernum, in paroxysmo alben-

Curatio ex  
pituita.



tis spumæ copia egeritur. Hi in aere uersentur calido, lucido, ac sereno, tenuem dietam obseruent, uentriculum nihil onerent, cibos uitent crassum, gelidum, ac glutinosum succum gignentis: labores, & exercitia fugiant, nisi probe inanito corpore. Alius clysmate eluatur in hunc modum: ℞ hyssopi, thymi, centaurij, stichadis ana. m. j. seminis anisi, seseli, carei ana p. j. seminis carthami ℥. f. polypodij quercini ℥. j. colocynthidis ℥. iij. passularum mundatarum ℥. j. radices pæoniæ, inulæ, acori ana ℥. iij. coquantur, & excolato adde olei absinthij, rutæ et chamæmeli ana ℥. j. mellis rosati ℥. j. salis ℥. v. submittatur. Ipsa pituita morbum concilians coquatur syrupo è prasio, stichade, calamyntha, hyssopo, è radicibus, melle rosato, oxymelle. Aut talis apparetur: ℞ saluiæ agrestis, betonicæ, primulæ ueris, thymi ana. m. j. radices sparagi ℥. j. radices pæoniæ, inulæ, acori ana ℥. f. seminis rutæ, baccarum lauri, seseli, pæoniæ ana ℥. ij. seminis agni casti, cubearum, cardamomi, nucis myristicæ, xyloaloes, piperis longi ana ℥. ij. passularum mundatarum ℥. ij. glycyrrhizæ ℥. iij. coquantur secundum artem, & decoctum syrupifetur cum melle. Aut iuleb exhibeatur pro hac forma: ℞ decocti hyssopi, & betonicæ ana ℥. j. syrupi è marrubio, oxymellis compositi ana



ti ana ℥.ij. sumat bis quoq; die ℥.iiij. Post hæc proprio cathartico extrahatur, in quem usum ualent pilulæ aggregatiuæ, foetidæ, cocciæ, elaphanginæ, agarici, hieræ, colocynthidis, ellebori. Elleborus in Anticyra tuto, sumebatur, & ipsius præsertim fructus, quem sesamaceum fert. Liuium Drusum Tribunum plebis, quum comitalem pateretur, in hanc insulam nauigasse, & elleborum bibisse, morboq; liberatum historia testatur. Cõfert huiusmodi pilularum compositio: & pilularum è hiera ℥.ij. agarici recens trochiscati ℥.j. trochiscorū alandal gra. v. cū melle anthosato formentur quinq;. Aut & pilularum assayeret ℥.ij. cocciarum ℥.j. elaterij granum. j. aut grana duo. Quod si hoc genus præsidij horreat, nec catapotia uorare uolet, decoctum pareretur pro hac forma. & hyssopi, satureiæ, thymi ana p. j. florum roris marini, stichadis, añ. p. f. passularum enucleatarum ℥. j. polypodij ℥. vj. seminis cartami ℥. iiij. seminis pæoniæ, urticæ, seseli ana ℥. j. coquantur in aquis betonicæ, & melissæ: in colatura per noctem macerentur agarici trochiscati ℥. ij. ellebori grana. vj. mellis rosati ℥. j. facta expressione propinetur. Aut & diaphœnici ℥. iiij, hieralogodij ℥. ij. salis gemmæ grana quatuor. Vtilis est et hiera Hermetis, Archigenis, Ruffi, & oxymel Iuliani, cuius

Liuius Drusus  
elleborum  
conseruatus.



compositio est apud Æginetam libro septimo:  
 Purgationi succedant exercitia, fricationes, uin-  
 cula, cucurbitulæ, olfactent rutam, peganum, sal-  
 uiam agrestem, thymum, maioranam, nigellam,  
 Gargarissent decoctum rorismarini, tarci, pyre-  
 thri, raphani, pæoniæ, oxymel scyllinum. Nari-  
 bus trahant succum betæ, ederæ, auriculæ mu-  
 ris, aut in eas inserantur surculi cunilæ bubu-  
 læ, aut sylvestris nepitæ, aut radices betæ in ex-  
 pressio herbæ suæ succo maceratæ. Aut scrypu-  
 lus elaterij disteratur in uncia foeminei lactis.  
 Paulus inquit: Medicamentum quod naribus in-  
 datur, ad ueteres cepheas, lippitudines, & mor-  
 bos comitiales, nigellæ pōdo 3. viij. ammoniaci,  
 elaterij singulorū 3. iiij. tunsa, oleo sycionio, uel  
 irino uel cyprino excepta, ut cæрати fiat spissi-  
 tudo, naribus demittuntur. Aut & nucis moscha-  
 tæ 3. iij. caryophyllorū, macropiperis añ 3. j. el-  
 lebori, euphorbij añ 3. f. in tenuissimum pulue-  
 rem atterantur, & cum penna insuffletur, scry-  
 pulum unum. Masticent pyrethrum, agaricum,  
 mastichen, seseli. Scribonius Largus compositio-  
 ne nona: Si per os, inquit, magis detrudere ma-  
 teriam uisum fuerit, quia non sine tormento per  
 nares ea deducitur, suadebimus pyrethri radi-  
 culam commanducare, atq; subinde hiantem pa-  
 ti flere saliuam, uel uuam passam cum piperis  
 albi gra-



albi granis totidem dabimus commaducandam,  
et expuendam, æque enim et hæc deducunt pi-  
tuitum. Aut R. seseli 3. j. mastiches 3. f. nucis  
moschatae, cubeborum ana 3. j. agarici trochis-  
cati 3. ij. pyrethri 3. iij. staphisagriae, nigellae  
ana 3. j. salis ammoniaci 3. f. elaterij grana. vj.  
cum passulis enucleatis conficiantur formula  
planæ 3. f. ponderantes, et unam altero quoq;  
die, aut tertio ieiunus dentibus molat, et affluen-  
tem saliuam diligenter expuat. A primo sono ex-  
perrectus sumat auream Alexandrinam, mithri-  
datum, theriacam, myrobalanum chebulum, zin-  
giber uiride, pyrethrum melle exceptum, cala-  
mum odoratum, inulam, nucem myristicam, aut  
quid tale, quod cerebrum calefaciat, sensus cor-  
roboret, torporem discutiat. Galenus ait: Novi  
quosdam nostræ ætatis homines ossa humana  
usta comitiales, et articulares morbos patien-  
tibus propinasse, nescientibus ægris quid bibe-  
rent, ne forsitan abominarentur, et multos hoc  
remedio curasse. Mox iterum recurratur ad cly-  
steres, balanos, syrupos, aposemata, pilulas, po-  
tiones. Vsurpentur pilulae conscriptae in capite  
de uertigine, aut quæ in hunc modum conficiun-  
tur: R. aloës electæ 3. ij. agarici recens trochis-  
cati 3. f. salis gemmæ 3. ij. infundantur in succis  
betonicae, et brassicae, et soli exponantur, idq;



fiat bis, aut ter ab arefactione renouatis succis,  
 tandem adde ameos, anthos, stichadis, seminis  
 pæoniæ, asari, nucis moschatae, galangæ, cube-  
 barum, caryophyllorum, xiloaloes ana ℥. f. tro-  
 chiscorum alandal ℥. j. elaterij grana. ix. masti-  
 ches, spicæ ana grana. v. cum hiera picra aggre-  
 gentur. Sunt qui sacram anchoram existiment,  
 dera sum caput synapismo emplastrare, aut scyl-  
 la, lepidio, tapsia exulcerare, Hiberidis radix  
 emplastri modo cum salso suillo adipe quatuor  
 horis illita calefacit, & urit. Auicenna inquit  
 phen prima tertij: Et quandoq; sient emplastra  
 capite prius abrafo ex medicamentis soluenti-  
 bus genus humoris, qui est in eo, quum non ti-  
 muerimus ex illis corruptionem complexionis,  
 & confisi fuerimus, quod materia effusa ad  
 euacuandum facilis erit. Non nulli candens  
 ferrum adusq; sincipitis os demittunt. Prose-  
 cto ad ultimos morbos ultima remedia ex-  
 quiruntur. Nec potest uehementi malo, ni-  
 si æquæ uehemens auxilium succurrere. Si cæ-  
 tera minus respondent, nequaquam præter-  
 mittendum censeo huius modi præsidium. Cuius  
 & ego non sine fructu operationem censeo. Sal-  
 tem scapulæ urantur, aut circa tertiam, & quar-  
 tam ceruicis uertebra causticum applicetur,  
 quod pro hac formula concinnetur:

In mor-



In mortariolo tritum bene pone sinapis  
Semen, iungatur panis huic candida mica,  
Sic ut tertia pars sit panis iuncta sinapi,  
His ficus siccas, & mel, iungas & acetum,  
Ætatis quantum, uel morbi causa requiret:  
Nam quo plus ficus sicca, uel mellis habebit,  
Ille sinapismus, tanto solet acrior esse,  
Debilior, quo plus panis mittes, & aceti.

Cuius uersiculi sint, non uenit in mentem.

Aut & fermenti acris 3. iij. mellis anacardini  
3. j. cantharidum 3. ij. aceti quod satis sit. Aut  
& nitri 3. ij. calcis uiuæ 3. j. saponis nigri 3. ij.  
euphorbij grana. vj. cum modico oxymellis scyl-  
litici aggregentur. Aut folium brassicæ cum li-  
xiuia tundatur, quæ prima extillat in cōfectura  
saponis. Ioannes Arculanus supra nonum Al-  
mansoris: Inter cætera, inquit, duo sunt ultima  
curantia epilepsiam cerebralem, si manu huma-  
na potest curari. Vnum est, ut fiat contractio ma-  
terierum de profundo capitis ad cutim, ita quod  
in cute fiant alsahafati: ad quod faciendum, po-  
natur supra magnam partem capitis, & pro-  
priè supra commissuram coronalem, & sagitta-  
lem hoc emplastrum capite derafo, & ammoni-  
aci dissoluti cum pinguedine anatis, aut miluij,  
quæ magis propria est, 3. ij. fermenti 3. j. sinapi  
subtiliter puluerisati 3. f. cantharidarum 3. f.



*pæoniae* 3. ij. fiat emplastrum, & dimittatur su-  
 pra locum, donec rubesciat, & uesticulis faciat, et  
 crustas, deinde remoueat, & cum pinguedine  
 milui fiat inunctio, postea iterum emplastrum  
 apponatur, & sic toties fiat, nunc cum uno, nunc  
 cum altero, donec crustæ, & alsabafati in capi-  
 te accidant, & sic per longum tempus usq; ad  
 duos menses, plures uero conseruentur. Reliquum  
 est, ut fiat cauterium actuale, aut potentiale, in  
 commissura coronali, usq; ad ossis superficiem,  
 & ita ulcus per duos menses, aut plures conser-  
 uetur apertum. Hæc Arculanus. Sacculi confi-  
 ciantur ex floribus chamæmeli, meliloti, an-  
 thos, stichadis, sampsocho, salvia, ruta, pæonia,  
 thymo, pulegio, sale, uernice, milio, cinere cau-  
 lium brassicarum, sarmentorum uitium, ex sco-  
 be guaiaci, alijsq; id genus assiccantibus, corro-  
 borantibus discutientibus. Confectio sublimis, &  
 aduersus morbum Herculeum planè herculeæ:  
 & conseruæ anthos 3. ij. corticis citrei conditæ,  
 myrobalanorum chebulorum conditorum ana  
 3. j. zingiberis uiridis, nucis moschatæ confe-  
 ctæ ana 3. vj. radicis inulæ conditæ, calami con-  
 fectionis ana 3. f. contundantur in mortario lapi-  
 deo, & adde pulueris humani cranei usti 3. vj.  
 margaritarum 3. j. hyacinthorum, sapphirorum,  
 utriusq; corallij ana 5. f. maceris, cubebarum,  
 cardamo



cardamomi, caryophyllorum, piperis ana ʒ. j.  
seminū maioranæ, citrei, nigellæ, seseli ana ʒ. j.  
ambræ grana quatuor, foliorū auri numero. ix.  
cum aqua lauandulæ, cui granum unum moschi  
intabuit incorporentur, addendo seminis pæo-  
niæ numero. xxx. Aut ʒ. rutæ. m. j. pegani. p. j.  
pyrethri ʒ. iij. seminis pæoniæ ʒ. ij. castorei ʒ. j.  
cum melle fiat eclegma. Aut ʒ. pyrethri, costi,  
stichadis ana ʒ. iij. agarici trochiscati ʒ. ij. f. ca-  
rei, seseli, agni casti, assæ foetidæ, aristolochiæ  
rotundæ ana ʒ. iij. seminum pæoniæ numero.  
xv. cum melle scyllitico commisceantur. Sed  
non nulli tam sunt teneri sensus, & imbecillis ce-  
rebri, ut non ferant citra noxam ipsa aromata,  
præsertim calidiora, & odoratoria. Quare in  
hoc euentu ab his temperandum censeo, & re-  
missioribus utendum. De laborantis profecto na-  
tura coniecturam facere oportet, & rationem  
habere idiosyncrasiæ. Galenus ait libro primo  
Artis curatiuæ ad Glauconem: Quod non com-  
munem solum omnium hominum naturam ô  
Glaucô, sed & cuiusq; propriam nosse medicus  
debeat, & ab Hippocrate olim recte traditum  
est, & à nobis ipsis in artis operibus, ut nosti,  
studiose obseruatum. Fieri tamen non potest, ut  
propria cuiusq; perinde atq; communis scriba-  
tur. Sed opposito se habent ordine scripta &



Si ex chole-  
ra fiat cu-  
ratio.

opera. Cholera quum epilepsiam gignit  
(quod et si rarēter eueniat, quia calidus, tenuisq;  
succus est) hisce notis depræhenditur: Conuul-  
sio brevis est, sed acrior, & organa sensuum,  
mentemq; tristius perturbans, clamitant, uocife-  
rantur, calcitrant, amaros succos reijciunt, ocu-  
li flauent, tempora pulsant, caput feruet, corpus  
gracilentum. Fugiant calorifica, solem, ignem,  
laborem, iram, tristitiam, pertinax studium, Ve-  
nerem, sarcophagiā, piperata, alliata, salsamen-  
ta, bellaria, et quæcunq; sanguinem incendunt,  
& bilem adaugent. Confert uenæ sectio, si san-  
guis biliosus est, eius uidelicet, quæ cephalica,  
seu humeraria dicitur. Quæ nimirum refrigera-  
tio conciliabitur, æstus reprimetur, simulq; ua-  
pores, aut nunc arcem occupantes, aut in eam  
conscensuri uacuabuntur. Galenus inquit libro  
quarto de Medendi methodo: Quum triplici  
genere morbus quisq; sit grauis, aut propter  
præcellentiam partis, aut propter affectus ma-  
gnitudinem, aut propter ipsius cacoethian.  
Omnium horum meminit Hippocrates, ubi de  
purgatione egit. Quid igitur dicet aliquis? Nun-  
quid etiam sanguinem detrahi interdum suadet,  
propter has ipsas causas? Mihi profecto id quo-  
que iubere uidetur. Alius deinde molliatur: Be-  
bordei. m. j. tamarindorū ꝑ j. passularum mun-  
datarum



datarum ℥. ij. seminis melonum ℥. f. seminis mal-  
uæ ℥. ij. furfuris. m. j. coquantur & decocto ad-  
de olei uiolarum ℥. iij. olei lini ℥. j. salis ℥. j. sub-  
ijciatur. Aut & iusculi gallinacei ℥. j. saccha-  
ri rubri ℥. ij. diapruni simplicis ℥. j. Aut &  
maluæ, altheæ, uiolaria ana. m. j. seminis mal-  
uæ, psyllij ana. p. j. passularum purgatarum ℥.  
j. prunorum, dactylorum ana numero. vj. flo-  
rum chamæmeli, meliloti ana. p. j. seminis anisi,  
fœniculi añ. p. f. coquantur, & adde excolato  
olei rosarum, butyri recentis sine sale ana ℥. j. f.  
diacatholici ℥. j. Cholera syrupis, ac decoctis  
commitigetur, in quem usum præstant syrupus  
uiolarum, rosarum, nymphae, endiuia, cicho-  
reæ, è bizanzijs, oxysaccharum. Aut pro hoc  
modo: & endiuia, cichoreæ, farsaræ ana. m. j.  
scolopendrij, capillorum ueneris, petroselini añ  
m. f. seminis endiuia, acetosæ, scariolæ ana. p. j.  
hordei ℥. j. radicis sparagi ℥. f. radicis pæonia,  
inulæ ana ℥. ij. coquantur, & quum ab igne tol-  
litur, appone rosarum rubearum, florum ne-  
nupharis, cichoreæ ana. m. j. frigesactum co-  
letur, & sumat huius decocti bis quoq; die un-  
cias quatuor. Postea exuberans materia idoneo  
cathartico extrahatur, et hac facultate pollent  
pilulæ aureæ, è rhabarbaro, capnio, myrobala-  
nis, assa-



nis, assayeret, diaprunum, diacatholicum, electu-  
 arium ē succo rosarum: & pilularum ē rha-  
 barbaro ℥.ij. ē hiera ℥.j. scamoniae grana.ij.  
 formentur quinq;. Aut & conseruē uiolarum,  
 electuarij ē succo rosarum ana ℥.iiij. rhabar-  
 ri ℥.f. fiat bolus. Aut & cassia recens euulsa,  
 diapruni simplicis ana ℥.f. diagridij grana.iiij.  
 Aut & rhabarbari ℥.iiij. agarici trochiscati ℥.  
 ij. macerentur per noctem in aqua sumaria, &  
 expresso addatur diacatholici ℥.f. Diximus  
 hunc morbum primo congressu inuincibilem,  
 attamen animum, ne desponderis, sed iterum,  
 atq; iterum ad eadem reuertere, aut congruen-  
 tia noua comminiscere. Auicenna inquit phen  
 quarta primi: Caue ne ab eo, quod agere conue-  
 nit, declines, quamuis impressio tardauerit. Nec  
 persistas in errore aliquo, etsi eius nocumentum  
 non apparuerit, nihilominus non permanes in  
 unico remedio in eadem curatione, sed ad aliud  
 transeas: quoniam corpus non afficitur re con-  
 sueta. Quodlibet præterea corpus, quodlibet  
 membrum, imò idem corpus, idemq; membrum  
 in diuersis temporibus proprietatem habet,  
 ut possit ab aliquo remedio affici, ab aliquo  
 uerò non. Id nec ipse Peripateticorum prin-  
 ceps subticuit, qui libro secundo Ethico-  
 rum sic habet: Actiones autem, & ea quæ pro-  
 sunt



sunt, nullam habent stabilitatem. Atq; quum talis sit sermo uniuersalis, multo minus is sermo certitudinis habet, qui de singularibus est. Nam neq; sub artem, neq; sub præceptionem ullam cadunt. Sed oportet ipsos agentes ea semper considerare, quæ ad tempus accommodantur. quemadmodum & in medicina fit, & in gubernandi etiam arte. Enitendum est tamen opem, & auxilium ferre. Vtiles sunt conserua rosarum, nenupharis, boraginis, buglossi, sumiteræ, cichoreæ. Aut in hunc modum paretur eclogma: & conserua florum cichorij ℥.ij. corticis citrei conditæ, conserua rosarum ana ℥.j. diarhodi abbatis, diamargariti frigidi ana ℥.℥. ossis humani cranei usti ℥.iiij. seminis pæoniæ mundati ℥.iiij. rasuræ eboris ℥.ij. spodij ℥.j. concorporentur cum modico aquæ mentæ, Capiti infundatur oxyrhodinum, & mox camelinum. Naribus trahant succum cucurbitæ, solatri, cum momento nigellæ, & pæoniæ. Si melancholicus succus, qui fœcibus uini non absimilis est, negotium exhibet, hic (ut crassa pituita) comitiam quoq; efficere solet, quoties in meatibus uentriculorum retinetur, siue is medius sit, siue postremus. Diuturna est his mentis ac intellectus alienatio, multa effutiunt, uoci ferantur, baubant, ululant, hinniunt, præsertim si ea me-



lancholia de genere sit adustæ bilis, & tum bre-  
uis est neruorum retractio. Hippocrates ait: Me-  
lancholici magna ex parte comitiali morbo af-  
ficiuntur, & contrà, morbo comitiali laboran-  
tes efficiuntur melancholici.

Si uniuersum corpus sanguinem, melancho-  
licum continet, curationem à uenæ sectione in-  
cipere oportet, eaq; statim perforetur, quæ me-  
dia est, & communis. Si uero solum cerebrum  
hunc habet, neq; omnino exuccum est corpus ce-  
phalica fodiatur. Quare in primis uniuersi cor-  
poris habitum contemplari conducit, nempe  
molles, candidi, obesi hunc succum minime te-  
nent. Macri uero, & nigri, & hirsuti, & qui-  
bus latæ sunt uenæ, aptissimi sunt, ut huiusmo-  
di in ipsis humor accumuletur. Ab hac autem  
& deriuationes per narium epistomia fieri pos-  
sunt post aliquantulam attenuationem, & con-  
coctionem. Alius laxetur infuso ueteris galli-  
nacei decocto cum sena, polypodio, thymo, epi-  
thymo, thymbra, hyssopo, passulis, caricis, semi-  
ne lini, pæoniæ, seseli: postea sumât dies aliquot  
mane, & sub uesperam syrupū ē fumoterræ, bo-  
ragine, buglosso, aspleno, epithymo: aut huius-  
modi aposema conficiatur, R. boraginis, circij,  
capnij, lupulorum, ana. m. j. absinthij romani,  
centaurij ana. p. j. corticis radicis foeniculi, spa-  
ragi, cap



ragi, capparū añ 3. ʒ. seminis anisi, marathri, se  
 seli, ameos, pæoniæ añ 3. ʒ. passularū enucleata  
 rū 3. ʒ. glycyrrhizæ 3. ʒ. coquatur, et colaturæ  
 adde syrupi epithymi 3. ʒ. oxymellis scillitici  
 3. ʒ. Ab ipsa cōcoctione atra bilis expurgetur,  
 pilulis è lapide lazuli, aut è lapide potius arme  
 no, quoniā ille uehemēter infamis est, et à mul  
 tis inter uenena reijcitur, iā rarus admodū est ar  
 menus, quare pilulis utatur è fumoterræ, aut ag  
 gregatiuis, & diacatholico, diasena, cōfectione  
 Hamech. Pilulas ellebori descripsit Haly, mire  
 efficaces, quibus aliquando non sine fructu sum  
 usus, eas narrat Mesue in suo de Simplicibus ca  
 pite de ellebero, in hunc modum: ʒ. hieræ picræ  
 3. xij. ellebori nigri, polypodij ana 3. v. epithy  
 mi stichadis ana 3. viij. agarici, lapidis lazuli,  
 (aut ipsius loco armeni) salis indi, colocynthi  
 dis ana 3. iij. dentur duo, trēs ue scrupuli. Sunt  
 qui addant succi eupatorij, spicæ ana 3. ij. caryo  
 phyllorum 3. j. & superadde seminis pæoniæ  
 numero. xx. Quod si catapotia horreant, bi  
 bant cōfectionem Hamech cum decocto hyssop  
 i, aut hieralogodium cum decocto centaurij:  
 admonendus non es, ipsa res loquitur, & me ta  
 cente clamat, uti modo concoctio, modo excre  
 tio, per interualla iterentur: annitēdum est præ  
 terea, ne istos (alioqui ex qualibet occasione pa

Pilulae Ha  
 li ex ellebo  
 ro.



uentes)metus aliquis perterrefaciat, & formidine recursus morbi crucientur. Solet huiusmodi expectatio hominem tabefacere, & ab omnibus iucundioris uitæ munijs turpiter abstrahere: neq; uanum est illud popolare, Imaginatio facit casum. Sumant mane expergefacti lætitiā Galeni, aut exhilarans Rasis, theriacam, mithridatum, electuarium ē gemmis: aut tale paretur & conseruæ melissæ ℥ ij. conseruæ anthos, corticis citrei conditæ ana ℥ j. conseruæ buglossi, myrobalanorum nigrorum conditorum ʒ. vj. specierum aromatici caryophyllati, diamargariti ana drachmam. j. seminis pæoniæ mundati ʒ. iiij. cum melle scyllitico misceantur. Fugiant cibos melancholicos, multam inedia, multas uigilias, æstus, labores, iram, tristitiam. Conducunt cibi euchymi, moderata epulatio, tempestiuus somnus, temperatum cœlum, mite exercitium, alacritas, & bona spes.

**Ex uentriculo prodeuntis curatio.**

Ventriculus quum male affectus hunc morbum gignit, acri speculatione dispiciendum, quisnam succus in eo redundet, cuius aspiratione cerebrum tentatur. Vapores ex oppleto uitiosis humoribus stomacho sursum conscēdunt, & sese insinuant cerebro, ipsiusq; membranulis, & prauitatem secum deferentes, à qua stirpe sobolescent, cerebrum, ipsas uē membranulas, quas



las, qua parte sentiunt, nequiter feriunt, lancinunt, contundunt, quam conturbationem protinus totius corporis conuulsio excipit. Non nunquam primum mali sensum os uentriculi subit, deinde per consensum, & arctam societatem ipsum transuolat, & cerebrum impetit. Quo concussio necessum est, et corpus reliquum concuti. Itaq; non procrastinantes noxium succum e stomacho pessum dabimus, ipsumq; emplastris, ceratis, linimentis, embrochis, sacculis, modisq; omnibus corroborabimus. Galenus ait libro quinto de Affectis locis: Grammaticus quidam iuuenis quoties uel nimis uehementer doceret, aut cogitaret, aut in ediam sustineret, ut irasceretur, comitali capiebatur. Perpendi equidem in hoc, os uentriculi, utpote quod facile sentiret, affectum esse, & totum cerebrum, & corpus uniuersum conuulsione concuti. Cui probam concoctionem accurate procurare, ac deinde uel tertia, uel quarta hora panem optime prae paratum praebere iussi, atq; hunc quidem solum, si non sitiret, si uero siti cruciaretur, ex uino madidum, & quidem albo, atq; subacerbo. Itaq; quolibet anno bis, aut ter medicamentum amarum ex oleo ei exhibui. Purgatis deinde ex uniuerso uentre excrementis, resumptisq; ad proprias functio-

Historia  
Grammatici epileptici.



nes uiribus, uir ille uiginti annis, quibus ille superstes permansit, integra inculpataq; ualetudine uitam exegit. Alios quoq; plurimos ob oris stomachi uitium correptos uidimus, quum aut non probè concoxissent, aut meracioris uini plurimum bibissent, aut ubi Veneri immodicè operam dedissent. Et quosdam etiam per febres correptos, qui bilioso superueniente uomitu, protinus ab omni noxa liberati fuerunt. Et hoc modo affectorum alij res quasdam fustas, alij humorem porri succo similem, alij uitiosos cibos reiecerunt. Quòd si ex splene, hepate, utero, uermium copia morbus oriatur, ut suas quodq; notas malum singulatim ostendit, sic & pericularem curationis rationem postulat. Quas uti denarrem, locus minimè exigit.

Ab extremo aliquo membro epilepsiam prodire plane constat, quum in eo humor aliquis gignitur, qui perniciosarum ferarum uenenis comparari possit. Galenus sexto de Patientibus locis sic habet: Facile intelligitur à canibus quantum habeat uim afficiendæ rei aptitudo. Quum enim reliquorum animalium nullum rabie capiatur, solus canis eo affectu corripitur, atque tanta fit in ipso humorum corruptio, ut solum eius sputum, si humanum corpus contigerit, rabiem excitare possit. Vt igitur ab exiguo initio, sputi



tio, sputi uidelicet qualitate, aucta quædam in corpore dispositio, quando ad magnitudinem notatu dignam peruenerit, discerni potest: idque post sex menses, quum non nūquam ante id tempus nulla nota deprehendatur. Sic eodem modo, uitioso humore in animalis corpore genito, paulatim tractu temporis principalium partium aliqua consentit, à qua deinde uniuersum corpus celeriter alteratur. Quibusdam istud à magno pedis digito euenit, atq; alijs uel ab alio digito, aut crure, aut manu, aut brachio. Et hi per neruosas partes quid sursum ferri, & in cerebri regionem subrepere manifesto sentiunt. Imprimis conferunt uincula, quibus superna pars affecti membri diligēter uinciatur, ne morbi incitamentum non intercepto itinere, sursum conscendat. Deinde aluus clysteribus eluatur, & uniuersum corpus, si qui succi abundabunt, idoneis pharmacis perpurgetur. Mox ipsius membri labefactata constitutio opportunis præsidijs restituatur, & sinapismus applicetur, & cucurbitulæ, & palustres testudines obscœnum uirus extrahentes affigantur. Galenus ait libro tertio de Sedibus affectis: Ad hanc rem in primis conferunt uincula superioribus partibus iniecta, ab ijs enim præsentaneum auxilium expectatur. Id quod in uiperarum, scorpionumq; icti

Curatio ex  
aliqua ex-  
tremarum  
partium.



bus, item aspidum quoq; quod propter subitaneae mortis periculum magis incredibile est, expertus sum: sic puerum quoq; cuius morbus comitialis à crure oriri consueuerat, medici, qui tunc ad eius curationem conuenerant, sanare sperabant. Si in primis uacuato uniuerso corpore, medicamentum extapsia, aut sinapi adhiberent, ligato in medio membro supra eam uidelicet partē, quae primaria dispositione erat affecta, atq; hoc pacto accessionem reuerti prohibuerunt, quamuis antea quotidie puerum infestare consueuisset.

CAPVT VIGESIMVM.  
Sextum de Ephialte.

**E**phialtes nocturnum est ludibrium. Graecis dicitur ab eius nominis homine. Aut quod hoc malo correpti sentiant se, quum in somnum delabuntur, grandiore quadam mole opprimi, & tristi incubitu irruentis phantasmatidis (unde & Latinis Incubo scribitur) pulsari. Apprehensio haec animam uehementer attonitam reddit, & terrificis imaginibus percellit, ut afflicti sese non nunquam exaudire innitentem  
*Signa.* incubum credant, Veneremq; ex ipsis exigere.  
 Paulus in describendis aegritudinum notis mirus  
 artifex



artifex beneq; peritus, ait: Comitatur eo detentos difficilis motus, torpidus in somno sensus, suffocationis formido (quam ob causam Themison Pnigationem appellauit) & hi quandam ueluti ingruentis alicuius occupationem fatetur, ipsa quoq; praeordia arctius stringi, uocem suppressi, & si uociferari conentur, altumq; inclamare, dubiam, incertam, atq; indiscretam elidunt, quin saepius omnino, quantumuis moliantur, nullam. Omnium experrecti meminerunt, non nullis ob angorem sudor erumpit. Virgilius hunc descripsisse uidetur duodecimo Aeneidos de Turno loquens his uersibus:

Ac ueluti in somnis oculos ubi languida preßit  
Nocte quies, ad quicquam auidos extendere  
cursus

Velle uidemur, & in medijs conatibus ægri  
Succidimus, nec lingua ualet, nec corpore notæ  
Sufficiunt uires, haud uox, haud uerba sequuntur.

Nuperrime sacrificus quidam me conuenit,  
Domine inquit, nisi succurras misero, & affli-  
cto, actum est, & prorsus perij, Tabes me ha-  
bet, Videtur quam sim emaciatus, quam exan-  
guis, uix tenui pelle contegor, succulentus esse  
soleo, speciosulus, & bene habitus, nunc fœ-  
dum spectrum uideor, hominisq; manis imago.  
Quid, inquam, te cruciat, & quam affectus tui

Sacrificus  
uexatus in  
cubone.



causam opinaris? Dicam, ait, intrepide, & ualde admiraberis. Sub quamlibet ferme noctem ad me com meat muliercula mihi non ignota, & pectori meo illabitur, illapsa uiolenter comprimit, atq; coarctat animæ meæ uias, ut ægrè respirare queam. Quin clamitare cupienti uocis iter præcludit, ut quantam præ pauore nitor at tollere, minime queam. Nec manus ad propulsandam iniuriam, nec pedes ad capeffendam fugam expedire ualeo. Vinctum me, & affixum tenet. Heus, inquam, surridens, nihil admirandum prædicas (ex narratione Incubonem intelligebam) merum est phantasma, merū ludibrium. Nec plura moratus, Phantasma inquit, ludibrium inquit, profecto nō est, ita me Deus amet, quæ hisce oculis conspiciatus sum, & quæ hisce manibus exercui, denaro. Equidem uigilans, mentisq; compos, eam uideo coram, & inuadentem accipio, conorq; obluctari, sed præ languore, metu, angustia, & impacta ui, nihil efficio. Hac de re horsum uorsum amēs cursitauī unum quemlibet percunctans, posset ne succurrere miserabiliter pereunti. Minoritam cōsului (quem callidum ueteratorem dicunt) ab hoc præsentaneam opem sperabam. Sed spe mea plane frustratus sum, nullam is salutem attulit, tantum monebat Deum optimum, maximum, (quem iam pridem preci-



dem precibus fatigaram ) strenue adorandum,  
 ut dignaretur infestam uexationem auertere.  
 Adij uetulam quandam pro fama populari, sa-  
 gam atq; uersutam. Hæc aiebat, qui sub crepus-  
 culum diei statim ab excreto lotio matulã obtu-  
 rarem dextra caligula, & fore, ut eo ipso die ma-  
 lefica me inuiseret. Id & si uanum uidebatur,  
 nec parum me ab experimento absterreret reli-  
 gio, uictus tamen impotētia, & diuturni laboris  
 tædio, tētaui. Et per Iouem accidit uaticinium,  
 ueniens in domum meam uesticæ cruciatum que-  
 rebatur, nec potui ab illa aut preculis supplex,  
 aut contentione minax impetrare, ne sub no-  
 ctē ad me terrifica commearet, sed implacabi-  
 lis ueterem morem asseruat, semelq; constituit  
 me fœdo angore conficere. Hominem hunc uix  
 quui ulla oratione ab insania reuocare, sed à se-  
 cundo, tertio uē congressu hilarior factus mor-  
 bum agnoscere cœpit, & sanationis spem fidu-  
 ciamq; concipere. Theodorus Bizantinus in ea  
 est sententia, qui existimet simulachra hæc, & Ephialtes  
 has nocturnas apparitiones, sapientibus, forti- quibus acci-  
 busq; uiris nunquam apparuisse, sed pueris, mu- dat.  
 lierculis, uecordibus, mollibus, atq; ægrotis, qui  
 propter imbecillitatem animi & corporis assi-  
 dua formidine, uanisq; insomnijs quatiuntur.  
 Sunt qui ephialticos noctu eadem pati arbitren



tur, quæ comitiales interdum Galenus ait libro de utilitate spirationis: Apoplexia ex humore plurimo, ac crasso gignitur: Epilepsia nec tam multo, nec usq; crasso, interdum quoq; ex solo fumo ab ipso uentriculo, pede, aliò ue membro, ceu frigida aura caput conscendente. Somnus à multo tenuiq; uapore est, qui diuturniorem, sed minime difficilem obstructionem facit. Quamobrem non nulli soporati sentiunt, mouentur, loquuntur, imaginantur, quod & epilepticis quibusdam euenit. Est & ephialtes comitalis quædam in somno.

**Causæ.** Originem uitium hoc primitus trahit ex ingluuie, & plurima stomachi cruditate, ex cacochymia, & in uenis uniuersi corporis prauorum succorum abundantia: de quibus uapores, fumi, halitus, densi, opaci, crassi sursum in arcem, & officinam sensuum turmatim conscendunt, et opplent cerebrum, eiusq; uias obsident, animales spiritus conturbant, & in amœna intertis sensibus simulachra suggerunt. Quemadmodum sub uesperam nō nūquā, aut ipsius diei crepusculum oculos in cœlum attollentes, innu-

**Nubes uariis imaginibus reddēt.** meras, & admirabiles rerum species ex ipsis nubibus (quæ uapores sunt subter mediam aëris regionem illati) fabricamus. Nunc castra, nunc arbes, montes, saltus, pascua, oues, & boues, serpentes,



pentes, leones, dracones, & quiduis aliud, propter uarium, & ambiguum indigestæ materiæ confluxum.

Lucretius inquit libro quarto:

Vt nubes facile interdum concreescere in altum  
Cernimus, & mundi speciem uiolasse serenam,  
Quæ multis formata modis sublime feruntur,  
Aëra mulcentes magnorum sæpe gigantum  
Ora uolare uidentur, & umbram ducere late,  
Interdum monteis magnos, auolsaq; saxa  
Montibus anteire, & solem succedere præter,  
Inde alios trahere, atq; inducere bellua nimbos,  
Nec speciem mutare suam liquentia cessant.  
Haud aliter hæc idola, & occurfacula in cerebro  
excitantur. Vnde pavor, metus, anxietas, et  
plurima mortis imago. Sed tandem post terribilem  
luctam, & difficilem laborem attenuantur,  
soluuntur, dissipantur, & euigiliat homo, etiam  
num horrens, & perpeffæ erumnæ memor. Galenus  
ait uigesimo quarto Aphorismo tomi tertij:  
Pauores per somnum infantibus adsunt, ijs  
præsertim, qui sunt natura edaciores, quando loca  
ad uentriculum pertinentia sensum quidem  
uigeant, sed imbecillia existant, cibus uero corrumpitur.  
Nos siquidem obseruauimus non in tantillis solum,  
sed in ætate quoq; perfectis terribiles fieri per somnos  
imaginationes. Quando



multi, & uitiosi humores grauant, ac mordent uentriculum, præsertim ipsius os. Quibusdam ex frigore externo accidit, quum relecto capite dormiunt. Alijs ex imminentibus lunæ radijs. Non paucis ex diurnis affectibus.

Dieta. Huic malo celeriter occurrendum est, nec procrastinari curatio debet, ne de uetustate uires accipiat, & domesticum efficiatur. Non solum enim, si perseueret, crebriusq; ingruat, grauiores morbos prænunciat, sed eos etiam labefactato cerebro, ac sensim collecta in eo uitiosorum humorum copia, gignit apoplexiam, epilepsiam, maniam. Moderato uictu utantur, & qui facile à uentriculo superetur, & confectus prompte digeratur, non fumosus, nec flatulentus, nec ob iter obhærens. Conducunt caro ueruecina, uitulina, hoedina, aues montanæ ac campestres, oua recentia, pisces saxatiles, capparitis ex oxymelite. Comedant latrante stomacho. A pastu sumant diacotoneum, aut coriandrum in aceto maceratū, aut huius tragematis cochlear: ℞ panis bis cocti ℥.ij. cinnamomi ℥.j. seminis anisi, foeniculi ana ℥.j. rosarum rubearum, coriandri præparati ana ℥.ij. mentæ siccæ, rutæ arefactæ, cubearum, caryophyllorum, nucis moschatæ ana ℥.j. sacchari infusi in decocto be tonicæ ℥.ij. fiat tragema. Vinum bibant dilutum, aut



tum, aut mediocrem ceruifiam, aut hydromel.  
 Fugiant longas uigilias, longos somnos, & labores longos. Dormiant cibo in imum uentrem delapso, nec in spinam supini. Moderato exercitio se commoueant, frictio à scapulis ac thorace incipiat, in crura, pedesq; procedat. Caput membrorum omniū postremum fricetur. Pedes subinde lauent decocto foliorum lauri, mentæ, saluie, roris marini. Vitent solem, æstum, gelu, uentum, ignem, fumum, Venerem. Animum à lasciuis fabulis & cogitationibus auertant, sese oblectent, tempusq; fallant cantu, ac lepidis commentatiunculis. Si sanguis exundat, protinus expedit mediam pertundere uenam, aut cephalicam, si ea facere satis potest. Quod si hæmorrhoides suppressæ nihili reddunt, confestim aptis subsidijs concitentur. Aut menstrua proluiues si cessat, idoneis medicamentis proliciatur. Et in hoc euentu præstat uenam iuxta talum de currentem perfodere. Cucurbitulæ sub poplitibus, & nisi malum leuetur, sublato spatularum osse defigantur. Hippocrates dixit in eo, cui titulum fecit, de Natura uirginum: sunt terrores imaginosi, qui tam uehementer homines terriant, uti desipiant, sibiq; spectare laruas quasdam infensas, demonasq; uidentur, modo nocte, modo die, modo utroq; tempore. Sed sæpius fœ

Curatio ex  
 sanguinis  
 copia.



minæ, quàm uiri, & magis uirgines patiuntur, quibus nuptiarum tempus aduenit, maturæq; iam uiro sunt, præsertim quum menses descendunt. Nam ante hoc non admodum male afficiuntur. Postea enim sanguis in locellos liquitur stillat uel, tanquam defluxurus. Quum enim os non patet, quo defluat, sanguisq; ob cibaria, corporisq; incrementum plurimus illic cogitur, tuncq; quum quo defluat, non habeat, præ copia cor, septumq; transuersum petit, & quum hæc plena sunt, cor languescit, marcescit, torpescit, delirat, desipit. Sed equidem hortor, mandoque, quum sic uirgines patiuntur, quàm primum cum uiris coniungi, & commisceri, sanguis quoque mittatur, nisi quid uetet. Nam si concipient, sanescent, sin minus causa pubertatis, uel paulo post cessabunt. Quod si quis se uel

Phlebotomiam recusantibus alius soluitur.

propter ætatem, uel timiditatem permittere me dico ad sanguinem, ullo modo detrahendum nolit, aut non tantum sanguinis ducere licebit, quantum morbus exigit, necessum erit uel clysmatibus, uel catharticis, uel inedia, uel frictionibus, uel sudoribus, copiam exhaurire. Clyisma aluum eluens: R. mercurialis, betæ, maluæ, altheæ ana. m. j. florum chamæmeli, meliloti ana. m. f. feminis anisi, sceniculi, pæoniæ ana. p. j. passularum mundatarum ℥. ij. folliculorum senæ ℥. j. caricarum



caricarum numero. vj. fursuris. m. j. coquatur,  
 colaturæ adde diacatholici ℥. j. olei uiolarum,  
 anethi ana ℥. j. f. salis modicum, infundatur.  
 Per dies aliquot sumant syrupum è cichorea,  
 aut è bizanzijs cum decocto florum boraginis,  
 circij, radicis sparagi, locustæ, dentis leonis, se-  
 minis marathri, melonum, & pæoniæ. Deinde  
 uacuentur cassia, manna, rhabarbaro, capnio,  
 diapruno, electuario è psyllio, è succo rosarum,  
 in hunc modum: ℞ cassiæ recens euulsæ ℥. vj.  
 electuarij è succo rosarum ℥. iij. diagridij gra-  
 na. iij. cū aqua buglossi fiat haustus. Aut ℞ rha-  
 barbari ℥. iij. maceretur in aqua fumiterræ, &  
 expresso adde diapruni simplicis ℥. j. Sub no-  
 ctem dormituri sumant conseruam boraginis,  
 buglossi, calendulæ, melissophylli, diarhodum,  
 diamargaritum. Aut huius eclegmatis cochlea-  
 rium: ℞ corticis citrei conditæ, myrobalano-  
 rum citrinorum conditorum ana ℥. j. conseruæ  
 rosarum, buglossi ana ℥. f. diacotonei ℥. j. specie-  
 rum diarhodi abbatis, specierum diamargari-  
 ti frigidi ana ℥. j. coriandri præparati, se minis  
 pæoniæ mundati ana ℥. j. galliæ moschatae ℥.  
 f. foliorum, seu bracteolarum auri numero. v.  
 incorporentur, cum syrupo è menta.

Ex phleg-  
 mate cura-  
 tio.

Quod si phlegma in uentriculo, capite, aut in  
 uenis uniuersi corporis abundans morbum fa-



ciat, quod albidus, plumbeusq; color indicabunt, qui sunt (auctore Galeno) crudorum humorum indices: His statim concitandus est vomitus, & aluus clysteribus expurganda. Vti quoq; debent extenuantibus, & incidentibus medicamentis. Cuiusmodi sunt syrupus e marrubio, calamyntha, thymo: e radicibus, oxymel scylliticum, in hunc modum: & syrupi acetosi compositi ℥.ij. mellis rosati ℥.j. decocti hyssopi et thymbræ. ℥.j. Aut & camedreos, camepitheos, pulegij, melissæ ana. p. j. seminis anisi, feniculi, seseli, pæoniæ ana. p. ℥. radice inulæ, iridis, corticis citrei siccæ ana ℥.ij. maceris, caryophyllorum, nucis moschatæ, cardamomi ana ℥.j. coquantur secundum artem, & excolato adde syrupi stichadis ℥.ij. hyssopi, & marrubij añ ℥.j. Post si qua apparebit concoctio, catharticum propinetur, aut diaphœnicum, aut electuarium Indum, aut hiera diacolocynthidos, Archigenis, Ruffi, oxymel Iuliani. aut pilulas uoret pro hoc modo: & pilularum cocciarum ℥.ij. e hiera ℥.j. elaterij granum. j. Aut & pilularum elephanginarum, aggregatiuarum ana ℥.℥. diagridij grana. iij. Aut & pilularum assayeret ℥.ij. e elleboro ℥.j. salis indi grana. iij. fermentur. v. & dentur a modica cœna: aut a primo somno. Si gustum pilularum horreant, & earum



earum amaritudine terreantur, inuoluantur saccharo, aut cinnamomo, aut glycyrrhiza. Habet prouerbum, quum molestia aliquid nobis perferendum obuenit, ut dicatur id deuorandum, ceu solemus catapotia, raptim scilicet, ne nos tristi sensu commansa torqueant. Aut hanc potionem bibant: & diaphœnici 3. vj. cum decocto hyssopi misce. Aut & diacnici, diaturbit cum rhabarbaro ana 3. iij. cum aqua absinthij, aut ipsius diluto fiat haustus. Cubitum concedentes sument conseruam anthos, stichadis, melissophylli, mentæ, aut nucem myristicam confectam, aut inulam, aut huius tragematis cochlearium: & seminis anisi, fœniculi confectorum ana 3. j. aromatici rosati, electuarij e gemmis, diamoschidulcis ana 3. f. rosarum saccharo confectarum p. j. coriandri præparati. p. f. fiat tragema. Circa lectum sternantur ruta, peganum, sampsuchus, pulegium, thymum, pœoniæ radix. Cuius quindecim quoq; grana continuè danda sunt ex aqua. Per interualla sub auroram confecto cibo capiant mithridatum, theriacam, auream Alexandrinam. Quinetiam utiles erunt gargarismi, apophlegmatismi, errhina ad detrahendam pituitam. Sacculus conficiatur pro hac formula: & rorismarini, sampsuchi, pulegij, calamynthæ ana. p. j. florum anthos, stichadis, camomil-

D



lae, meliloti ana. p. f. caryophyllorum, maceris, xiloaloes, styracis, benzoi ana ʒ. j. fiat sacculus. Naribus ad olfactandum crebro suggerant mētam, thymum, peganum, rutam, maioranam, lauandulam, nigellam.

Ex atrabi-  
le curatio.

Si affectum gignat atra bilis, tristes incedūt, pauidi, & meticulosi sunt, ob quamlibet iniuriam despondent animum. Humor is molliatur syrupo e capnio, bizanzijis, epithymo, cichorea, melle rosato. Aut in hunc modum: R. aquæ buglosi, scabiosæ, ana. ℥. f. syrupi fumiterræ, scolopendrij ana ʒ. j. f. Aut decoctum paretur in hunc, aut consimilem modum: R. florum cordialium ana. m. j. fumiterræ, scabiosæ, boraginis, buglosi ana. m. f. corticis radiceis fœniculi, petroselini (oreoselinum dicunt) sparagi ana ʒ. f. corticis tamaricis, radiceis capparis, pæoniæ, inulæ ana ʒ. iij. glycyrrhizæ ʒ. ij. seminis anisi, marathri, ana ʒ. j. passularum purgatarum. m. j. fiat decoctio in aquis betonicæ, melissæ, & scolopendrij, excolatum melle dulcoretur. Postea succedat uacuatio diluto ueratri, aut senæ, epithymi, myrobalanorum. Aut exhibetur hieralogodium, confectio Hamech, diasena, diacatholicum, pilulæ indæ, ellebori, lapidis armeni e fumoterræ, pro hac forma: R. pilularum fumiterræ ʒ. ij. e ueratro ʒ. j. fiant quinq;. Aut R. pilularum



lularum indarū, ē lapide armeno añ 3. f. Quod si uorare catapotia recusat (Vidi aliquando inter deuorandum, quod in fistulam pulmonis aberrarent, et patiens præfocari uidebatur) sumat hanc potionem: ℞ diacatholici 3. vj. diasenæ 3. iij. diagridij grana. ij. cum decocto melissæ. Aut uncia una pulueris senæ maceretur in aqua fumiterræ, & huius excolati uncijs quatuor aut quinque adde syrupi epithymi 3. j. Aut lapidis Armeni quatuor oboli toties abluantur in aqua pluuiali, ut nec eius odor, aut sapor, gustata aqua sentiatur. Quod ferè post quinquaginta ablutiones fieri consuevit, post quas iterum ter aqua rosacea perluatur, & tum in melicrato accipiat. Hi fugiant cibos melancholicos, omnem ueterem carnem, & bubulam, ouillam, arietinam, hircinam, ceruinam, leporinam. Omnes grandes aues, & in aquis escam quæritantes. Panem uitent secundarium, oua frixa, caseum, & id genus alia, quæcunque crassum, terreum & seculentum succum gignunt. Interdum assumant conseruam anthos, stichadis, calendulæ, leticiam Galeni, exhilarans Rasis à collo gestent corallium, aut radicem pæoniæ. Quæ Ephialtion propterea dicta est, quòd nocturnis incubonum ludibrijs medeatur. Eligenda in hunc usum, quæ folio nucis regalis constat, radice alba, digitali



crassitudine, longitudine palmi, et gustu astringente. Pauorem omnem in somnis pelleri dicitur anesum puluinis, culcitrisq; inspersum, ut suo defluxu, ac odorato spiritu cerebrum imbuat. A collo pyriten gestans lemures, ac laruas non timet. Est & literis proditum, qui lupina pelle conteguntur, suauiter, & sine ullo formidinis incursum edormiunt. Caterum quibus hæc non subueniunt, neq; expectatam opem adferunt, Atlanteis apud Atlanteos ocyus profugiant, ibi somnia somnia non uideri narrant. Quod si extrinsecus algor uidentur. officiat, calido in loco decumbant, & caput pileo communiunt, oleoq; rutaceo, costino, laurino perungant. Si lunares radij tumultum concitant, summum præsidium in fuga & auersione situm est, & sic occludere fenestras, & rimas obstruere, ne cubantem attingant.

CAPVT VIGESIMVM  
septimum de Apoplexi.

**Hippocra-**  
**tis, senten-**  
**tia pro Dei**  
**uoce haben-**  
**da.**

**P**Aranti de Apoplexia dicere, statim illud ueridici senis (cuius sententiam pro Dei uoce habendam Galenus libro primo diuini sui operis, de Vsu partium, censet) in mentem uenit: soluere morbum, quem Apoplexiam uocant fortem, est impossibile, debilem uero non facile. Quod



Quod animum in ipso limine absterret à progressu, atq; adeo omnem fiduciam debilitat, uti sperare non audeam operæ precium me facturum, si de curanda quicquam aggrediar. Sed quum nec omnes (attestante Galeno) moriantur, quibus mortalia signa insunt, & planè constet, aut naturæ beneficio, aut artis adminiculo non nullos seruari, minimè consultum fuerit, nihil obstitisse. Auicenna inquit: Aliquando quidem accidit, ut homo apoplexiam incurrat, & non sit differentia inter ipsum & mortuum, nec appareat in ipso aliquis anhelitus, deinde reuiuiscit, & sanatur. Et nos plurimos eorum uidimus. Quæ igitur ueterum præcepta sunt, & ipse ex usu, & de periculo salutifera comperi, haud grauabor ascribere.

Apoplexia morbus est, quo qui corripitur, & motu, & sensu in uniuerso corpore priuatur, solus anhelitus restat, nec is integer, sed multifariam dissentaneus. Malum hoc plerunq; citra febrem aduenit, & hominem repente magna ruina in terram proster nit. Collapsus ad nullas uoces, ad nullas inclamationes, nec ad quasuis collisiones expergiscitur. Tam grauis torpor attonitum tenet, quem nullis stimulis discutere queas. Nec laniata acutis ensiculis carne, nec ea

Signa.



Anhelitus  
qualis apo-  
plecticis.

candente cauterio ambusta, quicquam abnuat.  
Anhelitus quidem haud prorsus intercipitur.  
Natura enim, quæ animalis uitam, quantisper  
ualet, omni enixu tuetur, omnem lapidem mo-  
uet, & cunctos musculos thoracem mouentes  
propter respirationis necessitatem officiosa per-  
repat, eosq; in quantulamcunq; operam exci-  
tat, donec euieta non queat amplius. Et quemad-  
modum arteriæ ex corde proficiscentes minus  
in hoc uitio obturantur, quod suos pulsus, etsi  
omnino obscuriores, ac sublitescentes in mor-  
tem asseruant. Sic nec omnes nerui musculis re-  
spirationi inseruientibus plene obstruuntur.  
Sed non nulli naturæ uigore in officio utrunq;  
& aliquantisper se continent. Galenus tamen  
cunctos plerunq; moueri ait. Sic habet Apho-  
rismo quadragesimosecundo, libri secundi: Vi-  
detur autem hoc fieri propter respirationis ne-  
cessitatem, quæ neruorum uim excitat ad ope-  
rationem. Et ob hanc ipsam causam magna ex  
parte musculi omnes in Apoplexijs operan-  
tur, thoracem mouentes, etsi raro prius omnes  
operabantur. Quemadmodum in uehementibus  
exercitijs anhelitus plurimus est necessarius. Ve-  
rum in apoplexijs non ob id, quod in aucta sit re-  
spirationis necessitas, sed quia uis est imbecillis,  
ideo omnes musculi thoracis simul coguntur  
operari



operari, in summam effatu dignam ex omnibus operationem colligentes. Iterum alibi sic habet: qua ratione homines per somnum spirant, & reliquis omnibus musculis quiescentibus, eadem quoque ratione homines per minorem apoplexiam, atq; alios uicinos ei affectus spirare possunt. Vbi uero uel apoplexia, uel alius quispiam morbus adeo uehementer increuerit, ut musculorum thoracis actio omnino deperdatur, perire simul respirationem necessum est. Vnde cordis quoq; temperamentum soluitur. Quo fit tandem, ut etiam animalis ipsius sequatur interitus, atq; hac ratione per uehementes superni principij lesiones animantia perire uidemus.

Omnes porro apoplexiæ fiunt animali ui non potente defluere in partes capiti subiectas, propter aliquam dispositionem similem inflammationi, quæ in cerebro consistit, quam semper febris comitatur, & est præ alijs interimens. Aut ex frigidiore pituita, ac crassis, lentisq; succis principes cerebri uentriculos affatim, & uniuersim opplentibus, corpusq; ipsius nequiter temerantibus. In sopore ac morbo comitiali uentres magis, cerebri corpus minus, in apoplexia uero utraq; affici solent. Sanguis præterea huius uitij origo depræhenditur. Ex causis etiam procatarcticis, externis uero sunt casus, percussio, ter

Causæ.



Signa præ-  
cedentia.

ror, flatus, gelu, ualidus æstus, magnus labor, præceps ira, & cum imbecilliore membro consensus. Quicquid (ut paucis multa complectar) aut claudit, aut implet semel, atque uniuersim meatus, ac tramites spirituum ex officina sensus & motus prodeuntium, id omne (modo citra nervosi generis contentionem incubet) apoplexiam gignit. Quam plerunq; antecedunt crebra capitis turbatio, & cum grauitate acutus dolor, uertigines, incubones, oculorum obscuraciones, & subinde fulgores eisdem oborti, aurium sonores, uocalis plectri torpor, uenarum, quæ secundum guttur partiuntur, tumor, maxillarum pulsus, uniuersi corporis palpitatio, ad commotiones difficultas, manuum ac pedum stupor, intempestiui algores, somnolentia, inter dormiendum dentium stridores, graues ronchi, suffocationis imaginatio, lotium atrum, confusum, modicum, et quod in eo decumbit, farinam refert, mentis acies hebescit, memoria defluit, & omnis alacritas perit.

Apople-  
xiæ species

Galenus hunc affectum partitus est pro modo offensionis, quam spirationi infert: nimirum ea, quum naturæ ordinem plurimum inuertit, ac difficillimè procedit, magnum, fortemq; significat. Quum uero minus impedita est, nec tanta ærumna efflatur, paruum ac debilem indicat, &



cat, & exiguam in cerebro tum esse noxam con-  
ijcere oportet. Omnium pessima spiratio indica-  
tur, quæ intermittitur, & ualida cum uiolentia  
retrahitur. Siquidem hanc, & multæ spumæ, et  
infames rōchi sequuntur. Cæterum spumæ in his  
non quemadmodum in epilepticis eueniunt, ex  
motu uidelicet spasmoso, & importuna concus-  
sione, quibus neruorum principium agitur,  
uti à se propellat, quod infestat. Quamobrem  
neque in principio, & statim spumæ apparent,  
sed post, & inclinante paroxysmo salutem de-  
nunciantes erumpunt. In apoplecticis uero ex  
oppressi cordis obluetatione scaturiunt, quod  
magno nisu attollitur ad captandum spiritum,  
& rursus in se concidens per impeditos meatus,  
& interseptas canales flatum remittere moli-  
tur, & crassos uapores excernere, qui pulmo-  
nis humido, & saliuæ in pharynge, faucibusq;  
constrictæ impliciti bullant, & euoluti circa os  
spumescunt, mortemq; portendunt. Neminem  
senis illud latet: Strangulati, ac dissoluti, nōdum  
mortui, non referuntur, quibus spuma circa os  
fuerit. Ronchissant autem, ac grauiter ster-  
tunt, quod aër, spiritus uē ex officina uitæ re-  
iectus per angustos tramites, & obstipatas fistu-  
las eliditur. Angustia quidem accidit uel ob im-  
becillitatem facultatis pectus attollentis, aut

Apoplecti-  
ci spumant.

Apoplecti-  
ci rhoncif-  
sant.

D 3.



propter copiam humoris illapsi. Iam quoties flatus per cohibitum foramen fertur, is in se compressus, ac ueluti retroactus indignatur, sonat, mugit, & in homine ronchos ædit. Qui ut maiores exorbitant, ita maiorem arguunt obsidionem, & hæc atrocior morbum, qui celeriter exanimat. Hippocrates ait libro primo de Ratione uictus in morbis acutis: Sputum incoctum uiscosumq; non procedit, sed in pulmonis meatibus retentum, stertorem efficit. Quum itaq; ad hoc difficultatis peruenerit, magna ex parte mortiferum esse consuevit. Est tamen uidere, quando nullis ronchis, nullisq; spumis tacitus æger in exitium rectè contendat. Quo genere haud aliud funestius habetur. Quando scilicet ob nimium degrauatam uirtutem, & uias infarctas non tantillulum aëris inspiratur, quo remeante æger stertere queat, aut humoris quicquam spumescere.

**Apoplexia**  
fortis non  
curatur.

Morbus hic (quod sumus præfati) quum fortis est, nulla ratione curatur, etiam Æsculapius ex Epidauro si uocetur. Intra pauculas horas hominem in Elysios campos, aut in horrida tartara mittit. Si debilis est, potest quidem potentioris naturæ beneficio, & prudentioris artificis adminiculo superari. Multa profecto eget, eaq; bona, fortuna. Qui discrimen effugiunt, plerunq; in diuturnum affectum incidunt,



incidunt, & hemiplexia, seu resolutione membrorum corripuntur. Paulus inquit: Apoplexia morbus nequaquam, aut raro curatur, ut qui mortem in propinquo minetur. Si uero remedia etiam ipsum sustulerint, plurimum cum partis cuiuspiam corporis resolutione discedit.

Non est alius senili ætati magis familiaris: quoniam in ipsis cerebrum insigniter madet, ac pituitosis excrementis abundat. In pluuiosa quoque, & frigida temporis constitutione plurimum feruet. Quod hyems pluuiosa corpus pituita impleat, liquido patet, quum ex oris sputo, & mucco narium, tum & ex cæteris morbis phlegmaticis, præsertim tumoribus, qui præcipue eo tempore maxime albicant. Algores quoque non uno nomine officiunt, humidum sæpe in capitis cauernulis contentum cogunt, densant, aptantq; obstructionibus. Interdum labefactant, atque imminuunt potentiam, seu facultatem cerebri, qua proprium alimentum concoquit, & in eo euentu necessum est, multos crudosq; chymo in ipso coaceruari. Deinde quod in laxioribus spatijs fluidum exundat, frigoris uis exprimitur, et exturbatur in itinera spirituum. Ut si quis madidam, & plenam aqua spongiam manu constringat, protinus effugit aqua.

Quibus ergo aliunde periculum imminet, et

Senes obno  
xij Apople  
xia.



**Apoplexia  
rectam cu-  
randi ratio-  
nem inuer-  
tit.**

in metu sunt, ne hoc morbo aliquando corripian-  
tur, algida loca fugiant, specus subterraneos, uli-  
ginosas ualles, austrinos flatus, simul & aqui-  
lones. Galenus ait libro de Theriaca ad Pisonē:  
Ego ex familiaribus quendam noui in lecto ad-  
huc decubentem ex capitis ipsius consensu uen-  
ti flatum cognouisse. Quum enim capitis gra-  
uitate laboraret, statim uentū, qui spirabat, au-  
strum esse depræhendit. Cibos auersentur pitui-  
tosos, & in primis ebrietatem, crapulamq; om-  
nem, frigida quoq; potum, somnum diurnum,  
& prolixum omnem, uitam ociosam, & umbra-  
tilem, exercitium etiam laboriosum. Galenus  
ait: Si hominem pituita plenum, uel flaua bile,  
uel atra, uel sanguine ipso uolueris ad exercita-  
tiones ducere, aut in morbum comitiale, aut  
in apoplexiam cōieceris: quod si hæc mala non  
eueniant, in alium incidet non minus grauem.  
Officiunt præter hæc, crebra & immodica Ve-  
nus, anxietas, formido, repentina animi conster-  
natio. Rectam omnem curandi rationem mor-  
bi ferocia interuertit, non liceat infestum suc-  
cum concoquere, à coctione uacuare, à uacua-  
tione quod reliquum erit, per commodas regio-  
nes digerere. Quin protinus sine ulla cunctatio-  
ne accelerandum est, ad reuulsiones, deriuatio-  
nes, uacuationes, discusiones, quoquo modo fie-  
ri queant



ri queant. Nisi quis forte prospiciens arripiat  
 occasionem propinandi melicratum, in quo de  
 coctum sit aliquid hyssopi, uel origani, uel trao  
 rigani, uel thymi, uel pulegij, siue quid huiusmo  
 di uim habens attenuandi. Medicum tam habet  
 suspensum, atq; perplexum, ut quid primum ex  
 ægrotantis re aggrediatur, nullus satis perspi  
 ciat. Attamen admolienda est manus, et id agen  
 dum fortiter, quod in casu tam difficili ipsius ar  
 tis primores: saluberrimum præscribunt. Plato  
 in eo, quem de Regno inscripsit: Si quis, ait, ue  
 ram illam, & legibus traditam tuendæ sanita  
 tis rationem, ad uentos, ad calores, ad frigora  
 transferat, & circa hæc ex ingenio suo philoso  
 phetur: hic quidem nec medicus est nominan  
 dus, sed curiosus quidam, delirusq; sophista, &  
 à quolibet in iudicium protrahendus: utpote qui  
 iuniores alios corrumpat, suadeatq; ut medici  
 na pro suo cuiusq; arbitrato tractetur. Eodem  
 pacto naues, morbiq; curentur, ac, si præter le  
 ges iuuenibus, aut senibus persuadere quicquã  
 comperiantur, extremis supplicijs afficiantur.  
 Neq; enim oportet quicquam legibus sapien  
 tius esse: neq; quenquam medicum sanitatis natu  
 ram ignorare, scripta, moresq; patrios perdisce  
 mos in cu  
 re uolentem. Apud Ægyptios quoq; (testatur  
 historia) ægri à medicis olim curari solebant se  
 gris.

Veterum  
 uestigia se  
 quenda.

Ægyptio  
 rum olim  
 mos in cu  
 randis æ  
 gris.



cundum leges ab antiquis medicis, probatisq;  
scriptoribus traditas. Si quis normulas sacri li-  
bri secutus, infirmum persanare nequiuiſſet, on-  
ni crimine carebat. Si præterea, quàm quæ li-  
bris continerentur, illum curasset, morte plecte-  
batur. Credebat legislator ea medendi cura,  
quæ plurimo tempore ab antiquis medicis ob-  
ſeruata, profecta q; fuiſſet, haud facile meliorem  
reperiri poſſe. Declarant hæc quo in præcio,  
quæ uè exiſtimatione maiores haberi debeant,  
neq; temere ab eorum decretis deſlectendum.

Hippocra-  
tes & Ga-  
lenus ante-  
ſignani.

Quos inter illud nobile par, diuinum dico Hip-  
pocratem, inclytumq; Galenum, anteſignanos,  
ac coryphæos conſtituere eſt æquum. Quorum  
ſententijs, quicquid poſteri conſcripſerunt, niſi  
plane conſonet, repulſam accipere dignum eſt.  
Palmarium habetur Athletam Herculi, & Mi-  
mum placuiſſe Roſcio. De his prædicare licet,  
quod Lycaones (ut eſt in Actis apoſtolorum) Ly-  
caonice de Barnaba, ac Paulo clamitabāt, Dij in  
ſpecie hominum ad nos deſcenderunt: & uoca-  
bant Barnabam Iouem, Paulum uero Mercu-  
rium, quod is dux eſſet uerbi. Ergo ſi quis (quod  
non nunquam accidit) ante plenam morbi inua-  
ſionem quædam ipſius tentamenta præſentiſcat,  
hominem ſtatim idoneis præſidijs præoccupā-  
re oportet, neq; curationem in hanc, aut aliam  
horam

Curatio an-  
te plenam  
inuaſionem



horam differre. Satius enim est in re molesta  
præuenire, & anteuertere, quàm præueniri,  
aut præuerti. Profecto hæc supina incuria non  
paucos è uita sustulit. In hisce primordijs dieta  
tenuis præscribatur, famem, sitimq; tolerant, &  
Venere omnino temperent, uinum non gustent,  
Somnum fugiant, in quiete agant, & imaginatio  
imminentis mali tollatur. Imprimis conducunt  
clysteres, sumptio syrupi calamynthæ, hyssopi,  
mellis scyllitici, aut eorum alicuius quæ atte-  
nuant, reuulsio humoris noxij per commodas re-  
giones, extremarum partium moderatæ frica-  
tiones, cucurbitulæ admotæ, in musculorum ter-  
minis uincula, uacuatio turgentis materiæ. Ca-  
piti infundatur oxyrhodinum, naribus indatur  
succus betæ adiecto elaterio, auribus instilletur  
castoreum, sumat mithridatum, theriacam, dia-  
carpesium, electuarium è pæonia.

Cæterum morbus ipse, si quem collecta ui de  
repente, atq; impudenter prosternat, dispicien-  
dum erit num facies tumeat, & rubore quodam  
perfundatur, num sublatis genis oculorum uenæ  
promineant, num tempora caleant, & arteriæ  
per collum effusæ extuberent, num uictus ple-  
nior fuerit, ac uita sedentaria. Quibus si tempo-  
ris quoq; constitutio congruat, de sanguinis co-  
pia nemo dubitauerit. Huic aliud nullum æquæ

Curatio ex  
sanguine.



presentaneum fuerit remedium, quam subita uenarum sectio. Neq; hanc Alcinoi lunam expectantes procrastinabimus. Periculum enim inuincibile mora dederit. Nec Galeni illud ex libro nono de Curandis morbis hic locum habet: Si precedat ciborum cruditas, tanto tempore differre uenæ sectionem iubebis, quantum satisfacere, tum ad eorum concoctionem, tum ut excrementa descendant, uidebitur. Si tamen sic incidat, ut nec cruditas sit, nec uentris onera grauent, opportunior erit concisio. Quod si hæmorrhoides iam dudum præter consuetudinem suppressæ deliteant, aut mulieri menstrua purgatio non eat, plurimusq; & exuberans humor existat, iuxta talum, aut in magnum pedis digitum uulnus defigatur. Alioqui dextri cubiti externa fodiatur, mox ab hac, aut si nunc horas aliquot occupatus extitit, & iam decubuit ruentis materiæ moles in uiscerum interiorum penitiores sinus, ut nunc præfocationi proximus sit, magna cum fiducia leui cubiti interna pertundatur, quo cor ipsum (sacra uitæ anchora) aliquatenus diffletur. Postea gradis cucurbita cum multa flamma sub sinistrum armum iniiciatur, & uiolento incubitu tantisper inhereat, donec obstructa itinera patefecerit. Rasis inquit libro tertio Aphorismorum: Apoplexia accidit regi

Hamech



Hamech filio Hali, & in principio curam con-  
 uenientem non habuit, sed dimiserunt eum, si-  
 cut erat, et nullus ex eius magistris ei aliud præ-  
 cepit fieri, nisi inungi corpus odoriferis, & suf-  
 fumigari. Quod sufficiens ei non credidi, sed fi-  
 ci uentosam collo eius apponi, & uelociter ab  
 illa ægritudine exiuit. & est res, in qua confiden-  
 tia esse debet. Petrus Apponensis in comple-  
 mento Mesues: Scire, inquit, debes, quod mun-  
 dificato corpore, si occurrat administratio uen-  
 tosarum post sinistram spatulam, est res faciens  
 te securum à morte, & quando res iam posita  
 est in desperatione, in omni cordis passione est  
 medicamen fidele, uirtutem facit liberam, et spi-  
 ritus respirationem, si deo placebit. & subuenit  
 ægritudinibus diuersis. Capiti derafo infun-  
 datur oleum roseum, aut melinum cum aceto.  
 Sed non multo post, aceto incoquantur serpil-  
 lum, pulegium, calamyntha, thymum, atq; ite-  
 rum addendum costinum, irinum, rutaceum.  
 Clysma subiiciatur ex decocto fursurum, radi-  
 cis cucumeris agrestis, centaurij, cum nitro, sale,  
 ac melle. Aut in hunc modum: R. betæ, mercu-  
 rialis, ana. m. j. hyssopi, satiregiæ ana. m. f. sese-  
 li, pæoniæ, marathri ana. p. j. polypodij querci-  
 ni ʒ. j. catharmi ʒ. f. colocynthidis ʒ. f. coquan-  
 tur, & excolato adde mellis rosati, olei chamæ

Hamech  
 rex apople-  
 cticus.

E



meli ana ℥. j. ℥. hieræ picræ 3. vj. salis. p. j. Aut  
 & decocti ueteris gallinacei cum centaurio, se-  
 na, filicula, cnico, thymo, pulegio. ℥. j. cui ad-  
 de pilularum cocciarum 3. ij. succi betæ ℥. j. o-  
 leorum rutæ, liliorum ana ℥. j. ℥. salis 3. ij. Iam  
 quoniam nec sensu quippiam ualent, nec motu  
 sese adiutare queunt, ne clyster intus resideat,  
 & demoretur, lumbi, totusq; uenter innixis ma-  
 nibus probè defricentur, agitentur, pressentur,  
 quo hac uexatione refusus spem nostram im-  
 plectat. In hunc etiam usum acres balani confi-  
 ciantur, & filo alligentur, quo intromissi, quum  
 uidebitur commodum, retrahi possunt. Naribus  
 admouendus est odor caphuræ, sandalorum, ro-  
 sarum non sine aceto, cui intabuerunt caryo-  
 phylli, melanthion, ruta, pæonia, infundendum  
 est quoq; oleum nympheum, & salignum cum  
 castoreo. Quod si crassa, lenta uel pituita  
 (quod plurimum euenit) hunc morbum gignat,  
 statim & ab initio, si qua sanguinis demendi ræ-  
 tio inuitat, humeraria secetur, aut ea, quæ in si-  
 nistro brachio media tēditur, interiōr uel, prout  
 una, aut altera torosior apparebit. Hippocra-  
 tes ait in libro de Victu in morbis acutis: Quū  
 itaq; fluxio, quæ frigida, uiscosaq; est, spiritus  
 & sanguinis meatus obstruxerit, quicquid san-  
 guini proximum est, figit, ipsum uero immobi-  
 lem, con-

Curatio ex  
 crassa pitui-  
 te.



lem, constantemq; reddit. Quippe quæ suapte natura refrigerandi, obstruendiq; facultatem obtinet. Proinde suffocantur ægri, lingua liuente, rotunda & incurua. Itaq; celeriter iugulat, nisi protinus iuueris, sanguinem ex brachijs extrahendo deinde uenas sub lingua secare, medicamento, quod uim habeat trahendi, purgare, calida gargarismata exhibere, caput radere, eidemq; atq; ceruici ceratum imponere, & lanis inuoluere. Quod si laxus, mollis, pinguis at gracilibus uenis sit is, quem curas, huic plane sanguinem non mittes, aut parum detrahes, nec omnino detrahes, si anni tempus hybernium sit, & frigidum, ac niuosum. Mox uniuersum corpus oleo calido, sulphurato perungatur, simulq; membra ceruici subiecta fortiter confricentur, ac præsertim manus pedesq; cum sale & nitro. Capita musculorum supra cubitum, ac poplitum ualidis funibus uinciantur. Cucurbitulæ coxis, clunibus, spinæ, interscapilio, occipitio cum multa flamma affigantur. Sic est alicubi: Si catarrhus cum impetu descendat, ut homo ex eo fluxu uideatur suffocari, confestim fiant ligaturæ fortes apud axillas in superiori parte adiutorij, et ponantur uentosæ magnæ multum ignitæ ad spatulas, & item una mediocris bene ignita supra commissuram sagittalem, & est secrete

Secretum  
admirabile.



tum admirabili seruans hominem à subita morte, & his factis fricetur palatum, et colatorium cum castoreo dissoluto in aceto scyllitico, aut cum theriaca ueturi. Caput ad cutim radatur, & sunt qui dera sum persundant chamæmelino, irino, aut in quo serpillum, pulegiū u decoctum sit. Aut salvia, ruta, thymus, sampsuchus, laurus, betonica, rosmarinus ferueant in aceto scyllitico, aut ueteri lotio, aut eius, qui brassicam comedit, & spongia hoc decocto imbuta, et expressa, bis, ter, quater, feruens capiti apprimatur, & ab hac appressione cataplasma inducatur pro hoc modo: & cineris sarmentorum uitium, caulium brassicarum ana. p. j. stercoris columbini ℥. f. sulphuris uini ℥. ij. radicis pyrethri, pæoniæ, iridis ana ℥. j. seminis nigellæ, cardamomi, maioranæ ana ℥. j. olei rutæ ℥. ij. oxymellis scyllitici ℥. j. cum cera & terebinthina incorporantur. Neq; contra artis normulas quis peccauerit, si ante hæc remedia, tibiae, & u' nas sinapismo exceperit, & interim capiti affundat oxyrhodinum, in quo pulegiij, thymiq; uirtus existat. Nec desunt, qui candentem sartaginem admouent capiti, ut cutim neq; contingat, neque urat, sed quæ præsentī calore exorbeat, ac resiccet obstruentes intus succos. Os ipsum aperiatur, & inter ipsos dentes lignum, ferrū uē immittatur



mittatur, quo ex toto oris cœlo commodius extrahatur spuma, ac uiscida saliuâ, simul ut non nihil spirationi cōducatur hiatus. Theriacam præterea, seu mithridaticum, auream uel Alexandrinam, aut oxymel scylliticum cum castoreo expedit palato affricare. Hæc reuocabilem sermonem reuocant, & uocale plectrum adaptant loquelæ. Viriles globuli liniantur oleo è piperibus, hypericone, lauandula, eruca, cinnamomo. Aut inuoluantur huiusmodi emplastro: R. unguenti marciati ℥ j. unguenti aregon, è bellio, axungie taxi ana ℥. f. seminis rutæ, pæoniæ, agni casti ana ℥. j. sulphuris uini ℥. iij. castorei ℥. ij. cum oleo nardino, & terebinthina aggregentur. Aut pannus laneus aqua uitæ seu uitis madidetur, & calidus testes complectatur. Paulus, et Aëtius uomitionem concitare iubent, Ori inquit, per uim aperto digitus ex oleo inferatur, seu pinna ligustrino, irino, aut narcissino illita, ut uomat. Quorum sententiam quis eo lapidare posset, quod nemo non uidet, quantam ad obstructions saburram aggerant fumi, uapores, halitus, quos sursum impellit, & in capitis interiores sinus uomitio cogit. Quis non intelligit, quam in hac agitatione uentriculus inflectitur, tendatur, æstuet, transuersum septum prematur, pulmones arctentur, cordis semitæ, quas

Vomitum in  
apoplexi  
spectus.



Historia de  
præto-  
re a-  
poplectico.

Medici nō  
sponte occi-  
dentes, mū-  
di sunt.

liberas, & permeabiles esse oportuit, stringan-  
tur. Vt omnino mirum uideri debeat, si non ce-  
lerius in hac colluctatione infelix homo præso-  
cetur. His adde: Qui sensu, motuq; destitutus,  
caudicis instar decumbit, minime expergiscitur  
ad quasuis digitorum, aut pinnarum oleo ma-  
dentium uellicationes, nec ullo conatu purga-  
menta refundere potest. Quapropter & alui  
onera ijs subsistunt, nec uessicæ excrementum  
redditur. Prætorem noui, qui amiculos aliquot  
in coenam conuocauerat, quos inter & medicus  
accumbebat. Quum iam epulatio ferueret, &  
cuiq; strenua res esset cum hilarioribus pocu-  
lis, Symposiarches anaticulæ alam præmini-  
strans ipsius latus claudenti, derepente apople-  
xia corripitur. Id est, quod paræmia nobis sug-  
gerit: Inter os, & offam multa contingunt. Hic  
protinus admirabilis metamorphosis, pro gau-  
dio planctus, pro risu fletus, pro tripudijs tre-  
pidæ cursitationes. Medicus moribundo laturus  
opem, pennam poscit, quam oleo tinctam in fau-  
ces, & gulam usq; demittit, quo crudus cibus,  
& nondum in imum delapsus excuteretur. Sed  
qui sic uexatur inter manus reiectionem molien-  
tis expirat. Quam gratiam medicus pro officio  
impenso retulerit, non dicam. Plato suarum le-  
gum dialogo nono: Omnes inquit, medici, qui cu-  
rantes



rantes non sponte occiderint, mundi sint. Hæc  
incommoda qui non ueretur, neq; pensi quic-  
quam habet popularem auram, uomitum expe-  
riatur. Equidem malim (quod & Paulum, &  
Aëtium uoluisse existimo) ubi ex aliqua parte  
iam recreatus uidebitur, aut si sensus mentisq;  
tantillum habeat, ut seipsum aliquantulum ad-  
iutare queat, & in uentriculo primaria morbi  
causa existat, promptusq; sit ad reiectiones, ut  
tum uomere cogatur. Verissimum est illud, ubi  
difficilis est obseruatio, perito, & exercitato  
opus est artifice. Clysteres infundantur acres ex  
centaurio, stichade, saluia, libanotide, thymo,  
origano, ruta, pulegio, elleboro, colocynthide,  
ex muria, melle, nitro, pro hac forma: & centau-  
rij, saluie agrestis (orminum syluestre dicunt)  
rutæ pegani ana. m. j. florum anthos, stichadis  
ana. m. f. seseli, seminis pæoniæ, maioranæ, ana  
p. j. agarici 3. ij. colocynthidis 3. iiij. caricarū.  
ix. passularum mundatarum 3. j. cartami 3. f.  
polypodij 3. j. coquantur, & excolato adde olei  
irini, costini ana 3. j. f. mellis rosati 3. ij. pilula-  
rum ellebori 3. j. salis 3. ij. Glandes conficiantur  
ex esula, euphorbio, sagapeno, ueratro, sale, in  
hunc modum: & specierum hieræ compositæ 3.  
ij. trochiscorum alandal 3. j. salis gemmæ 3. f.  
ellebori grana. vj. succi betæ, & mellis quan-



tum satis sit. Sedes præterea assidue ex ijs perungatur, quæ crassos flatus attenuant, & extrahunt, cumino, ruta, feseli, agno casto, nitro, mel-  
le. Naribus grauis odor subiiciatur, galbani, castorei, assæ, rutæ, pegani, pæoniæ ex aceto scyllino. Quod si non pessimè res eat, quæ sternuta-  
menta excitant, adhibeantur & pluma ex aceto madida, in quo zingiber, piper, pæonia, castoreum, nigella, struthium, tarcū, peganū, pyrethrum inferbuere, in ipsas nares promittatur, & spōgia hoc decocto imbuta crebro odoretur. Gargarismata si fieri queant, ea diximus in capite de Epilepsia. Si in paraplegiā, paralysem uē concedat (quod ijs plerunq; accidit, qui saluantur) curationem dicturi sumus capite huic affectui singulariter dicato. De uictu nihil præcipimus, siquidem eo tenuissimo indigent. Vbi morbus, inquit Hippocrates, peracutus est, statim extremos habet labores, & extremè tenuissimo uictu utendum est. Etiam si quid obtrudere coneris, Hylam inelamitas, & surdo canis. Vbi morbus se remisit, cibus mollis, euchymus, distribui facilis offeratur. Vinum dilutius bibat, aut hydromel, cui piperis aliquid inditum erit. Si ex casu, percussione, aut alicuius membri afflatu superueniat, non est obscura (modo bona aliqua spes affulgeat) sanationis ratio. Quod si ex inflammatione



matione, iam non ad medicos, nec seplasiarios, sed ad sacrificos, & polinctores properandum. Celsus ait: Prudentis est hominis eum, qui seruari non potest, non attingere, nec subire speciem eius ut occisi, quem sors ipsius peremit.

CAPVT VIGESIMVM.  
octauum de Memorie detrimento.

**M**emoriae probitas quàm sit conducibilis, & quantis uotis expetenda, neminem fugit: hæc sola iucundam, & amabilem eorum usuram nobis præstat, quæ de laboribus, et ærumnosis studijs consecuti sumus: promus est, & condus omnium operum, quæ in hac uita negotiosi conficimus, Vniuersorum sensuum communis est arcula, quicquid uel oculis conspiciamus, uel auribus haurimus, aut ipsa mente concipimus, usui seruat, quibus quæso? non magno pere animum addidit, ad aggrediendum eximiae laudis facinus, quum meminisset tale sibi, alteri ue prospere successisse perpeßi periculi recordatio, & accepti damni reminiscencia, quem (nisi insanum) non absterruit, ac ueluti præoccupauit, ne bis in eundem lapidem offenderet, ut semel dicam, collapsa memoria abolescunt in nobis omnia, uel à deo collata, uel à mortalibus im-

Memoriae  
præconia.



pensa, uel nostra sedulitate comparata: et si quis  
 eam ad hunc modum ornare uolet, utramq; pa-  
 ginam iustis præconijs opplebit, præcipuam  
 fuisse Cyro regi proditum est, singulis enim sui  
**Cyrus rex.** exercitus militibus nomina reddebat, Cyneas re-  
 gis Pyrrhi legatus, postero die quam Romam  
**Cyneas Pyr** aduenerat nouus homo, utriusq; ordinis uiros  
**rhilegatus.** nominatim appellabat, Mithridates duarum &  
 uiginti gentium rex totidem linguis iura dixit,  
**Mithrida-** & pro concione singulas sine interprete affa-  
**tes.** tus est, Carmadas quidam in Græcia, quæ quis  
 uolumina in bibliothecis posceret, ea legentis  
**Carmadas.** modo narrabat Cæsarem scribere & legere, si-  
 mul dictare, et audire solitum literæ perhibent.  
**Cæsar.** Id idem Adrianus imperator (attestante Spar-  
 tiano) præstare potuit, Seneca in præfatione li-  
**Adrianus** bri Declamationū: Memoria, inquit, est res ex  
**imperator.** omnibus partibus animi maxime delicata, &  
 fragilis, in quam primum senectus incurrit: hanc  
 aliquando in me floruisse, ut non tantum ad  
**Seneca.** usum sufficeret, sed in miraculum usq; procede-  
 ret. Nam duo milia nominum recitata, quo ordi-  
**Simonides** ne erant dicta, referebam, & ab his qui ad au-  
**Melicus ar-** diendum præceptorem nostrum conuenerant,  
**tem memo-** singulos uersus ad singulos datos, quum plures,  
**ratiuam in-** quam ducenti efficerentur, ab ultimo incipiens  
**uenit.** usq; ad primum recitabam, à Simonide Melico  
 inuen-



inuentam artem existimant, & consummatam à Metrodoro Sceptio, ut nihil nō eisdem uerbis redderetur auditum, Philosophi in ea uersantur sententia, nec reclamant medici, memoriam potissimum pollere, ex proba temperatura organi, sedis ue, in qua hanc functionem anima exercet, Plato ait in Theæto, Nō recte anima se habet in denso, aut lutulento, aut molli nimis, aut duro. nam mollis nimium cæra celeres quidem ad percipiendum efficit, sed eosdem obliuiofos: dura uero contrā, diu memores, sed ineptos, tardosq; ad percipiendum, & qui densam, & asperam, lapideamq; uel terream, uel sæculentam habent, obscura simulachra continet: obscura quoq; qui duram, profunditas quippe non adest, obscura quoq; qui molliorem: nam ex confusione facile euanescent, quod si præter hæc in uicem quoq; congesta sint, ob sedis ipsius angustiam, siquidem exigua sit animula, obscuriora quoq; illis simulachra fient, Hippocrates Pæoniæ familiæ columen in libro de Victus ratione ait, Quum in corpore pars ignis siccissima, & aquæ humidissima, æquè temperantur, prudentissimum quid est: quoniam ignis aquæ humidum suscipit, & siccum ignis aqua, sic uterq; sibi magis sufficit: nam ignis quum nutrimento non eget, non multum uagatur, nec aqua motus indi-



**Memoriæ  
Sedes po-  
stremum ce-  
rebeum.**

**Intempe-  
ries unde  
oriatur.**

ga multum leuatur: quorum uterq; sic maxime sibi sufficit, temperataq; uicissim minime alterius ope eget, quod maxime his, quæ adsunt, se accommodat, quodq; ignis nisi necessitate mouetur, aqua nisi ui, quum autem anima ijs temperatur, prudentissima, memoriosissimaq; efficitur. Cæterum medici uno ore consonantes postremum cerebrum officinam statuunt, in qua memoria confidet: id quum nimia humiditate afficitur, aut immodice siccescit, atq; iterum si immoderato calore ferueat, aut si supra modum frigeat, ea statim uis, qua memores sumus, turpiter labefactatur: primas enim qualitates consequuntur mollietates, durities, densitas, subtilitas, crassitudo, fluxibilitas, & id genus aliæ quæ substantiam cerebri bene aut male functionibus naturæ attemperant, prout illæ coierunt, sic Galenus ait tomo secundo Artis parue, Facilis intellectus, subtilis substantiæ cerebri est cognitio, tarditas uero pinguioris, facilitas uero discendi est mollis, & memoria permanentis, sic & difficultas discendi, duræ, obliuio uero fluentis: intemperiem porro afflari multifariam contingit, ex utero quis tam ualidam non nunquam contrahit, ut non solum memoria, sed & ratio ledatur. Vtriusq; noxa ab eadem dispositione procedente, id ubi euenerit, ut præter memoriæ offensionem



fensione, ratio quoque deliret: huiusmodi affectio  
 Græcis dicitur Morosis, & Latinis stulticia,  
 cuius Aristoteles primo de Animalium natu-  
 ra, indices affirmavit prægrandes, & erectas au-  
 res, iam ex inepto uictu frequens est cerebri in-  
 temperatura, quandoque ex insalubri ambientis  
 nos aeris constitutione, quinetiam ex casu, ex  
 percussione, ex uulnere, ex morbo, & alijs id ge-  
 nus iniurijs, Thucydides libro secundo belli Pe-  
 loponnesiaci horrendam Atheniensium pe- Athenien-  
sium pestis.  
 stem perscribens sic narrat, Ex hac utique perni-  
 ciosissima, si quis conualefcebat, eius uiolentiam  
 significabant extrema membrorum: siquidem  
 ad uerenda, & ad summas manus, summosque pe-  
 des prorumperebat, quibus non nulli amissis libe-  
 rabantur, quidam amissis & oculis: sunt etiam,  
 quos simul ac surrexerunt, omnium pariter cœ-  
 pit obliuio, necessariorum quoque, ac sui ipso-  
 rum, præterea (quod non modicam poscere con-  
 templationem uidetur) interdum accidit, ut non  
 uniuersim memoria tollatur, & omnium noti-  
 cia aboleascit, sed particulatim tantum, atque di-  
 stinctim, uti aliquorum pereat, et aliorum asser-  
 uetur, iclus lapide literas tantum oblitus est,  
 præalto à culmine lapsus nec matris, nec affi-  
 nium meminisse potuit, Messalam Coruinum  
 proprii nominis obliuio cœpit: itaque attestante

Memoria  
 per partes  
 aliquibus  
 perit.



**Signa cau-  
sarum.**

Galeno, quorum uel memoria, uel intellectus pe-  
rit, somnos obseruare oportet, utrum uehemen-  
ter, an modice somnolenti sint, aut omnino non  
somnolenti: sed quantum ad somnum pertinet,  
secundum naturam sese habeant: sic enim uin-  
centem inuenies intemperaturam: præterea con-  
siderandum est, utrum excernant quippiam, uel  
ex naribus, uel ex ore, quod à capite defluat, an  
aridæ huiusmodi partes sint: quippe ex his dis-  
positionem ipsam coniectura consequi poterim-  
us: quemadmodum in distillatione, et grauedi-  
ne usuuenit: siquidem in ijs, et qualitas, et quan-  
titas excrementorum, atq; antecedentium cau-  
sarum contemplatio, capitis dispositionem de-  
clarat, siue calida fuerit, ut in uestione, siue frigi-  
da, ut in refrigeratione: nisi enim omnia hæc di-  
crete cognoueris, idoneam dispositioni curatio-  
nem haudquaquã inuenies. Humidiores ergo in-  
dicia cerebri, recti sunt, planiq; capilli: neq; hi  
omnino calui fiunt, multum somni cupiditate tenē-  
tur, oris plurima est saliuæ, et in naribus, oculisq;  
pituita frequens: quales profecto rerum formas ce-  
leriter suscipiunt, eas tamen nequaquam diu asser-  
uant: sed propter materiæ, in qua excipiebantur,  
fluorē, præpropere dilabuntur: ut si quid in-  
udam, ac præmollem argillam dare uoles, haud  
magno labore opus est: mollis argilla artificis  
arbitrio

**Signa hu-  
midioris ce-  
rebri.**



arbitrio facile obsequitur, atq; iterum ob leuissimam agitationem statim confunditur, atq; aboletur quod acceperat: pueri tum propter aetatem, tum propter multam nutritionem humoris copiosi participes sunt: quare & immemores, maleq; tenaces depræhenduntur: ut inde natus sit popularis sermo, ea beneficia perdi, quæ in pueros, senes uel collocantur: siquidem hi ob uicinam mortem raro gratiam acceptis rependunt, illi iam puberes, & adulti benefactorum haudquaquam meminerunt: huc pertinet præcox illud ingeniorum genus, in quibus aereus magis, quam aquulentus mador exundat: quos Fabius prompte parua facere dixit, & audacia prouectos, quidquid possunt, protinus ostendere: possunt autem id demum, quod in proximo est: hæc priusquam digrediantur, uultu interrito, nulla tardati uerecundia proferunt: non multum præstant, sed cito, & obliuionem festinantes anteuertunt: non est uera, solidaq; uis, nec penitus immixtis radicibus nititur: ut quæ summo solo sparsa sunt semina, celerius quidem se effundunt, & imitæ spicas herbulæ cassis aristis ante messem flauescunt: quis quæso? non huiusmodi tyrunculos aliquando expertus est: qui in arte, cui nomen dedere, ad primam statim perpaucorum mensium

Beneficia  
in senes &  
pueros col-  
lata perdi-  
tur.

Præcox in  
geniorum  
genus.

Iuuenes  
sunt impu-  
dentes.



Pythagoras suis quinquenne silentium imperabat.

Anno primo doctores, tertio sunt baccalaurei.

Actus memoriae in qua parte cerebri fiat

operam pugnaces sic attollunt cristas, & magnifica uerba crepant, quasi Cornicum oculos confixuri sint, & sexagenarios de ponte deieturi: nec Daretis & Entelli exēplo pauesacti, audent se deuorato pudore ueteranis opponere, cogitandum est, (nisi infamis uecordia obstat) non frustra sapientem illum Pythagoram suis discipulis quinquenne silentium imperasse: quippe qui primæ memoriæ non temere credendum censeret: ea nimirum cito defluit, et ueluti præsentis officio defuncta, ac nihil in posterum debeat, tanquam dimissa, rudeq; donata discedit: hac ratione præueloces isti, & inani uento sufflati, quo primum anno disciplinis inaugurantur, doctores agunt, sed secundo non nullum flatuosæ ostentationis detrimentum sentientes (ut hoc uerbo utar) licentiati fiunt, ac tertio baccalaurei: quarto omnem arrogantiā, si frugi futuri sunt, deponunt: in assertionibus quoq; cunctiores apparent, bonam hanc, somnriamq; mentem cuncta coquens, & ematurans tempus adfert: sed ne tacitum illud prætercerebri fiat mittam, quamuis rerum species, ceu picturæ quædam in postremo cerebro asseruentur, inhibi tamen recordatio, seu memoratus non perficitur: nec est memoria, seu reminiscentia actus facultatis ea in parte uigentis, sed primitiui sensus, phar



sus, phantasie, aut imaginatricis, ac deinceps in  
 intellectus. Tria in nobis (quod in capite de Aman-  
 tibus, diximus) perspicue depræhenduntur: Ani-  
 ma, spiritus, & corpus. Anima tam est diuersa  
 à corpore, quàm est empyreum cœlum à terra,  
 ut mutuâ omnino societate refugiant, si non per  
 spiritum copulentur. Spiritus utriusque uinculū est,  
 & utrunque alteri ueluti conglutinat. Quasuis  
 animæ uires quoquo uersum diffusæ subuehit.  
 Quin per exteriorum sensuum organa suscipit  
 imagines, ac formas rerum forinsecus occursan-  
 tium. Quæ quidem in animæ substantia propte-  
 rea figi nequeunt, quia incorporea. Sed ipsa ani-  
 ma in spiritu, tanquam in terso, lucidoque specu-  
 lo simulachra contuens de obiectis iudicat.  
 Quod iudicium, sensus cognitio dicitur. Istis  
 quoque similes imagines, sed multo puriores, &  
 ab omni terrenæ labis contagio perpurgatas sua-  
 ui in se ipsa fabricat, & concipit. Quam con-  
 ceptionem, phantasiam uocamus. Et hæ sunt il-  
 læ species seu diriuationes semper magis, ma-  
 gisque attenuatæ, quæ in postremo cerebri sinu  
 conduntur. Non illa corporum prima defluuia,  
 & crassa idola, per externum sensum appræ-  
 hensa, sed ex ijs per internum ueluti cribrata.  
 Iam huc aures arrigas: Quamuis in memoria,  
 hoc est, in nouissima, et postrema cerebri regio-

Anima per  
 spiritum co-  
 pulatur cor-  
 pori.

Phantasia.

F



ne sensibilibus rerum species comperiantur, ibi tamen recordandi actus non efficitur. Sed hae species inquietis animae imperio relabuntur in sedē sensui cōmuni, et phantasiae dicatam, ex quibus phantasmata speculationis excitabula protinus oriuntur, quae mox orta intellectum commouēt, et suggeruntur ea, quae aut uidimus antea, aut alio sensu cognouimus. Quemadmodum picturae ea nobis ob oculos ponunt, ac repraesentat, quae longo tempore antea acta euanuerunt.

**Signa siccitatis.**

Ceterum siccitas si praeualeat, quum humiditati contraria sit, ex contrariis signis indicatur. Nares excremento uacant, nec à capite quicquam effatu dignum distillat: oris saliu pauca, oculi caui, ad uigilias prompti sunt: capillos habent robustos, et qui celerrime eis statim innascuntur: crispi potius, quam recti: cito autem calui fiunt. Hos ad suscipiendas rerum formulas minus idoneos propterea constat, quia sculpturae pertinacius obnituntur, neque altius quid incidere permittunt: sed leuiter tantum, ac in equore summo obscura quaedam incumbētis uestigia haerent.

**Tardiorum memoria.**

Hae ea profecto memoria est, quam recentem in tardioribus ingenijs minus fidelem deprehendimus. Sed (quod Fabius ait) mirum dictu, nec in promptu ratio, quantum nox interposita afferat firmitatis. Siue requiescit labor ille, cuius



le, cuius sibi ipsa obstat fatigatio, siue maturatur, & coquitur, ceu firmissima eius pars sit recordatio. Quæ statim referre non poterant, contexuntur postera die, confirmatq; memoriam idem illud tempus, quod esse in causa solet obliuionis. Quum præ cæteris multa frigiditas dominatur: his facies albet, lumina languent, uenæ inconspicabiles fugiunt, somnolenti sunt, neq; si exploraueris, partes ad caput atinentes admodum calidæ sentiuntur, neq; si inspexeris, rubicundæ apparent: capilli recti, & ruffi, & stabiles, & qui longo tempore post natiuitatem nascuntur. Hanc qualitatem insigniter officere nemo nescit, & omnes tum corporis, tum animi facultates debilitare, imminuere, ociosas, & inertes efficere. Quod si calor exuberet, his indicijs facile innotescet, quod ea, quæ circa caput sunt, calida magis, ac rubicunda sentiuntur, oculos uideas uersatiles & inconstantes, eorumq; uenulas magis apparentes: capilli in lucem æditis statim oriuntur, nigri, robusti, crissi fiunt, breuibus somnis cõtenti sunt, neq; admodum profundis. Hic animales quidem spiritus excoquit, in fumos, ac fuligines diripit, succos quoq; suppediandis nouis idoneos torrefacit. Quare mirum uideri non debet, si feliciore memoria destituuntur. Iam qualitates hæ

Signa frigiditatis.

Caliditatis indicia.



si combinentur, & frigiditas copuletur humiditati, aut caliditas accedat siccitati, alijsq; poenitendis modis congruant, nequior erit offensio. Quinetiam uidere est, quum alicuius materiae exundantia uitium gignat. Quibus autem notis discretio internoscatur, & quae qualiter offendat, ex praegressis abunde colligere licebit. Oblivio quum derepente, & inexpectata, atq; improuisa incidit, nec partem aliquam corporis affectus quispiam occupat, tum apoplexiam, epilepsiam, aut resolutionem, lethargum uero uereri oportet. Curatio aggredienda non est, (quam hoc ipsum curationem sit aggredi) nisi pro materiae & uirtutis modo uniuersum corpus apto cathartico exoneremus, & deinde capiti, atque eius praesertim postremae regioni salubria praesidia admovebimus. Plato ait in Charmide: Audentius incantationis modum tibi ostendam: est autem talis, o Charmides, ut caput solum curari nequeat, quemadmodum saepe experitis medicis audiuiisti. Qui quoties aliquis oculorum dolore affectus eos consulit, aiunt non posse oculis mederi, nisi prius capiti medeantur: neq; caput absq; totius corporis medicina. Hac de causa regulis quibusdam toti conferentibus utuntur. Quare quum non sola, ac nuda qualitates offendent, sed socia erit humorum exuperant

Curatio.



exuperantia, ab euacuatione curationis exor-  
dium sumemus, modo commoda concoctio, si ea  
opus erit, præcedat. Sanguinis copia uenæ se-  
ctionem postulat, & si caput solum degrauatur  
humeraria uulneretur: si corpus totum, aut in-  
terna, aut media. Cholera quibus medicamentis  
subigatur, & quibus è corpore pellitur, sæpe-  
numero in præmissis capitulis diximus. Pituita,  
utpote lenta, ac crassa longiore indiget attenua-  
tione, quam concoctam uacuare expediet hiera  
Ruffi, ea describitur ab Aëtio libro tertio, in  
hunc modum: R. pulpæ colocinthidis ʒ. viij. cha-  
mepithios, camedreos, agarici, marrubij ana ʒ.  
x. sagapeni, casia ana ʒ. v. opopanacis ʒ. viij.  
petroselini, aristolochiæ rotundæ, piperis albi  
ana ʒ. v. cinnamomi, spicæ, croci, myrrhæ, tro-  
glodyticæ, polij ana ʒ. iiij. assumito in melle, ex-  
hibitio integra ʒ. iiij. cum melicrato et sale. Con-  
fert, inquit, ad prudentiam, et peculiariter hoc  
medicamentum dare consueui, quum opus esset  
deperditā memoriā reuocare. Aduersus atram-  
bilem quibus præsidij depugnandum sit, uer-  
bum non addam, nisi recoctam crambem obtru-  
dere uelim. A proba inanitione, si frigida intem-  
peratura perseuerauerit, calefacere oportebit,  
non autem exiccare, aut humectare. Quod si



Curatio ex  
siccitate.

coniuncta sit humiditati, tum et arefacere expediet. Quemadmodum si siccitati copuletur, curandum erit, uti humescat. Ita ad alias quoque combinationes alia, quæ sunt contraria, pro modo auersionis ab inculpato habitu, adhibenda censemus. Nuda ergo siccitas quum offecerit, quod senibus, ac grandævis accidere solet, atq; etiam post diutinas inedias, ærumnolos labores, immodicas uacuationes, longa peruigilia. Hi recreante uictu indigent, corroboratis enim uiribus & in substantiam dato alimento, uegetior, alacriorq; anima redditur. Cibi conferunt succulenti, & euchymi, qui facile, nulloq; negotio perdomantur. Nec pleniorē epulationem his inuidemus, modo uentrem nusquam onerent. Vinum bibant rubrum, maturum, dilutum. Exercitia sint moderata, & citra fatigationem exigantur. Caput clementer fricetur, prolixè dormiant, molliter cubent, tepentis aquæ balneis utantur, sudationes uitent. Capiti infundantur epithemata ex decocto florum chamæmeli, meliloti, radicis althææ, seminis lini, aut ex iusculo uitulinæ carnis, seu hagninæ, aut ex lacte recens multo: inungatur oleo susino, amygdalino, dialthæa, butyro insulso, œsypo: aut omentum ouiculæ ab occisione adhuc feruens inducatur: sumant conseruam boraginis, buglossi, cor-



fi, corticis citrei conditas: aut huiusmodi ecleg-  
 ma paretur, & corticis citrei conditæ ℥.ij. con-  
 seruæ boraginis, buglosi ana ℥. j. diatragachan-  
 tæ, sacchari rosati ana ℥. ℥. specierum electuarij  
 resumptiui ℥.ij. passularum purgatarum ℥. j.  
 succi glycyrrhizæ ℥.iiij. ouorum recentium lu-  
 tea. ij. pulparum turturum elixatorum ℥.iiij.  
 sacchari candidi, penidiarum ana ℥. j. butyri re-  
 centis sine sale ℥. ℥. contundantur omnia in mor-  
 tario marmoreo. Si frigiditas noxam conci-  
 liat: huic potissimum obnoxij sunt, qui algores  
 difficulter ferunt, & in aere diuersantur prui-  
 noso, & gelicidijs, flatibusq; aquilonaribus aspe-  
 ro: quibus multa cōsuetudo est, ac frequens com-  
 mercium cum cibis pituitosis, & medicamen-  
 tis frigorificis. Curationis ratio admodum sim-  
 plex est, solam calefactionē postulat: capiti per-  
 utiles sunt fricationes, & sacculi ex salina, ru-  
 ta, thymo, lauro, betonica, maiorana, pulegio:  
 quod si humiditas quoq; accedat, iam & assic-  
 care conducet pro modo deflexionis à iusta con-  
 stitutione. Cōferunt cibi bene alibiles, calidum  
 & spirituosum sanguinem gignentes: uerueci-  
 na, hœdina: capi, phasiani, perdices, & horum  
 oua singulari potestate pollent, pipiones, turtu-  
 res, passercoli, galeritæ, turdi, merulæ: parentur  
 cum hyssopo, satureia (hæc gratissimum gu-

Curatio ex  
 frigidityte.



stum cibarijs præbet) thymo, sampsucho, rore-  
marino, caryophyllis, macere, zingibere, pipe-  
re, cinnamomo: animantia fugiant nuper ædi-  
ta, quorum mucosam, ac uiscidam, atq; excre-  
mentitiam constat esse carnem: lepores quoque  
cataphoras gignere aiunt: comestum etiam ani-  
mantis cerebrum, siquidem pituitosum ac igna-  
uum nutrimentum præbet, uehementer incom-  
modat: nec potiore elogio medullis dignamur.  
gallorum ossa exueta ueternum adducunt, grui-  
na præ ceteris inimica creditur: pisces, qui sa-  
pienti Samio obtemperare uolent, cane peius  
& angue odiant: nec olera, fructus, lac, caseum,  
bellaria attingant: ex oleribus dico lactucam,  
spinachium, maluam, atriplicem, aliaq; fatua,  
ac insipida: ex fructibus dico cerasæ, pruna,  
persica, mora, melones, cucumeres, cucurbitas,  
aliosq; fugaces, ac horarios: acriora interdum  
exhibeantur, allium, puleium, capparis: sina-  
pim miris laudibus Pythagoras extulit: parce  
epulentur, præsertim coenantes, Vinum bibant  
album, aut uermiculum, subrubrum ue, Aquam  
non gustent: prolixos somnos, atq; diurnos auer-  
sentur, frequenter se exerceant: circa lacus, flu-  
mina, & uliginosa loca non uersentur: austri-  
nos flatus & pluuiosas constitutiones declinēt,  
lucidam & excelsam domum inhabitent: caput  
oleo



oleo perungatur costino, sambucino, rutaceo:  
aut emplastrum conficiatur pro hac forma &  
olei chamæmeli ℥. j. olei mentæ, terebinthinæ  
ana ℥. f. ladani, styracis, benzoi ana ℥. j. caryo-  
phyllorum, nucis myristicæ ana ℥. f. seminis ni-  
gellæ, maioranæ, cardamomi añ ℥. j. galliæ mos-  
chatæ ℥. ij. cum cæra incorporentur: conferunt  
præterea si pituita exundat, que saliuā mouent,  
& sternutamenta, & odoramenta: cubebæ com-  
mansæ modis omnibus auxiliantur: auribus in-  
datur oleum castorei, lauandulæ, spicæ: eclegma  
concinnetur in hunc modum, & conseruæ an-  
thos, melissæ ana ℥. j. inulæ conditæ, zingiberis  
uiridis ana ℥. f. corticis citrei conditæ ℥. vj. dia-  
trium piperei, diambæ ana ℥. f. cum modico  
aquæ uitæ commisceantur: aut & conseruæ men-  
tæ ℥. ij. calami confecti ℥. j. cubebarum, xiloa-  
loes, cinnamomi ana ℥. ij. maccris ℥. j. seminis  
maioranæ, cardamomi ana ℥. f. cum melle an-  
thosato concorporetur: quod si siccitas cum fri-  
giditate coeat, id accidere consuevit, aut pro-  
pter longas morborum iniurias, aut uehemētes  
corporis labores, aut acres ualde animi affectio-  
nes, quibus naturæ uires fatiscunt, & anima-  
les spiritus dissipantur. Galenus se quendam no-  
uisse testatur, qui ob laborem in studijs, atque  
uigilijs, memoriam pene amiserat, læsa etiam



ratione. Agricola quoque, qui ob labores, quos uites colendo subierat, ac tenuem uictum, eodem modo affectus est, atq; ij exiccantibus, calorificisq; lædebantur: humectantia uero, quæ calefaciendi quoq; uim haberent, haud mediocri ipsis erant præsidio. Quod si cū siccitate co-  
puletur calor, (quam coniunctionem plerunq; deliria sequuntur) oxyrhodinum capiti infundatur, & curationem reliquam, quæ refrigerandi, ac humectandi potestate prædita sunt, pul-

**Præcepta  
communia.**

chre complebunt. Preter hæc scire oportet, quod nihil æquè aut cura augetur, aut negligentia intercidit, ac ipsa memoria: quam nisi excollas, & iugi meditatione exerceas, inertia, ac situ corrumpitur, deuorandum illud tædium censemus, imò in cōsuetudinem trahi debet audita, lecta ue sæpius recentandi labor, quasi eundem cibum remandas, & rursus commolendum recipias: quin mentis intentio in hanc contemplationem sic conuersa perduret, ut defixos oculos in amabilem rem continemus. Non præter rationem sapiens Socrates literas officere existimauit, attamen eas in adminiculum inuentas uulgus arbitratur: siquidem illa, quæ scriptis excepimus, ueluti certa & alligata tenentes, custodire desinimus, & ipsa securitate fidentes è mente dimittimus: olim homines si quid obser-

**Socrates li-  
teras dixit  
officere me-  
moriam.**

natione



uatione dignum audissent, id non membranis, sed animo inscribebant, & hæc inscripta crebriter sub mentem reuocabant, qua exercitatio ne eam uim, qua memores sumus, confirmabāt, ut facile tenerent, quicquid uellent, et quod quisque didicerat, euestigio habebat in promptu. Post reperto literarum usu, graphicesq; noticia, dum libris fidunt, haud perinde studuerunt animo infigere, quod neglectum nollent: ita factum est, ut postergato memoriæ cultu, minus uiuida sit rerum cognitio, & pauciora quisq; sciant: tantum enim scimus, quantum in promptu tenemus, Anthistenes Atheniensis amico cuidam deploranti quod commentarios suos perdidisset: Oportuit, inquit, ista potius animo, quàm chartis inscribere: sentiens librorum fiduciam, esse causam, quominus memoriam exerceamus. Plato quoq; in Phædro: propter recordationis negligentiam, literarum usus obliuionem in animo discentium parit: quippe qui externis literarum monumentis confisi, res in animo intus non reuoluunt: nunc qui uis (uel me conticente) plurimum memoriæ conducturum intelligit, si quæ aut leguntur, aut audiuntur, cum admiratione, ac uoluptate incidant: admirationem pariunt, uel dicentis auctoritas, uel narrationis breuitas, uel ipsius rei maiestas: uoluptate quidem

Anthiste-  
nis respon-  
sum.

Admirata  
& iucunda  
memoriæ  
herent.



afficiunt, aut eius quod prædicatur, utilitas, aut orationis uenustas, aut ipsius rei amœnitas. Platonem ex Timæo testem laudabo, hic ait: Profecto quæ in pueritia discimus, diutius, firminusq; (ut fertur) meminisse solemus: atq; haud scio, an quæ heri audiui, referre nunc omnia memoriter possim: quæ uero puer accepi, mirabor equidem, si quid eorum memoria mihi exciderit: ea quippe cum uoluptate & ioco audiebam, & quum senex ille libenter me doceret, & ego sedulo ab illo sciscitarer: quapropter quasi quædam literarum iniustæ indelebiter notæ, ea mihi omnia memoriæ infixæ permanserunt. Quinetiã Seneca in præfatione libri Declamationum sic habet: Quæ apud memoriã aut puer aut iuuenis deposui, quasi recentia, aut modo audita sine cunctatione profert: at si qua illi inter proximos annos commisi, sic perdidit, & amisit, ut etiam si sæpius ingerantur, toties tanquam noua audiam: etenim illa cum admiratione & alacritate excipiebatur.

CAPVT VIGESIMVM  
nonum de Tremoribus.

**D**E tremoribus, qui febrientibus oboriuntur, nihil impræsentiarum dicturus sum, quando ad alium locum ea narratio spectat



stat. Quod si uitæ usum deus nobis prorogauerit, spes est eorum aliquando meminisse. Nunc tremores, qui sint, & unde prodeant, quos mortalium nonnullos citra grauem agrotationem perpeti conspiciamus, quibusq; remedijs obniti licebit, paucis explicabimus. Tremor uitium est ex contrarijs motibus constitutum. Idq; accidit, quum quis aliquid agere parat. Neq; ambiciosus logis te distinebo, quando tam exoculatus est nemo, qui non aperte cernat sic affectis, quum ministris manibus uti conantur ad quid corripendum, transferendum, tollendum, eas statim uacillare, nutare, quati. Quod nos tremere uocamus, & quibus id euenit, eos trementes, & tremebundos dicimus. Animalis facultas manum molitur in altum ferre, & corporalis substantiæ moles sua grauitate deorsum retrahit. Quare hi ad diuersos terminos motus tremorem faciunt, uno uidelicet sustollente, & altero deprimente. Galenus inquit supra tertium de Vulgaribus morbis: Quum longè partium ponderi, quæ uehuntur, uires motrices præstant, citra negotium attollunt, citra negotium sublimes seruant. At uero si multo sint inferiores, sicut in resolutione, haudquaquam possunt eleuare. Quæ si pares sint, uicissim succumbunt. Vincentes seruant immotam manum sublimem, su-



perata delabi sinunt. Hoc mihi cogita continenter in hunc modum fieri, ut simul ac superiores sint, membrum sustollant, mox uictæ à mole permittunt pessum ire, simulq; uires illorum rursus uictrices iterum arrigere conantur. Et quum minimo interuallo hæc motuum uicissitudo fiat, nec motus habeat in utramq; partem insignes, tremor dicitur. Neq; necessarium est, ut semper mouendi studium interueniat, quibusdam nimirum caput intremiscit, quum id non commotum, sed maxime quietum uellent, atq; omnino ociari, quod tamen assequi nequeunt, nisi inclinata ceruix ab aliquo sustineatur. Quare non minori egent robore musculi in recta figura citra fulturam solidi cuiuspiam membrum seruantes, quàm quum arbitrarium motum aggrediuntur. Nam qui extendunt, ueluti manum, uno genere musculorum operantur, quod comparatum est ad id operis, alijs interim feriantibus. Atq; quum flectunt, ijs agunt, qui ad flectendum sunt accommodati, cæteris cessantibus. Quod si sublimem teneas manum, nec flectas, nec extendas, utrisq; musculis æqualiter operaris, & tanta eorum firmitudine in hac operatione indiges, quanta uel ad inflectendum, uel extendendum, aut ex alterius, seu utriusq; imbecillitate statim ipsius membri sequetur uacillatio.

Affectus



Affectus hic incidit ex impotentia uirtutis, hoc est, ex inopia, & paupertate spiritus motricem *Cause.* functionem dispensantis. Quando uidelicet is ob longas grauesq; ægrotationes deteritur, ob immodicos labores exhauritur, ob frequentiorum Veneris usum profugit, ob immoderatas inanitiones euanescit, ob repentinam, ac subitariam formidinem se condit, ob ætatem senilem abolefcit. Non nunquam uero etsi spiritus promptus, alacrisq; in officium sufficiat, caro tamen infirmior est, quàm quæ suo moderatori obtemperare queat. Quod sæpenumero usuuenit ob crassos, aut uiscidos succos neruorum oscula obstruentes. Aut quia muscoli præ humoris infusi copia (quod in temulentis perspicuum liquet) præ languidi efficiuntur. Aut quoniam uehementēs frigus (quod in gelicidijs accidit) membrum torpescit. Galenus ait secundo de Causis symptomatum: Crassi, lentiq; succi facultatis meatus obstruentes, ita ut exigua facultas affluat, tremorem efficere possunt. Idq; maximè, ubi exactè obstruunt, resoluūtq; aliquorum neruorum partes quasdā. Sic enim reliquæ fibræ non satis ualidæ musculū nō possunt intendere. Etenim ubi humores obstruentes facultatis per neruos meatum, non in totum fuerint infixi, adeo ut per uolentas uirium incursiones possint ad-



huc & concuti, & commoueri, huiusmodi fiūt motus, quales antea incipiente neruorum resolutione fieri diximus. Attollitur enim aliquando membrum, & rursus concidit. Nam per facultatis inuasiones, quum ipsa se uehementius & excitat & cogit, excutiuntur succi, qui neruos obstruunt, ac mēbrum mouetur, rursus refluentibus humoribus, quos excusserat, in priorem locum concidit, & iacet immotum, donec facultas rursus confertim irruens dissipauerit humores, qui ipsius meatus occupauerant.

Viribus cuiusq; suus est modus.

Cæterum robustus aliquis, ac bene habitus, si in humeros attollat ingens onus, quo cum sublimes nitatur scandere scalas, mirum uideri non debet, is si cruribus intremiscat. Neq; id uel facultatis ignauia, uel crurum uitio incidit, sed ponderis iniquitate. Non enim ad quæuis transferenda fabricatus est homo: quemadmodum hunc in numeris diffinitis architectus conflauit, sic & ea in modum contrahuntur, nec sunt immensa, ad quæ incolumis ualet. Eadem quoque ratio in cæteris animantibus constat, & in ipsis etiam animantium partibus. Non culpatur in homine uenterculus, quia nucleos uuarum minus conficit, neque dentes euelluntur inutiles, quod silicem commolere nequeant. Sic nec in morbis censebitur tremor, qui ex



qui ex prægrauis, & iniquæ sarcinæ incubitu oritur. Iam quod paralyfi accidit, quum uniuersum corpus ea non teneatur, sed singulare membrum, ueluti solus pes, aut manus sola: tum liquido constat non in communi principio uitium hæere, sed in neruo tantum qui in resolutam partem protenditur. Haud secus ex huius, aut alterius musculi imbecillitate, non totum corpus afficitur, sed duntaxat membrum, cuius est musculus. Affectus porro indicia nocturnis oculis conspicua sunt, et quæ sub sensum cadunt, nulla demonstratione indigent.

Causarum dignotio neq; admodum obscura Causarum  
difficilis uero est: partim ex ægri narratione, par- dignotio.  
tim ex ipsius habitu, & uictus consuetudine in-  
notescent. In primis (inquit Galenus secundo  
de Causis symptomatum) & maximè omnium  
officit facultati, quicquid ex intemperie con-  
stat. At senectus quoq; intemperies quædam est  
ad frigus, & siccitatem procliuior, quam obrem  
senes facile uexantur tremore. Ex iuuenibus ue-  
ro corripuntur ij, qui uehementer fuerunt refri-  
gerati, & qui se multo meraco uino ingurgita-  
uerunt, aut multas subinde cruditates congesse-  
runt. Aut qui diu multis cibis ingestis nulla usi  
sunt exercitatione, sed ignaui omnino uixerunt  
in ocio. Aut qui intempestiue frigidam aquam

G



biberunt. Tremētibus pulsus est paruus, languidus, & tardus, quibusdam & creber, sed inordinato modo deficiens.

Curatio.

Curatio uariat pro eorum discrepantia, quæ offensionem gignunt. Quum ob diutinas ægri-  
tudes superuenit, uires omni ingenio restau-  
rentur, & cibi benè alibiles, probi succi, & fa-  
cile superabiles exhibeantur. Huiusmodi confe-  
ctio concinnetur: & pulpæ pullorum ciconia-  
rum in uino elixorum ℥. iij. cerebri assati lepo-  
ris ℥. j. amygdalarum purgatarum nume. xxx.  
pinearum recentium lotarum in hydromelle. xx.  
passularum minutarum ℥. j. specierum electua-  
rij resumptiui ℥. ij. cinnamomi ℥. iij. zingiberis,  
caryophyllorum, galangæ, maceris ana ℥. j. car-  
damomi ℥. ʒ. moschi grana. ij. sacchari candidi  
℥. ij. mellis despumati quantum satis sit. Si ob ni-  
mios labores. In omni motione corporis quum  
cœperit quis dolere, quiescere statim, remedium  
est. Quare labor ipse aut minuatur, aut tantis-  
per intermittatur, donec per alimenta, quod dis-  
sipatum est, recreatum fuerit. Si crebra Venus  
offendit, parcius concumbant. Si prouectior  
ætas in causa est, hic si multum sudes, operam  
ac impensam luseris. Scipionem dextera gerāt,  
aut ministro fulciente gradientur. Si ob formidi-  
nem instantis infortunij quis tremat. Id per præ-  
rupta



rupta inambulantibus accidit, & ijs, qui inopinato feram in se incurrentem conspiciantur. Neq; non toto corpore tremit, cui coram terribili aliquo magistratu negocium est. Quippe loqui iussus, ne uocem quidem citra tremorem reddere poterit. Est apud Homerum tertio Iliados, Alexander uiso Menelao obuiā ueniēte ut in iuriam ulcisceretur, subito timore perculsus, represso, relatoq; pede ad suos sese recipiebat: qualis is, qui per mōtanum collem transiens ex improviso prope se dracone conspecto turbatur, pallescit, tremit, & præ formidine collabens retrofugit: lis componendus est animus, qui ubiq; , & quouis in periculo præsens sibi constet, & declinanda, quæ terræ faciunt. Si ob immodicas inanitiones, sanatio recreationem poscit. Si ex crassis, & uiscidis humoribus obstructio gignitur. Galenus ait tomo tertio Artis paruae. Est uero et obstructio ex eodem genere agritudinum, quæ quidem ex lentis & crassis humoribus fit, unam & ipsa habens intentionem morbo contrariam. Dico autem apertionem. Causæ uero salubres sunt abstergentia, atq; incidentia medicamenta. Syrupus è marrubio, calamyntha, stichade, ruta, mel rosatum, syrupus acetosus simplex, è radicibus, oxymel scylliticum. Aut talis conficiatur: & saluæ, betonicæ, pri-

Alexander  
uiso Mene-  
lao intre-  
muit.



mulæ ueris ana. m. j. camedreos, camepitheos  
 ana. m. f. corticis radicis foeniculi, oreoselini, spa  
 ragiana ꝓ. j. radicis acori, iridis inulæ ana ꝓ. f.  
 seseli, ameos, carei ana. p. j. glycyrrhizæ ꝓ. iiij.  
 passularum mundatarum ꝓ. j. coquantur, & co  
 latura syrupisetur cum melle, & exhibeatur  
 cum decocto cicerum & hyssopi. Postea expur  
 getur, quod iam concoctum apparebit pro hoc  
 modo: ꝓ pilularum è hiera ꝓ. ij. agarici trochis  
 cati ꝓ. j. trochiscorū alandal gr. iiij. Aut pilula  
 rū cocciarū ꝓ. ij. è ueratro ꝓ. j. cū melle rosato  
 formētur quinq;. Quod si catapotia horreat, cō  
 cinnetur huiusmodi potio: ꝓ diaphœnici ꝓ. iiij.  
 benedictæ laxatiuæ ꝓ. ij. elaterij granum. j. cum  
 decocto origani capiat. Si ex humorum copia  
 qui musculis infusi sunt. Confert inedia, & te  
 nuis uictus: utantur arefacientibus, & tostis ma  
 gis, quàm elixis. Cibos condiant salua, hyssop  
 o, thymbra, thymo, pulegio, maiorana. Vtiles  
 sunt conserua anthos, acori, stichadis, mentæ,  
 melissæ. Zingiber conditum, nux myristica, my  
 robalanus chebulus, diacarpesium, diatrium pi  
 pereum, diospoliticum, diacastoreum. Aut hunc  
 puluerem usurpent: ꝓ granorum pæoniæ, sese  
 li ana ꝓ. j. anthos stichadis ana ꝓ. ij. saluæ, pri  
 mulæ ueris, betonicæ, thymbrae ana ꝓ. j.  
 cinnamomi ꝓ. iiij, zingiberis, maceris, ca  
 ryophil



ryophyllorum, galangæ, calami, macropiperis ana ʒ. j. cardamomi ʒ. ʒ. moschi granum. j. sacchari duplum totius. Occipitium, ceruix, totaq; spina perungatur oleo costino, nardino, irino, unguento aregon, marciato, è bdellio, & ea præsertim regio ex qua uitium prodit. Sacculus cõficiatur pro hoc modo: ʒ. florum anthos, stichadis, lauandulæ ana. m. ʒ. florum chamæmeli, meliloti ana. p. j. sandaracæ, ladani, benzoi, styracis ana ʒ. j. caryophyllorum, xiloaloes ana ʒ. ʒ. salis tosti, cineris caulium brassicæ ana p. j. contundantur, & fiat sacculus reticulatim consutus. Si ex acerbitate frigoris accidit, utantur calorificis, & fugiant cœlum hybernum, & quæcunq; algifica sunt.

### CAPVT TRIGESIMVM De Resolutione.

**Q**Uum uoluntarius motus, & qui ex hominis arbitrio pendet, per occasionem aliquam tollitur, paralysis, seu resolutio dicitur. Aut potius quum facultas oblæditur, qua uoluntarius motus efficitur, ut neq; manibus, pedibus ué, nec lingua interdum, aut alia corporis parte ad congruas functiones quis uti possit. Sed ociosa cessant membra, ac ueluti exa



Pausanias  
Syrus.

Nervorum  
motu serua  
to perit sen  
sus, & con  
tra.

nima, oneri magis quam usui iacent. Et accedit huic malo per sepe ipsius sensus priuatio. Vbi uero aliquarum partium is duntaxat (quod usu uenit) saluo motu perit, eam partem sensus expertem dicimus, non autem resolutam. Sic Pausanias Syrus sophista, quum Romam aliquando uenisset, & uehiculo per uiam excidisset, in dorso initio laesus secundum duos minores sinistrae manus digitos, atque medij partem mediam, sensum quidem in primis difficilem habuit: postea male curantibus medicis sensum omnem amisit. Sed sciscitabitur quispiam: Quæ nam sit huiusmodi nervorum dispositio, ut per ipsam seruato eorum motu sensus pereat. Questionem hanc Galenus explicat libro primo de Affectis locis, in hunc modum: Veteres medici dicere solebāt, quod scilicet sentire, per affici, moueri uero per aliquid facere explicatur. Quapropter ut quis moueatur, opus est robore, sed ut sentiat, uel minima facultas sufficit. Iam quia contra quoque accidit, ut seruato sensu motus pereat, alia reddenda est ratio. Omnis ab imperio prodiens motus ad musculorum officium pertinet. Quippe nerui per se, sine musculo, nullam huiusmodi in animantis particulis actionem efficere possunt, sed per musculos, omnes à consilio, & uoluntate prodeuntes motus perficiunt. Ad partes uero mouendas ij aliquando quidem manifeste per



ueniunt: aliquando uero per medias tendines, quas aponeuroseis, id est à neruis ortas, aliqui connominant. Atq; ex hoc genere sunt tendines digitos mouentes. Si itaq; musculorum neruos affici contingat, motus digitorum perit. Si uero eos, qui ad cutem perueniunt, tangendi sensus corrumpitur. Sed ubi commune principium affectum est, totum resoluitur membrum, & sensus, & motus simul pereunt. In eo præterea, qui est de Causis symptomatum, sic habet: Quomodo igitur quarundam partium mouendi quidem ab imperio functio resolui uidetur, illæsa sentiendi facultate, ac quomodo rursus aliæ mouentur quidem, sed non sentiunt. In lingua & oculis nihil habet ambiguitatis: Quippe quæ duplici neruorum genere participant. At in quibus membris duri duntaxat nerui inueniuntur, hac ratione quæstio explicabitur: Si ablata cute subiectus musculus, qui nudus est, innobilis uideatur, sentiat uero tangentes, exiguam ei noxam accidisse putandum est. Nempe quod tantam animalis susceperit partem facultatis, quanta ad sensus excitationem sufficiat, ad musculi motum non sufficiat. Quippe tactionis sensus, pati aliquid potius, quàm agere deprehenditur. Proinde ab exigua facultate functio eius perfici potest. Musculorū uero motus in agendo, nō in pa-



tiendo actionis efficaciam habet. Is enim totum corpus transferre potest. Quapropter plurima indiget animali facultate. Neq; aliter unquam accidere depræhendes, ut moueatur quidem nudus musculus, sed non sentiat. Verum nihil mirū uideri debet, si adiacens illis cutis sensum amittat, musculus uero ipse moueatur. Quemadmodum etiam usu uenit, ut duorum musculorum, alter quidem moueatur, alter uero immobilis sit, aut alter quidem sentiat, alter uero sensum amiserit. Id uero ob hanc eis causam euenire solet, quod nervus alterius læsus est, alterius mansit illæsus. Sic etiam fieri potest, ut nervus per cutem dispersus offendatur, qui uero per musculum spargitur, noxa uacet. Sic & e contrario fit, ut illæso cutis nervo lædatur nervus musculi. Iam quum pariter omnes uniuersi corporis nerui tum sentiendi, tum mouendi uim amiserunt. Apoplexia huiusmodi affectio nominatur. Vbi uero alteri tantum lateri, aut dextro, aut sinistro id accidit, hemiplexia, & paralysis dicitur. Quod si in aliquo membrorum distinctim id euenerit, ipsius membri resolutio nuncupabitur. Nam et tota manus, & totum crus hoc uitio non nunquam corripitur, atq; iterum in ipso crure solus pes, et quæ etiam sub genu sunt, nec aliter de ipsa manu conspiciamus. Porro si aliqua



aliqua faciei particula cum reliquo corpore re-  
 soluta fuerit, tunc origo mali in cerebro consi-  
 stit. Accidit tamen, ut faciei partes duntaxat re-  
 laxentur, & cæterarum partium nulla, ut lin-  
 gua, oculus, mandibula, quum in anteriori, aut  
 mediano capitis sinu offensio hæret. Quod si  
 quæ supra ceruicem collocatæ sunt, incolumes,  
 ac intactæ persistent, & quæ subter cubant, om-  
 nes afficiantur, manifestum est indicium, non  
 in cerebro, sed circa primum spinæ processum  
 noxam latere. Quemadmodum faciei nerui à ce-  
 rebro oriuntur, sic omnes animantis partes sub  
 ceruice dispositæ suorum motuum, ac sensuum  
 neruos à spinali medulla sortiuntur. Quamo-  
 brẽ eo loco facta aliqua dispositione, per quam  
 facultas cerebri intercipitur, ne ad ipsam spi-  
 nam perueniat, tum omnia inferiora membra,  
 illæsa facie, resoluuntur. Vbi uero media ipsius  
 processus pars fuerit obsepta, alterius tantum la-  
 teris partes debilitantur. Profecto constat cere-  
 brum media meninge scindi, atq; in eo dexterum  
 ac sinistrum reperiri. Sic spinalis quoq; medul-  
 la hanc partitionem obtinet, & inconspicabili  
 membranula, admodum uè tenui dissecatur, quæ  
 nimirum ab ipso parente cerebro procedit. Itaq;  
 quum in prima diriuatione, & primo ipsius spi-  
 næ defluxu impedimentum utramq; partem oc-

Dexterum  
 & sinistrum  
 in cerebro.



cupat, quod diximus, uniuersum corpus dempta facie, motu ac sensu destituitur. Et metus est non modicus, ne sic affectus propter difficilem spirationem celerius opinione mortem appetat. Nūc si in alteram partem ruina procumbat, quæ huic parti subiiciuntur, uitium trahunt. Quibus quinta spinæ uertebra affecta est, eorum manus omnino sensum, & motum amittunt. Quibus uero sexta, ijs non in totum sentiendi mouendiq; facultas perit, quippe primæ brachij partes illæ se seruantur, atq; id multo magis, si septima spinæ uertebra fuerit affecta. Octauæ uertebrae affectus perquam exigua, hac uero inferiores nullam penitus noxam manibus inducere possunt. Sed quæ in proiectionibus uertebri obstructio fit, remotiora membra relaxat, & inde sequitur difficultas aut alui, aut uesicæ onera egerendi, aut pedibus gradiendi potestas tollitur.

*Causæ.* Cæterum paralysis multiplices sunt causæ. Non nunquam & si spiritus satis copiosus ualidusq; sit ad animalem facultatem quaqua uorsum in membra uehendā: attamen ab influxu, & distributione arcetur propter astringentia uincula, quæ & itinera claudunt, & si diutius immorantur, membri constitutionem uitiant. Quod & usuuenit ex alicuius comprimentis il lapsu, ut



lapsu, ut si quis innixus cubito supra manum  
diutile caput acclinat, aut incoxans poplitem  
immittat genu. Huic accidit, ut obscuro & he-  
beti sensu percipiat quicquid tangit, neq; om-  
nino moueri potest, si uero moueri cogatur, do-  
let. Iam ob casum, & percussione[m], quum uer-  
tebræ ad alterutrum latus exiliunt: aut illisa ner-  
uorum capita inflammantur, & (quod crebrius  
euenit) quum multi, crassiq; ac uiscidi humores  
occludunt, & obstipant meatuum ostia. Sæpe  
transuersa neruosi corporis incisio motum, ac  
sensum parti eripit, cuius est neruus. Quæ se-  
cundum longitudinem sectio est, non æquè for-  
midabilis existit. Accidit præterea, ut spiritus  
pulchrè transmeet, & membra commodissimè  
subeat, sed propter membrorum prauum habi-  
tum, & quia frigidis succis supra modum imbu-  
ta sunt, calorem, ac uigorem motiui spiritus ipsa  
non suscipiunt. Nunc & in ualido coli dolore  
quis paralyti corripitur, quum uidelicet pitui-  
tæ pars morbum efficientis ex capite distillans  
in neruos diuertit: Aut quum natura suorum  
operum prudentissima infestam, & acriter cru-  
ciantem materiam ad ipsas uertebras propellit,  
uiam semper noxijs succis naturam inuenire  
Hippocrates opinatur, quando potens est, & si  
etiam illi crassiores existant, & per angusta fo-

Coli dolo-  
rem sequi-  
tur paraly-  
sis.



ramina debeant defugere. Atq; id potissimum interuenit, materia non nihil attenuata clysteribus, fomentis, irrigationibus, alijsq; opportunis medicamentis. Quem euentum imperitus

**Populus**  
**quare clyf-**  
**mata hor-**  
**reat.**

populus clysteribus imputat, ut has infusiones odiant cane peius & angue, & non nulli emori malint, quam eas admittere. His motus sæpenu-mero aufertur, & incolumis manet sensus. Sunt & aliæ multæ causæ, prolixus, diurnusq; somnus, crebra ingluuies, uita sedentaria, circa lacus, ac flumina uersandi consuetudo, immodicus herbarum refrigerantium usus, hyberna temporis constitutio, quicquid humectat, frigefacit & labefactat genuinum naturæ calorem. Qui- netiam in hunc affectum Apoplexia, epilepsia, uteri præfocatio, & febres pituitosæ quandoq; finiunt. Pulsus resolutis est languidus, mollis, tardus, ac rarus, & quum uirtus superatur, frequens, atq; incompressus. Vrina plurimis albet, in non nullis cruenta apparet, idq; ob renum imbecillitatem minus probè ab ipso sero sanguinem separantium.

**Curatio.**

Curatio pro causarum uarietate uariat. Quum temeratum membrum non multum distat à proprio, ac genuino reliqui corporis colore, neq; plurimum extenuatur, ingens patet salutis spes. Ex constringentibus uinculis oborta para-



ta paralyſi, poſt laxata uincula membrum ipſum clementer fricetur, & foueatur oleis, unguentisq; calorificis. Si ex compreſſione, comprimēs tollatur, et in rectum ſtatū corpus erigatur, ut ſenſim ſpiritus remeet. Si quis (inquit Hippocrates) ſic conſideat, uti ſanguis de ſuperioribus partibus in tibias, ſuras ūe non deſcendat, pedes torpeſcunt, quapropter gradum facere nequeunt, niſi ſanguis decurrat. Qui ſtatim decurrit, ſi pedes in gelidam aquam, quæ talos ſuperet, demittantur. Nam hic torpor levis eſt, facileq; diſcutitur. Si ex caſu, & percuffione incidat, ſi quæ ſuis ſedibus elixa erunt, omni ingenio conſeſtim reponantur, dolorq; anodynis, oleo roſeo, melino, myrtino, anethino, chamæmelino, ſopiatur. Quod ſi inflammatio acceſſerit, habita ratione principis uiſceris, ab initio reprimentibus uti conducat, mox quæ diſcutiant, adijcere. Sed præ cunctis ſuccurrat, ut commoda uena perforetur, & aluus clyſmate molliatur, ut corpus pro exundantiæ modo uacuetur. Si craſſi ac uiſcidi humores neruorum oſtia obſtipauerint, aut paulo tenuiores intro perſederint, (id quoniam crebrius accidit) huius curationem pluribus perſequemur. Itaq; in aëre calido & ſicco uerſentur. Hippocrates ait, frigidum inimicum oſibus, dentibus, neruis, cere- **Dieta.**



bro, spinali medullæ, calidum uero utile & amicum. Aëris quoq; humiditas pituitosos in corpore succos coaceruat. Quod si per cœli, aut temporis statim talis nequaquam aspires, confugiendum erit ad industriam, qua salubrem nobis paremus. Luculentus ignis extruatur, & suffimentum concinnetur ex styracæ, benzoi, ladone, xiloaloe, ambræ, moscho, in hūc modum: ℞ benzoi ℥. j. ladani ℥. f. styracis, thuris, mastiches ana ℥. ij. caryophyllorum, radicis, iridis, xiloaloes ana ℥. j. thymi, sampsuchi, pulegij añ ℥. f. nigellæ ℥. j. ambræ, moschi, añ. gr. vj. cum tragacanta ex aqua lauandulæ formentur pastilli, & prunis pro suffitu iniiciantur. Victus præscribatur parcus, ac tenuis, præsertim primis aliquot dieculis. Ne natura in conficiendo cibo, simul & exundantium humorum commoderando tumultu fatigetur. Habenda tamen est ratio & ætatis, & temporis, & consuetudinis. Senes facillimè ieiunium ferunt, omnium minimè pueri. Æstate quoq; & autumnno cibos difficillimè ferunt, hyeme facile, secundum locum uer habet. Hydromel assumant, aut succum ptisanæ, aut carnis elixæ iusculum, aut recētis oui luteum aquæ saluiæ incussum, adiecto saccharo, aut quid aliud nihil onerans, & uirtutem custodiens. Morbus ubi se fixerit, altiusq; descen-



descenderit, ac longiorem sui moram minabitur, cibis augeatur, & exhibeantur euchymi, bene alibiles, ac assi magis, quàm elixi. Neq; excidat illud Hippocraticum: Corporibus humidus carnes habentibus famem adhibere conuenit, famemes enim corpora siccant. In censu autem salubrium numerantur turtures, pipiones, merulae, turdi, galeritæ, passeruli, gallinagines, perdices, phasiani, atq; aliæ campestres, montanæq; aues, item lepusculi, cuniculi, ueruecina. Condiuntur hyssopo, satureia, saluia, thymo, roremarino, origano, melissa, menta, tarco. Erasistrati scola neruis nihil utilius brassica clamat. Oua quoq; sorbilia, pinei nuclei, auellanae, amygdala amara, capparis. Sed transmarino cappare utendum non est, innocentius Italicum, & ferunt eos, qui quotidie id edunt, paralysi non tentari. Fugiant agninam, porcellinam, & omnem mucosam, ac recrementiciã, qualis est nuper æditarum animantiũ. Præterea pisces recetes, horarios fructus, insipida olera, lactucam, portulacam, spinachium, atriplicem, maluam, intybum, lac, caseum, oleum, butyrum, acetum, et quæ caput uaporibus tentat, allium, cepas, raphanum, sinapim, erucam, præsertim ab ipsius mali principio. In progressu ac sub inclinationem hæc acria usui esse possunt. Vinum nequaquam gu-



stent, nisi dandum sit aliquid ætati, consuetudini, & regioni, tum offeratur, quod cerebrum minime feriat. Quum uero morbus abscedit, atq; altum permensi portum conspiciamus, liberalius dare licebit, intra modum tamen. Vt uenus eneruat uires, sic copia uini: uinum, quod est in libro tertio de Temperamentis, ubi plus bibitur, quam ut uinci possit, tantum abest, ut animal calefaciat, ut etiam frigidiora uitia gignat. Quippe Apoplexiæ, & paraplexiæ, & quæ Græcè caros, & comata uocamus, & neruorum resolutio, & comitiales morbi, & conuulsiones, & tetani uini potum comitantur immodicum. Hydromel ijs conducit pro hac aut consimili forma: R. aquæ pluuiæ recentis. ℥. xij. mellis electi ℥. j. bulliant ad consumptionem medijs probe despumando, deinde sume cinnamomi ꝑ. f. zingiberis, cardamomi, trium piperum, galangæ añ ʒ. j. contundantur, & decem horas, aut duodecim hæ species in decocto ipso sufferruido macerentur, ac postea per fiscum terq; quaterq; transfundatur, quo per omnem morbi decursum utatur. Si ceruissiam poscat, mediocrem bibat, in qua fasciculus saluiæ, aut hyssopi seu maioranæ ponatur. Aut sacculus ex iride, baccis lauri, semine anisi, pæoniæ, caryophyllis, nuce myristica, calamo, in ea fluitet.

Hydromel  
paralyticis  
commodū.



tet. Somnum diurnum, & prolixum omnem uitent. Nocturnus sit mediocris. Exercitia ipsius malum uetat. Caput clementer fricetur, & linthea calefacta innixis manibus apprimantur, & suffumigentur prædicto suffitu. Exerta uoce loquantur, legant ue. Plutarchus ait: Quum uox sit agitatio spiritus nõ leuiter, nec in superficie, sed uelut in ipso fonte, in ipsis uisceribus ualēs, & calorem auget, & sanguinem subtilem reddit, & omnes purgat uenas, & omnes aperit arterias, humorem uero superfluum non sinit crassescere, neq; concreescere. Animus afficiatur gaudio, alacritate, bona spe, nec admodum offenderit quidam ueluti æstus, & subsultatio breuioris iræ. Post hæc de salubribus medicamentis dicamus, & constat redundantem humorem in primis euacuandum. Quod aptius fieri nequit, quum sanguinis copia noxiam gignit, cui multa pituita commiscetur, quàm uenæ sectione in parte incolumi, modo ætas, regio, tempus, & quæ cætera æquum est assentiri, minime reclamant. Sed minutionem moderatam esse oportet, nec nimis effusam, ne corpus calore destituatur. Et quoniam morbus chronicus est, aliquid ex sanguinis redundantia naturæ reliquise conducet, Galenus inquit in libro de Renum affectus dignotione: Si totum corpus plenum fue

Curatio ex  
pituita.

H



rit, considerandum est quid nam humorum sit, quod ipsum repleuerit. Atque id, si sanguis est, euacuationem instituere oportet, quum nihil impedit, minorem tamen multo, quam plenitudo desiderabat. Quid ita? Quoniam lapidem non statim eximere possumus, potissimum quum magnus is est. Ideoq; oportet plenioris sanguinis euacuationem cauere, propter consumptionem quæ tempore adhuc aliquo in corpore futura est: tantam prærogatiuam in hac affectione calor obtinet, ut febrem (morbum aliqui ærumnosum) quoniam seruescit, ac discutit, ad celeriores sanationem conferre arbitremur. Quod si aluus astrictior sit, ægreq; diariū onus extrudat, clyster submittatur: quia periculosum est catharticum bibere, hærentibus in aluo excrementis siccis: pro hac forma: ℞ betæ, mercurialis, ebuli, ana. m. j. florum anthos, stichadis, chamæmeli, meliloti ana. m. ℥. seminis anethi, anisi, fœniculi ana. p. j. seminis cartami 3. vj. polypodij quercini 3. j. fursuris. m. j. coquantur in aqua, & colaturæ adde olei chamæmeli, anethi ana 3. j. ℥. mellis rosati 3. j. benedictæ laxatiuæ 3. vj. salis quantum satis sit, infundatur semel, atq; iterum. Interea idoneis syrupis, ac potionibus infestus humor concoquatur, & itinera laxentur, per quæ concoctum detrabere conducet



eet. Hippocrates dicebat, ( & quisquis maiorum uestigia sectatur, in saxum nequaquam impinget ) Corpora quæ quis purgare uoluerit, oportet fluida facere. Bis igitur quoque die, sub auroram & sub uesperam sumat cochlearia duo syrupi è prasio, aut hyssopo, aut mellis rosati, aut misceantur cum aquis saluæ, maioranæ, be tonicæ. Sunt non nulli in ea sententia, ut minimum tribuant distillatis aquis. Mihi profecto minus efficaces habentur decoctis, aut etiam dilutis. Post hæc purgatiuo non admodum ualido exundantia minuatur. Non poscit hic morbus in sui principio acres, ualidasq; medicinas. Siquidem lentus est, & data mora molliri magis, quàm agitari poscit. Qui uero secus curationem aggrediuntur, difficiliorem omnino reddunt. Plato ait in Timæo: Omnis morborum constitutio, animalium naturæ quodammodo similis est. Sanè animalium compositio ab ipso generationis exordio certis temporum curriculis terminatur. Idq; & genus uniuersum patitur, & animal unumquodq; ab ortu fatale uiuendi spacium in seipso, exceptis necessarijs passionibus continet. Etenim trianguli ab ipso initio singulorum uim possidentes, usq; ad certum tempus sufficienter ad usum uitæ coherent, ultra id nemini uita prorogatur. Idem quoq; constitutio-

Paralysis  
lente curanda.



nis modus languoribus conuenit: quos si quis cōtra fatalem temporis cursum pharmacis amputare contenderit, ex paruis ingentes, ex paucis multi euadere consueuerunt. Quapropter diligentia uictus corrigendi, & gubernandi sunt morbi, prout cuiq; datur ocium, neq; difficile, infestumq; malum pharmacis instigandum est. Puluisculus hic cum melle rosato exhibeatur: & turbit albi ℥.ij. zingiberis, cinnamomi, mace ris, añ gr. vj. salis gemmæ gra. iij. Aut & radicis filiculæ ℥. iij. turbit albi ℥. ij. folliculorū senæ ℥. j. zingiberis, ameos, anisi, marathri, castorei, saga peni añ ℥. j. salis gē mæ ℥. f. detur drachma. Aut bibant diaphœnicum, diacarthamū, diaturbit, ex decocto cunilæ, aut epithymi diluto. Quod si pilulas poscant, conferunt elephanginæ, assaieret, ē hiera. Aut & pilularum ē hiera ℥. ij. agarici recens trochiscati ℥. j. formentur quinq;. Fugiant mannam, cassiam, serum lactis. A purgatione diebus aliquot sumant conseruam anthos, melissæ, acori, inulæ, zingiber conditum, nucem moschatā, myrobalanū, chebulū, & alia huius generis. Huc pertinet esculenta cōdire cinnamomo, cubebis, macere, caryophyllis, pipere, cardamomo, zingibere, galanga, zedoaria, spica, croco, pro hac forma: & cinnamomi ℥. j. macropiperis, zingiberis, galangæ, nucis moschatæ, car-



te, carpesij, mentæ, thymi, sampsuci, rutæ ana  
 ʒ. j. spicæ, croci añ ʒ. ʒ. moschi granum unum,  
 puluerentur. Hic rursus in mentem ueniat, &  
 meminisse oportet, post non nullam quietem, &  
 dierum aliquot interuallum, recreato corpore  
 clysmata subijcere, eaq; ualentiora, & obhæren-  
 tis materiæ partiunculam à capite, spina, & ner-  
 uoso genere detrahentia, ex colocynthide, elle-  
 boro, tithymalo, brionia, esula, saluia, ruta, pe-  
 gano, thymo, centaurio, in hunc aut consimi-  
 lem modum: ʒ. saluiæ, rutæ, origani, primulæ ue-  
 ris ana. m. j. ebuli, caulium rubeorum, foliorum  
 lauri, stichadis ana. m. ʒ. polypodij ʒ. j. radices  
 iridis, acori, inulæ, pæoniæ ana ʒ. ʒ. seminis  
 anisi, seseli, marathri ana. p. j. pulpæ colocyn-  
 thidis ʒ. iiij. coquantur, & colaturæ adde olei  
 irini, anethi ana ʒ. j. ʒ. mellis anthosati ʒ. j. hie-  
 ralogodij ʒ. ʒ. salis ʒ. j. Quinetiâ in hunc usum  
 maiusculæ glandes conficiantur ex hammonia-  
 co, galbano, opoponaco, ueratro, euphorbio,  
 arthanita, scammonio, turbit, esula, sale indo,  
 nitri, & melle. Iam quemadmodum non semel,  
 sed iterum, atque iterum ab interpositis diebus  
 purgandi sunt, sic & ea præmittere oportet,  
 quæ maturant, coquunt, & in obsequium excre-  
 menta subigunt. Id eximie præstant syrupus  
 calamintha, & marrubio, stichade, & mel scylli;



ticum, ē quorum aliquo unciam unam mane sor-  
beant, & alteram inclinato sole. Aut tale apo-  
sema paretur: & camedreos, camepitheos, beto-  
nica, nepitæ ana. p. j. satiregiæ, mentæ, origani  
ana. p. f. radicis acori, iridis, gentianæ, calami  
ana 3. iij. seminis anisi, marathri, carei, pæoniæ  
ana 3. f. glycyrrhizæ 3. iij. passularum munda-  
tarum 3. j. coquantur, & colatura edulcetur  
melle despumato, cuius bis quoq; die sumant un-  
cias quatuor. Vbi concoctio non nulla innotue-  
rit, & lotium colorem crudum mutauerit in fla-  
uum, aut eo uergens in pallidum, & hypostasis  
utrunq; commendabilis erit (quæ naturæ uigo-  
rem inualescere iudicant, & tempus purgatio-  
ni opportunum) hieram Ruffi, aut Archigenis  
bibant, aut hieralogodium, aut electuarium in-  
dum. aut in hunc modum: & agarici recens tro-  
chiscati 3. ij. per noctem macerentur in tribus  
uncijs aquæ absinthij, & una mellis rosati, ex-  
presso adde benedictæ laxatiuæ 3. iij. Seu cata-  
potia uorent ex coccijs aggregatiuis, foetidis, ē  
sagapeno, euphorbio, elleboro. Aut & pilula-  
rum ē sarcocola 3. ij. ē hiera 3. j. formētur quin-  
que. Iam corpore perpurgato consentaneum fue-  
rit capitis curationem aggredi. Quoniam id ner-  
uorum, in quibus hæc affectio consistit, princi-  
pium est. Quare si in eo quid uiscidi excremen-  
ti adhuc



ti adhuc obhæreat, apophlegmatismis in os detrahere oportet, ut expuatur. Quales conficiuntur è sinapi, eruca, thymbra, pipere, zingibere, staphisagria, pyrethro, struthio, carpesio, agarico, & sale, pro hac forma: R. agarici ℥.iij. zingiberis, piperis, staphisagriae, erucæ, struthij ana ℥.j. castorei, mastiches ana ℥.f. salis gemmæ ℥.f. distillantur, & cum melle rosato, aut passulis enucleatis figurentur pastilli in formam lupinorum, & altero, seu tertio quoque unum aut duos dentibus ieiuni commolant, & affluentem saliuam diligenter excreent. Exoneratur præterea caput ijs medicamentis, quæ caput purgia dicimus: Quum liquorem aliquem naribus sorbillamus, quo concreta pituita soluitur, tenuatur, liquescit, ut stillatim liquefacta per palatū in os defluat. Talis est maioranæ succus, & ederae terrestres, auriculæ muris, betæ, chelidonij minoris, brassicæ. Accipio pauculos rorismarini & sampsiuci ramusculos, aliquot etiam nigellæ granula, hæc in aqua saluiæ paulisper elixo, deinde mel despumatum & betæ succum indo. In hunc quoque usum parantur, quæ nasalia, seu euelllos medici uocamus, literatiores errhina dicunt. Constant ex ijs, quæ apta diximus apophlegmatismis. Aut sumantur (quod nunquam non facio) teneriores betæ radi



culæ, & pistillo conuerberentur, aut digitis ue-  
 xentur, donec fibrescant: tum hæ in succo ipsius  
 herbæ, cui piperis, struthij, castorei, elaterij mo-  
 mentum sit iniectum, tabescant, una altera ue in  
 nares promittatur, egregie excrementa eliciūt,  
 sed offendit assiduus usus. Sternutamenta concit-  
 tare, quibus cerebrum se excutiat, ex re fuerit.  
 Ea commouent elleborus, struthium, iris, aristo-  
 lochia, zingiber, piper, si in puluerem conte-  
 rantur, qui naribus insuffletur, aut melle exce-  
 ptus cum nucleo specilli indatur. Iam quando  
 omnibus copijs cum hoc morbo confligendum  
 putem, neq; præcipites nos tempus rapiat, non  
 prætermittam odoramenta, & quæ grato suffi-  
 tu calefactant, roborant, uegetant sedem, atque  
 officinam sensus, ac motus. Ex his præstant ori-  
 ganum, rosmarinus, pulegium, menta, laurus,  
 thymus, thymbra, styrax, ladanum, benzoi, ca-  
 ryophylli, ambra moschus, colligentur in linteo  
 lo tenui, & crebro odorentur. Aut tale pomum  
 conficiatur: ℞ ladani, styracis, benzoi ana ʒ. iij.  
 xilaloës, caryophyllorum ana ʒ. j. maceris, ori-  
 gani, thymi, pulegij, seminis nigellæ, maioranæ  
 ana ʒ. j. cum tragacantha ex aqua lauandulæ,  
 in qua distrita sint granula tria moschi, aggre-  
 gentur. Hic tacitus ferme præterissim, quæ in-  
 genti cum fructu gargarissimus, siquidem con-  
 creta



creta liquāt, & liquata in os detrahunt. His igitur suis quoq; locus detur, pro hac forma: Rutæ, utriusq; betonicæ, saluæ ana. p. j. radices pæoniæ, corticis radices raphani, ana ʒ. f. pyrethri ʒ. ij. staphisagriæ ʒ. f. coquantur in aqua, et excolato adde mellis rosati ʒ. ij. oxymellis sciliciti ʒ. j. Interim quum hæc aguntur, in mentem recurrat, aut mithridatum, aut theriacam, auream alexandrinam, zingiber conditum, calamum confectum, inulam, nucem moschatam, myrobalanum, diacastoreum, diambra, diagalagam, diatriumpipereum, diospoliticum, diamoschum, & huius generis medicamenta offerre. Neq; diutius feriari expedit, aut longiores inducias uacuationibus præbere. Non dico grauib; & laboriferis catharticis incumbendum, ne exoluta uirtus concidat. Sed subinde, & per interualla exhibendum suadeo, quod bis, ter, quater aluum commoueat. Quæ facultate præditas nemo nescit pilulas agarici elephāginas è hiera. Aut bibant ueteris galli decoctum, in quo ferbuerunt turbit, cnicum, hyssopus, stichas filicula. Mane quoq; terebinthinam edant nucis iuglandis magnitudine. Ventrem enim emollit, stomachum cōfirmat, neruisq; medetur. Sed perlui debet uino lymphato, & toties defuso, donec exalbescat. Si pertinax morbus difficulter ce-

Terebinthi  
na uentrem  
mollit.



dat, nec egrotantis constitutio, habitus uē recu-  
sabit: Accipito decocti rutæ, mellis rosati ana  
℥. iij. in his confusis macerato colocynthidis in  
lindeolo uinctæ ℥. iij. ueratri ℥. j. mastiches,  
zingiberis, calami ana ℥. f. huius diluti exhibea-  
tur uncia, sexto aut septimo quoq; die.

### Topica.

De topicis deinceps futurus est sermo, & ab  
ipso capite curationem ordiemur, quoniam,  
quod diximus, neruorum principium est & to-  
tius morbi ueluti sedes, basis uē. Quamobrem si  
tempus fert, nec ullus grauioris mali metus  
ex ætheris acerbitate impendat, aut quicquam  
aliud obstet, caput ipsum attondeatur, & atton-  
sum inungatur laurino, irino, costino, pissileo,  
id quidam iterum coquentes uocant palinpi-  
sam, tum sacculus inducatur pro hac forma: ℞  
florum roris marini, lauandulæ, stichadis ana. p.  
j. origani, pulegij, lauri, saluiæ, rutæ ana. p. f. la-  
dani, styracis, uernicis, benzoi ana ℥. f. caryo-  
phyllorum, maceris, cubebæ, nigellæ ana ℥.  
j. puluerentur, & fiat sacculus. Membrum præ-  
terea affectum unctione non frustetur, & pelli-  
bus uulpinis, aut lupinis, aut felinis inuoluatur.

Occipitium est, cui præcipua diligentia debe-  
tur, etiam ea sedes, ex qua nerui temerati pro-  
uocem amiserat. Quod Galenus faciendum ædito expe-  
rimento palam demonstrauit. Cecidit, inquit,  
quidam



quidam ex alto, ita ut dorsi initium affligeretur, is tertio die exiguam admodum uocem emisit, quarto omnino die obmutuit, resolutaq; simul fuerunt crura, manibus illæsis. Intercostaliū musculorum nerui, per quos exufflationem fieri diximus, omnes affecti erant. Quum itaq; frustra medici negocium subirent, circa crura quidem, utpote resoluta, circa guttur uero propter uocis affectum. Equidem id interdixi, & affecto duntaxat loco curationem adhibui. Et à septimo die uox restituta est, & crura motionis facultatem recuperauerunt. Huic quoque non absimilem euentum de Pausania Syro sophista denarrat. Iam quemadmodum purgando corpori per initia, et ab exordio morbi adhibenda censuimus, quæ silenter, & sine tumultu uacuarent. Sic & discussionem sub id tempus moliri expedit minus uiolentam, in progressu uero ualentioribus uti licebit. Qualia esse constat oleum uulpinum, sambucinum, costinum, rutaceū, è lauādula, nigella, eruca, ruta, sinapi, piperibus, euphorbio, è lateribus, unguentū aregon, marciatum, agrippæ, bdellij. Aut pro hac forma: & unguenti aregon, marciati ana ʒ. j. olei uulpini, lumbricorum, terebinthinæ ana ʒ. ʒ. axungie leonis, taxi, eluri ana ʒ. iij. hammoniaci, calbani, sagapeni, bdellij ana ʒ. ij. caryophil.



**Lapis molaris.**

**Unguentū  
felinum.**

lorum 3. j. styracis myrrhæ, uernicis, sulphuris  
ana 3. f. saluæ roris marini, pyrethri ana 3. j.  
galliæ moschata 3. ij. spicæ castorei, ana 3. f.  
cum cera fiat unguentum. Ante quamlibet inun-  
ctionē conducibile erit caput, spinā, resolutaq;  
membra calido linteo perfricare, & fouere deco-  
cto saluæ, rutæ, origani, stichadis, hyperici, pe-  
gani, pæoniæ. Et in hūc usum multis parasangis  
aqua uitis præcurrit. Cucurbitulæ duplici no-  
mine sine scarificatione commendantur. Quip-  
pe quum acriori flamma accenduntur, membra  
ea refrigerata calefaciunt, eademq; exanguia at  
tracto alimento egregiè implent. Nec infrugife-  
rum, improperum ue deprehenderis, si mola-  
rem lapidē (qui in mola terit frumenta) cande-  
feceris, deinde oblesam particulam sic adaptes,  
ut altiusculè suspensa, ne uratur, supra lapidem  
collocetur, tum lapis acri aceto, in quo ruta, pu-  
legium, saluia, rosmarinus bullierint, sepiculē  
conspergatur, & hunc calidum uaporem susci-  
piat pars ægra, stragulis, & lodiculis superne  
contacta, ne alicunde frigus irrepāt, ac sudet.  
Quale fomentum ab interposito uno atq; alte-  
ro die iteretur. Magnam agro utilitatem & ar-  
tifici laudem, lucrumq; conciliat. Districto su-  
dore infricetur unguentum aregon, marciatum,  
oleum irinum, costinum, nardinum. Aut accipi-  
to præ-



to præpinguem catum & in dubia culina sagi-  
 natum, quem detracta pelle exenterato, & pro-  
 iectis, interaneis capiteq; truncato, perpetuam  
 noctem in aqua uitæmersum finito, mane totum  
 cauum frondibus laurinis, agresti salvia, tarco,  
 ruta, lauandula infarcito, in ipsam præterea car-  
 nem lardum defigito, insertis quoq; affatim ca-  
 rryophyllis in ueru lento igne torreto, quod di-  
 stillauerit unctum pro commodissimo linimen-  
 to usurpato. Illud coronidis loco subiungam,  
 medibiles (senibus quum morbi accidunt longi,  
 magna ex parte comitantur in mortem) nullum  
 præsidium Guaiaco efficacius ducant. Etenim  
 id consopitum debilis naturæ calorem potenter  
 excitat, concoctionem egregiè promouet, ner-  
 uosum genus peculiari energia confirmat, super  
 uacanea digerit, et ex intimis latebris foras pro-  
 pellit. Lignum ipsum (si quem id fugit) in frustu-  
 la, quantum licet, pusilla comminuere oportet  
 (nos lima deterimus) huius libram in libris octo  
 aquæ fontanæ, aut puteanæ, seu pluuiæ, mo-  
 do commendabilis sit, diem, ac noctem com-  
 maceres, deinde moderato igne in olla ui-  
 treata noua, & diligenter elota, dum ad dimi-  
 diam partem se imminuat, magna custodia co-  
 quatur. Sub finem cocturæ indito mellis antho-  
 sati uncias sex, salviæ, betonicæ, stichadis ana-

Guaiacum  
 paralyticis  
 efficax re-  
 medium.

Guaiaci de-  
 coctum.



Guaiaci  
probitas.

m. j. baccarum lauri, iuniperi ana. m. f. perfecta decoctione, donec refrixerit, nequaquam coletur. Huius cotidie sufferuefacti mane sub quartam, aut quintam horam, & uesperis sub octauam à parcissima coena raptim, & sine interpiratione sex, septeni uē uncias bibant. Ipsius porro ligni probitas colore discernitur, ut qui buxo inest, foris appareat, intus uero nigricet. Idq; optimi notam refert, quod plurimum habet nigri, dilutum amabili specie uiridescit, linteum, per quod defunditur, cyanei floris honorem æmulatur. Custodia circa cocturam talis sit, ne exæstuet, aut efferueat, olla diligēter operculetur, ne quid despiret, ne sublimes halitus auolitent: ante haustum horula una plusculum tegminis ægro injiciatur, ut concalescat. Ab haustu uero duabus tribus uē horis cōtectus permaneat, quo caloris ope in artus medicamētum digeratur, & eliquata pituita oborto sudore effluat. Et in hunc usum lagunculas feruido decocto baccarum lauri, iuniperi, cumini, impletas in lectulo, ut ægrum non contingant, componere soleo, sed hæ mundis linteis obuoluātur. Vbi nunc uitium pauxillatim se remittit, & inualefcit naturæ uigor, sensus quoq; ac motus in affecta membra utcunq; distribuuntur, reliquam curationem thermæ sulphureæ, aluminosæ, salis ginosæ



gignosæ consummabunt. Vel in solium descen-  
dant. Augustus (attestante Suetonio) quoties ner-  
uorum causa marinis, albulisq; utendum esset,  
contentus hoc erat, ut insidens ligneo (duretam  
hispanico uerbo uocabat) manus, ac pedes alter-  
nis iactaret. Solium adornetur ex decocto uul-  
pis uiuæ, sulphuris, salis, saluiæ, ebuli, mentæ,  
artemisiæ, lauri, & id genus alijs. Vulpes  
immittatur uiua, quum bullulæ in aheno at-  
tolluntur, quo feruidus uitæ spiritus, & salien-  
tis sanguinis calidus uapor aquam imbuant.  
Paulus tamen libro septimo, Vulpes, ait, uiua,  
aut mortua tota in oleo decocta discutiendi uim  
oleo conciliat, adeo ut humores altæ fixos in  
cutem extrahat.

Quæ ex transversa nervosi corporis sectio-  
ne paralysis gignitur, sanabilis non est. Hippo-  
crates inquit sexto Aphorismorum: Quum dis-  
cissum fuerit os, aut chartilago, uel nervus, aut  
genæ particula tenuis, uel præputium, neq; au-  
getur, neque coalescit. Quæ ex intemperie  
membrorum, iuxta ueterem cantilenam contra-  
rio superatur. Quumq; ex dolore coli obo-  
ritur, quod interdum euenit, atq; id cum disphe-  
mia medici, & magna apud populares sui no-  
minis iactura, qui aut non prædixerit, aut non  
præcauerit. Stultus & delirus populus nescit

Augusti cō  
suetudo.

Vulpes ut  
ua oleis aut  
balneis im-  
mittenda.

Medici dis-  
phemia.



in morbis multa inopinata euenire, & quæ medicus quantauis industria polleat, quantus ue artifex sit, prospicere non potuit. Galenus ait libro quarto de Locis affectis: Sæpenumero me dicere audiuiſtis, quod multa nobis interdum fortuita apparent, interdum uero ambigua sunt, atq; idcirco & alteram, & tertiam quoq; considerationem expectamus. Et rursus libro quinto: Quinetiam per febres non nullos conspeximus derepente per conuulsiones prehendi, nullo (quod eas præſagiret) præcedente signo. Iam secundo de Respirandi difficultate, ex primo Epidemiarum narrat, circumeuntem Critonē agentemq; consueta, mox grandiusculo pedis digito uehementer dolentem, primo quidem die subcaluisse, secundo uero, quod miraculum est, obijſſe: et alium cui dextrū crus dolore cœpit, fluxione ad caput recurrente cōtinuò delirasse, et statim obijſſe. His Platonis quoq; testimonium accedat, qui sic habet in Protagora: Quēnam potissimum inopinatus casus in nauis gubernatione submergit? Non rudem hominem, nam semper ille succumbit. Et quemadmodum iacentem nullus deiicit, sed stantem quandoq; deiicit aliquis, iacereq; cogit, iacentem uero nequaquam: ita solertem, sagacemq; hominem nō nunquam inopinatus casus circumuenit. Enim uero qui  
nihil



nihil unquam pensi habet, minimè. Et gubernatori quandoq; ingens tempestatis impetus improuisus superuenit, & agricolæ intemperies anni, & medico quoq; similia, adeo ut tunc improuidi fuisse uideantur. Nec igitur in arte, nec in manu quantumuis periti medici consistit, ea semper, quæ uentura sunt, prædicere, aut ne superueniat inexpectata, præcauere: acutorum morborum (inquit Hippocrates) non omnino tutæ sunt prædictiones neq; salutis, neque mortis. Quum ex coli dolore paralysis accidit, quibusdam temporis spatio, præter ullam curam, sponte sanitas redit. Quod si non eueniat, medicamentis non admodum ualidis uti conducet, sed ijs, quæ corroborant ac modice refrigerant, oleo roseo, melino, myrtino, chamæmelino, anethyno, & mentæ. Quod si ex alijs causis incidat, non erit difficile ex iam dictis curandi rationem colligere. Malo prope restincto, conducunt animi causa ad pulchrâ, serenamq; auram proreptatio, in curru lecticâ ue lēta gestatio, naturalia quoq; balnea, et aquæ sponte nascentes.

Medicus  
non semper  
præuidet  
futura.

CAPVT VIGESIMVM  
primum de Conuulsione.

**A**dmirādas collectiones neoterici de conuulsione scriptitantes comminiscuntur.



Nos postergatis ambagibus, & infrugiferis lo-  
gis, quæ Hippocrates, quæ Galenus, Pæoniæ fa-  
milie procures ad posteros transmiserunt, tra-  
dituri sumus. Conuulsio fit ex repletionem, aut  
inanitionem neruorum corporum, à quibus se-  
cundum electionem motus perficiuntur, et sunt  
nerui, ligamenta, muscoli, tendines. Iam si om-  
nis motus (auctore Galeno) qui à uoluntate pro-  
cedit attractis musculis in eas, quibus enascun-  
tur partes, fieri uidebitur. Neq; possit fieri at-  
tractio, nisi ad suam originem attrahatur muscu-  
lus. Constat conuulsionem in conuulsis partibus  
factam hac sola ratione à motu naturali differ-  
re, quod præter uoluntatem fit. Itaq; quemad-  
modum in eo, qui secundum naturam habet, uo-  
luntas in cerebro iuxta neruorum originem or-  
dinata motionis principiū dat neruis primum,  
ac per ipsos musculis. Ita si sine huiusmodi prin-  
cipio (id est præter uoluntatem) inuenerimus  
quapiam ex causa neruos conuelli, modum quo  
conuulsio fit, iam nos scire non temere profite-  
bimur. Etenim si uideris aliquando neruosa cor-  
pora, ut lyre chordas ob ambientis aeris immo-  
dicam intemperaturam, adeo uehementer, ut  
rumpantur, intentas, haud difficulter intelliges  
idem in animantium quoq; neruis posse contin-  
gere. Sed quo modo affecto aëre tenduntur chor-  
dæ, ut



de, ut rumpantur, si uel nimis aridus, uel nimis humidus sit. Nempe humor madefacit ipsas, ut in tumorem præter naturam attollantur, qui mox eas contendit. Ac ueluti sol tergora arefaciens contrahit ea, ita siccitas chordas & trahit, & contendit. Sic membranæ quoq; quum ad ignem assicantur, trahi, tendiq; uidentur. Et hæc in plerisq; alijs similiter eueniunt. Laneus pannus si de lacu aquam plurimam bibat malignæ respondet mensuræ, quam ex textrina musteus pulchrè implebat, recepta longitudine præ infusi madoris copia in filorum tensionem ac crassamentum. Et trabeculæ tam arcta commissione persepe contabulantur, ut acies quidem aciculæ impelli queat, nec aquilinus oculus assequi iuncturæ cõtextum. Quæ si expositæ phœbeis flammis adarescant, statim societas illa turpiter distrahitur, & refugientibus in se fibris compago fathiscit.

Compara-  
tiones.

Itaq; causæ conuulsionis geminæ depræhenduntur, altera est repletio: quoties nerui frigido ac glutinoso humore offertur, aut crasso, ac nebuloso spiritu distenti, aut sanguinis inflammatione uexati, aut melancholico succo prægnantes ad propria capita retrahuntur. Altera ex inanitione dicitur: quoties naturalis alimonia ipsis ab aliqua occasione præripitur,

Causæ.



Conuulsio  
ex consen-  
su.

et exhauritur, ueluti ob diutinam famem, ob immoderatos labores, ob immodicas uigilias, ob egestionem alui, ob uomitum, sanguinis eruptionem, sudationes, ob arduas febres, aliasque affectiones insigniter edaces, tum arefacti musculi conuoluuntur, torquentur, reflectuntur. Et hæ sunt conuulsionis causæ, prout est propria passio. Cæterum incidere quoque potest ex consensu, et non ob copiam superuacaneæ, nec inopiam necessariæ materiæ. Sed ab inimica qualitate, aut spiritali quadam aura primitus ad neruorum principium, aut per continuationem prius alteratis corporis partibus inuecta. Aui-cenna, ipsiusque consuetanei spasmus nominant ad materiam non proportionatum. Sic ex uehementi non nunquam dolore, aut ex uentriculi erosionem, et æruginosæ cholæræ morsu, aut intensi frigoris acerbitate, aut genitalis seminis corruptione, aut putidi ulceris prauitate, aut uirulenti humoris ex membro aliquo afflatu, aut uenenosæ animantis ictu oboritur. Galenus ait libro sexto de Affectis locis: Cogitanti mihi aliquando super hac re, tale quoddam accidens apparuit in muliere ex longo iam tempore uidua: quæ præter cætera mala, neruorum quoque molestiis uexabatur, ac dicente obstetrice uterum esse retractum, remedijs ad huiusmodi affectus consuetis



consuetis uti decreui. Quibus adhibitis, partim ob ipsorum calorem, partim etiam, quod intercurandum manibus tractarentur partes muliebres, oborta titillatione cum labore & uoluptate, ueluti per coitum usuuenire solet, excreuit crassum, plurimumq; semen, atq; ita à molestia sua liberata est mulier. Quibus persuaderi non potest exiguum succum in una parte contentum tantorum accidentium, quæ uniuerso corpori eueniunt, esse causam, ij immemores omnino esse uidentur eorum, quæ quotidie contingunt. Etenim à phalangij ictu totum corpus affici uidetur, exiguo ueneno per minimum foramen iniecto: & scorpionis ictus breui admodum tempore grauissima infert accidentia. Marinæ torpedini tam uehemens est potentia, ut per piscatoris tridentem transmissa ad manum alteratione, derepente totam reddat stupidam. His coniecturis facile innotescit, res quasdam paruæ molis solo attactu, seu afflatu, maximas inducere alterationes. Nunc quemadmodum resoluti corpore uniuerso, necessum est, ut motus ac sensus commune principium afficiatur. Quum uero singularis particula debilitatur, is duntaxat neruus temeratur, qui in uitiatam partem decurrit. Haud aliter uniuerso conuulso corpore, talis quæpiam pars offenditur, qualis in arbore cau-



dextrarum, sic ut ipsa sit nervorum omnium communis origo, non paucorum quidem in una parte. Sed si uel crus, uel altera manus forte fortuna conuellatur, constat nervorum, qui ad conuulsum membrum perueniunt, basim esse affectam. Si ergo uniuersum corpus dempta facie, spasmò corripitur, consentaneum est, uti communis omnium infra faciem nervorum origo conturbetur. Quàm non temere quis primum spinalis medullæ processum dixerit. Si uero in damni quoq; societatem facies pertrahitur, non solum eam partem, quæ ex spina procedit, sed ipsum cerebrum primariam sedem laborare fatebimur. Etenim labia sæpenumero conuulsa uidemus, item oculos, frontis cutem, mandibulam, similiter & linguæ radicem.

Conuulsio-  
nis tres spe-  
cies.

Omnes porrò conuulsiones & Græci, & Latini numero tres constituunt. Prima quidem Græcis emprostotonus dicitur, & Latinis ad anteriora contractio: Quum caput, ceruix, corpusq; reliquum in pectus contrahitur. Secunda opisthotonus, ea est latinis ad posteriora conuersio: Quum ad spinam & scapulas musculosum genus torquetur. Tertia tetanus, ea est æqualis tensio: Quum in neutram partem membra concedunt, sed rigida æqualiter distenduntur. Quam obrem & distensio, & non nullis rigor dicitur:

ut con



ut confertæ ex æquo binæ convulsiones uideantur, & quæ in anteriora trahit, & quæ in posteriora nititur. Hoc autem tres hæ differentia habent commune, quod plicari membrum nequeat quoquo modo spasmetur. A catalepsi discrepat tetanus, quod occupati præter inflexibilem rigorem nullam habeant sensuum usuram, qui distentis non auferuntur. In emprosthotono (ut latius explicem) caput in pectus contrahitur, ita ut nullo conatu id queas in sublime erigere, brachia incuruantur. Digiti superposito pollice in pugnum coguntur, respiratio coarctatur, uentri culus singultu quatitur, aluus siccescit, lotium suppressitur, aut omnino difficulter redditur, idq; bullans, & aquæ simile, non nullis etiam cruentum. Pulsus rarus, exiguus, incompressus. Quum longissimè quadraginta dies durat, quos si effugerint, sanescunt. In opisthotono grandiores ceruicis nerui tenduntur: quod in angina non nunquam accidit, aut purulentis oris tonsillis, hoc est, in inflammationibus locorum ad isthmum pertinentium (per isthmum oportet intelligere partem illam, quæ os & gulam interiacet) his caput inflecti nullo modo potest, oculi conduntur, illachrymantur, & carunculae angulorum, qui naribus propinquiore sunt, retrorsum contractæ nudantur, male mentumq;

Discrepan-  
tia tetani  
à catalepsi.

Emprostho-  
tonus.

Opisthotono-  
nus.



compinguntur, ut os dehiscere nequeat. Lingua sic præpeditur, uti nec cibum, nec potum transmittat, facies interdum ridentis speciem præbet, dentes strident, uultus rubet, spina riget, suræ implicantur, & tam infamibus subinde concussionibus exagitantur, ut difficulter ab assi-

**Tetanus.**

stentibus in lectulo contineantur. Tetanus pariter omnes totius corporis musculos occupat: tertiani ( inquit Hippocrates ) pereunt, aut quintani, aut septimani. Dij boni, quod monstrum, quod deforme spectrum, quod miserabile terribilamentum, homo in hanc calamitatem illapsus, ridentis speciem exhibet, sed profecto non ridet, ( huiusmodi risum efficere aiunt agreste apium, quod in Sardinia plurimum gignitur, & inde illud natum est

**Sardonicus risus.**

dictierium; Sardonicus risus. Quando nimis malo euentu risus constat. Erasmus olim dictum putat in profusius solutiusq; ridentes) est quando singulatim membrorum aliquod conuellitur, non uniuersum corpus, nec tum expectanda erit syndrome, hoc est, ea symptomatum congeries, sed ex affecto loco conspicua indicia dabuntur.

**Signa.**

Num ex plenitudine, hoc est, ex humoris cuiuspiam redundantia. Num ex egestate, hoc est, humidae essentiae penuria incidat, inuentu non admodum difficile fuerit: siquidem quum ab im-

modi-



molico labore, ab immoderatis uigilijs, à fame, sanguinis eruptione, alui profluuiio, ab aestuante febris oritur: quis dubitabit causam esse inanitionem? Si uerò temulento cuiquam, & uasto homini, qui in umbra, ac delicijs stertere consuevit, de repens obuencrit: patebit luce clarius, repletionis sobolem esse. Quæ uero per consensum est conuulsio, aut ex praua qualitate, noxijsq; uaporibus, aut ex narratione agri, aut ex proprijs signis innotescit.

Curationis pars magna est, salubris dietæ institutio, quæ in Tetano tenuis confert, in cæteris uero de plenitudine, quanto sunt diuturniores, tanto eam auctiorem expedit, habita semper doloris ratione, qui uehementer uires deijcit. Quare statim & ab initio cibus modicus offeratur, qui nullum negotium naturæ exhibeat, ptisanæ cremor, aut iusculum pulli gallinacei, aut luteum recentis oui aquæ saluæ incussum, aut sorbitiuncula ex friato pane & ceruisia adiecto pro gustu saccharo, decoctum quoq; cicerum cum menta, & petroselino. Quum uires forticulæ sunt, roborisq; plusculum habent, & morbi summus uigor mature expectatur, tenuissimo uictu uti licebit. Quum sunt imbecilliores, non licet sine graui noxa. Accidentibus enim uirtutem dissoluentibus ilico dandus est cibus.

**Dietæ.**



Hydromel bibant, quod hyssopi, aut thymbræ saporem referat. Quod si in uetustatem morbus cadat, & longiorem sui moram protendet, aut non usque periculosus sit, & extremarum partium unam aliquam occupans, cibus augeatur, & assus magis, quam elixus conducit, pipiones, turdi, merulæ, passercoli, galeritæ, perdices, ficedulæ, turtures, & aliæ huius generis auiculæ.

**Erasmianū  
prandulū.**

Erasmianum paretur prandiolum. Is à Fausto Andreliño per ministrum conuiui accersitus: Accedam, inquit, hac conditione, si nullos herus tuus præter formicas, ac muscas sumptus fecerit. Puer hero suo Erasimum uenturum renunciat, sed ut præter formicas, ac muscas nihil apponat. Hic faustus lepidi & festiui ingenij faciem subodoratus, pro formicis, cuniculos, pro muscis, minutas uolucres apparari iussit. Vitent pisces, olera, fructus, acetum, acidæq; omnia.

**Acria &  
acida crassi-  
tudinem se-  
cant.**

Gelidus humor non acida, sed acria expostulat. Vtraq; crassitudinem diffecant, tam acida, quam acria, eo duntaxat discrimine, quod illa cū frigiditate, hæc cum calore id præstent. Vinum potent tenue, & aquosum, quod celeriter per membra omnia distribuitur. Vinum (auctore Galeño) substantiæ copia neruis adfert conuulsionem, rursum autem qualitate sanat eam, quam fecit dispositionem, neruos calefaciendo, atque exiccando.



exiccando . Et si hoc facere nequeat, mortem  
 subsequi necessum est. Igitur si non sit usq; te-  
 nue, nec aquosum, pro consuetudine, & habitu,  
 & ætate ægrotantis attemperetur. Locus in quo  
 decumbet æger, calidus sit, & à perfrictionibus  
 tutus. Ignis ex aridis, ac apnijsq; lignis struatur,  
 potissimum antelucano tempore, & sub ueste-  
 ram, qua parte diei algor magis intenditur.  
 Quem hyems implicat, difficulter ex morbo re-  
 cipit, æstate felicius succedit. Asclepiades &  
 hoc posteriores multi, nec eruditionis commen- Cause.  
 datione incelebres, curationem auspicati sunt à  
 uenæ sectione, quum plenitudo officeret. Gale-  
 nus habet in Isagogico: Sanat uenæ sectio, si co-  
 piæ suspicio est, ut uidere licet apud Hippocra-  
 tem in illo, qui prolapsus humi uulnus in caput  
 acceperat. Neq; nos ab ea terremur, si sanguinis  
 copię suspicio sit, neq; eorum ullum reclamet,  
 quorum præcipuam assensionem ducimus. De  
 communi uena extrahi debet, nec semel, aut uni-  
 uersum ad animi usq; deliquium, sed partiri mis-  
 sionem oportet. Nec iterum tanta abundantia,  
 ut manifestus algor in corpore sequatur. Gale-  
 nus in libro de Plenitudine, & libro primo Ar-  
 tis curatiuæ ad Glauconem, ait: Vbi in febribus  
 conuulsio associatur, raro debet concedi uenæ  
 sectio, quamuis uideatur esse necessaria. Quia



conuulsio uigiliam atq; sudorem adfert, uiresq;  
 deijcit, idcirco relinqui debet sanguis, qui sit pro  
 necessitate paratus. Eadem hæc Auicenna sua-  
 det fen quarta primi, capite uigesimo. Deinde al-  
 uus clystere non admodum acri eluatur, et phar-  
 macum bibat, quod moderata subductione natu-  
 ram exoneret. Partes, quæ conuulsione tentan-  
 tur, & iam inordinatis motionibus quatiuntur,  
 magno studio in recta figura contineantur, &  
 unctis manibus oleo anethino, chamæmelino, iri-  
 no, susino diligenter perficientur. Quum frigi-  
 dus, crassus ac glutinosus humor morbum gi-  
 gnit, statim clyisma infundatur pro hoc modo:  
 ℞ saluæ, hyssopi, thymbræ, rutæ ana. m. j. an-  
 thos, stichadis, centaurij ana. m. ℥. seminis seseli,  
 carei, marathri ana. p. j. seminis carthami ℥. ℥.  
 polypodij ℥. j. pulpæ colocynthidis ℥. ij. co-  
 quantur, & excolato adde olei liliorum, et cha-  
 mæmeli ana ℥. j. ℥. mellis rosati ℥. j. benedictæ la-  
 xatiuæ ℥. ℥. salis modicum. Glandes quoque in  
 anum pellantur, & perungatur oleo rutaceo  
 cum opopanace. Mox castoreum exhibendum  
 censemus, & myrrham ad fabuli modum, aut  
 hammoniacum, et quod ex triplici pipere ecleg-  
 ma conficitur. Mithridatum etiam, theriacam,  
 & auream alexandrinam. Cervicem, & atton-  
 sum caput ungemus irino, costino, uulpino, lau-  
 rino



rino. Aquam quoq; calidam his infundere lice-  
ret, aut decoctum abrotani, pegani, saluæ, lau-  
ri, maioranæ, primulæ ueris, artemisiæ, ebuli, ro-  
rismarini, mentæ, thymi, polij, pulegij, lauandu-  
læ, & præsidium esset non in postremis collo-  
candum, nisi neruos frigori opportuniore red-  
deret. Quare uesticas calido oleo impletas ad-  
mouisse præstiterit. Noxius humor, si fieri po-  
test, concoquatur, syrupis è marrubio, sticha-  
de, calamyntha, è radicibus, è scilla, melle rosa-  
to, cum decocto betonicæ, melissæ, origani, thym-  
bræ, cicerum. aut aposema concinnetur pro hac  
forma: & hyssopi, sampsuchi, thymi, ana. p. j. ab-  
sinthij pontici, camedreos, camepitheos ana. p.  
f. corticis radice petroselini, rusci, sparagi ana  
3. f. anisi, fœniculi, seseli ana 3. j. coquantur in  
duabus partibus aquæ & tertia uini albi, cola-  
tura dulcoretur melle dissumato, & aromati-  
zetur cinnamomo, macere, nuce moschata &  
galanga. Post coctionem, si commodum erit, bi-  
bat hieram Hermetis, Ruffi, Archigenis, aut pi-  
lulas coccias, Indas, foetidas, è sagapeno, hermo-  
daetilis, agarico. Aut in hunc modum: & dia-  
phœnici 3. iiij. hieralogodij 3. ij. trochiscorum  
alandal grana. iiij. cum decocto centaurij exhi-  
beatur. Aut & saluæ, thymi, satureiæ ana. p. j.  
florum rorismarini, stichadis, ana. p. f. seminis



anisi, foeniculi, urticae ana 3. f. cnici 3. iij. radicis  
filiculæ 3. vj. coquantur in aquis betonicae &  
absinthij, in huius excolati uncijs quatuor &  
uncia una mellis rosati per noctem macerentur  
agarici recens trochiscati 3. ij. expressum cum  
tribus, quatuor ué granis salis gemmæ propine-  
tur. Si uis ut magis ducat, adde benedictæ laxa-  
tiuæ 3. iij. Purgato corpore sumant conseruam  
acori, inulæ, anthos, stichadis, Zingiber condi-  
tum, nucem moschatam, myrobalanum, chebu-  
lam, diagalangam, diambam, diamoschum, dia-  
trium pipereum, diospoliticū. Gargarissent de-  
coctum iridis, aristolochiæ, raphani, pæoniæ, pe-  
gani, saluiæ agrestis, rutæ, tarci. In ore uersent,  
dentibusq; terant pirethrum, struthium, staphi-  
sagriam, piper, castoreum, & affluentem sali-  
uam diligenter expuant. Sternutationes conci-  
tentur & odorent nigellam, rutam, cardamo-  
mum. Sudores proliciantur, & si commodè fie-  
ri queat, uniuersum corpus in calidum oleum  
demergatur, aut in calentem sanguinem recens  
iugulatæ animantis, aut in equinum finum, aut  
in solium ex decocto origani, lauri, ebuli, arte-  
misiæ, ederæ terrestres, mētæ, uulpis uiuæ, semi-  
nis lini, scœnigræci, radicis althææ, liliorum, sed  
in loco à perfrictionibus tuto. Guaiacum bibāt,  
cuius usum capite de Resolutione, docuimus.

Membra



Membra conuulsa siquidē ad tactum dura sunt, ac rigida unguento permulceri debent, quod non solum discutiat, sed pariter & laxet, emolliat, concoquat. Galenus ait in Introductione: Multi sanē cæratīs modicē recalescentibus, & relaxantibus utuntur, ad hæc inunctionibus similibus, nec non lanis oleo imbutis, et fomentis, et cataplasmatīs calidis. Pro hac autē consimili forma cōficiatur unguētū: ℞ olei liliorū, lini añ ℥. j. olei lumbricorum, laurini, terebinthinæ añ ℥. f. unguenti marciati, dialthæe ana ℥. vj pulueris nucis moschatæ, caryophyllorum, cubebarum ana ℥. j. euphorbij ℥. f. cum cæra fiat unguentum. Aut ℞ radicis althæe coctæ ℥. iij. distringatur per setaceum cribrum, & adde olei uulpini, liliorum, unguenti Agrippæ ana ℥. j. axungie anseris, gallinæ, medullæ cruris cerui, axungie taxi ana ℥. f. styracis liquidæ ℥. iij. castorei, sulphuris ana ℥. j. saluiæ, rorismarini, thymi, mentæ ana ℥. j. galliæ moschatæ ℥. ij. cum cæra & terebinthina fiat unguentum, quo affecta sedes imbuatur. Aliud, ℞ axungie canis, æluri ana ℥. j. chalbani, sagapeni, bdellij ana ℥. iij. olei costini, irini ana ℥. f. farine seminis lini. p. j. croci ℥. j. Membrum ipsum inuoluatur succida lana, aut omento recens occisæ pecudis, aut Pyrites lupina pelle, aut à uulpe detracta. Hæc ita dum pis.



fiunt, pyriten accipito: is est ignarius lapis. Qui si haberi potest (auctore Dioscoride) maxime probatur aeri similis, & qui percussus celeriter scintillat. Arabibus dici putant Marchasitam, Cuius copia si negatur, molarem (Græci mylitem dicunt) quo frumenta teruntur in mola. In hunc lapidem ab igne flammantem acerrimum acetum infundito, cui scilla intabuit, et conuulsam particulam sic adaptato, ut calidum uaporem per irrorationem aceti excitatū commodè excipiat, & circumpositis stragulis coopriatur, ut sudet. Exin absterfo madore malagma inducito, aut oleum cui incocta sit althea, & ruta, & radix syluestris cucumeris. Hoc præsidio aliquando usus sum, nec infeliciter cessit, sed magna tum laude, nec minori emolumento. In maturandis ac discutiendis scirris (attestante Galeno, decimoquarto de Curandis morbis, & secundo Artis curatiue ad Glauconem) mirificam operam præstat. Verum non nullum ab iteratione interuallum poscit, nec inter morbi initia adhiberi debet, sed quarto aut quinto die, & interim mollientibus linimentis utendum erit: alioqui tenuissimas partes absumeret. Cucurbitulæ præterea cum scarificatione admotæ prosunt, si crura contrahantur, coxis, et postremis uertebis. Si manu conuellantur, etiam dorso, & primæ ipsius



ipsius uertebrae, nisi imbecillum corpus existat,  
& suo ubiq; sanguine opus habeat. Semper me-  
mores, qui praescriptis unguentis, aut uetustissi-  
ma adipe, seu uetere oleo occipitium, ceruicem,  
scapulas, dorsum, spinam totam saepius perfrice-  
mus. Ipsa frictio quum omnibus in homine uer-  
tebris utilis sit, tum ijs praecipue, quae in collo  
sunt. Nec te perterreat superueniens febris, ea  
enim plurimis salutem attulit. Hippocrates ait:  
Si ebrius quispiam repente obmutuerit, conuul-  
sus moritur, nisi febre corripiatur, aut ubi ad ho-  
ram peruenerit, qua crapulae soluuntur, uocẽ re-  
cuperet. Et alibi à quartanis habiti non admo-  
dum conuulsionibus capiuntur. Si uero prius  
capiantur, & quartana superuenerit, liberan-  
tur. Nimirum (inquit Galenus) conuulsio quum  
fiat ab humoribus lentis, & pituitosis, qui par-  
tibus neuorsis inserti sunt: & horum humorum  
duplex sanatio sit, excretio, & concoctio. Am-  
bas habet quartana: excretionem quidem ex ri-  
gore, hæc enim sola agitatio est sufficiens excer-  
nere crassum humorem: Concoctionem uero ra-  
tione caloris febrilis, (obiter obseruatione di- Calor febrī  
gnum, quod febrilem calorem concoquere di- lis conco-  
cat) qui sequitur rigorem. Sed febrem conuulsio quit.  
ni superuenire melius est, quàm conuulsionem  
febri. Pueris quidem nuperrimè æditis, & ad

K



Pueri pro-  
cliues ad cō-  
uulsionem.

Anna Ber-  
gensis obiit  
conuulsio-  
ne.

Septimum usq; annum, promptius accidit, si fe-  
bris acuta fuerit, nec aluus deiciat, ac uigilent,  
paueant, lugeant, colorem mutant, & croceum  
& liuidum, aut rubidum trahant. Adultiores  
uero pueri, uiriq; in febre non prahenduntur  
conuulsione, nisi aliquod indicium extitit uali-  
dissimum, ac deterrimum, qualia per delirium  
accidunt. Pueros profecto ad conuulsiones pro-  
pterea procliues esse constat, & potissimum la-  
etantes, quia plurimo lacte utuntur, magisq; quo-  
ties id crassum fuerit. Iam intempestiue nutrian-  
tur, neq; cibationis opportunitatem expectant,  
nihil prater edendi uoluptate in uita pulchrius  
suauiusq; ducentes. Omne praterea nervosum  
genus imbecillum habent, ac debile. Quumq;  
triplex facultatum genus existat, quibus uniuersum  
corpus gubernatur, duabus quidem pueri,  
quam ceteri fortiores nituntur, una uero infir-  
miores, quae in neruis sita est. Quamobrem  
promptissime conuelluntur, & rursus ad pristi-  
num naturae habitum celerrime redeunt. Gale-  
no praterea uisus est nunquam podagricus con-  
uulsionem pati. Quod habet quadragesimo-  
no libri sexti Aphorismorum. Vtinam nec mi-  
hi uidere cōtigisset, Generosissima domina à Ber-  
gis, Anna illustrissimi principis Domini Adol-  
phi Beueriēsis coniunx post longos, diutinosq;  
manuum



manuum, ac pedum articulares cruciatus con-  
uulsa, me præsente interijt anno quingentesimo  
quadragesimoprimo, octaua februarij, hora pri-  
ma à meridie.

Fœmina nestoreos dignissima uiueret annos,  
Nunc sit cum superis umbra locata choris.

Cæterum (attestante Hippocrate) est, ubi in  
tetano, sine ulceratione, iuvene bene carnosio, Curatio te-  
tani.  
estate media, frigida aquæ multa perfusio calo-  
rem reuocat, calor autem soluit. Aqua non sua  
ui frigida morbum soluit, sed ex accidenti, quia  
calorem reuocat. Aut enim uincit, aut colligit  
naturæ calorem frigida uis. Vincit, quum debi-  
lem comperit: colligit, quum fortem. Paulus  
Ægineta hoc genus curationis nequaquam pro-  
bat. Frigida, inquit, superinfusionem, quum sit  
(quemadmodum ait Hippocrates) periculosissi-  
ma, eoq; posteris, credo, uituperata, et nos dam-  
namus, deuitamusq;. Quo in loco Hippocrates  
curationem hanc periculosissimam dixerit, non  
memini me legisse. Auerrhous profecto sectione  
tertia, capite primo Collectaneorum, in hunc mo-  
dum ait: Ea uero quæ similibus peragitur, hoc  
est ex accidenti, summo pere uerenda est. Ut  
quum aquæ frigida perfusio affectum ab intem-  
perie frigida profectum sanat. Meatus enim con-  
stipantur, densaturq; cutis, atque calor intus fit.

K 1



Valescus  
non cōtem-  
nendus.

cumulatior, pariter & ualidior. Quamobrem  
ea nobis minimè usurpabitur, nisi si ad hanc nos  
traxerit necessitas. Sed præstat Valeschū à Tha-  
ranta laudare: uerum si quid iudico, in arte non  
contemnendum, quamuis inter barbaros annu-  
meretur: Sic enim logiatri isti præ se solis om-  
nes appellant. Planè impium, ac sceleratum du-  
co bonos uiros irridere, & contumelijs incesse-  
re, quibus non licuit, propter temporis infelici-  
tatē literatiores fieri. Si mihi obtigissent, quum  
docilis esset ætas, scientes Græce, ac Latine præ-  
ceptores, non obstitisset ingenium, nec ipse mihi  
iniquior defuissem, quominus extra barbaro-  
rum classē (quando hoc nomine traducere lu-  
bet) aliquousq; promouissem. Nunc pro nostris  
opibus moenia extruimus. Sed ut dictærio lo-  
cum faciam: Cædimus, inq; uicem præbemus ter-  
ga flagellis. Catonis uaticinium ad Marcum fi-  
lium scribentis subijciam, id narrat Plinius li-  
bro uigesimonono naturalis historiæ, capite pri-  
mo in hunc modum: dicam de istis Græcis, Mar-  
ce fili, suo loco, quid Athenis exquisitū habeā,  
& bonum sit illorum literas aspicere, & non  
perdiscere. Vincam nequissimum, & indocile  
genus eorum. Et hoc puta uatem dixisse: Quan-  
docunq; ista gens literas suas dabit, omnia cor-  
rumpet. Tunc etiam magis, si medicos suos huc  
mittet



mittet. Sed ne quenquam exasperem, uerbulum non addidero. Hic, inquam, Valeschus sic habet capite de spasmus: Isto modo curavi iuuenem uiginti annorum, de quo desperabatur in Morlanis, quamuis non multum erat carnosus. Habui ferè uiginti urceos plenos aqua, & quatuor uiri ægrum ipsum erectum tenuerunt. Ego autem omnes urceos euacuavi supra collum, & omnia inferiora membra eius, & statim posui eum in lecto, & post unam hora cum dimidia unxi ipsum à collo usq; ad postremum spondilem, ac tibias, & brachia, cum dialthea, & marciato, & agrippa, cum oleo castorei, & dedi sibi brodium pullæ, & uere nihil amplius feci, et in eadem nocte curatus fuit cum dei auxilio. Alium curavi in Burdegalis, qui erat Anglicus, sed iste fuit corpulentus, per modum superius dictum. Itaq; satius est aliquid non nulla fiducia, uel cum periculo facere, quàm adempta spe certo perire & potentibus extremisq; præsidij pugnare, quàm nihil agere. Semper melius est anceps auxilium, quàm nullum. In quo tamen desperata omnino salus est, nec ullum patet effugium, imprudentis artificis fuerit, apud uulgum infamare remedia, quæ multis opem contulerunt. Theriaca (Galenus ad. Pisonem præconio) tetanicos haud parum multos persanauit, neruos calefa-

Curatus in  
Morlanis.

Curatus in  
Burdegalia.



ciens, tensiones ipsorum relaxans. Quemadmodum etiam partium resolutiones saepe curans, spiritu recreato in naturalem statum reduxit, & motus particulis reddidit.

Curatio ex  
crasso spiri  
tu.

Quod si à crasso, & nebuloso spiritu nerui tendantur: quod cubantibus in lecto saepenumero accidit, ut eorum surae contrahantur: qui si tam diutinus fixusq; affligeret, quam est tristis, acutusq; dolor, profecto maiori opera, & diligentiore expensione indigeret. Nunc quia facile dissipatur, minus satagimus. Affecta pars magno nisu in contrarium dirigatur, & oleo irino, costino, uulpino, lumbricino foueatur, & de cocto baccarum lauri, cumini, chamæmeli, meliloti irrigetur. Edât anisi aut marathri semen. Id de periculo compertum habeo, si quem noctu surae contractio frequenter infestat, dormiturus caligas induat de lana tenui contextas, aut lineas etiam lupina pelle subductas. Quum inflammatio offensam parit, uena fodiatur, et anodynis medicamentis ipsa percuretur. Si ex melancholico succo gignitur, concoquentibus, purgantibus, malassantibus, discutientibus opus erit. Quod si lege consortij adueniat, ex angina uidelicet, aut tonsillis, pleuritide, phrenitide, uermium copia, locorum uitio: ipsum symptoma sic curabimus, ne præcipuum studium primariæ



mariae causae succidamus. Cæterum in convulsione, quæ ex inanitione est, & penuria nutritientis substantiæ, humidum victum præstitueri oportet, & lac offerre cum melle, si febris non uetat, aut æstuosus calor, idq; detracta prius spuma, quominus excrementosum sit, & magis adijciat. Quinetiam & ipsum mel si super candentes ex quercu prunas coquatur, ac curiosè despumetur, optimum alimentum fuerit. Malum quidem mel, multam egerit spumam, quo etiam diutius coqui debet. Probißimum uero, ut breuissimo tempore coquitur, ita minimum spumæ euomit. Sorbitiones quoq; exhibeantur ex pinguibus iusculis succulentarum carniū, & oua tremula, testes gallinacei, eorum scilicet qui nondum calcauerunt, ptisanæ cremor, caricæ passulæ, pinei nuclei. Vino utantur tenui, & aquoso, aut hydromelle. Somnus omnibus modis conciliandus. Difficilis admodum est in præsticcis constitutionibus restauratio: siquidem cibus per se ipsum cum corpore coalescere nequit. Nisi enim ipsum corpus suo calore, humidoq; proprio cibum excipiat, ac inde putrefaciat, subigat, immutet, ac immutatum confectumq; sibi sua facultate adijciat, omnino emacrescet, & nutrimento destitutum exolefcet. Hanc porro operam nec sibi, nec epulis torridum corpus præsta-

Dieta in cō  
uulsione ex  
inanitione.

Constitutio  
sicca diffi-  
cilē restau-  
ratur.



re potest. Quare maximum sanè malum, ac pro-  
pemodum Herculeum, & inuictum liquet, ex  
inanitione & siccitate spasmus. Id breui sermo-  
ne ueridicus senex attestatur: Conuulsio, ait, ex  
elleboro mortalis: conuulsio ex uulnere morta-  
lis. Vbi sanguis plurimus fluxit, singultus, aut  
conuulsio superueniens, malum. In uigilijs con-  
uulsio, malum. Sunt enim ex ijs, quæ maxime  
emaciāt, atq; exiccant uigiliæ. Et Galenus (cu-  
ius et uerba, et sentētijs perquàm libenter incul-  
co: quando mortaliū nullus (Hippocratem exci-  
pio) maiore cū fructu dixit unquā, nec puto di-  
cturū postera secla dabunt) libro duodecimo de  
Curādīs morbis ait: Scire licet quæ ex nimia sic-  
citate dislētio oritur, si modo curabitur, hume-  
ctationē poscit. Cæterū curatu perdifficilē esse,  
uel potius quæ curari omnino nō possit, si febris  
occasione cōtrahitur. Succedit maxime exitiali  
phrenitidi: nec sanatū quempiam ita conuulso-  
rum, aut ipse uidi, aut aliū narrātē audiui. Nam  
temere conuulsio uel ex plenitudine, neruosarū  
partium incidit. Qua ratione eos, quos magna  
phlegmone premit, adoritur, uel ex mordēte et  
tenui humore qui neruosa corpora rodāt: uel ex  
ingēti frigore, quod tale quippiā, quale gelu ef-  
ficat: atq; hæ tres cōuulsiones subinde percurā-  
tur. Sed quæ ex neruosarū partiū siccitate pro-  
uenit



uenit, insanabilis est. Cuius quæso testimonijs præterea indigemus, uel clarius, uel ex auctoritate magis pronunciantis? Et si hisce assertionibus cōtentus omnino cōticescerem, nec uerbulū ullum adijcerem, æquum esset ignoscere de tabula tollenti manum. Sed quoniam non omnes moriuntur, quibus mortalia signa insunt, & quis interdum præter omnem spem seruatur, pauca subnectam in solamen ægrotantis, & ad amicorum flagitationes, si fors præter opinionem nostris uotis deus aliquis aspires. Popularis est sermo, qui nec omnino uanus exhibitur: Sexcentorum medicorum calculis addictum morti præstat, quàm per paucorum senatorum sententia. Ægrum igitur humectantibus oleis fouebimus, & leui scalptu unctis manibus ceruices, spinas, uertebras omnes confricabimus. In quem usum conferunt oleum uiolaceum, nymphæ, cucurbitæ, lini, papaueris, rosarū, amygdalarum dulcium, sesaminum, butyrum recens, axungia anseris, gallinæ, anatis, medulla uituli, œsypum, unguentum resumptiuum, dialthea. Quod si aluus suppressa nihil reddat, acribus commouenda non est, sed mollientibus, & lubricantibus, pro hoc modo: ℞ hordei. m. j. uiolarie, maluæ, altheæ, brancæ ursinæ ana. m. f. seminis lini, fœnigræci, cotoneorum ana. p. j. glycyrrhizæ s.

Non omnes moriuntur quibus insunt mortalia signa.

Medicorum sententia minus metuenda quàm senatorum.

K 5



iij. passularum exemptis nucleis ꝓ. ij. dactylo-  
 rum numero. vj. caricarum. ix. coquantur in  
 iusculo pinguis carnis, & adde excolato olei li-  
 ni, butyri recentis sine sale, sacchari rubri ana ꝓ.  
 j. lutea ouorum recentium. ij. iniiciatur. Oleum  
 quoq; per se infusum prodesse potest. Postea ad  
 lauacrum deducatur, non ut sudet, aut fatigetur,  
 sed in solio tepentis aquæ ociosus consideat, aut  
 in lacte recens mulcto, aut decocto agninae car-  
 nis, porcellinae, vitulinae, anguillarum, tincarum,  
 mustelarum, aut in sanguine animantis à cultro  
 adhuc spirantis. Extractus perungatur hoc, aut  
 consimili unguento: & radicis altheae coctae, &  
 per setaceum cribrum districtae ꝓ. ij. olei viola-  
 rum, lini, butyri recentis sine sale ana ꝓ. j. axun-  
 giae anseris, gallinae, vituli oesypi ana ꝓ. v. muc-  
 laginis, psyllij, seminis cotoneorum ana ꝓ. iij. ca-  
 rae quantum satis sit. Crebro bibat aquam sac-  
 charatam, aut uiolatum iuleb, aut ptisanam, aut  
 dilutum hydromel. Sumant conseruam boragi-  
 nis, circij, nenupharis, corticem citrei coctam,  
 diatrachantum, diapapauer, eclegma resum-  
 ptium, aut placentulas, quas mazapanes, seu  
 marcipanes appellamus. Vel paretur huiusmodi  
 confectio: & pulpae perdicis eligi ꝓ. ij. amygda-  
 larum mundatarum, & per noctem in aqua sac-  
 charata maceratarum ꝓ. iij. pinearum recen-  
 tium



tium ad eundē modum maceratarū ℥. j. seminum  
 frigidorum purgatorū añ 3. iij. seminis papaue-  
 ris albi 3. ij. seminis maluæ, cotoneorum añ 3. j.  
 corticis citrei cōditæ 3. vj. passularū paruarum  
 ℥. j. tragachātæ 3. ij. cōseruæ uiolarū, boraginis,  
 buglosi añ 3. iij. lutea recentiu ouorum cruda  
 iij. butyri recētis sine sale modicū sacchari per-  
 purgati. ℥. f. aquæ rosatæ quantū satis sit artifi-  
 ciosæ confecturæ. Quod si dolor conuulsionem  
 pariat, is confestim, si fieri queat, anodynis so-  
 piatur, & applicetur calens à furno panis oleo  
 roseo, melino, seu uiolaceo imbutus. Aut is in bu-  
 bulo lacte maceretur, & cum oleo anethino, cha-  
 mæmelino, ac croci momento pinsetur. Si narco-  
 tico eges: ℞ olei rosarum ℥. ij. olei anethi ℥. f. se-  
 minis papaueris albi 3. ij. opij 3. j. croci 3. f.  
 Aut ℞ olei ranarum ℥. ij. succi lactuæ ℥. j. olei  
 chamæmeli ℥. f. croci 3. j. Si ex clauis, acus, Curatio ex  
 subulæ, alterius uē mucronati punctura oritur, neruo pun-  
 protinus terebinthina feruēs aut oleum euphor- cto.  
 bij intra uulnuscum stilletur. Aut ℞ olei lum-  
 bricorum ℥. j. terebinthinæ ℥. f. euphorbij 3. j.  
 salis pauxillulum. Aliud ex libro sexto de Me-  
 dendi methodo: ℞ ceræ 3. ij. terebinthinæ, picis  
 ana 3. j. euphorbij subtiliter puluerisati 3. f.  
 Quod si ualentius efficere uis in corpore uideli-  
 cet sicciore, & robustiore auge euphorbium, et



Curatio ex  
uentriculo.

utere in nervis punctis, locum fouendo calente oleo. Nervus nudatus minimè feret huius uim, sicut cum interposita cutis est. Galenus ait tomo tertio Artis medicinalis: nerui uero, & punctura propter sensus uehementiam, & quoniam hæc pars principio continuatur, prompta est ad neruorum conuulsionem excitandam, ac tum præsertim, quum nihil extorsum expirat, obcæcato cutis uulnere. Aperiendum est igitur, atque exiccandum substantia tenui, quæ usq; ad nerui offensi ima possit penetrare. In hoc euentu aloë elota, & in multo oleo soluta utere, & ijs, quæ minima cum rosione siccant, melle etiam cum rosaceo, & terebinthina lota. Quum unà cum cute nerui contunduntur, emplastrum concinnetur, ex oxymelle, & sabacea farina. Quod si dolor quoq; infestet, adde picem liquidam bene coquendo, & calens imponatur. Si ex erosione uentriculi, & morsu æruginosæ cholæræ malum sobolescit, non aliud remedium fuerit efficacius, quàm ilico uomitum commouisse. Galenus habet libro quinto Aphorismorum, commento primo: Alias uidimus conuulsiones fieri adolescenti, qui æruginem euomebat. Præstat æruginem, & non æruginosum uomitum nominare. Erat enim talis, qualis, quæ uera ærugo nominatur, florentissimus. Verum inter uomendum totum cor



tum corpus conuulsum est, & ærugine euacua-  
ta febris statim, & conuulsio cessabant. Tale au-  
tem erat, quod euomuerat, sicuti, si quis opti-  
mam æruginem aqua perfunderet, adeo ut ex eo  
rum unione talis substantia exultaret, quæ de-  
fruti crassitudinem repræsentaret. Et libro duo-  
decimo de Morbis curâdis: Tenuēs, et acres hu-  
mores quum in ore uentris sunt collecti, non nun-  
quam conuulsiones crebras accersunt. Veluti  
dudum illi contigit, qui paulopost, æruginosum  
humorem euomuit. Satiū uero sit, non æruginoso  
dicere, sed exactam planē æruginem. Ve-  
rum huic adolescenti cum conuulsione, & syn-  
cope, etiam guttæ quædam frigidæ, & pulsus  
in summo gradu paruus erat. Ex quibus quum  
conijcerem in ore uentris (quem publice stoma-  
chum uocant) rodentem aliquem contineri hu-  
morem, dedi illi aquam tepidam bibere, post  
quàm protinus tale quid euomuit, quale si ipse  
facere uelles, floridissimam æruginem aquæ mi-  
sceres. Quum igitur talis humor in uentre con-  
stitit, uomitu est expellendus, quū in intestinis,  
inijcere per sedem conueniet, quod eluere hu-  
iusmodi humorem sit aptum. At id deterius  
sit, omnino oportet, ac rosione carens. Eius ge-  
neris maxime est ptisanæ cremor. Cibi uero his  
exhibeantur, qui & boni sunt succi, nec facile



corrumpantur. Si ex iniuria frigoris malum in-  
uadit, necessum est ipsum caloricis depellere.  
Si ex corruptela genitalis seminis aut è loco ali-  
quo uirulenti humoris afflatu. Sanguis pro exun-  
dantiæ modo minuatur, & mox purgatiuum  
pharmacum, si eo erit opus, offeratur, tum ini-  
mica qualitas commodis medicamentis restin-  
guatur. Quod reliquum erit, pro iam dictis per-  
curetur. Si ex ictu uenenatæ animantis, cucur-  
bitulæ cum scarificatione, aut hirudines loco  
percusso, & quo afflatus est noxæ, affigantur,  
theriacam sumant, & alia quæ diximus cere-  
brum & neruosum genus corroborantur.

CAPVT TRIGESIMVM.  
secundum de Retractione oris.

Phydias  
Mineruam  
sculpsit.

**V** Ideor mihi eo propemodum agi (quod  
Galenus quoque alicubi assumpsit) quo  
Phydias olim: qui post illud Mineruæ  
simulachrum, sculpere coactus est seorsum, nūc  
quidem digitum, nunc uero brachium, & pe-  
dem, nunc manus, nunc aures, & hoc pacto re-  
liquorum membrorum singulatim quodq;. Si-  
quidem de resolutione ampliter atq; prolixè, &  
de conuulsione sermone non minus ex porrecto  
disseruimus. Et nunc cogor de eisdem affecti-  
bus, quando os & mediam faciei partem obsi-  
dent, uer-



dent, uerba facere. Cogor autem maiorum & auctoritate et cōsuetudine, qui in suis Commentarijs particulatim hæc uitia tractauerūt. Quæ uero ratione adducti sint, uti eam operam insumerent, non admodum difficilis est coniectura. Etenim ipsius oris retractio, & formidabilis faciei distortio frequenter accidit. Quæ ut causam habet ambiguam, si perperam curetur, in omnem uitam turpis comes hominem debonestat. Quare nec nugax, nec infrugiferum cense-ri debet, quod singulari studio conati sint explicare, quam obstare intelligebant difficultatem. Et nos, licet fastidij periculum urgeat, minorem tamen gratiæ, quàm utilitatis respectum habere decreuimus. Ergo quum mandibularum muscu-li, & narium, ac palpebrarum in obliquum de-clinant, nec rectam figuram conseruant. Id eue-nire necessum est, aut ex paralyssi, aut ex spas-mo. Sed hoc opus, hic labor est, internoscere, utra affectio in uitio sit. Quapropter certas dif-ferentiæ notas perpendere oportet, ex quibus sententia certa & inconfutabilis colligatur.

Resolutionem porro indicant turbatiores  
sensus, lenitas cutis, nec ulla ipsius dislentio, ita  
ut horsum uorsum adducta, leuiter sequatur.  
Musculi quodam stupore corripuntur, in ore  
plurima saliuæ natat, inferior palpebra succum

Resolutio-  
nem indi-  
cantia.



bit, & quæ supernè imminet, prolixior etiam deuergit, oculumq; operit.

**Conuulsio-  
nem demon-  
strantia.**

Conuulsionem demonstrant capitis dolor, egrescentis oculi nuditas, genarum ad tempora conuersio, cutis rigor, narium hiatus, salivæ paucitas, labiorum conspicua distortio, & in modum cynici rictus retractio. Canis quum irritatur, exasperatus ringit, & dentes denudans oris partes contendit. Ob quam causam Cynicus spasmus Aëtio est dictus. Paulus Aegineta libro septimo ait: Colocynthidis medulla exhibetur rectè conuulsis, ut in utranq; partem deprauata sit facies, qui cynicus spasmus dicitur. Ergo hæc indicia diligenter collata non obscure ostendent, num ex paralyti, spasmò uè faciei partes conturbentur. Nunc quo pateat euidentius, ac luce clarius constet, quum utraq; pars non afficitur, utra afficiatur, dextrà ne an sinistra, haud multis logis est opus, si mentem adhibeas. Oculi temeratae partis non aptè clauditur, palpebris non ritè commissis: sputi proiectio, & spiritus exufflatio, nisi ab incolumi parte perficiuntur. Quippe quæ labefactatur, aut efflare, aut expuere nequit. Iam si iubeas commoueri, aut labia, aut genas, aut palpebras, non mouebunt nisi lateris intacti. In oris hiatu resolutis pars sana trahit agram, in conuulsis agra & affecta pars



## RETRACTIONE ORIS 529

pars trahit sanam. Galenus ait libro quarto de Affectis locis: Musculo quæ dexteram partem mouet, resoluta, ipsa ad sinistram flectitur: at si is, qui sinistram mouet, resoluitur, ipsa trahitur ad dexteram. Haud secus & totam mandibulam, & narium pinnas, & utrasq; genas, quas à muscosa latitudine moueri didicistis, in aduersam partem inflecti contingit. Et libro secundo de Morborum causis: Ipsa enim in ijs, qui altera parte resoluti sunt, trahitur à musculis actionem facientibus. At in ijs, quos altera parte conuulsio occupat, à musculis conuulsis. Quid Auicenna in capite de Tortura, uelit, nō satis assequor. Aut plane fallitur, aut incommodè translatus est. Eo paragrapho, à mollificatione uero facta &c. Affectum hunc oboriri sæpius conspexi ex subita ac uehementi ira, inflatis, tensisq; uenis. Habet & causam frigidam, ac pituitosos humores. Et quia sine cerebri noxa nō incidit, maiorem profecto curam exigit. Hippocrates ait: In febre non intermittente, si labrum, aut nasus, aut oculus, aut supercilium peruertitur, si non uideat, si non audiat, & iam debilis sit, quicquid horum fuerit. Corrigitur hoc faciei Curatio. malum non aliter, quàm cætera aut resoluta, aut conuulsa, membra corriguntur. Ab initio quidem cauere oportet, ne extenuandi & exic-



candi eximia ui prædita adhibeantur, neq; cathartica potenter exoluentia offerantur. Sed sensim infesta materia concoquatur, & euacuetur, nisi tristior morbus accelerare cogat. In aëre uersetur, calido & lucido, si lucem non refugiant oculi, & præsertim post dies aliquot acceptæ iniuriæ. Sanguis mittatur, si plurimus est, ex humeraria lateris afflicti. Deinde uulnerentur, quæ sub lingua cubant. Clysteres, glandes, decocta diluta, distillata, syrupi, deiectoria, uomitoria, eclegmata, confecta, cataplasmata, linimenta, emplastra, irrigationes, uaporationes, sudationes, fricationes, sacculi, sinapismi, apophlegmatismi, gargarismata, errhina, odoramenta, suffitus, cucurbitulæ, hirudines, pro modo in prægressis enarrato salutariter adhibentur. Occipitio autem, & ceruici, si quæ extrinsecus applicabuntur, ad mouenda erunt. Illud quoq; magnopere iuuerit, si ad probum speculum scilicet pius uultum componat, & aceto, cui sinapi incotum fuerit, faciem frequenter perluat. Victu in principio utatur tenui. & post materie ruinam, si morbus porrigitur, cibum augeat.

## CAPVT TRIGESIMVM

tertium de Sternuatione.

**S**ternutatio est subitus ac proprius motus Cerebri, quo se excutit, et impeditos narium meatus



meatus: tibicinum exemplo tibiās fistulasq; pur-  
 gantium. Quamuis non nunquam ex accidente  
 humorum quoq; in pulmonibus residentium re-  
 medium sit. Nares ut ipsæ inspirationi inserui-  
 rent à natura fabricatæ sunt. Sed præter hanc  
 necessitatem, & ipsam odorum dignotionem,  
 alia quoq; utilitas est accessoria, ad expurgatio-  
 nem uidelicet cerebri, per quas nisi hoc uiscus  
 sua defunderet superuacanea, teterrimis morbis  
 obnoxius esset homo. Galenus ait octauo de Vsu  
 partium corporis humani. Quum namq; uen-  
 triculi cerebro subiecti excrementa ex conti-  
 nentibus eos corporibus confluentia non raro  
 excipiant, frequenter utiq; apop'lexijs occupa-  
 retur animal, nisi uiam aliquam horum effluxui  
 idoneam hic quoq; natura excogitasset. Sed ne-  
 que cogitari melior potuit, ampla simul, & de-  
 cliui. Ab intus igitur foras per narium meatus  
 excrementa efferuntur. Itaq; nares permeabiles  
 esse conducit, quales ut sint, subitus ille cerebri  
 motus pulchrè præstat. Quem non solus aër per-  
 ficit, qui in cerebrum recipitur, ac rursus ex eo  
 reflatur. Sed primitus magna & ualida præit  
 inspiratio, qua totum pectoris cauum plurimo  
 spiritu impletur, deinde comprimente se thora-  
 ce, & accingente, non ad expirationem, quam  
 faciunt uniuersi thoracē contrahentes muscoli,

Narium uti-  
 litas.

Sternuta-  
 tionis mo-  
 dus.



sed ad exufflationem, quæ uehemens est expira-  
tio, hanc intercostales maxime promouent. Hic  
omnis spiritus semel, et undatim ad foramen-  
tum propellitur, quod est in oris cælo, exiliores  
semitas narium excipiens ostium, et iter pitui-  
tæ ex cerebro in expuitionem labentis. Sub id  
ergo propulsus ex pulmonibus flatus obuiat  
aëri in capitis cauernulis contento. Mox natu-  
ra suorum operum prudentissima utitur hac co-  
pia, et conspirante abundantia ad excussionem  
eius, quod molle cerebrum nequiter offendit. Et  
est uapor, aut uentus, aut urens humor: et la-  
xat, purgatque narium obstructos tubulos. Gale-  
nus ait libro septimo Aphorismorum, commen-  
to quinquagesimo secundo: Opinari solum aë-  
rem, qui ex capite excernitur, esse quod sonat,  
est manifeste falsum. Nam liquidò apparet de-  
subter ex pulmone elatus aer uniuersim se com-  
primente thorace, sed et antecedente inspiratio-  
ne fieri sternutamentum: natura aggregante aë-  
ris copiam ad sternutamenti generationem. Et  
secundo de Causis symptomatum: Neque mirum  
uideri debet, spiritum unico impetu et ex pul-  
mone, et ex capite mitti. Etenim in tractatu de  
Musculis, indicauimus cerebrum thoraci princi-  
pium motus transmittere, à thorace uero distrin-  
gi, contrahi que pulmones. Quum igitur insurgit,  
ut ea



ut ea quæ nares infestant, expellat, utroq; utitur expirationis meatu: altero quidem quem ipsum per se fecit: altero uero neruis ueluti longis quibusdam manibus in thoracem demissis, per hos enim illum contrahit. Per ossa uero, quæ à percolandi officio ethmodea uocantur, ipsum uaporantem emittit spiritum. Iam quia plurimus aër uno ueluti gurgite, impetuq; collecto per angustiores tramites erumpit, procul exaudibilem sonorem excit. Proprius quidem motus cerebro, naribusq; propterea dicitur. Quia quum cæteris corporis particulis sic prospectum sit, ut potentes ualeant ea elidere, quæ intus pressa turbam moliuntur, huiusq; excretionis commodum habeant modum, ac stratas uias, per quas fuga capeßitur. Sic & cerebro naribusq; non pœnitenda sors obtigit, ipsisq; non pessimè prospectū est. Alius retrimenta pessum mittit: uentriculus uomitione se leuat: pulmones pituitam tußicula expectorant. Cerebrum, naresq; sternutamēto sibi medentur. Galenus ait: Sternutamenta ualidiorem quàm tußis habent spiritus impetum, atq; aliam generationis suæ causam. Quippe nō ob ea, quæ asperis arterijs, sed naribus molesta sunt, spiritus uehementer emittitur, cum quo ex prioribus quoq; cerebri uentriculis non nihil emitti solet. Proinde tußis.

Sternutationis utilitas



Sternuta-  
tio non sem-  
per utilis.

Morituri  
non sternu-  
tant.

capiti nihil conducit. Sternutamenta uero haud  
mediocre praesidium afferunt capiti uaporibus  
oppleto. Neq; tamen semper utilis est concussio  
haec, quemadmodum nec alui fluor, nec omnis  
uomitibus, nec ipsa pertussis. Non nunquam in-  
tempestiua uires frangit, caput implet, mate-  
riae coctionem impedit. Quae incommoda in ui-  
scerum inflammationibus, in febribus, in graue-  
dinis cruditate obueniunt. Morbo si probe con-  
cocto, & uiribus non nihil recreatis superue-  
niat, ut indicium est non obscurum naturam prae-  
ualuisse, ita non mediocriter subleuat. Contra  
si in hoc sit medicus, ut idoneis medicamentis  
sternutationes proritet, & omnino non respon-  
dent, signum est difficile fore curationem quod  
que res in ancipiti uoluatur. Quandoquidem  
naturae facultates iam praemortuae apparent,  
quum neq; sensifica uis sentiat, & ociosa suc-  
cumbat expultrix. Hac ratione qui morti sunt  
proximi, & iam accincti, ut hinc sese recipiant,  
abeantq; in longinquam regionem, eorum ne-  
mo, quamuis id strenue coneris, sternuet. Aristoteles  
ait problemate nono tomi trigesimitertij:  
Quum capitis calor humorem, spiritum ue con-  
uincit, tunc moueri sternutamentum solitum  
est. Quamobrem moribundos interdum sternu-  
tatorio excitamus, tanquam si hoc affici neque-  
ant, spes



ant, spes uulla salutis sit. Malo est præterea statim à concubitu, foeminis concipere cupientibus. Nempe quum corporis omnia ualido concussu tremefactet, prius genitale semen excutit, quàm se penetrabilibus matricis insinuet. Salutaris est lethargicis, soporatis, & capitis grauitate affectis. Parturientibus quoque succurrit, & morantes secundas egregie proturbat. Hippocrates inquit libro septimo Aphorismorum: Sternutamētum fit ex capite calefacto cerebro, aut humectato, eo quod in capite, inani. Galenus uero subiicit: Non omnis sternutatio fit calefacto cerebro, uel humectato eo, quod est in capite, inani. Pennis igitur nares quidam irritantes, sternutant. Et quod dicit, humectato, superfluum est ad sternutamenti generationem. Si enim & aliquis humor in corpore superabundat, non facit sternutamentum, nisi in uentum conuertatur. Et hoc manifestè uidetur in multis, qui copiam humoris per nares excernunt, et tamen propterea non necessario sternutant. Soli enim hi sternutant, qui ita affecti sunt, quibus mordax est ea, quæ à capite fluit humiditas, celsi quid mordax naribus imponas. Itaq; nisi uapor, aut hoc tenuior uentus, aut utroq; crassior succus sensificam facultatem lancinet, nullus unquam sternuerit. Sic capite ex solis æstu calefacto.



Homo plus  
quàm cæte-  
ra animalia  
sternutat.

Et, aut natiuo calore corroborato, ob cuius imbecillitatem prius erant superfluitates aggregatæ, harum fit eliquatio, ebullitio, expansio, mox eliquatæ, ebullientes, expansæ, cerebrum feriūt.

Homo supra cætera animalia impensius propterea sternuit: quia pluri, & multipliciore, ac plus quam satis sit, cibo uescitur, potuq; repletur. Ob hoc nec ipsum quidem, ut expedit, conficere uallet. Proinde multam humiditatem colligit, et ob hanc multum cogit spiritum, qui utpote tenuissimus ad cerebrum ascendens, ipsum continuo impellit, ac proritat ad egestionem, & sternutamentum. Iam non minus offendit externa refrigeratio, & ex somno repentina expergescacio. Quinetiam fumus, puluis, pomorum, ac flosculorum fragrantia, esus capparum, alliorum, nasturcij, erucæ, sinapi, & aliorum acrium. Com mouent ueratrum, struthium, piper, zingiber, staphisagria, euphorbiū, ciclamen, castoreum, iris, aristolochia, cuminum, nitrum, nigella, si in puluerem comminuta naribus insuntur. Vbi tamen usus poposcerit, ipsum puluisculum præstabit in foraminulenta pixide agitatam naribus subijcere. Aut ipsius particulam nucleo specilli intra nasum indere, ne altius, penitius ué temerario impulsu illapsus quidpiam interni, tene-

Duratio. riq; uisceris temeret. Nimias sternutationes  
coercent



coercent, si calor nocumento est, oleum roseum, melinum, salignum, uiolaceum, nympheum. Gelida quoq; in faciem affusa, solani succus, aut lactuca gargarissatus. Si frigus incommodat, nardinum calens in aures stilletur, frons ac tempora liniantur costino, irino, rutaceo. Decoctum anesi cum apio, si odoretur, saluti est. Mirrha auxiliatur cum thure & uino odorato trita, & naribus illita. Varro existimauit sternutamenta consilescere, si palmam altera manu confrices. Sunt qui iubeant annulum è sinistra in dextræ longissimum digitum transferri. Hæc fieri non possunt sine meditatione, quæ quum motus quidam sit, calefacit. In aquam quoq; frigidam manus demittere conducit. Nasi confricatio, & angulorum, qui oculis sunt interni, mirifice iuuat. Capitis in altum eleuatio, lacertorum pandiculatio, ilium intentio, spiritus cohibitio, palati defricatio, subitus animi motus, seu repens consternatio. Hæc enim omnia modo quodam naturæ calorem expergiscunt. Auicenna inquit: luuantur infantes hausta per nares sanie, quæ ex semiaßis renibus distillat. Apollonius habendas in ædibus ciconiarum pennas censuit, atque ita fieri, ut nequaquam infantes sternuant.

Quod pro numine inopinatum, subitumq; sternutamentum passim scribatur, & tanquam

Sternutamentum pro numine habetur.



augurale signum prædicetur, quod uel aduersam, uel prosperam fortunam denunciet: in causam adducunt occultarum rerum scrutatores, quod de capite membrorum omnium præcipue diuino proficiscatur. Ex qua sede, quum inibi regnet, ac triumphet anima, suum arcanum primitus patefacit. Cæteri uero flatus omnino ratione morbi, nec ut aliquid præfagiant, à natura soluuntur, Timotheus Atheniensis classe di-

**Timothei**  
**Athenien-**  
**sis ducis**  
**uersutia.**

micaturus aduersum Corcyreos, gubernatori suo, qui proficiscenti classi signum receptui iam cœperat dare, quia ex remigibus sternutamentum quendam audiuerat: Miraris, inquit, ex tot milibus unum perfrixisse. Vt ineptum metum excuteret, quem malo omine gubernator conceperat. Sic Penelope ex filij sternutamento procos trucidandos uaticinabatur, apud Homereum libro decimoseptimo *Odysseæ* inquit: Proci in nostris ædibus conuersantur, singulisq; diebus boues, ouesq; ac pingues capras sacrificantes epulantur, rubrumq; bibunt uinum, nec spero impune. Nam si in patriam *Vlysses* rediret, statim unà cum filio uim procorum propelleret. Sic ait: *Telemachus* uero sternutauit, & per domum sonitus magnopere auditus. Penelope autem risit, ad *Eumeneum*q; conuersa inquit: Num uides, quod in singulis uerbis filius sternutauit?

**Penelopes**  
**uaticinium**

**Quamobrem**



Quamobrem mors procorum iam, puto, sequetur. Observatum præterea comperio, si **Sternutatio**  
 egrotans uir semel dumtaxat sternuat, quod is egrotantis  
 morbi ferocia uictus occumbet. Si uero gemit, uiri quid significet.  
 net, bisq; sternuat profligato morbo reualescet.  
 Contrà in foeminis, si qua grauitè habens semel **Sternutatio**  
 sternuat, salubre signū existimatur: si uero bis, foeminae egrotantis  
 funestum & exitiale. Aristoteles in Problema- grotantis  
 tis quærit, Cur quæ de medio noctis ad meridiem usq; moueantur, damnemus: quæ de meri- quid indicet.  
 die ad noctis medium, approbemus? An quia  
 quum rem aliquam exordimur, tunc sternutamentum potius obseruandum est? Itaque quum **Aristotelis**  
 rem agere proximis, atq; inter initia sternuisse problema  
 accidit, amouemur, remq; inceptam proseguere de sternu-  
 uetamur. Dies igitur, & aurora & de medio tatione.  
 usq; noctis quasi initium quoddam est. Itaq; omni-  
 nosum tantisper sternutamentum esse putamus,  
 temperamusq; sternutare, ne pergentem quem-  
 piam ad agendum, reuocemus. Post meridiem  
 uero, atq; medium usq; noctis, finis ueluti qui-  
 dam est, tempusq; illi contrarium, itaq; contra  
 tunc & existimatur, & agitur. His subijcere  
 non pigebit & attexere quæ beatus Augustinus  
 de his nenijs habet sermone ducentesimo qua-  
 dragesimo primo de tempore: Illas, inquit, non  
 solum sacrilegas, sed etiam ridiculas sternuta-



540 DE STERNVTATIONE.

tiones consyderare, & obseruare nolite. Sed  
quoties uobis in quacunq; parte fuerit neces-  
sitas properandi, signate uos in nomine Iesu Chri-  
sti, & symbolum, uel orationem do-  
minicam fideliter dicentes, se-  
curi de Dei adiu-  
torio iter  
agite.

F I N I S.



BASILEÆ, PER  
HENRICHVM PE-  
TRI, ANNO  
M. D. XLIX.

*Chartarum series,*

†\*a b c d e f g h i k l m  
n o p q r s t u x y z.  
A B C D E F G H I K L.

*Omnes sunt quaterniones.*







